

*image
not
available*

6165

676

Library of



Princeton University.

Elizabeth Foundation.

~~XIV~~ 914-24.
IO. VALENTINI FRANCKII

PHILOS. D.

C A L L I N U S

SIVE

Q U A E S T I O N I S

DE

ORIGINE CARMINIS ELEGIACI

TRACTATIO CRITICA.

ACCEDUNT

TYRTAEI RELIQUIAE

CUM

PROOEMIO ET CRITICA ANNOTATIONE.

ALTONAE ET LIPSIAE

SUMTIBUS I. F. HAMMERICH.

MDCCCXVI.

THE UNITED STATES OF AMERICA

DEPARTMENT OF THE INTERIOR

BUREAU OF LAND MANAGEMENT

WASHINGTON, D. C.

OFFICE OF THE ASSISTANT ATTORNEY GENERAL

WASHINGTON, D. C.

1911

RECEIVED

1911

CAROLO. FRIDERICO. HEINRICHIO,

PROF. PUBL. ORD. KILIENSI,

VIRO CELEBERRIMO.

S. P. D.

IO. VALENT. FRANKIUS.

Quartus abhinc annus est, Heinrichi, Vir praestantissime, quum Tibi et qui praeterea iudices tunc erant a Rege Augustissimo constituti in distribuendis praemiis a Samuele Sciassio, nobilissimo Batavo, magnorum virorum, in his Graevii et Marquardi Gudianii, amico, academiae nostrae iam dudum legatis, commentationem obtuli de historia carminis elegiaci apud veteres. Quae quum vasta esset scribendi materia, summatim omnia perstringere coactus eram.

(RECAP)
26165
676

17790

Accepto praemio invitatus, et confirmatus tua auctoritate, ampliorem de hoc argumento apparatus colligere coepi, usus praecipue academicae nostrae bibliothecae opibus, in quibus aperiendis nosti et laudare consuesti singularem Kordesii nostri litteratissimi et quotidie melius merentis liberalitatem. Unde mox, ut fit, subnatum mihi consilium, partis cuiusdam historiae illius singillatim paullo copiosius accuratiusque tractandae. Animadverteram autem, nihil esse in hac historia, quod tali opera magis indigeret, quam ipsam elegiae originem, ideoque ad hanc potissimum colligendi curam ac diligentiam converti. Sic tantus paullatim materiae cumulus accrevit, ut in ipsa iam quaestione paratas opes dissimulare, quam novas conquirere, difficilius esset. Locuples vero haec materia magnum disputationis ambitum afferebat, in quo sedulo cavendum erat, ne impediretur continuae argumentationis series, si quid forte, quamlibet ad rem necessarium, loco attulissem parum idoneo. Quod quum saepius mihi accidisset (potest autem facillime in tanta rerum varietate), identidem vel integrum librum vel singulas eius partes retractavi, do-

nec tandem eum in ordinem, qui nunc obtinet, omnia redigerentur. Nec poenitebit me huius operae, si modo hoc fuerim consecutus, ut, si cui non insolitum fuerit, in alterius argumentandi rationem ita se insinuare, ut etiam per varias viae ambages (neque enim ubique, ut scis, praesertim in his litteris, trita rectaque via licet incedere) et per longum spinosae subinde disputationis tractum expedire se non defugiat, is igitur ut ne singula tantum quaestionis momenta ponderare, sed omnium etiam coniunctionem, ac finem, quo spectent omnia, perspicere et ob oculos semper habere possit sine maiore saltem, quam quae posita est in re ipsa, lectionis molestia. Dissecare disputationis tenorem etiamsi voluissem, id ad facilitatem lectionis adiumenti non multum, aliis autem nominibus incommodi plurimum videretur habiturum fuisse.

Nondum absoluto hoc libro, quem ab inventore elegiae Callinum inscripsi, quaerebatur, qui in solennitate inaugurationis Regiae, ea quum superioris anni aestate esset agenda, pro obtinendis summis in philosophia honoribus publice apud nos di-

sputaret. Iam, ecce, hortantur et instant mihi duumviri suo in genere principes, Reinholdus, illo tempore Decanus amplissimi philosophorum ordinis, cui in philosophia, et Tu, Heinrichi, cui in his antiquitatis studiis quantum debeam, nulla unquam delebit oblivio, ut dissertationis loco libri particulam quandam illustri exhiberem ordini philosophorum, thesesque publice defenderem. Ego quum nollem cunctando et recusando tergiversantis speciem induere, nutumque talium virorum imperii instar haberem, obtemperavi.

Nunc tandem Tibi, Heinrichi, Vir egregie, tra-
do integrum librum, quem scribendum Tuo horta-
tu susceperam, additis etiam, quas haud ingratum
munus Tibi spero futuras, Tyrtaei reliquiis, ut po-
tui, a me emendatis. Licebit autem de Callino
meo idem Tibi profiteri, quod ad M. Brutum de
Oratore suo scripsit Cicero: *Volo mihi tecum
commune esse crimen, ut, si sustinere tantam
quaestionem non patuero, iniusti oneris impositi
tua culpa sit, mea recepti: in quo tamen iudicii
nostri errorem laus tibi dati muneris compensabit.*

Et cui potius dicatas velim quantulascunque istas ingenii primitias, quam Tibi, Heinrichi, qui ita me incendisti Graecae et Romanae antiquitatis amore, ut in hac sedem quasi ac domicilium studiorum meorum collocare statuerem? qui insigni Tua in me benevolentia mihi his litteris operam navanti animum addidisti? qui praeivisti mihi doctrina et exemplo? qui arctiore, qua me dignatus es, consuetudine tua, qui consiliis, qui monitis Tuis studia mea es moderatus? Quid dicam de Regio instituto philologico, cuius sodalis Te potissimum iudice factus, exercitationum interpretandi et Latine scribendi Te duce ac moderatore usus sum? quid de praemiis Sciassianis, quibus in me ter collatis Tu cum ceteris iudicibus humanissimis excitare iuvenilem operam meam voluisti? quid denique de voluntate et, fas est dicere, de amicitia, qua etiamnum me prosequeris, ex quo et ego in hac academia studiosis iuvenibus antiquitatem explicare aggressus sum? Liber meus quantopere Tua, Heinrichi, et Tui similium virorum indulgentia indigeat, dum limo, in dies magis sentire coepei. Sed Tua et optimi cuiusque philologi humanitate

VIII EPISTOLA AUCTORIS.

fretus tandem aliquando limare desii, memor
Quintilianae vocis: *Opus poliat lima, non ex-
terat.* Vale, Vir eximie, et perge, quaeso,
favere studiis nostris. Scripsi in academia Ki-
liensi a. d. V. Id. April. a. c1616cccxvi.

C A L L I N U S

S I V E

QUAESTIONIS

D E

ORIGINE CARMINIS ELEGIACI

TRACTATIO CRITICA.

A

THE UNIVERSITY OF CHICAGO

LIBRARY

1911

CHICAGO, ILL.

Nihil in omni antiquitatis scientia plus iucunditatis simul habet et utilitatis, quam antiquae poesis docta et accurata cognitio. Haec vero exploranda cuiusque generis origine incredibilem in modum adiuvatur, non tantum quod hinc totius generis pervestigatio debet incipere, sed etiam quod haec explorata eius origine facilius fere procedit. Nonnunquam etiam de omni genere non licet nisi cognitis eius primordiis recte iudicari, ut de tragoedia et aliis fortasse formis. Et elegiaci quidem carminis historia adhuc adeo iacet neglecta, ut nuper demum Conradus Schneiderus, invitatus, ni fallor, Schlegeliorum commentariolo quodam, quod isti per Athenaeum suum prodiderant, fuerit ausus de carmine elegiaco Graecorum in Heidelbergensium virorum, quae vocantur, Studiis exponere, et ultra Souchaeum, Gallicum hominem, sapere, qui de eodem argumento pingui Minerva, ut aiunt, sed tamen paullo melius scripserat aliis, quos enumerare nihil attinet, historia autem carminis elegiaci, quae hoc nomine digna sit (pace Schneideri illius dixerim) usque adhuc desideretur. Nec mirum. Nam talis historia fundamento carebat, donec de origine carminis huius non obiter et quasi aliud agendo, sed dedita opera disputaretur; id quod nemo adhuc facere aggressus est, quum tamen omnes nossent, quam fuerit res ea iam apud veteres controversa. Et est sane elegiacum genus critica historia longe dignissimum, quippe quod et argumentorum varietate et poetarum, qui hoc genere utebantur, vel multitudine vel ingenio, vix

epico, cuius progenies est, cedere videatur. Itaque operae pretium fecisse putandi sunt Alexandrini grammatici, quum in eo plurimum contendebant, ut huius generis ortum investigarent. Accedit, quod et ipse inventor carminis tum antiquissimus fuit, tum poetica facultate insignis maxime. Nam primum nullus poeta, ne Hesiodus quidem, uti videtur, propior fuit Homero, ideoque inventio elegiae in aetatem incidit eam, in qua iuvat *αἰδὼν* reperire ab Homero et Homeridis diversum, eundemque adeo novi generis inventorem. Deinde Callinus Ephesius, poeta bellicus, quem inventorem elegiae fuisse certis, ut spero, argumentis docebo, poetica virtute tantum excelluit, quantum expectari ab eo potest, qui post epicam poesin ad summum ab Homero fastigium eductam immutando metro heroico elegiaci generis inventor existit, eoque facem praetulit omnibus, qui nova deinceps metra excogitabant. Erunt, qui dicant, omitti a nobis fructum ex hac quaestione percipiendum praecipue, hunc quidem in eo ponentes, quod posthac nemini dubium esse possit, quin elegia, quae scilicet hoc nomine digna sit, esse debeat bellica, ac postea, quum eadem ad amatoria et lugubria argumenta usurparetur, gravissimum hoc genus poesis effeminatum deflexerit de natura sua. Contra alii clamabunt, veram elegiae naturam a Mimnermo aut etiam a Simonide demum esse perspectam, ignoratam adhuc ab inventore. Sed utrosque confido intellecturos, quantam argumentorum varietatem elegiacum genus admittat, si ea considerarint, quae exposita sunt a nobis de eo, quod intersit inter Horatianam sententiam de elegia primum lugubri a somniis grammaticorum, eandem lugubri argumento optime etiam convenire existimantium.

Obiter de origine carminis elegiaci, praeter scriptores totius historiae eius, disseruit Boettiger, vir celeberrimus, in commentatione Musei Attici de tibiae inven-

tionem Marsyaeque supplicio, et Henr. Waardenburgius in prolusione de argumento et natura optimaque forma elegiae, inserta Opusculis eius: quo scripto fateor me haec commentantem minus aegre caruisse; quippe excerpta inde, quae debebam amico, ostendebant, eo quidem in opusculo hunc Batavum esse alterum quendam Souchaeum, ac parum aut nihil inesse prolusioni eius, quod huc pertineat, neque ex hac nostra disputatione, si operae pretium videatur, refutari perfacile possit. Proditum quidem est ab eo Heynii quaedam epistola: sed haec neque simpliciter agit de origine elegiae, et idem fere continet, quod habet eiusdem annotatio in Tibulli editione novissima p. XXI seq. in qua quidem hoc unum est memorabile, quod apparet, sensisse tamen Heynium, virum summum, *ἐλεῖγους* distinguendos esse ab *ἐλεγεῖοις*, et hoc esse generis nomen, illud non item. Multo maioris momenti Boettigeri est disputatio ista, ubi praecipue vir eximius id egit, ut occasionem inveniendae elegiae cantu tibiae dextrae et sinistrae datam esse ostenderet. Quae sententia ab aliis recepta, ab aliis repudiata, a nemine dum ita, ut par erat, ad iudicium est vocata. Et nos quidem in Appendice docere conabimur, impares tibias esse ab elegiae origine alienas. Quum vero Boettigeri sententia, ut ibi ostendam, vera non sit, profecto tamen neque digna est contemtionem, in quam temere illam adducere voluit Conr. Schneiderus in Stud. Heidelb. Vol. IV. p. 13 seq. nempe ad Schlegelii aliquod in eam acute dictum provocans. Et Schneiderus quidem hoc nomine Boettigerum vituperat, quod omnino quaerere ausus sit, quomodo inventa sit hexametri et pentametri copulatio, quae distichum appelletur. Talia enim inventa ex ipsa hominum natura enasci, mentis autem intimos recessus aperire in hac humani ingenii imbecillitate non licere. At, mihi crede, Boettiger haud ignoravit, fontem inventionis in inventoris ingenio esse

quaerendum, nec voluit explorare, quomodo inventum sit metrum elegiacum. Immo occasionem duntaxat inventionis in tibia dextra et sinistra sibi reperisse visus est. Quod quum ipse Schneiderus sensisse videatur, hoc magis iniquum est eius de Boettigero iudicium. Neque etiam iure vir doctissimus reprehendi posset, si indicasset, quomodo orta sit elegia. Non enim prohibet, credo, humani ingenii imbecillitas, quo minus intelligas, metrum elegiacum ita esse ex heroico conformatum, ut alterius cuiusque hexametri pedi tertio et sexto syllabae in thesi positae detraherentur. Veruntamen longe gravior est ac difficilior quaestio, quis sit huius inventor carminis; cui addas licet, quaenam eius et patria et aetas fuerit. Sed de patria quidem et aetate singillatim quaerere opus non erit, si fuerit demonstratum, recte a quibusdam grammaticis inventorem elegiae habitum esse Callinum. Hunc enim Ephesium fuisse omnes consentiunt; nec nisi cognita eius aetate res demonstrari potest. Unde apparet, in quaestione de origine huius carminis, quatenus ea criticam tractationem requirit, neque in refutanda Boettigerei sententia de tibia dextra et sinistra versatur, ad illam quaestionem, quae veterum iam ingenia exercuit, redire omnia, quis sit inventor elegiae. Pauca, quae passim sunt tam a Boettigero quam ab aliis de hac quaestione allata, satius putavi in ipsa argumentatione suis locis commemorare. Quaedam sciens omitto, nec nugae quascunque soleo recensere, ne quid scilicet ignorasse videar.

In ipsa gravissimae quaestionis tractatione via et ratione procedam, nec vereor, ne cui iusto longior disputatio videatur, sine qua res ad liquidum perducere nequeat, praesertim quum multa ibi occurrant necesse sit, quae aliorum, ut spero, traduci non sine aliqua utilitate possint. Aliena a proposito et rerum, quae in vulgus notae sunt, aut ultro patent, copiosam pertracta-

tionem pari cura defugi: sed in iis, in quibus summa et caput quaestionis est, ab omni parte considerandis et extra dubitationem ponendis ita medium tenere studui; ut, vere dicam, nimius tamen quam parvus videri maluerim. Quanquam, quod salva argumentationis integritate omitti potuerit, ego saltem vix reperio, exceptis fortasse iis, quae de Callino Ephesio cum aliis Callinis non perturbando dicta sunt, quae tamen et ipsa certe non abhorrent ab instituto nostro. Ceterum corrupta loca, quibus utendum est, emendare soleo, quum correctionis aut breviter licet rationem reddere, aut ratio ultro apparet peritis lectoribus, sed ita tantum data opera tueri emendationem meam, si depravatio praesentem loci usum tollit, aut etiam res, de qua sermo est, in ipsa correctione vertitur. Sed ad rem veniamus, et obliviscamur aliquamdiu, Callini nomen vel fando nobis esse auditum. Ante omnia enim videndum est, ne perdamus operam. Nempe quaeritur, an quidquam omnino constitui de elegiae inventore possit.

Mirarer equidem, nisi ab exploranda elegiae inventionem plerosque absterruisset Horatii locus in Epist. ad Pison. v. 75 seqq.

*Versibus impariter iunctis querimonia primum,
post etiam inclusa est voti sententia compos.*

*Quis tamen exiguos elegos emisit auctor,
grammatici certant, et adhuc sub iudice lis est.*

Nam, ut rem omnem paucis complectar, si lugubris initio fuisset elegia, ut Horatius putabat, ἄλγος quaestio esset de eius origine, ideoque modestiae poetae tribuendum est; quod adhuc sub iudice litem esse dixit, quum iudicem ne exspectari quidem posse, et falsam nullam non grammaticorum sententiam esse censeret; in quibus duae sunt, quarum alterutram alioqui non modo potuisset, sed etiam debuisset veram habere, nunc vero minime potuit. Sed singula paullo diligentius perse-

quamur, et ita quidem, ut ab interpretanda Horatii sententia capiamus initium, ubi *querimoniam* de lugubri argumento iam olim Plotius recte accepit, de Metris p. 2634. Quam explicationem data opera tueri si cui supervacaneum videatur, sciat esse, qui amatoriam querimoniam intelligere malint propter antithesin *voti sententia compos*. At enim ex hac in neutram partem quidquam consequitur. Nam si vera est nostra interpretatio, opponuntur sibi querula et laeta carmina, et illa quidem lugubria, haec amatoria fere, quod genus Alexandrinis maxime ac Romanis placuisse constat. Ovidii versum in Sapphus Epistola ad Phaonem (si tamen haec est Ovidii), Heroid. XV, 7:

Flendus amor meus est: elegia flebile carmen,
aliorsum pertinere, deinde patebit. Quum vero hactenus omnino ambigua videri possit *querimoniae* interpretatio, tum etiam altera ratio, qua amatoriam significari querimoniam putant, duplici modo iniri potest, prout Horatium aut re vera amatoriam querimoniam principem elegiae materiam facere, aut omnino non generatim de carmine elegiaco, sed unice de amatoria elegia loqui credas, et hanc dicere primum querulam, deinde etiam laetam fuisse. Illa Anglici cuiusdam et Gallici scriptoris, Dartii et Blanci, sententia est, recepta a Barthio in editione Propertii p. LXXXIX. haec Conr. Schneideri, qui unice hanc veram esse affirmat in Stud. Heidelb. Vol. IV. p. 56. Sed Schneideri sententiam nemo facile probarit, nisi qui mox Horatium contendere credat, de amatoriae elegiae inventore certare grammaticos. Taceo enim, *versus impariter iunctos* vel per se generatim elegiacos esse. Restat igitur praeter nostram nonnisi una Dartii et reliquorum interpretatio, et quaeritur, utrum Horatius principem elegiae materiam lugubrem, an amatoriam fererit querimoniam. Nos primum docere conabimur, non posse de amatoria cogitari;

deinde nostram interpretationem similibus grammaticorum sententiis confirmabimus, depravatis tamen accessione novi erroris de lugubri argumento elegiae maxime consentaneo.

Amatoriae elegiae eiusque querulae nemo nescit primum auctorem fuisse Mimnermum. Quodsi Dartinam fueris interpretationem amplexus, istum poetam Horatius elegiaci carminis inventorem censuisse putandus erit. Verum enimvero Mimnermum nemo unquam veterum tradidit inventorem elegiae; quidquid dicunt Orion Thebanus *περὶ ἐτυμολογιῶν* apud Ruhnken. ad Callim. Fragm. T. I. p. 439 ed. Ernest. auctor Etymologici cuiusdam inediti ibid. et Plotius de Metris p. 2654, qui tamen et ipsi Mimnermo non tribuunt inventionem elegiae, sed ab aliis tribui putant. Isti nimirum non melius, quam quidam perelegantes hac nostra aetate viri, instar omnium Wielandus ad Horat. Epp. Vol. I. p. 126, intellexerunt Alexandrinorum dicta; quorum unum ad nos pervenit, Hermesianactis apud Athen. XIII. p. 597 seq.

*Μίμνερος δέ, τὸν ἡδὺν ὃς εὖρετο, πολλὸν ἀνατλάς,
ἤχον καὶ μαλακοῦ πνεῦμ' ἀπὸ πενταμέτρου, etc.*

Excusare solent Hermesianactem, qui Mimnermo inventionem elegiae tribuat: quod falsum esse, nec tamen magnopere vituperandum, quum lenioris Mimnermus et amatoriae inventor fuerit elegiae, quam Alexandrini, eius potissimum exemplum secuti, tanto cum studio excolebant. Sed, obsecro, quid aliud dicit poeta, quam invenisse Mimnermum dulcem sonum et quasi spiritum mollis pentametri, hoc est mollem lenemque elegiam? Nemo unquam, quod sciam, facillimum hunc locum recte explicavit, praeter Boettigerum in Att. Mus. Vol. I. Fasc. 2. p. 538. et Mohnikium in Historia litterarum Gr. et Rom. Germanice scripta Vol. I. p. 205, qui tamen verae falsae interpretationem mirum in modum

immiscuit, veramque apud eos etiam sibi visus est reperisse, qui falsam prodiderant. Eodem pertinet Propertii illud, I, 9, 11:

*Plus in amore valet Mimnermi versus Homero;
carmina mansuetus lenia quaerit Amor.*

Quem locum Vulpius, ne quid dicam de novissimo editore, et nuper etiam Harlesius ad Fabric. Bibl. Gr. Vol. I. p. 733 ita sunt interpretati, ut *Mimnermi versum* pentametrum elegiacum sive omnino elegiam esse, et huius inventionem Mimnermo tribui censerent. Neutrum verum est. Loquitur poeta de amatoria elegia, eamque Mimnermianam dicit eodem modo, quo epicam poesin Homericam, non quod inventor, sed quia praecipuus auctor eius fuit Mimnermus. Burmanni ceteroqui doctissima est annotatio: de hac re quae eius sententia sit, nemo videt. Sed Brœukhusius, se recte Propertii mentem percepisse, eo declarat, quod comparat Ovid. Remed. Amor. v. 381 seq.

*Callimachi numeri non est dicendus Achilles:
Cydispe non est oris, Homere, tui.*

Quamquam huius loci paullo alia ratio est, quandoquidem *Callimachi numeri* dicuntur numeri, quibus Callimachus Cydippen scripsit, id est elegiaci, ut Cydippes fragmenta declarant, post Bentleium optime a Valckenario tractata in Callim. Eleg. Fragm. p. 210 seqq. et opponuntur numeris, quibus Ilias condita est, id est heroicis. Attamen hic quoque nonnisi de amatoria elegia sermo est. Haec igitur utrobique opponitur epico carmini, et a Propertio Mimnermiana, ab Ovidio Callimachea dicitur, quod recte utrumque fieri potuit, quum elegiacorum principem poetarum alii Mimnermum, ut Horatius Epist. II, 2, 100 seq. alii, quorum Quintilianus I. O. X, 1, 58 recepit iudicium, Callimachum censerent. Inventorem elegiae profecto non magis Mimnermum

Propertius, quam Callimachum Ovidius credidisse existimandus est.

Et quomodo, quaeso, Alexandrini et Romani Mimnermum, quem convenit fuisse Solonis aequalem, inventorem elegiaci carminis habere poterant, quum exstarent tot antiquiorum poetarum eiusmodi carmina, quorum ad nos pauca et exigua fere ex communi bonorum librorum naufragio fragmenta pervenerunt? Astium enim, qui in libro vernacula lingua de philologia scripto p. 89. Mimnermum recte a veteribus inventorem verae elegiae existimatum, Callini autem ac Tyrtaei carmina formam tantum cum vera elegia communem habere pronunciat, e sequentibus, si tanti est, refellere non erit difficile. Nos istam opinionem de Mimnermo inventore carminis elegiaci unquam apud veteres habito relinquamus Orioni Thebano et quos praeterea ante commemoravi, qui quidem non melius, ut dixi, quam nostri, Alexandrinorum dicta intellexisse putandi sunt. At, inquit, Orion Thebanus non suam, sed Didymi Alexandrini affert sententiam. Audio. Sed hoc ut verum sit, quid aliud inde efficies, quam Alexandrinorum dicta male ab Alexandrino iam intellecta esse? Proinde vel sic id, quod praecipuum est, concedendum erit, neminem veterum elegiaci carminis inventionem tribuisse Mimnermo. Sed illud etiam negandum est, Orionem Didymi hac de re afferre sententiam. Dicit grammaticus: "Ελεγος, ὁ θρήνος, διὰ τὸ δι' αὐτοῦ τοῦ θρήνου (de lendum τοῦ θρήνου, quod hoc loco ex inepta interpretatione profectum, et hinc in Etym. M. v. "Ελεγος translatum est) εὖ λέγειν τοὺς κατοικομένους. εὐρετὴν δὲ τοῦ ἐλεγέλου φασὶν (quod verbum iure Ruhnkenius addidit) οἱ μὲν τὸν Ἀρχίλοχον, οἱ δὲ Μίμνερμον, οἱ δὲ Καλλίνον παλαιότερον. ὅθεν καὶ πεντάμετρον τῷ ἡρωϊκῷ συνῆπτον, οὐχ ὁμοδραμοῦντα τῇ τοῦ προτέρου δυνάμει, ἀλλ' ὅσον συνεκπνέοντα καὶ συσβετνύμενον ταῖς τοῦ τελευτήσαντος τύχαις. οἱ δὲ ὕστε-

ρον πρὸς ἅπαντα ἀδιαφόρως. οὕτω Δίδυμος ἐν τῇ περὶ ποιη-
τῶν. Neminem fugit, opinor, verba ὅθεν καὶ πεντάμε-
τρον etc. non esse ad ea, quae proxime antecedunt, sed
ad initium loci referenda. Nec minus sane apertum est,
verba εὐρετὴν δὲ usque ad Καλλίνον παλαιότερον, quae me-
dia sunt, quaeque errorem de Mimnermo continent, non
esse Didymi, ut reliqua, sed Didymi verbis vel ab ipso
Orione vel ab aliena manu admixta, et loco, ut fieri
solet ab istiusmodi scriptoribus, parum idoneo tanquam
ἐν παρενθέσει collocata.

Orioni Thebano et sociis commenti eius addas licet
testem non magis locupletem, Marium Victorinum Art.
Grammat. III. p. 2555, ubi: *Alii vero*, inquit, *Archilo-
chum eius* (metri elegiaci) *auctorem tradiderunt, qui-
dam Colophonium quendam, super quorum opinione
apud grammaticos magna dissensio est.* Nempe Colo-
phonium illum, cuius nomen controversum esse Victo-
rinus dicit apud grammaticos, Mimnermum esse, quem
plerique Colophonium ferebant, certum H. Valesio vi-
detur, Emend. IV, 14. p. 118 ed. Burm. et aliis, veri-
simile Ignatio Liebelio in Comment. de Vita et Scriptis
Archil. X. p. 28. qui praeterea Isidorum commemorat
Orig. I. p. 55: *Nam quidam eorum* (grammaticorum)
Colophonium quendam (sic scriptum), *quidam Archi-
lochum auctorem atque inventorem volunt.* Quod si
non contendere, sed docere voluissent viri docti, respi-
ciendum erat ad Marii Victorini verba, quae primo
adspectu rem dubiam et incertam reddere videntur:
*super quorum opinione apud grammaticos magna dis-
sensio est.* Erant sine dubio Victorini tempore gram-
matici, qui Mimnermum Colophonii nomine significari
arbitrabantur. Sed ipsa dissensio praeter Mimner-
mum alterum quoque Colophonium fuisse declarat,
de quo alii cogitarent. Est autem alter ille Colopho-
nius Polymnestus, de quo Plinius, vel quisquis est

alius*): *Sunt qui credunt, illum invenisse heroica, item elegias.* Nam Colophonium fuisse hunc Polymnestum; omnes consentiunt. Sufficiat testem omnium antiquissimum excitasse, Pindarum apud Strabonem XIV. p. 643 (952). Commentum istud a Plinio memoratum non solum temporum ratione falsum arguitur, quoniam Polymnestus narrante Plutarcho de Musica p. 1132 C. Terpandro recentior fuit, sed vel propterea absurdum est, quod heroica simul et elegiaca a Polymnesto inventa dicuntur. Atqui idem Plutarchus ibidem auctor est, in utroque genere Polymnestum navasse operam, eundemque poetam etiam Pausanias affert *ἐπὶ Λυκεδαίμονιαις ποιήσαντα*, I. p. 35. Nonne igitur manifestum est, commentum deberi Graeculis, qui Polymnestum alicubi legerint auctorem fuisse heroicorum et elegiarum, *ἐλεγείων τε καὶ ἐπῶν ποιητὴν γεγονέναι*, et inventorem fecerint, qui auctor tantummodo, sive generis elegiaci et epici auctorem, qui nonnisi carminum elegiacorum et epicorum auctor fuit? Eiusdem erroris aliud exemplum in Clona et Terpandro posthac videbimus. Quid ergo? Graeculi isti non poterant Polymnestum simpliciter Colophonium, Colophonium poetam, Colophonium vatem, appellare. Poetas autem, qui soli tali appellatione uti poterant, ridiculum illud commentum de Polymnesto

*) Horatii interpretes et alii, in his Rabenerus Amoenit. Hist. Philol. p. 175. Polymnestum in eorum numerum referunt, qui vel elegiaci vel epici carminis inventores habiti sint, sed nullum nominant huiusce sententiae auctorem. Verba, quae supra posui, affert et Plinio assignat Souchaeus in Comment. Acad. Inscript. Paris. T. VII, p. 355, sed omisso loci certo indicio. Frustra quaesivi locum, et interim in Gallici hominis auctoritate acquiescere coactus sum. Accuratius, ut spero, locum significabit Schneiderus, vir clarissimus, cuius utinam ne diutius desiderentur Antiquitates Colophoniacae, ubi plura se de hoc Polymnesto, quam annotationis ambitus ferebat, allaturum promisit ad Pind. Fragm. T. III. p. 89 ed. Heyn.

inventore carminis elegiaci suum fecisse nullo modo credibile est. Sin vero Mimnermum Colophonii nomine significatum esse statueris, facile intelliges, quomodo omitti nomen potuerit, siquidem Victorinum et Isidorum de poetarum locis loqui credas, qualem paullo ante Hermesianactis attuli et Propertii. Ut enim Homerum Chium, Hesiodum Ascræum poetae nominant, sic etiam Mimnermum, qui elegiacorum fuit Horatio iudice princeps, omisso nomine Colophonium poetam dicere potuerunt. Quamobrem non damus tantum, sed ipsi nobis docuisse videmur, eos, qui Colophonium quendam, si Mario Victorino et Isidoro credideris, carminis elegiaci inventorem ferebant, non Polymnestum, sed Mimnermum Colophonii nomine significasse. Sed hoc ipsum quaeritur, an istis credendum sit, Colophonium illum omnino elegiaci carminis, nec potius lenis ac mollis elegiae, quam re vera Mimnermus invenit, inventorem perhiberi. Et hoc est, quod negandum, nec plus Victorino et Isidoro, quam Orioni, auctori Etymologici illius inediti, et Plotiotribuendum censemus.

Quodsi nemini unquam veterum in mentem venit, inventionem elegiae Mimnermo tribuere, quis, quaeso, talem ac tantum errorem ab uno Horatio expectet? Sed fac, Mimnermum a multis Alexandrinorum et Romanorum vel poetis vel criticis inventorem elegiae traditum, et falsa esse, quaecunque hactenus disputavi. Horatium nihilo secius constabit inventionem elegiae non tribuisse Mimnermo. Quid enim? Dicit, de inventore carminis elegiaci adhuc sub iudice esse litem. Qui tandem potuisset clarius profiteri, sibi de inventore elegiae nihil omnino constare? Hoc autem, mihi crede, nequaquam professus esset, si Mimnermum inventorem putasset. Unde apparet, querimoniam apud Horatium ad Mimnermi elegos nullo pacto posse referri, ideoque de amatoria querimonia minime cogitari posse,

siquidem illud verum est, Horatium hanc non potuisse principem elegiae materiam facere, nisi inventorem elegiae Mimnermum fuisse crediderit, qui primus metrum elegiacum huic argumento accommodavit.

Iam vero si haec falsa interpretatio est, aperte vera est altera illa de lugubri querimonia. Quae interpretatio iis etiam confirmabitur, quae de similibus grammaticorum locis nunc exponam. Neque enim solus Horatius elegiam initio lugubrem fuisse putabat. Immo communis omnium, quotquot equidem scio, quorum dicta, quae huc pertinent, tulerunt aetatem, illa fuit sententia, excepto Dracone Stratonicensi, de quo deinde dicendum. Sed ubique praeterea, atque adeo apud ipsum iam Didymum Alexandrinum, ubi eadem sententia reperitur, novi erroris accessione est depravata. Horatium si non intellexisse, at certe sensisse crediderim, metrum heroicum propter aequabilem versuum tenorem fluxumque continuum summam argumentorum varietatem ac narrandi facilitatem praebere, elegiaci autem paullo interruptiorem fluxum et pentametro impeditum habere tamen non versuum quidem, sed membrorum aequabilitatem, hoc igitur quum sit ad narrationem, quae *ἔνθα πρὸς ἑρτα* requirit, minus aptum, eamque nisi ad aperiendos animi sensus accommodatam prorsus excludat, idem tamen ceteroquin eandem fere argumentorum admittere varietatem. Hoc autem si sensit Horatius, non magis potuit, quum elegiam initio lugubrem fuisse putaret, inde concludere, metrum elegiacum lugubri argumento maxime convenire, quam ex eo, quod Mimnermi exemplo Alexandrini, Alexandrinorum Romani amatoriam elegiae materiam praeferebant, iure colligi licet, huic maxime argumento consentaneum esse metrum elegiacum. Non enim, ne quis erret, ea potest ab Horatio inconstantia exspectari, quam in iis reperias, qui elegiam omnino lyricum carmen Io-

nicum esse volunt, (male, si rationem loquendi, non male, si rem spectas,) et tamen vulgarem opinionem de lugubri et amatorio argumento elegiae prae ceteris congruo avelli sibi veriori illa sententia non patiuntur. Utcunque sit, saltem non dicit Horatius, lugubri argumento metrum elegiacum praecipue convenire, et elegiam, quum ad alia argumenta usurparetur, sua ab natura degenerasse. Omnium vero, qui praeter Horatium sententiam de elegia initio lugubri amplexi sunt, nemo, quod sciam, ab hoc errore integrum praestitit se et immunem. Ceterum haud scio, an fons istius erroris sit in male intellecto Euripidis loco quaerendus, Troad. v. 120 seq. ubi nonnisi de sedandis doloribus agitur, et metrum elegiacum ut placidum et quietum, ideoque solatium quaerenti conveniens, opponitur anapaestis, qui tanto impetu feruntur, ut his non tam deliniantur, quam exagitentur lugentium animi. Sed pergo, ad Euripidis locum reversurus loco idoneo.

Eorum loca, qui nihil aliud quam elegiae lugubre argumentum maxime consentaneum esse dicunt, praemittere liceat, quum hi quoque hoc ipso se credidisse ostendant, carmen elegiacum initio funebre fuisse, ac postea demum ad alia etiam argumenta esse translatum. Nimirum opinionem de vera elegiae natura ab inventore nondum satis perspecta hic non esse quaerendam, mox apparebit. Primus est Isidori, vel potius Terentiani locus ab hoc allatus, Orig. I. p. 33: *Elegiacum autem dictum, eo quod modulatio eiusdem carminis conveniat miseris. Terentianus hos elegos dicere solet: quod clausula talis tristibus, ut tradunt, aptior esset modis.* Locum corruptissimum vide an sic refingas: *Elegiacum autem dictum, eo quod modulatio eiusdem carminibus conveniat miseris. Terentianus:*

Hos elegos dixere, solet quod clausula talis tristibus, ut tradunt, aptior esse modis.

Carmina misera dicit, ut Virgilius Eclog. III, 27. Distichum ita, ut scripsi, exstat apud Terentianum Maurum de Metris p. 2422. At hic quoque incertum, an de lugubri debeat querimonia cogitari. Addam igitur alium locum, unum de pluribus, ubi hoc est certissimum. Locus est Is. Tzetzae Proleg. ad Lycophron. p. 257. ed. Müller. Ἑλεγιογράφων δὲ γνωρίσματα τὸ πρὸς τοὺς τεθνηκότας οἴκτους συγγεγραφεῖναι καὶ ὀλοφύρσεις ἐν ἐλεγίῳ μέτρῳ κυρίως, καταχρηστικῶς δὲ καὶ ἐν ἐτέρῳ. Qui locus si integer est, non tantum vulgarem apud veteres sententiam continet, proprie lugubre esse carmen elegiacum, per abusum ad alia quoque argumenta tractum, sed novam plane et apud veteres inauditam, carmina non lugubria, licet metro elegiaco composita, omnino non esse elegiaca, et lugubre argumentum esse in carmine elegiaco utique necessarium. Sed propter hoc ipsum suspicari licet, latere in hoc loco praeter leviora quaedam, quae e codicibus tacite mutavi, corruptionem, quae pervertat omnem sententiam. Accedit, quod et ea lugubria carmina, quae hexametris et pentametris non sunt composita, elegiacis annumerantur: quae ratio loquendi nusquam praeterea occurrit nisi semel, ut infra videbimus, in Epistolis, Phalaridi ante Benthleium tribui solitis; ibique adeo est suspecta: siquidem ab epigrammatis sepulcralibus discesseris, quae tamen et ipsa posteriore demum aetate ἐλεγεία nominabantur. Quanquam quod a ficto forsan Phalaride, idem fortasse a Tzetza exspectari potest. Sed, amabo, quid sibi vult illud καταχρηστικῶς? Neque enim hoc dicit grammaticus, nomen τῶν ἐλεγιογράφων de auctoribus funebrium carminum, quae distichis non constant, καταχρηστικῶς usurpari, sed illud, poetas, qui lugubria carmina alio metro condiderint, fecisse id per abusum. Tam putidum vero commentum profecto ne in Tzetza quidem ferendum est. Atqui variae lectiones tres hic

exstant in codicibus, prima *ἐτέρω*, secunda, quam novissimus editor recepit, *ἐν ἐτέρω*, tertia, quae eandem sententiam praebet, *ἐτέρως*. Scribendum: *Ἐλεγιογράφων δὲ γνωρίσματα τὸ πρὸς τοὺς τεθνηκότας οἴκτους συγγεγραφεῖναι καὶ ὀλοφύρσεις ἐν ἐλεγίῳ μέτρῳ κυρίως, καταχρηστικῶς δὲ καὶ ἕτερα*. Est autem *ἕτερα* primum, si quid video, corruptum in *ἐτέρω*, quae levissima ac prope nulla mutatio est, hinc rursus depravatam in *ἐτέρω*, et correctam *ἐν ἐτέρω*. Lectio *ἐτέρως* aperte glossema est ad *ἐτέρα*, quod posse pro *ἐτέρως* usurpari, Schaeferus docuit ad Soph. Oed. Colon. v. 1444. Ex quibus ultro intelligitur, quid iudicandum sit de Souchaeo, quem hic potissimum locus movisse videtur, ut elegiae initia scilicet apud Hebraeos quaereret. Sed hoc mittamus. Illud tenendum, bina haec loca, Terentiani et Tzetzae, alterum alterius, et utrumque Horatii interpretationem firmare, modo illud aliunde demonstretur, opinionem de vera elegiae natura ignorata adhuc ab inventore hic quaerendam non esse.

Hoc igitur reliquum est, nempe ut loca in medium proferam, ubi diserte dicatur, elegiam non modo propriae, sed primum fuisse lugubrem. Ac ne semper corrupta loca afferre videar, incipiam a Proclo, e cuius Chrestomathia haec refert Photius in Bibl. p. 983: *τὴν δὲ ἐλεγίαν συγκεῖσθαι μὲν ἐξ ἡρώου καὶ πενταμέτρου στίχου, ἀρμύζειν δὲ τοῖς κατοικομένοις ὅθεν καὶ τοῦ ὀνόματος ἐτυχεν. τὸ γὰρ θρηῖνος ἐλέγος (e codice pro ἐλεγον) ἐκάλουν οἱ παλαιοί, καὶ τοὺς τετελευτηκότας δὲ αὐτοῦ εὐλόγουν. οἱ μέντοι μεταγενέστεροι τοῖς ἐλεγείοις πρὸς διαφόρους ὑποθέσεις ἀπεχρήσαντο*. Eadem verba, paullo aliter scripta apud Etym. M. p. 327 v. *Ἐπικός* (sic enim necessario legendum pro *Ἐλέγος*), obiter moneo ibi e singulari, ut videtur, libello de Procli Chrestomathia, *ἐκ τοῦ περὶ Χρηστομαθίας* (immo *Χρηστομαθείας*) *Πρόκλου*, minus accurato illo, quam Photii Excerpta, esse descripta. Continent au-

tem haec verba ipsam Horatianam sententiam de elegia primum ad lugubria, post etiam ad alia argumenta usurpata, sed depravatam accessione erroris de lugubri argumento elegiae maxime consentaneo. Proclo denique accedat Didymus, insignis miro quodam commento de caussa, cur lugubris materia maxime conveniat carmini elegiaco. Etym. M. v. *Ἑλεγία* (sic scribendum esse mox patebit): — *ἡ παρὰ τὸν ἔλεγον τὸν θρῆνον. Αἰδύμος δέ, ὅτι διὰ τοῦτο τῷ ἡρωϊκῷ ἐπῆδον ὡς πεντάμετρον καὶ λειπόμενον τοῦ ἡρωϊκοῦ, μιμούμενοι τὴν ἀποθνησκόντων ἀπόπαισιν. ἐπὶ γὰρ μόνοις νεκροῖς πάλαι ἤδετο πρὸς παραίνεσιν καὶ παραμυθίαν τῶν συγγενῶν καὶ φίλων τοῦ τεθνεῶτος.* Ubi mireris nihil aliud annotasse Sylburgium, quam articulum inserendum videri ante *πεντάμετρον*, quod et ipsum non est necesse. Sed locus, ut vulgo legitur, omnino intelligi nequit, ita quidem restituendus: *ἡ παρὰ τὸν ἔλεγον τὸν θρῆνον. Αἰδύμος δέ, ὅτι διὰ τοῦτο τῷ ἡρωϊκῷ ἐπῆδον πεντάμετρον ὡς . . . καὶ λειπόμενον τοῦ ἡρωϊκοῦ, μιμούμενοι τὴν ἀποθνησκόντων ἀπόπαισιν. ἐπὶ γὰρ etc.* Lacunae supplementum a codicibus exspectandum. Eandem sententiam, sed aliter expressam, ex alio, ni fallor, Didymi libro descripsit Orion Thebanus loco, quem emendatum supra dedi. Est, cui haec somnia etiamnum placeant. Nos missis his Didymi nugis ex omni ista sententia hoc unum promamus, quod Didymus etiam elegiam principio funebrem fuisse credebat. Nempe *πάλαι* ad antiquissima, ad inventoris tempora spectare, satis perspicue ipse Didymus apud Orionem declarat, additis his: *οἱ δὲ ὕστερον πρὸς ἅπαντα ἀδιαφόρως.* Sed haec hactenus. Porro videamus, quid iudicandum esset de inventione carminis elegiaci, si vera haec esset sententia de elegia initio lugubri, quam falsam esse mox docebo.

Nulla omnino, si verum esset, elegiam principio lugubrem fuisse, ex variis grammaticorum sententiis de

inventore carminis elegiaci foret probabilis: atque ita Horatius, nisi ab omni iudicio abstinere maluisset, videretur iudicaturus fuisse. Sunt enim duae in his, quarum alterutram, ut ante dixi, non solum potuisset Horatius, sed debuisset veram putare, nisi lugubrem querimoniam principem elegiae materiam fecisset, nunc vero nullo modo potuit; reliquae aperte falsae ipsoque, ut videtur, Horatio posteriores. Singulas priusquam expendere licet, segregandi sunt ii, quos vulgo putantur quidem nonnulli veterum elegiae inventores tradidisse, sed nemo tradidit.

De Mimnermo supra expositum. De Clona et Terpandro, quos a Plutarcho de Musica p. 1132 C. inventores elegiae perhiberi quidam contenderant, iam ab aliis observatum est, utrumque a Plutarcho *ἐλεγείων ποιητήν*, sed neutrum *εὐρετήν* appellari. Quum tamen Souchaeus in Comment. Acad. Inscript. Paris. T. VII. p. 340 recte de Clona Plutarchi locum intellexerit, male de Terpandro, quem ne poetam quidem elegiacum dici affirmat, Fabricius autem in Bibl. Gr. Vol. I. p. 294 ed. Harles. recte de Terpandro iudicet, sed ibidem Harlesius Vol. II. p. 118, ubi de Clona loquitur, rem silentio praetereat, satius videtur ipsum Plutarchi locum apponere, qui ita se habet: *ὁμοίως δὲ Τερπάνδρῳ Κλονᾶν, τὸν πρῶτον συστησάμενον τοὺς αὐλοδικοὺς νόμους καὶ τὰ προσόδια* (sic recte Burettus e codice), *ἐλεγείων τε καὶ ἐπῶν ποιητὴν γεγονέναι.*

Non magis a quoquam veterum inventor carminis elegiaci Midas habitus est, et perperam ab omnibus, nuperrime etiam a Liebelio in Comment. de Vita et Scriptis Archil. X. p. 28. huc trahitur Suidas v. *Ἑλέγος*. Is enim inventionem elegiae ne verbo quidem attingit, ac nihil aliud quam elegos per *θρήνους* interpretatur *πρὸς αὐλὸν ᾄδομένους*, et tibiam posthac funebrem a Mida rege, Gordiae filio, in matris consecratione arae admo-

tam esse narrat. Paulo diligentius hunc Suidae et geminum Eustathii locum in Appendice tractabo. Nunc transeamus ad grammaticorum sententias manifesto falsas et ipso, ut videtur, Horatio posteriores.

Huc pertinet lepida eorum historia, qui elegiacum carmen Theoclis cuiusdam, furiosi hominis, inventum ferebant. Neque enim Theoclem istum recentiores tantum iis annumerant, quos elegiaci carminis nonnulli veterum inventores tradiderint, quod nescio quomodo iactare potuerit scriptor novissimus de elegia Graecorum in Stud. Heidelb. Vol. IV. p. 12. Provocant potius ad perspicuum Suidae locum: *Ἐλεγαίνειν* (sic enim ubique scribendum esse, non *ἐλεγεῖρειν* aut *ἐλεγεῖνειν*, monuisse sat erit), *τὸ παραφρονεῖν. τινὲς τῶν παλαιῶν καὶ τὸ ἐλεγεῖον μέτρον ἀπὸ τούτου τινὸς κληθῆναι νομίζουσιν. Θεοκλῆς Νάξιος ἢ Ἐρετριεὺς πρῶτος αὐτὸ ἀνεφθίγγατο μανίς.* Quae eadem, ex eodem sane auctore, paullo plenius leguntur apud Etymol. M. Sed istud commentum, ductum ex vana nominis *ἔλεγος* notatione, et procul dubio per ludibrium ab otioso grammatico, ut talia centena, cmentitum, Horatio si cognitum fuit, quod vix credideris, certe probare sese potuit minime.

Erant etiam, sed iufima demum, ut opinor, aetate, qui Pythagoram et Ortugen vel potius Ortygen quendam, obscurum hominem, inventores elegiae somniarent, narrante Plotio de Metris p. 2634. De Pythagora monere nihil opus est, quam inepta ratio sit, sive Samium sive alium quemcunque intelligas, vel propter aetatem vel propter ingenium cuiusvis Pythagorae. Ii autem, qui Ortygen, ignotum hominem, temere elegiaci carminis inventorem fingeant, difficillimam hanc quaestionem de elegiae origine facili scilicet negotio solvebant. Polymnestum, de quo supra disserui, hic praetereo. Restat, ut eas grammaticorum sententias proponam, quae Horatio haud dubie ob oculos versaban-

tur, quum dixit, de inventore carminis elegiaci esse adhuc sub iudice litem. Et duae sunt illae, quarum alterutram Horatio, nisi elegiam initio lugubrem duxisset, debuisse placere, nunc vero ne potuisse quidem, supra monui, et nunc ostendere conabor: altera de Callino, altera de Archilochio.

De Callino Ephesio, ad quem deinde omnis nostra disputatio redibit, cum aliis Callinis non perturbando, paucis liceat ante exponere, quam ad sententiam accedam eorum, qui huic elegiaci carminis inventionem assignabant. Idem si in Archilochio facere vellem, actum agerem. De hoc enim praeclara est huius generis Ruhnkenii, summi viri, disputatio ad Velleium p. 20 seq., qua nuperus Archilochi editor minus leviter uti, quam fecit, debebat. Nos quae de Callino Ephesio ab aliis Callinis distinguendo habemus dicere, referenda sunt ad locum Pausaniae, cui Andr. Schottus in Notis ad Procli Chrestom. p. 28, Salmasius in Exercit. Plin. p. 598 et alii Callini nomen restituerunt, IX, 9. p. 729: *ἐποιήθη δὲ ἐς τὸν πόλεμον τοῦτον καὶ ἔπη Θηβαῖς. τὰ δὲ ἔπη ταῦτα Καλαῖνος ἀφικόμενος αὐτῶν ἐς μνήμην ἔφησεν Ὅμηρον τὸν ποιήσαντα εἶναι. Καλαῖνω δὲ πολλοὶ τε καὶ ἄξιοι λόγου κατὰ ταῦτα ἔγνωσαν. Θηβαῖς* reposui pro *Θηβαίοις*, ex verissima magni Hemsterhusii emendatione apud Ruhnkenium ad Callim. Fragm. T. I. p. 459 ed. Ernest., quam video confidentius repudiari a Frid. Schlegelio in Hist. Poesis Gr. et Rom. Germanice scribi coepta p. 200, quasi credibile esset, non modo Homerum, sed ullum omnino poetam ipsis Thebanis cladem cecinisse maiorum suorum. At sermo est de Epigonis. Recte quidem: neque vero haec sola potest Thebaidis continuatio, sed simul debet ipsa Thebais intelligi. Est autem utraque poesis iunctim appellari *Θηβαῖς* existimanda, quemadmodum *Ἰλίου Πέριον* parvae Iliadis nomine a quibusdam comprehendendi censet Hermannus, vir summus, ad Aristot.

de Poet. p. 172 seq. Distinctius loquitur, qui et ipse utramque Homero tribuit, Io. Tzetzes apud Bentl. Epist. ad Millium p. 505 ed. Lips. quum dicit:

τὴν Ἐπιγόνων μάχην τε γράφει καὶ Θηβαΐδα.

Mutatio nominis *ΚΑΛΛΙΝΟΣ* in *ΚΑΛΛΙΝΟΣ* sane lenissima et prope nulla est, ac magis etiam, ut recte vidit, qui in eandem correctionem ipse incidit, Sylburgius ad locum Pausaniae, sese commendat eo, quod nomen istud *Καλαῖνος* non modo nusquam praeterea legitur, sed circumflexum in syllaba ultimae proxima positum habet, qui quidem et suspectam reddit vulgatam nominis formam, et est apertum lectionis *Καλλῖνος* vestigium. Sed miror, quod ante Ruhnkenium nemo viderit, critici esse, non elegiographi Callini (liceat enim *Ἀοιδῶν*, qui non scripsit, Ruhnkenianam hanc appellationem servare), incerta opera suis auctoribus assignare. Neque, ut opinor, Schellenbergius in Antimachi Vita p. 24 obiecisset viro magno, poetam de alia re quacunque loquentem obiter carminis tanquam Homericum indicere mentionem potuisse, si cognitum habuisset id, quod post patebit, Callinum Ephesium antiquissimum *Ἀοιδὸν* fuisse, eiusque carmina, iis, quae in Homero vetustissima sunt, non ita multo posteriora, pariter atque ipsa Homeri carmina diu in ore hominum esse versata, priusquam litteris mandarentur, ac denique cogitasset, talem poetam cum senioribus comparari non posse. Idem sentiat necesse est, si quis vel ad ipsam fragmenti Calliniani, de quo mox dicendum, naturam et indolem paullo diligentius attendat animum. Optime igitur Ruhnkenius iudicium de cyclicae Thebaidis auctore a vetere Callino vel maxime censet alienum. Iam vero inde colligit, apud Pausaniam pro *Καλαῖνος* et *Καλαῖνος*, non *Καλλῖνος* et *Καλλίνος*, sed *Καλλιμάχος* et *Καλλιμάχος* esse scribendum. In quo fallitur vir egregius. Callimachum recte monet in *Πίναξι παντοδαπῶν συγγραμμάτων*

Thebaidem praeterire non potuisse. Sed ipse sensisse videtur, mira propter hoc ipsum esse Pausaniae verba: ἀφικόμενος αὐτῶν ἐς μνήμην, quae fortuitam Thebaidis mentionem indicant, ideoque Ruhnkenii coniecturam non confirmant, sed infirmant. Adde quod duplicem, si hanc probaris, corruptionem accentus caussa, quem lectionis Καλλῖνος manifestum vestigium esse vidimus, statuere oportebit, ut primum Καλλῖνος pro Καλλίμαχος, deinde Καλαῖνος pro Καλλῖνος positum sit. Alterius illius corruptionis exemplum exstat apud Eustathium p. 1885 l. 51: ὁ τὰ Ναξιακὰ γράψας φιλητᾶς (vulgo φιλήτας) εἶτε Καλλῖνος, ubi miror neminem vidisse pro Καλλῖνος legendum esse Καλλίμαχος. Sed duplex depravatio nisi urgente necessitate admitti nequit. Atqui plures Callini commemorantur. Nolo huc vocare, quod ibidem Ruhnkenius monuit, bina epigrammata, quae Callinio (sic scriptum) tribuuntur in Anthologia Steph. p. 25 et 40, non cadere in Callinum Ephesium. Neque enim senioris haec sunt Callini, uti Ruhnkenius arbitrabatur, sed alterum Cyllenii, alterum aut eiusdem, aut Antipatri, cui nunc tribuitur ex auctoritate codicis Vaticani. Sed Callini librarii bis apud Lucianum mentionem reperio, adv. Indoct. cap. 2. et 24. ubi Callinus et Atticus βιβλιογράφοι commemorantur. Adde Schol. ad priorem locum: Καλλιγράφοι οὗτοι γεγόνασιν ἄριστοι. Quanquam de hoc quidem Callino apud Pausaniam nemo cogitet. Nec vereor, ne quis huc trahat Callinum, Seleuci Callinici tempore apud Smyrnaeos aerarii praefectum, cuius fit mentio in Marm. Oxon. p. 8. et 13. ed. Prid. Sed hi tamen si omnes essent, qui hoc nomine memorentur, hoc certe appareret, Callini nomen minime rarum apud Graecos aut inusitatum fuisse, ac facile apud Pausaniam unum e sexcentis grammaticis posse intelligi, quorum ipsa nomina deleta temporis iniuria sunt. Occurrunt autem duo Callini aliquoties apud Diogenem Laer-

tium in Vita Theophrasti et Lyconis, perturbati inter se a Solano ad illum Luciani locum, distincti, ut ratio temporis postulabat, a Fabricio in Bibl. Gr. Vol. III. p. 480. ed. Harles. Erant illi philosophi Peripatetici, alter Theophrasti, alter Lyconis amicus, qui multa iis morientes legarant. Neque ignobiles eos fuisse philosophos, ipsa, si quid iudico; tanta tantorum virorum amicitia declarat; idemque de iuniore Callino, Lyconis amico, eo mirifice confirmatur, quod is, uti Diogenes auctor est, nemini potius, quam Callino, scripta sua inedita maluit testamento legare. A philosopho autem Peripatetico iudicium de auctore cyclicae Thebaidis expectari posse, nemo facile negabit, qui vel catalogum scriptorum Theophrasti deperditorum perlegerit, et meminerit, similia etiam apud ipsum Aristotelem iudicia reperiri, qui Margiten, ut hoc utar, Homericum carmen censet de Poet. IV, 10. Et notum omnino, iam apud Aristotelem eius eruditionis, quae postmodum Alexandrinorum propria fuit, semina latere. Accedit, quod iunior Callinus Peripateticus ipse Alexandrinus fuisse putandus est, ut qui Lyconis amicus fuerit, quem Stratonis, Ptolemaei Philadelphi praeceptoris, successorem fuisse constat. Quae cum ita sint, omnino apud Pausaniam pro *Καλαῖνος* legendum *Καλλῖνος*, non *Καλλιμαχος*: sed de alterutro philosopho Peripatetico, nequaquam de Callino Ephesio cogitandum.

Redeo in viam. De Callino Ephesio ut inventore diu viris eruditis unus tantum locus cognitus fuit, quem primus, ni fallor, laudarat Andr. Schottus in Notis ad Procli Chrestom. p. 28. Distichum est Terentiani Mauri de Metris p. 2421:

*Pentametrum dubitant quis primus finxerit auctor:
quidam non dubitant dicere Callinoum.*

De forma *Callinous*, unde vulgo contractum nomen *Callinus*, nota nunc omnia post Ruhnkenium in Hist.

Crit. Orat. Gr. p. XLII. seq. Addidit Schottus, apud Schol. Nicandri male *Χαλίνος* legi pro *Καλλίνος*: quod quid sit, nescio; nisi forte illi in memoria haesit scholium ad Theriac. v. 253: *χαλινούς γὰρ ἐνταῦθα τοὺς ὀδόντας φησί*, vel simile quoddam, uti ad Alexiph. v. 452, ubi *χαλινοὶ* oris anguli dicuntur. Utcunque sit, ultro intelligitur, quid iudicandum sit de Liebelio in Comment. de Vita et Scriptis Archil. X. p. 28, qui Nicandri Scholiasten nullo cum loci indicio in numerum eorum, qui Callinum elegiae inventorem tradiderint, referre non dubitavit. Sed teneamus Terentiani locum, cui rectius H. Valesius Emend. IV, 14. p. 118. ed. Burm. Marium Victorinum addidit Art. Grammat. III. p. 2555: *Considerantibus nobis, quot ex dactylico heroico per singulos prototyporum canones metrorum species procreantur, manifesta ratione reperio, primam eius veluti subolem a pentametro versu coepisse; unde consequenti ratione initium suscepti operis ab eodem ordinemus, quod metrum τεσσαρεσκαίδεκάσύλλαβον Σαπφικὸν et Αἰολικὸν dicitur, quod invenisse fertur Callinus Ephesius. Alii vero Archilochum etc.* Postrema haec corrupta. Ac primum quidem ordiemur scribendum pro *ordinemus*, partim quod sententia futurum tempus poscit, partim quod *initium ordinare* nihili est, *initium ordiri* exstat vel apud Ciceronem Epist. ad Att. IV, 1. extr. Sed hoc levius. Quo tandem pertinet *metrum Sapphicum*? nonne sermo est de pentametro elegiaco? Apparet, puto, verba *Σαπφικὸν et Αἰολικὸν* a sciolo adiecta esse ex his, quae dein sequuntur p. 2559: *Hoc quoque ex eodem pentametri versus genere profluit, quod Aeolicum seu Sapphicum metrum nominant, a Sappho, vate doctissima, inventum.* Similiter apud Plotium p. 2637, ubi metrum Archilochium dīpenthemimericum ab elegiaco discernitur, pro *Aeolico* legendum *elegiaco*, quod corruptum, quia paullo ante sermo fuerat de metro

Aeolico Sapphico. Taceo, metrum Sapphicum τεσσαρεσκαίδεκάσύλλαβον non esse. Scripsit Victorinus: — unde consequenti ratione initium suscepti operis ab eodem ordiemur, quod metrum τεσσαρεσκαίδεκάσύλλαβον dicitur; quod invenisse fertur Callinus Ephesius. Alii vero Archilochum etc. Pentameter, ne quis erret, quum dactylis totus componitur, quatuordecim syllabas continet. Terti et quarti loci, ubi Callinus elegiam invenisse perhibetur vel potius perhiberi dicitur, Ruhnkenio ad Callim. Fragm. T. I. p. 439. ed. Ernest. notitiam debemus. Quorum unus idem est Orionis locus, quem prius posui, ubi de Mimnermo agebatur; alter ex Etymologico inedito a Ruhnkenio prolatus et ita correctus: Ἑλεγος, ὁ θρηνηος — εὐρετην δὲ τῆς ἑλεγείας φασὶν οἱ μὲν τὸν Ἀρχιλόχον, οἱ δὲ Καλλῖνον, οἱ δὲ Μίμνερμον. Et ex his quidem talibusve auctoritatibus pendet, quem Ruhnkenius nosse non poterat, quemque mihi indicavit Heinrichius, antiquus Scholiastes Ciceronis Orat. pro Archia, ab Angelo Maio nuper editus ex bibliotheca Mediolanensi, p. 61. ubi corruptum nomen Aliinos, et legendum esse Kallinos, vidit doctissimus editor.

Iam si quaeris, quam antiqua illorum sententia sit, qui Callinum Ephesium elegiae inventorem censebant, ipsius, uti arbitror, iam Aristarchi et Aristophanis Byzantii ea sententia erat. Repetenda res a canone criticorum. Photius in Bibl. p. 983. ex Procli Chrestomathia: Λέγει δὲ καὶ (Πρόκλος) ἀριστεῦσαι τῷ μέτρῳ (τῷ ἑλεγεῖ) Καλλῖνόν τε τὸν Ἐφέσιον καὶ Μίμνερμον τὸν Κολοφώνιον, ἀλλὰ καὶ τὸν τοῦ Τηλέφου φιλητᾶν (ita scribendum esse, iam ante Schweighäuserum in Animadv. ad Athen. T. IX. p. 166. Bentleius vidit ad Callimachi locum saepius memoratum) τὸν Κῶν καὶ Καλλιμαχὸν τὸν Βάπτον. Κυρηναῖος δ' οὗτος ἦν. Grammaticus Bibl. Coisl. p. 597: Ἑλεγειοποιεῖται δ'. Καλλῖνος, Μίμνερμος, Φιλητᾶς, Καλλιμαχος. Ex quibus Ruhnkenius concludit in Hist. Crit.

Orat. Gr. p. XCV. seq. hos quatuor poetas in canonem esse receptos, cuius auctores Aristarchum et Aristophanem fuisse, e Quintiliano docuit I. O. X, 1: *Apollonius in ordinem a grammaticis datum non venit, quia Aristarchus atque Aristophanes, poetarum iudices, neminem sui temporis in numerum redegerunt.* De Callino et Mimnermo assentior viro summo: de reliquis obstat hic ipse Quintiliani locus. Neque enim sufficit, quod dicit Ruhnkenius, Callimachum, utpote qui Apollonii aequalis fuerit, a posterioribus criticis in numerum redactum videri, sicut Tzetzes in Vita Lycophronis Apollonium in Pleiadem poetarum varii generis relatum tradat. Nempe Philetam quoque ipsum Alexandrinum et Zenodoti praeceptorem fuisse constat. Ut igitur hic paullo ante Aristarchum et Aristophanem mortuus fuerit, vix tamen in ordinem venire potuit, si poetarum iudices, ut Quintilianus ait, neminem sui temporis in numerum redegerunt. Quid? quod ipsa Procli verba: *ἀλλὰ καὶ* etc. aperte declarant, neutrum esse ab Aristarcho et Aristophanē receptum, sed Philetam perinde atque Callimachum ab ipso Proclo adiectum. Quamquam haud scio, an Proclus in hoc iudicio sit Longinum secutus, qui in libro, quem *οἱ φιλόλογοι* inscripsit, elegiacos poetas vix potuit praeterire, quemque credibile est neque in veterum Alexandrinorum iudicio substitisse, nec plane hoc neglexisse, ut a Romanis fere factum esse, e Quintiliano I. O. X, 1, 58. non immerito colligas, sed ita potius pronunciasse, ut Aristarchus et Aristophanes ipsius aetate iudicaturi fuisse viderentur. Hoc tenendum est, neminem praeter Callinum ac Mimnermum ab his duumviris in ordinem esse redactum. Mimnermum cur ceteris omnibus praetulerint, intellectu non est difficile. Quippe Alexandrini Antimachi exemplum secuti in genere elegiaco se totos fere ad Mimnermi imitationem dederant. Cur vero Mim-

nermo Callinus additus, bellicus poeta? quod genus, quamvis praeclare tractatum, omnino non magis Alexandrinis, quam Quintiliano, placuisse videtur, qui posteriore loco, quem laudavimus, nativum Tyrtaei vigorem, licet hunc Homero subiungat Horatius, fucatae Callimachi et Philetæ elegantiae postponit. Cur porro solus praeter Mimnermum receptus Callinus, non aequè Tyrtæus, Callini simillimus? An Callini carmina Tyrtæo praestare videbantur? Sit ita: et est sane Callini fragmentum a Stobaeo servatum Tyrtaei reliquiis prope gnomiis quodammodo praeferendum. Neque vero Hesiodum numero eximebant, quia praestabilior videbatur Homerus. Tu noli dubitare, quin accesserit certe alia ratio. Quippe omnis tollitur difficultas, si Aristarchum atque Aristophanem elegiaci carminis inventionem Callino tribuisse credideris. Nimirum recepti Callinus et Mimnermus, alter, quia a poetarum iudicibus elegiae non solum insignis auctor, sed etiam inventor habitus est, partim omnino alendi lectione eius ingenii, sed partim etiam memoriae caussa, alter, quod omnium maxime placuit Alexandrinis, ad imitationem. Imitari ne poterant quidem Callinum, quandoquidem in bellis unica virtus erat paruisse regis imperio.

Est autem summorum haec sententia grammaticorum de Callino inventore minime inepta, uti sunt nugae, quas ante proposui, de Theocle ceterisque. Esset sane, si Suidae v. *Ὀλύμπου Μαινοῦ* credendum esset, veterem iam Olympum scripsisse elegos. Sed nimirum carmina elegiaca si qua Olympi nomine exstabant Aristarchi et Aristophanis aetate, ab his viris, qui Callinum, ut modo vidimus, inventorem elegiae censuisse videri debent, sine dubio haec sunt in eorum numero habita, quae antiquissimo cuique poetae certatim ab otiosis hominibus affingi solebant. Ac magis etiam probabile est, carmina ista, quippe quae non sint explosa

ab iis, qui Callino elegiae inventionem assignabant, sed, quantum quidem hodie iudicare licet, prorsus non commemorata, postea demum, nec multo fortasse ante ipsa Suidae tempora esse conscripta. Quanquam ne hoc quidem admittere opus erit, si omnem hanc narrationem de carminibus elegiacis iam ab Olympo conditis commentum esse dicas, ex fama natum de lugubribus cantilenis ab eodem compositis. Quod quidem posterius puto nemini, si legerit ea, quae de loco Pausaniae et Plutarchi in Appendice a nobis sunt disputata, non omnium visum iri verisimillimum.

Neque profecto audiendus Souchaeus, qui ipsa fragmenti Calliniani praestantia sententiam de elegiae inventionem huic tribuenda redargui contendit in *Comment. Acad. Inscript. Paris. T. VII. p. 366*. Quasi vero post Homerum qui primus carminibus pentametrum adhiberet, eo ipso ad rudia et agrestia omnis poesis initia debuisse relabi existimandus sit.

Addidit aliud Gallus sive argumentum, sive Galliae levitatis specimen, quo scilicet suspectam redderet sententiam de Callino inventore, ductum illud e Strabone XIII. p. 604 (901). Callinum, ait, teste Strabone primum vulgasse fabulam de Apolline Smintheo. At certum esse ex Homero *Iliad. α, 59*, hunc deum Sminthei nomine diu ante Callinum esse celebratum. Non igitur primum hanc fabulam a Callino excogitatam, et certe de hac re antea aliquid traditum esse. Callinum fortasse primum in poemata sua fabulam recepisse. Dicere voluit, Callinum ex opinione Strabonis primum excogitasse fabulam: quod falsum esse, quum eam Homerus iam attigerit ante Callinum. Callinum forsitan magis eandem excoluisse ac propagasse. Similiter carmen elegiacum non inventum a Callino, sed magis ex cultum ac propagatum videri. Quae quam incogitanter chartis, ut poetae verbis utar, illita sint, vel ex eo ap-

paret, quod ipse Strabo attulit Homeri locum: quod scilicet minime fecisset, si ipsius sententia cum illo conciliari non posset. Non pauca sunt, quae de Apolline Smintheo etiam post Heynii Observationes ad versum Homericum dici possint, qui quidem vere a Troica urbe Sminthei cognomen repetit Aristarchum secutus. Sed dixisse nunc sufficiat, e Strabonis sententia, quae una huc pertinet, originem nominis *Σμινθεὺς* esse a muribus, qui Cretica dialecto *σμίνθοι* sive *σμίνθαι* vocabantur, recte derivatam, sed fabulam, quam affert, de muribus, postea demum ad originem nominis accuratius explicandam confictam et cum Teucrorum historia coniunctam. Historiam huic fabulae accommodari et immisceri dicit his verbis: *συνοικιοῦσι δὲ καὶ τὴν ἱστορίαν εἰς τὸν μῦθον τοῦτω τῷ τρόπῳ τὴν περὶ τῶν μυῶν*. Pro *συνοικιοῦσι* novissimus in Germania editor *συνοικιοῦσι* reposuit. Recte. Sed tamen excidissem aliquid putandum est, quod possit cum *εἰς* et accusativo construui. Quare locus ita erit restituendus: *συνοικιοῦσι δὲ καὶ συνεισφέρουσι καὶ τὴν ἱστορίαν εἰς τὸν μῦθον τοῦτω τῷ τρόπῳ τὸν περὶ τῶν μυῶν*. Quam emendationem pluribus tueri nihil attinet. Hoc addo, narrationem de muribus *μῦθον* esse, non *ἱστορίαν*, ideoque *τὸν* pro *τὴν* esse necessariam correctionem; neque aliter bene se habere sententiam, quae haec est: *Accommodant autem et inferunt historiam quoque in fabulam de muribus hoc modo*. Hinc sequitur narratio de Teucris ex Creta in Troadem profectis, idcirco, ni fallor, cum fabula de muribus coniuncta, ne mira Cretica murium appellatio videretur. Sminthei cognomen inditum Apollini esse oraculi caussa, quo Teucros istos ibi habitare iusserit, ubi ipsos terrogenae adorirentur; quod factum esse circa Hamaxitum, Troicam urbem, a muribus terrestribus, qui rodendo aggredierentur, quidquid in armis et utensilibus esset factum e corio. Atqui nemo non videt, hanc fabulam,

ita cum Teucrorum historia coniunctam, excogitatam autem falsae notationis gratia, grammaticorum quaestiones Homericas redolere, neque igitur antiquiorem, sed e contrario longe recentiorem esse, quam quae cadat in Callinum Ephesium. Neque etiam dicit Strabo, esse fabulam aut primum a Callino confictam, aut omnino in elegis eius repertam. Verba sunt: *Τῷς γὰρ ἐκ τῆς Κρήτης ἀφιγμένοις Τεύκροις (οὓς πρῶτος παρέδωκε Καλλίνος, ὁ τῆς ἐλεγείας ποιητής· ἠκολούθησαν δὲ πολλοί.) χρησμός ἦν*, etc. Aperte non de fabula, quo aberravit magnus Casaubonus, sermo est, sed de Teucris, quorum historiam cum fabula iungebant grammatici. Hos obiter Strabo narrat a Callino primum esse memoriae proditos, deinde a multis commemoratos. Hinc vero nihil effeceris, quo sententiam grammaticorum, qui Callinum elegiaci carminis inventorem ferebant, vel in levis- simam suspicionem trahas.

Horatius tamen, qui elegiam initio lugubrem fuisse putabat, hanc ipsam ob causam Callinum elegiae inventorem agnoscere potuit minime. Fuit enim Callinus bellicus poeta, neque ullum eius vel commemoratur lugubre carmen, vel ingenio eius, si commemoraretur, consentaneum videri posset. Memoratur quidem a Strabone Callini *λόγος πρὸς Δία*, quem putet quispiam bellicosum non fuisse. Sed hoc ut concesseris, quid amplius inde colligi licebit, quam carminum varii generis auctorem fuisse Callinum, et fieri potuisse, ut lugubres etiam faceret elegias, quarum ad nos ne mentio quidem pervenisset. Testimonium de lugubribus elegis a Callino conditis nullum vel sic esset. Quid? quod ne illud quidem concedi potest. Etenim *λόγος πρὸς Δία* bellicosa sine dubio, sicut ceterae omnes, elegia fuit, in qua Iovem precabatur poeta, ut civibus opem ferret adversus Trerum, Cimmericae gentis, impetum. Audiamus ipsum Strabonem XIV. p. 633 (959): — *ἦντο καὶ Σμύρνα*

ἐκαλεῖτο ἡ Ἐφεσος. καὶ (adde γὰρ) Καλλίνος που οὕτως ὠνόμασεν αὐτήν, Σμυρναίους τοὺς Ἐφεσίους καλῶν ἐν τῷ πρὸς Δία λόγῳ·

Σμυρναίους δ' ἐλέησον,
καὶ πάλιν·

Μνησάει δ' εἵκοτέ τοι μηρία καλὰ βοῶν,
ubi recte I. Scaliger et Casaubonus iudicant deesse haec
aut similia:

Σμυρναῖοι κατέκταν.

Argumentum carminis recte a nobis constitutum esse; tam perspicue ipse Strabonis locus declarat, uberius ut rem exponere nihil opus esse videatur. De bello enim contra Cimmericos necessario cogitandum esse, quod unum e Strabonis verbis non intelligitur, ex eo patet, quod hi soli, ut infra docebo, non item Magnetes, Callini aetate in Ephesios impetum fecere. Ceterum similiter Theognidis versus 771. (751.) usque ad 786. (766.), ubi is Apollinis auxilium implorat contra Medorum exercitum, dici poterunt λόγος πρὸς Ἀπόλλωνα; in quibus scribendis vix dubito quin Theognis habuerit ob oculos λόγον πρὸς Δία Callini.

Restat eorum sententia, qui Archilochum Parium elegiae inventorem censebant. De hac Liebelius in Comment. de Vita et Scriptis Archil. X. p. 28. praeter Marii Victorini et Orionis Thebani loca supra allata, quibus addere debebat locum illum, quem ibidem posui, ex Etymologico inedito a Ruhnkenio prolatum, alium commemoravit Victorini locum in Art. Grammat. IV. p. 2588. item Isidori locum Orig. I. p. 53. supra, ubi de Polymnesto sermo erat, a nobis allatum, et haec Plutarchi, de Musica p. 1141. A: πρῶτον δὲ αὐτῷ (τῷ Ἀρχιλόχῳ) τὰ τε ἐπὶ δὲ καὶ τὰ τετράμετρα — ἀποδέονται, — ἢ ἐν ἐνίων δὲ καὶ τὸ ἐλεγείον, etc. Quibus locis ad rem aptissimis addidit unum, quem nescio quomodo referre eodem potuerit, Diomed. III. p. 502: Sed et hoc acci-

*piendum est, quod geminum comma, id est elegius pentameter, hexametro subiungitur, sed, ut Archilochus invenit, et dactylica tome. Sic elegus scripsi, quod sententia flagitat, elegius pentameter. Elegium eodem modo vocat pentametrum, quo Marius Victorinus Art. Grammat. III. p. 2552. metrum elegium dicit et ibid. p. 2556. versum elegium, more Graecorum, ut contra adiectivum ἐλεγιακὸς more Romanorum usurpavit Dionysius Halic. de Compos. Verbor. XXV. p. 232. (388.), et quos ibi commemoravit Schaeferus. Poteris etiam corrigere elegeus pentameter, quam formam et ipsam alicubi (locum nunc reperire nequeo) me legere memini. Similiter ἐλεγίαν raro quidem, sed dici tamen elegeam, ἐλεγία autem elegia et elegea, vel e Lexicis notum est. Dicat quispiam, nomen pentameter omnino inserendum, sed elegus retinendum et adjectivi instar positum esse, ut ter praeterea in eadem hac pagina, ubi nos non minus, quam hoc loco, pro elego pentametro, elegum metrum et pentametrum elegum scribendum censemus elegio vel elegeo pentametro, et sic porro. Nempe hoc quaeritur, num necessaria haec sit emendatio, quam facilem esse, partim quod rarior forma est, quam reposui, partim quod eius, quam reieci, simillima, nemo negabit. Est autem utique necessaria, nisi forte grammatico id facere licuit, quod ne Euripides quidem, qui tamen more poetarum substantivo nomine omnino tanquam adiectivo uti poterat, facere sustinuit, ut nomen ἔλεγος adiectivi loco usurparet. De Euripide, ad quem solum de hoc usu provocabatur, vide Seidlerum ad Eurip. Iphig. Taur. v. 1091. (1061.), quocum conferas velim Hermannum in Append. ad Viger. p. 899. Sed ad Liebelium revertamur, qui elegiaci carminis Archilochi a Diomede inventionem tribui affirmat. Quo quidem aperte declaravit, se *tomen dactylicam* de pentametro elegiaco accepisse. At*

hoc potius dicit grammaticus, non modo pentametrum elegiacum, verum etiam tomen dactylicam, diversam igitur a pentametro, hexametro subiungi, et hoc metrum, ab elegiaco diversum, ab Archilocho esse inventum. Pentametrum elegiacum *geminum comma* vocat, id est *dimetrum penthemimericum*, ut Plotius loquitur de Metr. p. 2637, ubi pro *Aeolico* iam supra monui *elegiaco* esse scribendum. Cui opponitur *dactylica tome*, hoc est simplex comma, penthemimeris, quam, ubi hexametro annectitur, *epodon* vocant grammatici. *Tomen* autem, quam proprie caesuram esse non ignoro, de commate accipi posse, monere vix opus est; occurrat enim non semel hac potestate, ut apud Marium Victorin. Art. Grammat. IV. p. 2589. et 2593. Idem recte animadvertit Dorvillius in Vanno Crit. cap. IX. p. 325. qui tamen accuratius, quam fecit, locutus esset, si *κόμμα* proprie, *τομήν* et *caesuram* improprie ipsam versus partem, quae caesura terminatur, appellari dixisset. Quid igitur? An elegiaci metri inventionem Archilocho Diomedes tribuit? Eodem iure contendere possis. Horatii carmen: *Diffugere nives, redeunt* etc. ubi hexametro epodus eiusdem generis, sive, ut Diomedes ait, dactylica tome subiungitur, metro elegiaco scriptum esse. Metri autem, quo hoc carmen scripsit Horatius, non tantum Diomedes, sed etiam Marius Victorinus Art. Grammat. III. p. 2551, ne dicam alios, qui epodorum cuiusque generis Archilocho inventionem assignant, Archilochum inventorem fuisse scribit; unde obiter corrigendum turpe vitium apud ipsum Diomedem III. p. 526. l. 8. ubi ab oscitante librario *Asclepiadeum* scriptum legitur pro *Archilochium*. Nec sane res, de qua nunc agitur, Diomedis testimonio indiget, siquidem reliqua loca, Archilochum a nonnullis esse elegiaci carminis inventorem habitum, abunde declarant. Et haec non Aristarchi quidem et Aristophanis, qui

Callinum elegiae inventorem esse iudicabant, sed tam antiqua tamen atque a tantis viris probata fuit sententia, ut Horatius adhuc sub iudice litem esse diceret.

Contemni haec sententia ac pro nihilo putari solet a viris eruditis, qui quidem, ne iis quidem exceptis, a quibus Callinus post veram aetatem Archilochi collocatur, sumunt omnes, quod docere debebant, recte statuere Strabonem et Clementem Alexandrinum, quum existimant, Archilochum recentiorem esse Callino, ignorantes illi, in ipsa quaestione de aetate Callini, quem alii antiquiorem, alii recentiorem Archilochi ferebant, omnem fuisse veterum controversiam de elegiae origine positam. Haec nunc quidem attigisse satis est. Eodem enim deinde redibit disputatio nostra, quum praeter Horatii sententiam de elegia initio lugubri nihil impediatur, quo minus aut Callinum aut Archilochum inventorem elegiae credere debeamus, et hac refutata omnis quaestio ab utriusque poetae aetate pendeat. Quod enim de Callino supra vidimus, per se, siquidem ab ista sententia discesseris, nihil ob stare, quo minus is inventor elegiaci carminis esse potuerit, idem valet de Archilochi, qui non video quidni per se tam elegiaci quam tot aliorum inventor metrorum videri possit.

Sed repugnat Horatiana sententia de elegia principio lugubri; nec magis Archilochi, quam Callini, funebres erant elegiae. Neque enim respondere difficile erit, si quis obiiciat, tot Archilochi carmina esse deperdita, ut ex paucis, quae ad nos pervenerint, eorum fragmentis fieri iusta conclusio non queat, praesertim in poeta, qui non in uno, ut Callinus, sed quasi Proteus quidam in omni genere, quod quidem vellet attingere, fuerit pariter insignis. Nempe hoc ipsum est, quod negandum puto, Archilochum querula ac lugubria carmina, quum posset, voluisse scribere. Ubi enim magis querimoniae locus est, quam quum affinem lugeas fluctibus

obrutum et insepultum? An flebile carmen ab eo expectabis, qui in tanta calamitate ita loquitur?

Οὔτε τι γὰρ κλαίων ἰήσομαι, οὔτε κάκιον

θήσω, τερπιδᾶς καὶ θαλίας ἐφέπων.

quod Archilochi fragmentum exstat apud Plutarchum de Audiend. Poet. p. 33. B. Ad eandem elegiam referri solet aliud fragmentum apud Stobaeum Serm. CXX. p. 615. ed. Gesner. ubi dulcissimum Pericli amico solatium praebet, et patientiam ait ad ferenda intolerabilia mala a diis remedium esse datam. Recte, ni fallor: neque id in poeta, cuius non minor, quam Horatii et lyricorum fere omnium, est inconstantia, mirabile videri potest. Sed ne in hoc quidem fragmento ullum est tristitiae aut querimoniae signum. Immo in hoc ipso fragmento Archilochus a femineo luctu abstinendum esse dicit v. 10:

τλήτε, γυναικεῖον πένθος ἀποσάμενοι.

Tertium eiusdem carminis frustulum habemus apud Schol. ad Apollon. Rhod. I, 824. quod recte huc traxit Liebelius ad Archil. Reliq. p. 155 seq. Idem denique de eodem carmine accepit Longini locum de Subl. X, 7. quem Tollius ad tetrametrum trochaicum retulerat. Ubi tacendum non erat, hanc non suam esse, sed Fabri, Langbaenii et aliorum interpretationem, quam concedo Tollianae praeferendam videri. Quae si vera est, *παθητική* in eadem elegia de omni naufragio narratio legabatur, cuius hoc postremum fragmentum erat fortasse particula. In hac vero narratione principem locum ipsius Archilochi calamitas, affinis sui iactura, occupare debebat; neque haec poterat sine aliqua doloris significatione commemorari, quae tamen in isto carmine flebilis esse haudquaquam potuit, nisi forte animum a luctu revocat, seque consolari studet, nec potius suam ipse contemnit ac ridet calamitatem, qui ita loquitur, ut Archilochus eo loco, quem principio attuli. Neque

de flebili querimonia cogitare cogunt verba Plutarchi de Audiend. Poet. p. 23. B. ad eandem elegiam iam a Iacobsio relata: ὅταν δὲ (Ἀρχίλοχος) τὸν ἄνδρα τῆς ἀδελφῆς ἠφανισμένον ἐν τῇ θαλάττῃ καὶ μὴ τυχόντα νομίμου ταφῆς λέγῃ θρηνῶν, μετριώτερον ἂν τὴν συμφορὰν ἐνεργεῖν,

εἰ κείνου κεφαλὴν καὶ χαρίεντα μέλεα

"Ἥφαιστος καθαροῖσιν ἐν εἵμασιν ἀμφεπονθήθῃ,

et quae sequuntur. Ut tamen urgeas illud θρηνῶν, et flebilem in hoc carmine repertam esse querimoniam, non tantum leviculam doloris significationem, credas; hoc certe, quocunque te vertas, largiendum erit, totum carmen non modo lugubre, sed eiusmodi fuisse, ut lugubre ab eius auctore ne exspectari quidem possit. Sed fac, Archilochum bis terve ostentandi ingenii causa contra naturam suam lamentatum esse. Ideone Horatio credibile videri poterat, Archilochum inventorem esse elegiae, quam initio fuisse lugubrem putabat?

Sin falsa haec est Horatiana sententia de elegia principio lugubri, non solum credi potest grammaticis, qui vel Callinum vel Archilochum inventorem elegiae censebant, sed necessario credendum est, alterutrum re vera inventorem esse habendum. Est enim parum credibile, ad Aristarchi et Aristophanis, qui Callino, et aequalium aut certe non multo posteriorum aetatem grammaticorum, qui Archilocho inventionem tribuebant, veri inventoris ne mentionem quidem pervenisse. Nam quum plerumque parva et exigua cuiusque rei initia ac propter hoc ipsum obscura esse soleant, secus est in carmine elegiaco, neque ignobilem poetam fuisse necesse est, qui post epicam poesin ad summum perfectionis gradum ab Homero evectam hexametro primus pentametrum addidit, eoque ad reliqua metra invenienda transitum fecit. Omnino novorum inventores metrorum, quorum inventio semper est metri antiquioris huiusmodi immutatio quaedam, quae cum argumenti no-

vitae arctissime cohaeret, celeberrimi solent esse poetae. Sed omnium maxime admirabilis is debet videri, nec facile potuit summis grammaticis Alexandrinis, qui certare de eo et ambigere omnino poterant, prorsus ignotus esse, qui primus omnium novum metrum adiecit heroico. Quod si ipse fecit Archilochus, qui tot alia metra invenit, hoc sane princeps eius inventum fuit: sin alius ante eum, huius profecto nomen, nisi miro quodam ac singulari casu, non magis potuit interire, quam ipsius Archilochi.

Idem plus etiam apparebit, quum Callinum aetate ad Homerum proxime accedere docuero. Neque enim credibile est, *καὶδὲν* Callino antiquiorem invenisse metrum elegiacum, et nihilo secius his tam antiquis temporibus carmina eius non esse toties decantata, ut auctoris saltem aliqua mentio ad grammaticos Alexandrinos perveniret. Erunt fortasse, qui dicant, nullum inter Callinum et imitatore eum Tyrtaeum, quos infra patebit haud exiguo temporis spatio inter se distare, poetam elegiacum commemorari, quum tamen hoc genus certe non prorsus neglectum tamdiu iacuisse videatur. Ut autem posteriorum Callino, sic etiam antiquiorum hoc in genere poetarum et ipsius forsitan inventoris his etiam antiquissimis temporibus obliterari memoriam potuisse. Utrumque sic accidisse videri, ut variorum carmina poetarum posteriorum Callino, posthabitis antiquioribus, communi sint Callini, praestantissimi hoc in genere *καὶδὲν*, nomine comprehensa. Et factum esse id quidem constat in Homero, et potuit fieri facillime: in Callino, cuius carmina magis etiam, quam Tyrtaci, in re praesenti versabantur, non modo non constat factum esse, sed minime potuit fieri. Quod si inter Callinum atque Tyrtaeum unus et alter poeta elegiacus intercesserit, hoc sine dubio Aristarcho non aequae ac nobis fuit ignotum. Neque poetae antiquitas

ab heroico metro, quod diu etiam post Callinum regnum tenebat, videntur saepe recessisse. Atqui hoc ipsum, quod tantus non erat numerus poetarum elegiacorum, ut alter alterius obscurare memoriam potuerit, temerarium fore confirmat, si quis nisi in summa necessitate vel suspicetur, carmen elegiacum neque a Callino neque ab Archilocho, sed ab antiquiore quodam poeta inventum esse, qui ignotus fuerit grammaticis Alexandrinis.

Verum ut illuc redeam, urgeret profecto necessitas talis, si probabilis esset sententia Horatiana de elegia initio lugubri. Quare modestiaetribuendum Horatii, quod adhuc sub iudice litem esse dixit, quippe qui, si ipse certum sibi in controversia de inventore carminis elegiaci sumsisset arbitrium, haud dubie affirmasset, neutram sententiam, nec de Callino nec de Archilocho veram esse, et inventorem prorsus ignotum. Nimirum ipsam Horatii opinionem de elegia principio lugubri mox patebit ex antiquissimorum locis grammaticorum male intellectis haustam videri. Hos autem grammaticos, quum partim Callinum, partim Archilochum inventorem perhiberent, non ausus est Horatius inconstantiae accusare, quamvis ipse, quum veritatem illius sententiae de elegia initio funebri non dubiam haberet, lugubrium elegorum poetam iam ante Callinum et Archilochum elegiae inventorem credere deberet.

Laudabilis haec in poeta modestia est: in critico vituperanda timiditas esset. Quodsi amplexus fueris Horatii sententiam de elegia initio lugubri, acquiescendum erit in ea sententia, quam Horatius non ausus est pronunciare, *ἄλυστον* esse quaestionem de origine carminis, et inventoris ne mentionem quidem ad grammaticos Alexandrinos, nedum ad nos, pervenisse. Unde patet, istam Horatii sententiam data opera debere examinari, antequam de inventore quidquam statuere liceat. Prius-

quam vero ad hanc quaestionem accedam, paucis dicendum videtur, quo tendat, quae nunc sequitur, argumentatio nostra. Ostendam igitur, elegiam non initio, sed apud Atticos demum Simonidis Leoprepidae tempore funebrem fuisse, neque igitur dubitari ullo modo posse, quin aut Callinus fuerit aut Archilochus inventor. Est autem lugubris elegia nulla alia, quam quae proprie *ἐλεγος* dicitur, ut nihil differat id, de quo nunc agitur, a quaestione de origine carminum, quae primum ac proprie *ἐλεγος* sint appellata, sive quod idem est, siquidem in Simonidis aetate, in quo prima huiusmodi carminum vestigia inveniuntur, origo ipsius nominis *ἐλεγος* necessario ponenda est, a quaestione de origine nominis *ἐλεγος*. Significat enim *ἐλεγος*, ut tribus verbis rem complectar, lugubre carmen distichis compositum, quod quidem non sit epigramma, nunquam lugubre carmen alio metro; carmen autem distichis quidem scriptum, sed non lugubre, apud Romanos demum *elegus* dici coepit: Graeci tale carmen, si epigramma non erat, derivato inde nomine et ad universum metri genus traducto, *ἐλεγείαν*, ipsum vero distichum *ἐλεγείον*, et plura omnino disticha, sive uno vel epigrammate vel alio carmine cuiusvis argumenti, sive pluribus comprehensa, plurali numero *ἐλεγεία* vocabant. Distichum brevitatis causa simpliciter dico hexametri et pentametri coniunctionem, ceteroquin haud ignarus, veteres binos omnino versus cuiuscunque mensurae appellasse hoc nomine. Nomina autem illa apud Atticos demum a Simonidis inde tempore usurpari coepta: ante Simonidem elegiaca carmina una cum heroicis *ἐπη* vocata.

Iam ut missum tantisper Simonidem faciam, ac primum universe ostendam, apud Atticos demum lugubris elegiae originem esse quaerendam, nullum aio ex istis nominibus reperiri ante Atticorum aetatem, ac

tum demum derivata nomina *ἐλεγεία* et *ἐλεγείον* esse de antiquioribus etiam carminibus eodem metro compositis usurpata; id quod unus omnium nostra memoria animadvertit Boettiger, cuius sententiā erit mox exploranda. Sin quis ita nobis occurrat, ut loca Atticis antiquiora, in quibus haec nomina olim exstiterint, casu fortasse nunc esse deperdita existimet, hoc ut per se probabile sit, repugnat tamen auctoritas antiquissimorum grammaticorum. Namque ad ipsum illum Atticorum usum loquendi, qui primi *ἐλεγον* per *θρήνον* interpretati sunt, respexerunt grammatici, bene illud intelligentes, quod fugit Horatium, nominis originem distinguendam ab ipsius origine carminis, ac multo postea in Atticorum aetate esse ponendam. Nimirum in Atticorum scriptorum locis, non in vanis ariolationibus de etymologia nominis *ἐλεγος*, fons est illius interpretationis quaerendus; neque etiam illud a veterimis neglectum grammaticis, talia loca demum a quod Atticos inveniri. Sed paullo diligentius singula persequamur.

Varias grammaticorum notationes nominis *ἐλεγος* enumerare nihil attinet. Dixisse sufficiat, suam fere quemque enodationem communi omnium sententiae accommodasse, qua *ἐλεγον* per *θρήνον* interpretantur. Hoc autem facere minime poterant, si hanc vim nominis finxissent ex etymologia, nec potius perspectam habuissent ex usu loquendi Atticorum. Quodsi reperias posteriorum loca grammaticorum, qui ex etymologia nominis ad propriam eius significationem fecerint conclusionem, ad istos cave antiquissimos exigas grammaticos Alexandrinos. Nempe posteriores isti homines ex rivulis hauriebant, ex locis antiquiorum grammaticorum, non ex fontibus, qui sunt apud Atticos. Duo apponam loca huiusmodi. Suidas: *Ἐλεγος, θρήνος· ἀπὸ γὰρ τοῦ ἔ· ἐ λέγειν*, etc. Eustathius p. 1673. l. 49: — *τοῖς παρ' Ὀμήρω ἀοιδοῖς θρήνων ἐξάρχουσιν. οἷς εἰσκασι καὶ οἱ*

τοὺς ἐλέγους (vulgo ἐλεγείους, quae e sequentibus orta corruptio) ἄδοντες, εἶγε παρὰ τὸ ἔ ἐ λέγειν (sic enim legendum pro ἐλέγειν) ὁ ἐλεγείος παράγεται στίχος. Qua argumentatione sane non usi essent uterque, nisi de ipsa nominis etymologia consulissent grammaticos, qui propriam vim nominis ex Atticorum ratione loquendi tenebant. Idem ex eo etiam intelligitur, quod nulla est derivatio nominis ἐλεγχος, quae propriam τοῦ ἐλέγου materiam lugubrem potius, quam aliam quamcunque querimoniam facere cogat. Nolo rem cuique obviam multis confirmare. Hoc adiecisse non supervacaneum erit, exclamationem ἔ ἔ non tantum lugubrem esse, sed ipsa passim apud Aeschylum in Prometheus et alibi omnino dolorem exprimi. Ceterum in Prometheus perperam in novissimis etiam exemplis ἔ ἔ scriptum habemus cum falsa adspiratione. Nec possum hic praeterire locum epistolae Sapphus in Ovid. Heroid. XV, 7, quem prius iam attigi:

Flendus amor meus est: elegeia flebile carmen.

Videlicet iste poeta, quem Ovidium putare vel codicum testimonia vix permittunt, unus omnium, quod sciam, neglecta Atticorum loquendi consuetudine solam etymologiam spectavit. Aliter Ovidius, ubi Tibulli obitum deplorat, Amor. III, 9, § seq.

flebilis indignos Elegeia solve capillos;

heu! nimis ex vero nunc tibi nomen erit.

Quo in disticho, si ab ipsa etymologia discesseris, nil reprehendas, nisi quod notatio primitivi nominis ἐλεγχος ad derivatum nomen ἐλεγεία extenditur, quod quidem unice ad metrum, non ad lugubre argumentum pertinet. Sed hoc, quod in grammaticis mox vituperandum erit, aequum est condonare poetae. Illud certe haud neglexit Ovidius, ἐλεγον non esse omnino querulum, sed lugubre carmen. Alter ille poeta hos ipsos Ovidii versus habens ob oculos expressit perversa imitatione.

Postremum idque gravissimum argumentum, unde cognoscas, grammaticos, qui primi ἔλεγον per θρηνον explicabant, in hac interpretatione non esse etymologiam, sed Atticorum loquendi usum secutos, in eo positum est, quod nullum a grammaticis probabile nominis ἔλεγος etymon est excogitatum. Nam si fortuito vel per se fieri non potuit, ut complures falsae nominis enodationes cum vera eiusdem significatione conspirarent: multo etiam luculentius idem illud ex eo apparet, quod nulla est vera nominis notatio, ad quam reliquae exigii potuerint. Quanquam ne per se quidem credibile est, varias de etymologia nominis opiniones aliam alii, nec potius, ut ante dixi, omnes Atticorum usui loquendi aliunde cognito accommodatas esse et aptatas. Sed illud video probandum esse, nullum nominis etymon probabiliter posse defendi. Omittam grammaticorum explosas iam dudum ab eruditis ariolationes, quibus haud vereor, ne quisquam velit amplius subvenire. Ab ἔ & λέγειν recte nomen ἔλεγος deduci, hodie omnes, puto consentiunt, excepto viro docto, qui nuper in Ephemer. univ. Vindob. a. 1814. mense Aug. p. 1010. reprehendit hanc enodationem. Et is quidem istius reprehensionis nullam aliam affert rationem, quam quod antiquissima carmina elegiaca lugubria non fuerint, etymologiam autem niti oporteat in priore, non in seriore usu nominis. Quasi vero non ipsum nomen una cum lugubri elegorum materia usurpari coeptum esset. Sed aliam ob causam certe suspecta videri debet notatio ista, licet alia quacunque melior sit. Quid quaeris? Analogiam desidero, quae quidem paullo severius iudicanti satisfacere possit. Nam qui contentus sit iis, quae H. Stephanus affert in Thes. L. Gr. T. I. p. 1067, οἰμώζειν, φεύζειν et ὠζειν, fore neminem confido. Nomen, nedum nomen generis cuiusdam poesis, quod sit ex intriectione et verbo compositum, nullum in omni Grae-

ca lingua reperias. Nimirum αἴλιος, unicum illud, ni fallor, nomen, quod interiectionem contineat, non est ex hac et verbo compositum. Atque etiam huius nominis alia plane ratio est. Videtur enim Αἴλιος, vel Αἴλινον, carminis cuiusdam initium fuisse, ut ἰόβακχος carmen est, quod incipit Ἰὼ Βάκχε, notante Bentley ad Horat. Serm. 1, 3, 7; id quod egregie Heinrichium observare memini. Deinde facilius etiam ferri posset notatio ista, si ἔλογος nomen esset, quam quum sit ἔλεγος. Has fere dubitationes vix conceptas iam plane abieceram, quum easdem mihi Heinrichius, vir praeclarus, per colloquium denuo iniectas plus acneret. Sed vel sic aliquamdiu anceps haesi propter Euripidis locum in Iphig. Taur. v. 141. seqq. quem Seidlerus ita constituit:

ἰὼ δμῳαί,
 δυσθρηνητοῖσιν θρήνοις ὥς
 ἔγκειμαι, τᾷς οὐκ εὐμούσου
 μολπαῖσι βοᾷς, ἀλύροις ἐλέγοις
 ἔῃ, ἐν κηδεῖοις οἴκτοις, etc.

Nam sive anapaestos spondiacos, quibus hic lamentatur Iphigenia, sive ipsos inconditos clamores ἔῃ, ἐλέγοις dici credas, confirmant hi versus, si integri sunt, etymon illud. Sed mox intellexi, locum sic nondum persanatum esse. Est enim non solum illa significatio, qua anapaesti sic dicerentur, sed etiam haec altera plane inaudita. Scripsit, ni fallor, Euripides:

ἰὼ δμῳαί,
 δυσθρηνητοῖσιν θρήνοις ὥς
 ἔγκειμαι, τᾷς οὐκ εὐμούσου
 μολπαῖσι βοᾷς ἀλύροις, ἐλελεῦ,
 ἔῃ, ἐν κηδεῖοις οἴκτοις, etc.

Aeschylus Prometh. v. 877. (883. ed. Brunck.):

Ἐλελελελελεῦ,

ubi Schol. θρηνηῶδες ἐπίφθεγμα. Adde Hesychii locum:

Ἐλελεῦ. — τίθησι δὲ αὐτὸ Αἰσχύλος ἐπὶ σχετλιασμοῦ ἐν Προμηθεΐ Δεσμώτῃ. Haec omiseram: sed addidi auctore Heinrichio, ne quis Lexico suo adduci se pateretur, ut exclamationem hanc bellicam tantum esse putaret. Quam facile autem ἔλελεῦ in ἐλέγοις mutari potuerit, monuisse sat est, praesertim si librarius in mente habuerit hunc versum:

"Ομαδὸν ἔκλυον, ἄλυσρον ἔλεγον,

qui versus exstat in eiusdem Eurip. Hel. v. 186. Poteris etiam aliter emendare: sed nostra omnium facilima videtur correctio.

Ponderatis his omnibus dubitare nemo poterit, quin grammatici, loca Atticorum scriptorum, non etymologiam, secuti, primum ἔλεγον sint per θρηῆνον interpretati. Sed quid opus est ratiocinari, ubi rem licet plano et evidenti testimonio conficere? Quid? si eiusmodi est testimonium, ut etiam demonstret illud, quod ratiociniis illis non efficitur, intellexisse grammaticos antiquissimos, usum nominis ἔλεγος de lugubribus carminibus deberi Atticis, ideoque longe recentiore esse ipsius elegiaci carminis inventione. Est autem memorabile huiusmodi dictum Draconis Stratonicensis, grammatici Apollonio Dyscolo prioris, in libro de Metris Poeticis non ita pridem a Godofr. Hermannno in lucem prolato p. 161, seq. Τὸ ἐλεγεῖον μέτρον παρωνόμασται ἀπὸ τοῦ ἐλέγου, ὃ σημαίνει παρ' Ἀττικοῖς τὸν θρηῆνον, ἀπὸ τοῦ ἐλέου καὶ γόου παραγομένου. εἰώθασι γὰρ χρῆσθαι τούτῳ ἐν τε θρηῆνοις ἐπιταφίοις καὶ ἐπιγράμμασι. Apparet, ut omnem librum egregie Hermannus docuit nil nisi epitomen esse libri, quem scripserat Draco de metris, varie interpolatam, ita etiam hunc ipsum locum non esse ab omni interpolatione vacuum et immunem. Verba ἀπὸ τοῦ ἐλέου καὶ γόου παραγομένου falsam quidem nominis notationem continent, nec tamen a grammatico tam antiquo alienam; et hinc Etym. M. v. Ἐλεγεία (vulgo

Ἐλεγεία): — ἢ παρὰ τὸν ἔλεον καὶ τὸν γόν: qui tametsi per se potuit ad alium grammaticum, cuius verba huc sint ab interpolatore translata, respicere, hoc tamen sine caussa idonea credere nefas esset. Sed ultima verba, quae ita aperte sunt corrigenda: εἰώθασι γὰρ χρῆσθαι τούτῳ ἐν τε θρήνοις καὶ ἐπιταφίοις ἐπιγράμμασι, haec verba vehementer dubito annon ab ipso Dracone profecta sint. Nam si ad Graecos in genere spectant, repugnant initio huius loci; sin ad Atticos tantum, habent sententiam veram quidem, quatenus ad threnos, at ineptam, quatenus ad sepulcralia epigrammata pertinet, quandoquidem haec iam Sappho fecerat elegiaco metro. Continent etiam haec verba vestigium erroris, quem mox refutabo, quo quidem seriores grammatici epigrammata non metri, sed lugubris argumenti caussa, ἐλεγεία vocata esse putabant. Adscripta videri debent ad locum Draconis e posteriori quodam grammatico, quem Plotius exscripsit de Metris p. 2634: *Elegiacum metrum dictum est, quod ε̃ ε̃* (nam ita scribendum esse pro esset, quod natum ex Latinis litteris *e e*, egregie admonuit minus recte me corrigentem Heinrichius) *sonat interiectionem flentis; et hoc metro mortuis fletus componebant antiqui vel epigrammata consecrationum, sicut Horatius docet de arte poetica, sic:*

Versibus impariter iunctis querimonia prima (Horat. codd. *primum*),

post etiam inclusa est voti sententia compos.

Quippe manifestum est, hic ex illis apud Draconem verbis haec tantum esse expressa: *et hoc metro mortuis fletus componebant antiqui vel epigrammata consecrationum*, antecedentia ex eo grammatico, unde illa sunt in Draconis librum translata. Quorsum haec? Si nihil aliud in omni libro Draconis esset, haec genuina putarem: Τὸ ἐλεγεῖον μέτρον παρωνόμασται ἀπὸ τοῦ ἔλεγου, ὃ σημαίνει παρ' Ἀττικοῖς τὸν θρήνον. Continent enim sen-

tentiam nusquam praeterea, si bene memini, obviam apud grammaticos, sed meliorem et antiquiorem Horatiana de elegia principio lugubri, Horatio illa, ut supra vidimus, cum Didymo aliisque praeter Draconem omnibus communi, *ἔλεγος* non apud Graecos omnino, neque apud aequales inventoris elegiae, sed apud Atticos demum, significasse lugubre carmen.

Eandem omnium sententiam grammaticorum fuisse necesse est, qui vel Callinum vel Archilochum inventorem tradidere. Qui nisi intellexissent, originem nominis *ἔλεγος* et lugubrium elegorum esse ab ipsius elegiae origine distinguendam, ac metro elegiaco carmina varii argumenti diu condita, priusquam de nomine *ἔλεγος* et funebri elegorum usu quisquam cogitaret: haud sane potuissent poetas, qui lugubres elegias non composuerant, elegiaci carminis inventores habere.

Qui factum igitur, ut Horatius, doctissimus poeta, nihilo minus originem pentametri elegiaci ab origine nominis *ἔλεγος* et elegorum lugubrium non discerneret, iamque ante Callinum et Archilochum putaret elegiam fuisse lugubrem? Quod equidem non valde mirarer, quoniam ab Atticorum inde tempore etiam antiquiora carmina, quae distichis constabant, *ἐλεγεία* nominabantur, nisi ante Horatium Alexandrini rectius hac de re iudicassent, Horatium autem Alexandrinorum iudicia, quae huc pertinent, ob oculos habuisse constaret. Quid ergo? Dicta grammaticorum illi Draconis loco similia Horatii tempore sine dubio permulta exstabant. Verum quos Draco explicatius dicit *Ἀττικούς*, eosdem alii generatim *τοὺς παλαιούς* vocare, aut simili vaga et ambigua mentione significare poterant. Quod si fecerunt, vix fieri potuit, quin grammatici minus docti *τοὺς παλαιούς* non de Atticis, ut debebant, sed de aequalibus inventoris elegiae acciperent, ideoque elegiam initio lugubrem fuisse putarent, quum esset tantummodo lugu-

bris initio nominis sui, hoc est Atticorum aetate. Ac fuit sane ambigua haec loquendi ratio in hac ipsa sententia de lugubri elegia satis vulgaris apud grammaticos, etsi locus Horatio antiquior, ubi in vera sententia de funebri elegia primum ab Atticis usurpata Attici generatim *οἱ παλαιοὶ* appellentur, adhuc desideratur. Nempe eorum, qui elegiam initio lugubrem fuisse arbitrantur, plerique hanc suam ita proponunt sententiam, ut ipsa ambigua loquendi ratio originem erroris ex male intellectis antiquissimorum locis grammaticorum, qui veram sententiam ambigue expresserint, aperte prodat. Rem attigisse satis habeo, quum plura loca, in quibus ambiguum hunc usum loquendi sua sponte quisque animadvertet, iam sint ante allata.

Et haec mihi quidem sufficere viderentur ad refutandam Horatii opinionem de elegia initio lugubri, quam unam obstare docui, quo minus aut Callinus aut Archilochus elegiae inventor debeat necessario haberi, nisi ulterius etiam progredi liceret. Quid enim? Nullusne est inter omnes Atticorum poetas elegiacos, cuius lugubres fuerint elegi, et potuerint inveniando nomini *ἐλεγος* occasionem dare? Haec quaestio ad Simonidem ducit Leoprepidem, et ad Boettigeri sententiam, proditam in Att. Mus. Vol. I. Fasc. 2. p. 338. seqq. Ubi plura attulit vir doctissimus, quam quae simul possint omnia explorari. Dividenda igitur sententia, in qua ille non docuit, sensit tamen, Simonidis demum Leoprepidae lugubres elegias fuisse, et primum *ἐλέγους* appellatas.

Ac primum Boettiger nomen *ἐλεγείον* Simonidis demum tempore censet dici coepisse de pentametro, seu potius distichis, ab hoc poeta ad threnos, nenias (quasi vero hae apud Horatium aliae essent, quam Simonidis threni!) et epigrammata relatum. Quod enim Plutarchus et alii hoc nomine de carminibus ad tibiam cantatis (sic vocat carmina elegiaca, quae tamen nec sola

constat, nec semper in Appendice patebit ad tibiam esse cantata) longe antiquioribus usi sunt, hoc nihil valere ad originem nominis constituendam. Inscriptio- nem autem tripodis, ab Echembroto auloedo Apollini ante Simonidem consecrati, apud Pausaniam X, 7. p. 814, ubi *ἐλεγεία* et *ἔλεγος* occurrunt, non modo suspectam esse, ut omnino antiqua illa tripodum epigrammata, sed vel propterea aperte spuriam, quod scripta sit oratione soluta. Recte hoc postremum. Ostendit igitur Boettiger, si ab Horatiana illa sententia de elegia principio lugubri discesseris, de qua nihil attinet afferre indicium eius, nihil cogere, ut originem nominis *ἐλεγείων* ante Simonidis tempora ponamus. An vero inde consequitur, eandem in ipsa Simonidis aetate collocandam, ad eiusque threnos et epigrammata referendam esse? Neque omnino Boettiger loqui debebat de origine nominis *ἐλεγείων*, priusquam constaret de origine nominis *ἔλεγχος*, illo antiquioris. Atqui si huius quoque originem ad Simonidem referas, epigrammata, quae nusquam *ἔλεγος* vocantur, aliorum pertinent, et ad threnos redeunt omnia. Hoc vero fecisse Boettigerum, ac nomina *ἔλεγχος* et *ἐλεγείων* promiscue usurpasse, reliqua pars declarat sententiae eius, de qua mox exponam. Nimirum utrumque nomen, si mentem eius recte percepi, simul inventum, eoque, quod sepulcralia epigrammata distichis a Simonide componi solebant, potissimum occasionem datam esse putavit ad nomina illa huic metro assignanda. Quod multa? Non intellexit vir ceteroquin acutus et perspicax, nomen *ἔλεγχος* non esse adiectivum, quod substantivi munere fungatur, ut *ἐλεγεία* et *ἐλεγείων*, quibus masculina etiam forma *ἐλεγεῖος* ex Eustathii loco prius emendato p. 1673. l. 49. addi potest (feminina apud Strabonem VIII. p. 562 [556], neutra saepissime est adiectiva, notante quaedam exempla Schaefero in Ind. Graec. ad Gregor. Cor. h. v.),

sed nomen primitivum, nomina autem *ἐλεγεία* et *ἐλεγείον* ab hoc ipso primitivo nomine derivanda, neque omnino ad lugubre argumentum, ut *ἔλεγος*, sed unice ad metrum referenda esse, quod carmina istis appellata nominibus haberent commune cum lugubribus, quae primum *ἔλεγοι* dicerentur.

Erant iam apud veteres, quos fugeret haec nominum illorum coniunctio et discrimen. Schol. Platon. collect. Ruhnken. p. 150: *Ἐλεγεία, ὥδαι, θρηνοὶ ἢ μῦθοι. ἔνθεν καὶ τὰ ἐπιτάφια ποιήματα ἐλεγεία καλοῦνται.* Lege: *Ἐλεγεῖται (ὥδαι) ἢ ἔλεγοι (μῦθοι), θρηνοὶ. ἔνθεν καὶ etc.* Hesychius: *Ἐλεγεῖται (sic scriptum), εὐμελίας.* Idem alibi: *Ἐλεγοι, μῦθοι, ὥδαι, θρηνοὶ. ἔνθεν καὶ ἐλεγεία τὰ ἐπιτάφια ποιήματα.* Bina haec loca iungenda, et sic emendanda: *Ἐλεγεῖται (ὥδαι, εὐμελίας) ἢ ἔλεγοι (μῦθοι), θρηνοὶ. ἔνθεν καὶ etc.* Apparet, Hesychium descripsisse scholium istud Platonicum, addito tantum in margine (marginale supplementum transpositio prodit) *εὐμελίας*: quae quidem ellipsis longius est petita, quam quae ferri possit; aut etiam eundem, quem Platonis interpres, alius nescio cuius grammatici locum ob oculos habuisse. Duplicem vero auctor huiusce sententiae commisit errorem, alterum, quod ad nomen *ἔλεγος*, nunquam illud, ut supra vidimus, adiectivi instar usurpatum, non dico ineptam istam, sed nullam omnino ellipsin admisit, quasi nomen proprie adiectivum esset formatione tantum, quam vocant grammatici, diversum ab *ἐλεγείος*; alterum eumque cum priori arctissime coniunctum, quod *ἐλεγείαν* non minus, quam *ἔλεγον*, per *θρήνον* est interpretatus, itemque sepulcralia epigrammata, quae *ἐπιτάφια ποιήματα* dicit, propter similitudinem argumenti cum carminibus, quae illis nominibus appellentur, *ἐλεγεία* dici voluit. Similiter Etym. M. *Ἐλεγεῖα, inquit, καὶ ἀρσενικῶς ἔλεγος, ἢ κατὰ τὸ μέτρον, ὅτι ἐπιλέγεται τῇ ἑξαμέτρῳ τὸ πεντάμετρον, ἢ παρὰ τὸν ἔλεον etc.* Sic locus

restituendus, qui vulgo ita se habet: *Ἐλεγεία, τὸ μέτρον καὶ ἀρσενικῶς ἔλεγχος ἢ ὅτι ἐπιλέγεται* etc. Debebat sic fere incipere: *Ἐλεγχος, ὅθεν ἔλεγεια*, iamque ea, quae de etymologia dicere vellet, ad illud tantummodo, non etiam ad hoc nomen referre, quod nonnisi ad metrum pertinet, ut *ἐλεγείον*, de quo nomine pluribus paullo post exponam. Atque eiusdem erroris iam ante in Ovidio demonstravi vestigium. Ceterum sepulcralia epigrammata si lugubris argumenti caussa, ut diserte affirmat antiquus ille Platonis interpres, *ἐλεγεία* vocari coepta essent, vel sic tamen ultra, quam par erat, processisse essent putandi, qui sepulcralia ea quoque epigrammata, quae carebant pentametro, *ἐλεγεία* nominabant; id quod factum est a Dione demum Chrysostomo Orat. IV. de Regno p. 185. seq. ed. Reisk. a Pseudoherodoto in Vita Homeri cap. 56. et hinc a Suida v. *Ὀμηρος*, de quorum usu loquendi rectius, quam Casaubonus in Commentar. ad Persii Sat. I, 51. et Reiskius ad locum Dionis, Bentleyius iudicavit in Resp. ad Boyleum p. 431. ed. Lips. Memoriae vitium est, quum Schneiderus affirmat in Lexico Gr., iam a Demosthene Orat. in Neaeram p. 1378. l. 13. hexametros *ἐλεγεία* vocari. Dicere voluit, unum distichum plurali numero vocari *ἐλεγεία*; addere debebat, propter hanc ipsam ineptam rationem loquendi glossema habendum atque delendum esse *τὰ ἐλεγεία*, et *ἀπὸ κοινοῦ* ad *ἐκκόψαντας* assumendum *τὰ ἐπιγεγραμμένα*. Seniores illi scriptores eam haud dubie sequuntur normam loquendi, quam his verbis Io. Tzetzes memoriae prodidit in Schol. ad Exeg. in Iliad. p. 150. seq. *ἐλεγειογράφοι . . . τὰ ἐν τάφοις γράφοντες . . . γράμματα, καὶ ὥς μέτρῳ ἔτε . . . ἐπιγραμματοποιοὶ οἱ τὰ ἐν . . . καὶ ἀνὰ θήματα καὶ ἀνδρία . . . ἐπιγράφοντες ἐπιγράμμι . . .* Quem locum lacunis misere deformatum non dubito ita fere explere: *ἐλεγειογράφοι δὲ οἱ τὰ ἐν τάφοις γράφοντες ἐπιγράμματα, καὶ ὥς μέτρῳ ἑτέρῳ κεχορημένοι ἐπιγραμματοποιοὶ*

οἱ τὰ ἐν ναοῖς ἀγάλματα καὶ ἀναθήματα καὶ ἀνδριάντας ἐπιγράφοντες ἐπιγράμμασιν, In simili de ἐπιγραμματογράφοις sententia etiam Isaacius frater in Proleg. ad Lycophron. p. 258. ed. Müller. cum τοῖς εἰς ἀνδριάντας γεγραμμένοις ἐπιγράμμασιν ea coniunxit, quae scripta sint εἰς τὰ ἐν ναοῖς ἀναθήματα καὶ εἰς ἕτερα τοιαῦτά τινα. Ceterum usitatio haec foret constructio: οἱ εἰς τὰ ἐν ναοῖς ἀγάλματα — ἐπιγράφοντες ἐπιγράμματα: sed satius visum est insistere litterarum vestigiis, praesertim quum altera iunctura defendi ex Tibullo possit I, 3, 54:

fac lapis his scriptus stet super ossa notis:

quaeque ibi attulit Wunderlichius, quo duce praecipuo Vossium correxit Bachius Epist. ad Eichstad. p. 19, reprehensum illum breviter etiam ab Huschkio, viro egregio, ad Tib. Eleg. tres p. 43. Longe alia est antiquiorum consuetudo loquendi, qui quidem non tantum sepulcralia, sed alia quoque epigrammata ἐλεγεία dicebant, ut Thucydides I, 152, neque etiam sepulcralia omnia epigrammata, sed ea tantum, quae alternis hexametris et pentametris constabant.

Nec vero seriores illi scriptores in istos errores ullo modo potuissent incidere, si veram rationem nominis ἐλεγείων habuissent perspectam. Nimirum ἐλεγείων, ubi substantivi loco usurpatur, non modo potest distichum significare, quod iam pridem ab H. Stephano est observatum in fine editionis Graecorum Epigrammatum, iterum in Thes. L. Gr. T. I. p. 1067. F. sed semper distichum est. Dicitur autem sine ulla ellipsi, quamvis e Platonis Menone p. 95. D. *ME. Ἐν ποίοις ἔπεισιν; ΣΩΚ. Ἐν τοῖς ἐλεγείοις*, non sine specie veritatis colligas, ad ἐλεγείων supplendum esse ἔπος: quae ratio, si tamen ullus foret ellipsi locus, omnino probabilior esset, quam Schneideri opinio, in Lexico Gr. nominis ἄσμα statuentis ellipsin; quanquam vel sic optimum videretur, δίστιχον subaudire, et provocare ad Aelian. Var. Hist. I, 17:

καὶ ἐν σησάμῳ δίστιχον ἐλεγείον χρυσοῖς γράμμασιν ἐπέγραψαν. Opponas licet, ipsum G. Hermannum, severum illum falsarum ellipsium censorem, ad vocabulum ἐμβατήριον concedere μέλος omitti, primum in Wolfii et Buttmanni Museo Antiq. Stud. Lat. Vol. I. Fasc. 1. p. 107, iterum in Append. ad Viger. p. 871. Ita est. Sed scito, aliud esse ἐμβατήριον, aliud ἐλεγείον. Ad ἐμβατήριον Hermannus ellipsin admittit, quia, ut ipse ait, hoc cognito nondum constat, quae res ita describatur. At hoc de vocabulo ἐλεγείον satis constat vel sine supplemento. Est enim τὸ ἐλεγείον nihil aliud, quam quidquid elegiacum est, sive hexametro et pentametro constat, hoc est distichum. Conferas velim Hermannum priori loco p. 108. Quod igitur ἐλεγεία, ut mox docebo, plurali numero tam de uno vel epigrammate vel alio carmine elegiaco, quam de pluribus occurrunt, ut etiam ἱαμβεῖα de uno carmine iambico usurpata reperiuntur, haec non est enallage numeri, sed proprius ac legitimus vocabuli usus, quandoquidem, si ἐλεγείον distichum est, ultro intelligitur, ἐλεγεία plurali numero esse disticha, sive uno sive pluribus comprehensa carminibus, ut ἱαμβεῖα sunt iambici versus, sive unius carminis, sive plurium. Quam loquendi rationem vel seriores illi scriptores, qui sepulcralia epigrammata, e solis licet hexametris composita, tamen ἐλεγεία dicebant, hactenus servarunt, ut binos tantum, non plures hexametros singulari numero ἐλεγείον vocarent. Quanquam isti si reputassent, qui fiat, ut ἐλεγείον distichum sit, ἐλεγεία omnino disticha, abstinuissent, credo, a perversa hac ratione loquendi, et intellexissent, nomen ἐλεγείον minime ad lugubre argumentum, sed unice ad metrum spectare.

Haec pluribus tueri nihil opus esset, nisi loca exstarent, quae aut repugnare his iniuria putarentur, aut re vera repugnarent, ac propter hoc ipsum corrigi deberent. Alterius generis locus est incerti scriptoris de

Vita Aeschyli, intellectus ut vulgo, ita nuper etiam a Conr. Schnëidero in Stud. Heidelb. Vol. IV. p. 42, de longiori nescio quo carmine, quo Aeschylum Simonides vicerit in certamine elegiarum de iis, qui Marathone ceciderant. Verba sunt: *κατά τινας μὲν, ὡς ὑπὸ Ἀθηναίων κατασπονδασθεῖς καὶ ἡσσηθεῖς κέφ' ὄντι τῷ Σοφοκλεῖ· κατὰ δὲ ἐνίους ἐν τῇ εἰς τοὺς ἐν Μαραθῶνι τεθνηκότας ἐλεγείῳ ἡσσηθεῖς Σιμωνίδῃ· τὸ γὰρ ἐλεγεῖον πολὺ τῆς περὶ τὸ συμπαθὲς λεπτότητος μετέχειν θέλει, ὃ τοῦ Αἰσχύλου, ὡς ἔφαμεν, ἐστὶν ἀλλότριον.* Sermo est de uno disticho, quale celeberrimum illud eiusdem Simonidis est in Spartanos ad Thermopylas occisos, cuius ipsa brevitās in summa laude merito ponitur; ut vel ex ipsa huius loci vera interpretatione redargui possint, qui Aeschyleae et Simonideae elegiarum, quas putabant, fragmenta sibi reperisse visi sunt, aliunde illi a Iacobsio refutati in Animadv. ad Anthol. Gr. Vol. I. Part. I. p. 275. Non dissimili errore summus Ruhnkenius Epist. Crit. II. p. 284. eumque sectatus Ilgenus, vir clarissimus, Opusc. p. 256. et 260. verba Pausaniae VII, 18. p. 567: *ἐλεγεῖον εἰς Εὐρυτίωνα Κένταυρον*, non de disticho in Eurytionem Centaurum, ut debebant, hoc est, ni fallor, in statuum eius, sed de elegia uterque, de elegia ad illum scripta certe Ruhnkenius accepit. Alterius generis Plutarchi locum habemus in Vita Homeri p. 147. ed. Ernest. *Εἰσὶ δὲ οἱ καὶ Κολοφώνιον αὐτὸν ἀποδείκνυνται, μεγίστῳ τεκμηρίῳ χρώμενοι πρὸς ἀπόδειξιν, τῷ ἐπὶ τοῦ ἀνδριάντος ἐπιγεγραμμένῳ ἐλεγείῳ. ἔχει δὲ οὕτως·*

Τιέ Μέλητος, "Ομηρε, σὺ γὰρ κλέος Ἑλλάδι πάση
καὶ Κολοφῶνι πάτρη θῆκας ἐς αἶδιον,
κλειπὰς δ' ἀντιθέῳ ψυχῇ γεννήσας κούρας,
δισσὰς ἡμιθέων γραψόμενος σελίδας.
Τινεῖ δ' ἡ μὲν νόστον Ὀδυσσεύς, πολὺπλαγυτον,
ἡ δὲ τὸν Ἰλιακὸν Δαρδανιδῶν πόλεμον.

Apud Ernestium in fine v. 2. plena est interpunctio, mu-

tata iam Brunckio, qui in *Analectis* hoc epigramma habet inter ἀθέσποτα nr. 491. Initio v. 3. κλειτὰς scripsi, quod erat in libris καὶ τὰς. De v. 4. haec Heinrichius adiciebat: *Apud Plutarchum legitur ἡμιθέων, cuius loco editum in Analectis ἐκ στῆθίων, nescio unde. σελίδες ἡμιθέων sunt βιβλοὶ ἡρωϊκαί, de heroibus libri, nulla quidem cum ellipsi praepositionis, sed usu recto gignendi casus in utroque sermone; quo de usu multa dici possent et quorundam errores corrigi. Sed hoc alienum.* Iam si duo postrema disticha ipse Plutarchus attulit, ἐλεγείων singulari numero omnino de pluribus distichis usurpavit. At haec ab aliena manu suppleta videri debent; id quod etiam in Tyrtaei reliquiis apud eundem Plutarchum et alibi factum esse, suis locis est demonstratum in prooemio ad Tyrtaeum. Auctor primum distichum, ubi Homerus Colophonius fuisse dicitur, attulisse satis habuit. Desunt etiam nonnulla, ut γὰρ declarat, ab initio: unde cernitur, integrum epigramma Plutarchum apponere noluisse. Quum igitur in integra versuum serie punctum sustulerim post αἰδίου, idem tamen in Plutarcho, ubi reliqua delenda sunt et infra tantum notanda, est retinendum. Proinde ἐλεγείων legitima vi positum et distichum esse existimandum est. Progredior ad locum Strabonis XIV. p. 683 (1002): Ἡδὴ οὖν πάρεστι σκοπεῖν τὴν ῥαθυμίαν τοῦ ποιήσαντος τὸ ἐλεγείον τοῦτο, οὗ ἡ ἀρχή·

Ἰραὶ τῷ Φοίβῳ, πολλὸν διὰ κῦμα θέουσai

ἤλθομεν αἱ ταχιναὶ τόξῳ φυγεῖν ἔλαφοι·

εἴθ' Ἡδύλος ἐστὶν εἴθ' ὅστισοῦν. φησὶ μὲν ὀρμηθῆναι τὰς ἐλάφους

Κωρυκίης ἀπὸ δειράδος· ἐκ δὲ Κιλίσσης

ἡϊόνος . . .

εἰς ἀκτὰς διανήξασθαι Κουριάδας, καὶ ἐπιφθέγγεται, etc. Scripsi locum ex Casauboni emendatione, ipseque posterius fragmentum revocavi ad numeros suos: qua de re

Iacobsium miror tacere in Catalogo Poet. Epigrammat. p. 900. *Ἐλεγείων* singulari numero tota Hedyli, quae ferebatur, dicitur elegia. Quod etiamsi per se ferri posset, vel sic tamen dicendum fuisset τὸ ἐλεγείον, οὐ ἢ ἀρχή, omisso τοῦτο, aut etiam, quod idem est, τὸ ἐλεγείον τοῦτο, omisso οὐ ἢ ἀρχή. Quod posterius quum aperte sit exquisitius, apparet, delendum esse οὐ ἢ ἀρχή ut glossema ad τοῦτο. Restat perversus, de quo nunc agitur, usus nominis ἐλεγείον de pluribus distichis. Sed facile patet, τὸ ἐλεγείον aliud ad idem illud τοῦτο idque antiquius altero, sed falsum esse glossema. Scripsit Geographus: *Ἦδη οὖν πάρεστι σκοπεῖν τὴν ἡμετέραν τοῦ ποιήσαντος τοῦτο*.

Ἰραὶ τῇ Φοίβῃ, πολλὸν δὲ κῆμα θέουσai

ἤλθομεν αἱ ταχιναι τόξα φυγεῖν ἔλαφοι.

et quae sequuntur. Hoc distichum indicis instar et integrae elegiae significandae est; quomodo, ne alios dicam, Pausanias IV, 16. p. 519: *ἐπέλεγον ἄσμα τὸ καὶ ἐς ἡμᾶς ἔτι ἀδόμενον*.

Ἐς τε μέσον πεδίον Στενυκλήριον ἔς τ' ὄρος ἄκρον

εἶπετ' Ἀριστομένης τοῖς Λακεδαιμονίοις.

Est etiam tertius locus, ubi de pluribus distichis ἐλεγείον occurrit. Nempe Pindari Scholiastes ad Olymp. XIII, 52. ex Theopompo: *εἶναι δέ, inquit, καὶ νῦν ἀναγεγραμμένον ἐλεγείον, εἰσιόντι εἰς τὸν ναὸν ἀριστερᾶς χειρός*. Sequuntur quatuor versus. Scripsit Theopompus: *ἔστι δέ καὶ νῦν ἀναγεγραμμένα ἐλεγεία, εἰσιόντι etc.* Ita Diogenes Laertius I, 2, 2. unam Solonis elegiam de Salamine plurali numero vocat ἐλεγεία, et ibid. 5. de eiusdem Solonis elegia in Pisistrati tyrannidem ita loquitur: *τὰ δὲ περὶ τῆς τοῦ Πεισιστράτου τυραννίδος ἐλεγεία, προλέγοντος αὐτοῦ, ταῦτα ἦν*. Adde Philonem T. I. p. 25, qui aliam Solonis, quam putat, allaturus elegiam, quam spuriam et Solone indignam nunc quidem pronunciasset satis habeo: *ἐλεγεία, inquit, ποιήσας τάδε*. Minus proprie Pau-

sanias IV, 15. p. 315. tres versus elegiacos sive unum et dimidium *ἐλεγείον* nominat *ἐλεγεία*. Augere quis poterit numerum exemplorum. Progrediamur ad quartum locum, qui ficti Phalaridis est. Et is quidem tenebrioso quod lyricum carmen Epist. CXLIV. (XX.) init. *ἐλεγείον* vocat ob lugubre argumentum, hoc multo etiam ineptius est, quam si idem *ἐλεγεία*, aut melius etiam *ἐλεγον* appellasset: quanquam ne hoc quidem tolerabile posset videri, ut egregie declaravit Bentleius, cuius sententiam nova etiam argumentatione mox contra Boettigerum tueri conabor. Nescio tamen, an tale portentum ne a falso quidem exspectari Phalaride possit. Quid? si corrigas: *Ἐπεστειλάμεν Στῆσιχόρῳ, ὡς ἡξιόους, περὶ τοῦ ἐπικιδείου*, etc. Quod etsi de carmine lugubri quidem, sed in funere non cantato, et ipsum parum accurate dicitur, at saltem non erit aeque insulsum.

Haec si probabiliter a nobis sunt disputata, certum iam est et exploratum, nomina *ἐλεγεία* et *ἐλεγείον*, sive hoc singulari ponatur sive plurali numero, ex legitima loquendi consuetudine unice ad metrum, non etiam, ut nomen primitivum *ἐλεγος*, ad carminum lugubre argumentum pertinere.

Neque etiam aut postulavit Aristoteles, ut appellatio *τῶν ἐλεγείων* lugubris argumenti significationem haberet, aut etiam, si postulasset, hinc de proprio et antiquissimo usu loquendi ulla nisi ad firmandam potius nostram sententiam, quam evertendam, valeret conclusio. Aristoteles de Arte Poet. I, 11: *πλὴν οἱ ἄνθρωποι γε, συνάπτοντες τῷ μέτρῳ τὸ ποιεῖν, τοὺς μὲν ἐλεγείους, τοὺς δὲ ἐποικοὺς ὀνομάζουσιν, οὐχ ὡς κατὰ τὴν μέμνησιν ποιητὰς, ἀλλὰ κοινῇ κατὰ τὸ μέτρον προσαγορεύοντες*. Ita Hermannus, praeterquam quod primus, ni fallor, et contra codices *ἐλεγείους* edidit. Quae forma, si defendi per se potest, certe ab hoc loco, ubi de *ἐλεγείῳ* agitur,

non de *ἐλέγοις*, manifesto abhorret. Dicuntur autem *ἐλεγειοποιοὶ* ut *ἐλεγειογράφοι* et *ἐλεγειοποιηταί*: quibus de formis vide Schaeferum ad Dionys. Halic. de Compos. Verbor. XXV. p. 252 (389), ubi addas licet Tzetzen, priore nomine utentem loco ante allato, Proleg. ad Lycophron. p. 257. ed. Müller. et ibid. p. 249. Emendandam putat (quis neget?) philosophus vulgarem istam loquendi consuetudinem, sed improbat hactenus tantum, quatenus prorsus neglecta imitatione, in qua ipse poesis naturam ponebat, haec omnis referri ad metrum solebat, non ita, ut poematum, quae ceteroquin hoc nomine non sint indigna, divisionem ex metrorum diversitate factam reprehendat, dummodo ipsa poesis natura in imitatione quaeratur, et huc referatur totius poesis etiam metrica distributio. Nam quod paullo ante nomen *ἐποποιῖα* latiore vi usurpaverat, quam ferebat communis loquendi usus, hoc non fecerat ita, ut usum nominis *ἐπη* de hexametris etiam tum vituperaret, quum hac arctiore significatione *ἐποποιοὶ* non dicerentur omnino *οἱ ἐπη*, sed *οἱ δὲ ἐπῶν τὴν μέμνησιν ποιῶντες*. Sunt enim eodem modo ex mente philosophi *ἐλεγειοποιοὶ* (et hoc ipsum est, quod huc maxime pertinet,) *οἱ δὲ ἐλεγείων*, ut ipse ait, *τὴν μέμνησιν ποιῶντες*. Quid ergo? Nonne vel sic *ἐλεγεία* omnino distichæ sunt, et metri, non lugubris argumenti, caussa hoc nomine appellantur? Alia quaestio est, sintne omnia *ἐλεγεία* poematum nomine digna; id quod iure negat Aristoteles. Indigna sunt, quae nil praeter metrum habent poeticum. Sin quis Aristotelem nulla non carmina elegiaca, exceptis pauculis, quae sunt querula et lugubria, in hunc numerum retulisse sibi persuadeat, quasi nullum nisi funebre argumentum distichis inclusum esse possit poeticum: is reputet velim, istius sententiae nullum ne levissimum quidem in ipsis philosophi verbis esse vestigium, adeoque tale iudicium vel ex iis grammaticis,

qui metrum elegiacum lugubri magis, quam aliis argumentis convenire credebant, nemini unquam in mentem venisse. Aristotelis longe aliam fuisse sententiam, ipsum etiam magni huius philosophi sponsorem habemus ingenium, praesertim quum illa grammaticorum opinio, quae sola, si istis tale quid excidisset, his nugis excusationem quodammodo praebere videretur, ab Aristotelis aetate sit alienissima, atque ex Alexandrinorum denique dictis male intellectis enata. Adde quod ipsum Aristotelem carmina elegiaca non funebria fecisse constat. An forte credibile est, haec sua ipsius *ἐλεγεία* e poematum numero eximi voluisse philosophum? Immo qui bene norit Aristotelem eiusque indicium de didascalica poesi, nullus dubitabit, quin gnomicas potius excludi voluerit elegias. Fac tamen, Aristotelem carmina elegiaca non lugubria poematum aut etiam *ἐλεγείων* appellatione censuisse indigna, et falsam esse interpretationem nostram. Nonne satis est e manifesto ipsius testimonio intellexisse, carmina, quae distichis constarent, iam tum propter hoc unum esse *ἐλεγεία* vocari consueta? Nonne, quod ex coniunctione et discrimine nominum *ἔλεγος*, *ἐλεγεία* et *ἐλεγείων*, ex ipsaque natura et indole nominis *ἐλεγείων* supra a nobis patefacta cognovimus, propriam hanc esse ideoque etiam antiquissimam rationem loquendi, idem hoc ipso Aristotelis dicto vel maxime confirmatur? Nempe si alia fuisset antiquissima consuetudo loquendi, haec vix potuisset ignota esse doctissimo philosophorum, eique renovanda fuisset et restituenda. Quod si quis eo ab Aristotele factum dicat, quod postulaverit, ut appellatio *τῶν ἐλεγείων* lugubris argumenti potius, quam metri, significationem adscisceret, hoc etiamsi iuberet philosophus, nihilo minus ille vehementer erraret. Quid enim? Aliud est instaurare veterem loquendi usum, aliud, novum inducere. Ceterum ex his inanes de hoc Aristotelis, quas passim

reperias, disputationes, praecipue lepida commenta Gallicorum hominum, dilui facillime poterunt.

Quae quum ita sint, falsum esse apparet, sive conjunctionem et discrimen nominum *ἔλεγος*, *ἐλεγεία* et *ἐλεγείον* ipsamque vocabuli *ἐλεγείον* naturam et indolem spectes, sive Aristotelem consulas, falsum igitur esse, quod Boettiger arbitratur, *ἐλεγείον* simul inventum esse cum *ἔλεγος*, et sepulcralia Simonidis epigrammata, quibus primum nomen *τοῖς ἐλεγείοις* lugubris argumenti causa sit impertitum, occasionem dedisse ad omnia haec nomina metro assignanda, quo scripserit Simonides epigrammata ista. Intelligitur contra, *ἔλεγος* esse antiquius, *ἐλεγείον* autem vel per se nonnisi ad metrum spectare, ne multa, *ἐλεγεία* ea ipsa esse vel epigrammata vel alia carmina cuiusvis argumenti, quae cum *ἐλέγοις* commune habeant metrum. Quare ad hanc quaestionem redeunt omnia, feceritne Simonides praeter sepulcralia epigrammata, quae aliorum pertinent, et alia lugubria carmina, quae distichis constarent, et primum *ἔλεγοι* dici possent. Ita perventum est ad alteram partem sententiae Boettigeranae. Videndum enim, quemadmodum vir praestantissimus sit in hac quaestione versatus.

Boettiger, si verum dicimus, quum solvere non posset, effugere conatus est quaestionem istam, et ita quidem, ut diceret, Simonidem, licet in threnodiis hexametro et pentametro potissimum usus esse videatur (sumit enim hoc, quod unum omnium comprobandum erat), non minus tamen lyricos anapaestos et melica cuiuscunque generis querula carmina elegias (sic loquitur) nominasse videri; neque iniuria fortasse sophistam, qui Phalarideas scripserit Epistolas, lyricum quoddam Stesichori lugubre carmen elegiam vocasse, quidquid paullo acerbius dicat Bentleius in Resp. ad Boyleum p. 430. ed. Lips. Nomen *ἔλεγος* enim omnino querulum (immo lugubre) carmen significare, etiam alio, quam quod

distichis constet, metro compositum, idque e compluribus veterum locis esse notum. Error scriptoris, qui Phalaridis nomen mentitus est, si tamen ipsi potius, quam librariis est imputandus, aliorum pertinet; is enim, si sana lectio, carmen istud non *ἔλεγον* vocat, sed *ἔλεγειον*. De re ipsa Boettiger ad eundem, de quo Bentleius disputaverat, Aristophanis locum, ubi lusciniā *ἐλέγους* canere dicitur, Av. v. 217, atque ad alia eiusdem generis provocat. At enim avibus et Nymphis cuiusvis metri carmina tribui possunt: hinc vero minime potest de proprio usu loquendi fieri iusta conclusio. Quod si uberius post Bentleium persequi vellem, actum agerem. Sin quis hoc urgeat, quod haec Aristophanis: *τοῖς σοῖς ἐλέγοις ἀντιπαύλων*, respondent antecedentibus v. 213: *ἐλελιζομένη διεροῖς μέλεσιν*, et inde nihilo secius cogat, etiam *μέλη* posse *ἐλέγους* appellari: sciat, *διερά μέλη* non esse liquida carmina, sed liquidos modulos: quod recte dici, vel Persianum illud confirmat Sat. I, 34:

plorabile si quid

eliquat, etc.

Similem Lucretii locum Köppenius attulit in Anthol. Gr. T. III. p. 57, et rectius, quam Scholiastes, epitheton *διεροῖς* explicavit. Nunc illud maxime tenendum est, *μέλη* hoc loco non esse elegos, sed modulos, quibus elegos cantat lusciniā. Praeterea Boettiger Apollonii locum II, 782. commemorat, ubi Lycus, Mariandynorum rex, Priolaum fratrem, a Mysis interfectum, adhuc a populo narrat *οἰκτίστοις ἐλέγοισιν ὀδύρεσθαι*. Non poterant elegi (quis neget?), si hoc genus sine distichis cogitari nequit, in Mariandynorum ore versari Argonautarum tempore. Sed amabo, quid aliud hoc est, quam usitatissima prolepsis sive anticipatio? Restat Euripidis versus Troad. 119, quem e Musgravii et Tyrwhitti emendationibus vere Seidlerus ita restituit:

ἐπιτοῦσ' αἰεὶ δακρύων ἐλέγους.

Hecuba loquitur, semperque se, si vera est Boettigeri interpretatio, adire ait, hoc est incipere elegos. Atqui in anapaestis lamentatur et eiulat. Nonne igitur manifestum est, *ἐλέγους* esse universe querula et lugubria carmina? Haud contemnenda sane haec argumentatio, modo interpretatio certa, et ulla omnino in Hecubae querelis carminum initia essent. Verum enimvero *ἐπιέναι ἐλέγους* de conatu est accipiendum, et exponendum *incipere velle elegos*. Optat Hecuba, ut per mentis agitationem liceat sibi querelas elegis temperare, ac molliore cantu lenire dolores, semperque se dicit in eo esse, ut canat elegos, sicut in alio Euripidis loco, Androm. v. 103. seqq. miseriam suam per elegiam re vera deplorat Andromacha: sed impetu et vehementia prohibetur doloris. Eodem ducunt sequentia:

*Μοῦσα δέ γ' αὐτῇ τοῖς δυστήνοισι
ἄτας κελαδεῖν ἀχορεύτους.*

ubi iure recepta Hermannii correctio *δέ γ' pro δέ χ'*. Quid enim? Nonne fatua esset sententia, si nihil aliud Hecuba quam querula carmina ad querulum cantum idonea esse diceret? Ne dubites igitur, quin ad ipsum metrum elegiacum hic omnia redeant: quod quum in querulo carmine usurpatur, lene quiddam habet ac placidum, ideoque ad compescendam doloris nimiam vehementiam prae ceteris aptum est. Ista vero, quae nostra interpretatione efficitur, sententia certe melior altera est, et satis Euripidea; quod quid sit, non erit obscurum iis, qui huius tragici non tantum virtutes norint, sed etiam vitia.

Quodsi apparet, nil nisi Boettigeri coniecturam esse, quod putat, Simonidem, ex sua opinione, inventorem lugubris elegiae, melica quoque carmina *ἐλέγους* nuncupasse: iam, age, videamus, sitne per se aut necessaria aut etiam probabilis haec coniectura. Ac primum quidem necessaria non est. Ecquid est enim, obsecro,

quod impediatur, quo minus certum quoddam lugubre carmen distichis compositum primum *ἔλεγον*, mox alia eiusdem argumenti carmina itidem alternis hexametris et pentametris conscripta eodem nomine, tandem cuncta carmina eodem hoc metro condita, querula et laeta, antiqua et nova, ob ipsam credas metri cognationem cum *ἐλέγοις*, nominibus ab *ἔλεγος* derivatis *ἐλεγείας* et *ἐλεγεία* esse appellata? Deinde ne probabilis quidem est Boettigeri coniectura. Nam quum lugubria carmina, quae distichis constarent, quaeque differrent a sepulcralibus epigrammatis, non tot pangerentur a Graecis, quot lyrica eiusdem argumenti carmina: qui tandem usu venire potuisset, si initio quaevis funebria carmina, etiam lyrica, communi essent elegorum nomine comprehensa, ut disticha potius a metri cognatione cum *ἐλέγοις*, quam lyrici versus *ἐλεγεία* nominarentur?

Sensit Boettiger hanc difficultatem, et hic sepulcralia epigrammata in auxilium vocavit, quae non a metri cognatione cum *ἐλέγοις*, sed et ipsa lugubris argumenti causa *ἐλεγεία* vocari credidit: male, ut supra docui. Quid plura? Quocunque te veritas, fatendum erit, ante omnia Boettigero comprobandum fuisse, scripsisse Simonidem non modo praeter sepulcralia epigrammata, verum etiam praeter melica carmina lugubris argumenti (in utroque autem genere Simonidem Graecorum omnium facile principem fuisse compertum est,) alia quoque lugubria carmina, eaque alternis composita hexametris et pentametris, sive, quod idem est, eiusmodi, quae *ἔλεγοι* primum dici potuerint.

Iam, quaeso, memineris, hoc unum docuisse Boettigerum, nihil cogere, si ab ipsa Horatiana sententia de elegia initio lugubri discesseris, ut originem nominis *ἔλεγος* ante Simonidis tempora ponas. Quodsi viro egregio ideirco credibile visum est, Simonidem in threnodiis metro elegiaco usum esse, quod praecipuam eius in

commovenda miseratione virtutem fuisse constat, eundemque omnino metrum elegiacum usurpasse demonstrant epigrammata eius; si porro cognitum habuit, a poetis elegiacis, Simonide antiquioribus, quorum ad nos pervenit notitia, minus, quam a Simonide, posse lugubres elegos exspectari, nedum ullam esse apud antiquos carminum, quae primum *ἐλεγοι* dici potuerint, ante Simonidem mentionem iniectam: vix sane fieri potuit, quin Simonidis *θρήνοις* magnam partem distichis fuisse compositos, et hos primum *ἐλέγους* nominatos suspicaretur. Sed nemo non videt, quam levissima istiusmodi sit suspicio, si docere nequeas, partim re vera Simonidem scripsisse carmina, quae primum *ἐλεγοι* appellari possent, partim originem nominis *ἐλέγος* esse in ipsa Simonidis aetate necessario collocandam. Neutrum Boettiger ostendere potuit, et tamen sensit, suam coniecturam alia quacunque esse verisimiliorem. Accessit error, quo lyrica quoque Simonidis carmina funebria elegias dici, ac propter eiusdem sepulcralia epigrammata nomen ad omne metri genus, de quo post Simonidem ubique occurrat, transferri potuisse credebat. Nolo hic memorare Conr. Schneiderum, qui quum sola adeo sepulcralia epigrammata ad explicandam nominis elegiae originem sufficere opinaretur, anceps esse contendit in Stud. Heidelb. Vol. IV. p. 47, utrum Simonidis an Sapphus sepulcralia epigrammata *ἐλεγεία* primum sint nominata. Tale quid Boettigero ne in mentem quidem venire potuit. Sed nihil omnino aut epigrammata aut melica carmina ad originem nominum *ἐλέγος*, *ἐλεγεία* et *ἐλεγείων* facere potuisse, a nobis, ut spero, abunde est demonstratum. Quid ergo? An reiicienda Boettigeri coniectura? Cave credas. Amplectenda potius sine dubio, sed certis rationibus et critica cum severitate argumentationis confirmanda. Quod equidem pro facultate mea sic facere instituiam, ut primum carmina, in quae

cadat proprius et princeps usus nominis ἔλεγος, a Simonide scripta esse ostendam, deinde doceam, in ipso Simonidis tempore originem nominis ἔλεγος necessario esse ponendam.

Iam primum quod ad Simonidis carmina attinet lugubria et distichis composita, diversa autem ab epigrammatis, ne multa ad Simonidis ἐλέγους, de his prorsus destituti sumus veterum testimoniis. Nam quod Conr. Schneiderus ibid. p. 42. Simonidis elegiam deperditam in pugnam navalem ad Artemisium, quam Schol. ad Aristoph. Vesp. v. 1402. a Suida descriptus et Priscianus p. 1528. commemorant, θρῆνον fuisse pronunciat, hoc non solum comprobari nequit, sed pugnat etiam cum veterum ratione, qua pro patria mortuos non deplorare, sed felices praedicare, atque vel epigrammatis vel encomiis celebrare solebant. Neque omnino composita erat haec elegia in eos, qui in pugna perierant, sed in ipsam pugnam. Erat igitur nihil aliud, quam ἐπινίκιον ἐλεγειακόν, quo nomine Athenaeus IV. p. 144. E. Callimachi elegiam vocat scriptam in Sosibii victoriam, et hactenus similis elegiae Propertianae in pugnam Actiacam, IV, 6. Eodem modo iudicandum de Mimnermi ἐλεγείοις ἐς τὴν μάχην τὴν Σμυρναίων πρὸς Γύγην τε καὶ Λυδούς (ex Kuhnii emend. pro Λυδόν), quorum mentio fit apud Pausaniam IX, 29. p. 766: quanquam eo Mimnermus discrepabat a Simonide, Callimacho et Propertio, quod proelium celebrabat diu ante se commissum. Sed de hoc carmine plura dici possunt, quae aliorum pertinent. Non secus, quam de Simonidis elegia in pugnam ad Artemisium, ibidem Schneiderus de eiusdem ἐλεγείῳ in eos iudicat, qui in pugna ad Marathonem necati fuerant: quod iudicium supra refutavi, et ἐλεγείων nihil aliud quam distichum esse docui.

Quodsi desunt veterum testimonia, quibus effici queat, Simonidem auctorem fuisse lugubrium elego-

rum, quaerenda sunt huius rei in ipsis poetae reliquiis documenta. Aliud autem egit Conr. Schneiderus l. l. p. 41, ubi huc traxit fragmentum gnomicae elegiae de caduca hominum sorte, quod habetur inter Simonidis Epigrammata n. CIV. Eodem iure e Mimnermi querelis de iuventutis brevitate colligere poterat, Mimnermum scripsisse lugubres elegos. Sed bina fragmenta funebris elegiae in mortem Timarchi cuiusdam iuvenis inter Simonidis Epigrammata iacent abscondita. Unum, quod ipsum carminis initium est, in Brunckii *Analectis* inter Epigrammata sic legitur n. CI:

*Αἶ αἶ, νοῦσε βαρεῖα, τί δὴ ψυχᾷσι μεγάρεις
ἀνθρώπων ἐρατῇ παρ νεότητι μένειν;
ἦ καὶ Τίμαρχον γλυκερῆς αἰῶνος ἄμερσας
ἦθεον, πρὶν ἰδεῖν κουριδίην ἄλοχον.*

Nimirum facile patet, hoc non epigramma, sed lugubris esse elegiae particulam, siquidem monuisse sat est, exclamationem αἶ αἶ, tamque effusam omnino querimoniam, quum elegiae optime conveniat, tum vero in versibus lapidi insculptis (erant autem Simonidis epigrammata re vera adhuc lapidibus incisa) esse ridiculam, sententiam autem his versibus inesse non truncatam quidem et quae utique per se intelligi nequeat, sed mancam tamen et imperfectam, quaeque integrum epigramma efficere minime possit. Vereor equidem, ut omnium assensum sim impetraturus, si dicam, eiusmodi esse morbi mentionem, ut tam immaturae mortis paullo accuratior descriptio expectetur. Quippe ad sensum haec observatio pertinet, de quo difficile est disputare. Sed mox confirmabit eam alterius fragmenti comparatio, ubi ab initio talis descriptio deest. Hoc puto qui neget fore neminem, laudes adolescentis desiderari ob verba καὶ Τίμαρχον, etiam *Timarchum*, tam egregiae indolis iuvenem, non quum alios, tum etiam *Timarchum*, quod aperte languidum esset tantoque

poeta vel maxime indignum. Quaquam in iis, quae proxime sequebantur, unum tantum et alterum honorificum adolescentis epitheton Simonidem adiecisse crediderim, hinc statim ad narrationem de obitu eius processurum. Certe si ullum omnino versus illi, quos posui, huiusmodi narrationis desiderium movent, non potuit ea hinc procul esse remota. Accedit, quod ex altero fragmento mox patebit, poetam ad laudes defuncti uberius persequendas omnemque vitae eius rationem exponendam, praecipuum illud, ut arbitror, carminis argumentum, ab ipsa demum hac narratione transitum fecisse. Est autem fragmentum, quod exhibui, elegiae in mortem Timarchi non tantum aliqua pars, sed ipsum eius exordium, quoniam nunc primum commemorari Timarchum ex ipsa mentionis ratione est manifestum. Sed progrediendum est ad alterum eiusdem elegiae fragmentum, quod et ipsum vulgo fertur epigramma, quodque hoc nostrum in Brunckii Analectis proxime antecedit, sed eidem ut initio carminis postponi debet:

*Φῆ ποτε Τίμαρχος, πατρός περὶ χεῖρας ἔχοντας,
ἦν' ἱκ' ἀφ' ἡμερτὴν ἔπνεεν ἡλικίην.*

*ὣ Τιμηνορίδῃ, παιδὸς φίλου οὔποτε λήσῃ,
οὔτ' ἀρετὴν ποθέων οὔτε σαοφροσύνην.*

In utroque fragmento (liceat enim tantisper sumere, quod mox docebo, fragmentum esse hoc postremum) in utroque, inquam, fragmento de Timarcho sermo est, qui illic annumeratur abreptis in flore iuventutis, ac dulci vita dicitur ἡέθιος esse privatus πρὶν ἰδεῖν κοινὴν ἀλογον, hic ἡμερτὴν ἡλικίην exspirasse, id est iuvenem obiisse, πατρός περὶ χεῖρας ἔχοντας, non uxore et liberis circumstantibus. De immatura morte Timarchi, qui postremis his versibus significatur, nullo sane opus est argumento praeter verum:

ἦν' ἱκ' ἀφ' ἡμερτὴν ἔπνεεν ἡλικίην.

Erraret enim, si quis *ἡλικίην ἀποπνεῖν* nihil aliud esse opinaretur, quam *θυμὸν ἀποπνεῖν*, et *ἡμερτήν* vitae omnino, cuius omne spatium hoc loco sit *ἡλικία*, epitheton ornans esse putaret. Aliter iudicabis, si huc retuleris observationem Aug. Matthiae in Gramm. Gr. mai. §. 424, 3, a. accusativum nonnunquam poni, si quaeratur, quando fiat aliqua res. Et is quidem Herodoti loco, quem affert, adiungere poterat Sophocleum illud *καίρῳ δ' ἐφ' ἡκεις* Aiac. v. 54, eodemque vocare *τὴν πρώτῃν*, *τὴν ἀρχήν*, et alia. Sed ne haec quidem observatio sufficit ad explicandam rationem loquendi. Nostrum non est in singula diligentius inquirere. Simonideam locutionem iterum habemus apud Pindarum iam a Iacobsio collatum Isthm. VII, 47. seq.

εὐαν-

θε' ἀπέπνευσας ἡλικίαν.

Est autem apertum, Simonideam hanc et Pindaricam locutionem anacoluthon esse. Nam quum proprie dicendum fuisset *θυμὸν ἀποπνεῖν* vel simpliciter *ἀποπνεῖν ἐν ἡλικίᾳ* aut *τελευτᾷν ἡλικίαν*, utrumque per confusionem notionum iunctum habemus. Unde cernitur, *ἡλικίην* apud Simonidem esse vigorem aetatis, ut saepe, nec posse *ἡμερτήν ἡλικίην* aliam esse, quam quae in altero eiusdem fragmento Simonidis *ἐρατὰ νεότης*, a Pindaro *εὐανθὴς ἀλικία* appellatur. Ex his non vereor ne plus iusto cogere videar, si dicam, his in versibus de eodem homine esse sermonem, de quo in illo altero agebatur fragmento. Recte igitur ibi Iacobsius, vir praeclarus, Animadv. ad Anthol. Gr. Vol. I. Part. 1. p. 264: *In eundem Timarchum*. Sed is quidem et ceteri, ni fallor, ad unum omnes de duobus epigrammatis in eundem hominem cogitarunt. Et poterant sane, si plura mortuo monumenta condita erant, totidem in eum epigrammata confici, et singulis monumentis inscribi. At parum credibile est, iuveni, qui nondum in civitate

excellere nec rebus gestis nec republica capessenda potuerat, praeter sepulcrum aliud quoque mortuo monumentum esse exstructum. Sed esto. Si versus, de quibus nunc loquimur, epigramma sunt, unam Simonides in mortem Timarchi elegiam fecit, unum epigramma; nam versus, quos prius attuli, non epigramma, sed lugubris elegiae principium esse, non minus docui, quam utrobique sermonem esse de eodem Timarcho. Iam si hoc quoque docuero, versus, de quibus nunc agitur, itidem lugubris elegiae fragmentum, nec tamen initium, sed mediam aliquam partem esse, certum erit et exploratum, illos versus exordium, hos mediam aliquam partem esse unius eiusdemque lugubris elegiae in mortem Timarchi: nisi forte Simonidem id fecisse credideris, quod nemo unquam poeta aut fecit, aut etiam sana mente potuit facere, ut conductus vel rogatus a patre quodam, ut in filii obitum elegiam componeret, pro una scriberet duas, quo ille scilicet optionem haberet. Hoc igitur agam, quod unum reliquum est, ut versus, quos ultimo loco posui, lugubris elegiae mediam aliquam partem esse ostendam. Est autem res tam facilis intellectu, ut, nisi istud fragmentum et semper esset pro epigrammate venditatum, et adhuc venditaretur, monere vix opus esse putarem, morientis Timarchi verba, quae his versibus continentur, nihili esse, per se et abrupte lapidi incisa, ac de coelo delapsa potius, quam consilio et prudenter sepulcro inscripta videri, sed etiam verba in funebri elegia suo loco collocata et usurpata, ut a narratione de morte iuvenis ad laudationem eius via muniretur, Simonidis ingenio esse dignissima. Narrationem de obitu adolescentis ab initio desiderari, res docet ipsa, siquidem non potest carmen ab eiusmodi morientis dicto tam subito initium capere. Sed quaeso, quid hoc est: *Φῆ ποτε Τιμαρχος*? Non enim, quae deinde sequuntur, dixit incerto tempore, aliquan-

do, sed moribundus, ἡνίκ' ἀφ' ἡμερτὴν ἔπνεεν ἡλικίην. Qui potest, obsecro, punctum temporis accuratius definiri? Nonne igitur magnopere vituperandus esset Simonides, si tam repugnantia protulisset in eiusdem carminis eodem disticho? Sed cave hoc Simonidi imputes. Immo librarius incusandus, et admittenda, quae est in promptu, certissima emendatio: Φῆ τότε Τιμαρχος. Τότε ad antecedentem, quae excidit, narrationem de obitu Timarchi et morbi descriptionem referendum. In fine fragmenti nemo non laudes iuvenis expectabit, ad virtutem suam ac temperantiam provocantis. Nec sane melius, quam tali morientis Timarchi dicto, fieri potuit transitus a narratione de morte eius ad eiusdem persequendas laudes. Quae quum ita sint, iungenda sunt haec fragmenta, mutato πατέ in τότε, eo autem, quod postponitur a Brunckio: Αἶ αἶ, νοῦσε βαρεῖα, etc. praeposito, ceterum lacunae signis opportune adiectis, hunc in modum:

Αἶ αἶ, νοῦσε βαρεῖα, τί δὴ ψυχαῖσι μεγαίρεις
 ἀνθρώπων ἐρατῇ παρ νεότητι μένεις;
 ἦ καὶ Τιμαρχον γλυκερῆς αἰῶνος ἄμερσας
 ἦϊθον, πρὶν ἰδεῖν κουριδίην ἄλοχον.

* * * * *

Φῆ τότε Τιμαρχος, πατὴρ περὶ χεῖρας ἔχοντας,
 ἡνίκ' ἀφ' ἡμερτὴν ἔπνεεν ἡλικίην.
 ὦ Τιμηνορίδην, παιδὸς φίλου οὔποτε λήσῃ,
 οὔτ' ἀρετὴν ποθέων οὔτε σαφροσύνην.

* * * * *

Haec clara sunt, ut opinor; *verbum non amplius addam.*

Latet etiam aliud frustulum lugubris elegiae Simonidis, eiusque in hominem scriptae, qui ad rupem Ge-

raneam naufragium fecerat, inter Epigrammata eius nr. XCH. Habes fragmentum:

*Ἡερὶη Γεράνεια, κακὸν λέπας, ὥφελες Ἰστρον
τῆλε καὶ ἐκ Σκυθίων μακρὸν ὄρῳ Τάναϊν,
μηδὲ πέλας ναίειν Σκειρωνικὸν οἶδμα θαλάσσης,
ἄγκυα νειφομένας ἀμφὶ Μολουριάδος.*

*Νῦν δ' ὁ μὲν ἐν πόντῳ κρυερὸς νέκυς· οἱ δὲ βαρεῖαν
ναυτιλίην κεντοὶ τῆδε βοῶσι τάφοι.*

Sic recte Iacobsius hos versus constituit, Salmasii et aliorum emendationibus iam a Brunckio receptis addita praeclara Hemsterhusii correctione *Μολουριάδος*. Erunt, quibus τῆδε in ultimo versu epigramma prodere videatur. Sed hi conferant velim Propert. IV, 11, 36:

In lapide hoc uni nupta fuisse legar.

Nempe haec est codicum et editionum veterum constans lectio, minime sollicitanda, nisi quod *legor* scribendum est ex Koppiersii coniectura. Sed obiter dicere de hoc versu est nihil dicere. Ac ne opus est quidem, si quid iudico, tali exemplo ad tuendum illud τῆδε in lugubri elegia: nisi forte minus poetae licere credideris, sepulcrum vel cenotaphium, quam domum vel arborem *δεικτικῶς* significare. Atqui inest his versibus idem ille doloris impetus, quem ab epigrammate lapidi insculpto alienum esse iam ante monui. Et hic quoque alia ratio accedit, quare de epigrammate ne cogitari quidem possit. Quid enim? Ponamus, hoc epigramma esse, naufragi sepulcro carentis cenotaphio inscriptum. Nomen naufragi nusquam occurrit. Ergo Simonides aut ipse nomen ignoravit, aut cognitum quidem noluit addere. At sane non modo hoc postremum, quod omnino absurdum est, sed neutrum credibile videri potest, quandoquidem memoriae certorum hominum caussa scribebantur fere epigrammata, et ipsa etiam cenotaphia, ut omnis testatur antiquitas, monumenta erant unice honoris ac memoriae caussa exstructa. Neque Callima-

chus, ut hoc utar, Epigr. XVIII, ubi ipsos, ut scite monet Ruhnkenius in Epist. Crit. I. p. 121, Simonideos, quos posui, versus expressit, nomen naufragi omisit. Callimachi tale est Epigramma:

*ᾠφελε μὴδ' ἐγένοντο θαλαὶ νέες. οὐ γὰρ ἂν ἡμεῖς
παῖδα Διοκλείδου, Σοῖπολιν, ἐστένομεν.*

*Νῦν δ' ὁ μὲν εἰν ἀλὶ που φέρεται νέκυσ, ἀντὶ δ' ἐκείνου
οὖνομα καὶ κενεὸν σῆμα παρερχόμεθα.*

Attendas etiam ad versum postremum, qui observationem nostram confirmat mirifice. Sin quis obiiciat, nonnulla ipsius Simonidis epigrammata inveniri, inscriptum quodque militum, qui in pugna quadam ceciderint, monumento, quae omni locorum, ubi proelia facta, indicio careant, et hoc tamen in tali epigrammate idem esse, quod in eo, de quo nunc agatur, naufragi nomen: is sic habeto, in istis epigrammatis propterea locorum significatione nihil opus fuisse, quod ipsa loca, ubi monumenta condita essent, indicio fuerint, ibidem proelia esse commissa. Neque unquam in tali epigrammate, quod monumento alibi, quam ubi pugna fuerat, exstructo sive cenotaphio incisum fuerit, indicium loci frustra desideres. Exemplum sit, quo facilius intelligas, quid haec sibi velint, ipsius Simonidis Epigr. XL:

Ἀκμάς ἐσταχυῖαν ἔπε ξυροῦ Ἑλλάδα πᾶσαν

ταῖς αὐτῶν ψυχαῖς κείμεθα ῥυσάμενοι

δουλοσύνας· Πέρσαις δὲ περὶ φρεσὶ πῆματα πάντα

ἤψαμεν, ἀργαλέας μνάματα ναυμαχίας.

ὅστέα δ' ἄμμιν ἔχει Σαλαμῖς· πατρὶς δὲ Κόρινθος

ἀντ' εὐεργεσίας μνάμ' ἐπέθηκε τόδε.

Habes loci indicium, quo supersedere poeta, et extremum distichum prorsus omittere potuisset, si inscriptum epigramma monumento fuisset in ipsa Salamine, nec tantum Corinthiis, sed omnibus, qui in pugna occiderant, condito. Itaque necessitas illius faciendi indicii in hoc ipso posita erat, quod epigramma cenotaphio

a Corinthiis facta erat incisum. Cave etiam, ut ad versus, de quibus nunc quaeritur, redeamus, omissum naufragi nomen defendere velis e Simonidis Epigr. LIX, scripto in ignotum hominem a latronibus trucidatum, quem ipse sepeliendum curarat:

Οἱ μὲν ἐμὲ κτείναντες ὁμοίων ἀντιτύχοιεν,

Ζεῦ Ξένι· οἱ δ' ὑπὸ γῆν θέντες ὕναιτο βίου.

Non enim, ne quis erret, ea Graecorum superstitio fuit, ut umbras inhumatas per cenotaphia a funesta sua sorte liberari putarent, ideoque, si fractae navis tabulas conspicerent, nossentque, naufragos sepulcro carere, his, quamvis sibi ignotis, cenotaphia conderent. Nam si ita esset, cur tandem praetores illos, qui post pugnam navalem ad Arginusas tempestate impediti caesos milites non sustulerant, supplicio affecissent? Nonne satis fuisset occisis cenotaphium condere? Sed quid opus est argumentis aliunde petitis? Ipsum, quaeso, postremum illius sive fragmenti sive epigrammatis (namque hoc ipsum quaeritur) distichum paullo diligentius consideres:

Νῦν δ' ὃ μὲν ἐν πόντῳ κρυπτός νέκυσ' οἱ δὲ βαρεῖαν

ναυτίλῃν κεντοὶ τῇδε βοῶσι τάφοι.

Vides, uni ex naufragis cenotaphium esse conditum, quod per enallagen numeri *κεντοὶ τάφοι* appellatur. Sed cui, et quidni singulis vel coniunctim omnibus? Mercatori, ut arbitror, aut nauarcho, aut etiam vectori cuidam, honoris caussa. Certe si caussa fuisset in superstitione posita, aut singulis fuisset aut iunctim omnibus exstruendum. Dicat quispiam, fortasse unum duntaxat caruisse sepulcro, reliquorum corpora in litore esse reperta. Quomodo igitur, si nullus vitam servarat, scire poterant, unum tantummodo desiderari? Sin quis vivus evaserat, nonne ex hoc eius, cui cenotaphium conderent, poterant nomen resciscere? Apparet denique ex hoc ipso disticho, cenotaphium e poe-

tae sententia non solum ad umbram inhumatam a fatali conditione sua liberandam nihil facere, sed etiam exemplo naufragi insepulti monere et quasi clamare, quam gravis ac periculosa sit navigatio. Sed haec hactenus. Confido, nemini amplius credibile visum iri, Simonidem in epigrammate, cenotaphio naufragi inscripto, fuisse nomen hominis omissurum. An igitur omittere in lugubri elegia potuit? Minime vero. Sed profecto non desideraretur nomen, si carmen exstaret integrum. Fragmentum hoc est lugubris elegiae in naufragum, cuius nomen, quum isto in fragmento non sit expressum, nobis ignotum est, non item iis fuit, qui legere poterant Simonidis elegiam totam.

Iam, puto, quum ex ipsis Simonideis fragmentis sit manifestum, scripsisse Simonidem carmina, quae *ἔλεγος* primum vocari possent, progredi licet ad alteram quaestionis partem, atque ostendere, originem nominis *ἔλεγος* esse in ipsa huius poetae aetate necessario collocandam, hoc est, neque post neque ante Simonidem nomen *ἔλεγος* originem capere potuisse. Et illud quidem, non esse post Simonidem nomen inventum, intellectu facile est, quandoquidem occurrit nomen iam apud Euripidem, quem quidem constat Simonidis attingisse aetatem. Verum aliquanto est difficilium, hoc alterum comprobare, neque ante Simonidem originem nominis esse ponendam. Quod equidem sic demonstrare conabor, ut ostendam, carmina elegiaca ad Simonidis usque aetatem fuisse alio quodam nomine appellata, quod, si postea quoque sit usurpatum, sicut est, nusquam tamen nisi de his ipsis carminibus, origine nominum *ἔλεγος*, *ἐλεγεία* et *ἐλεγείον* antiquioribus, apud veteres quidem bonosque scriptores reperiatur.

Vereor, ne quibusdam aenigma proferre videar: sed clarius proponam sententiam. Nimirum ut carmina elegiaca Simonide antiquiora plerumque novis nomini-

bus *ἐλεγείαι* vel *ἐλεγεία* vocari solent, ita etiam pauca quidem, sed sunt tamen veterum loca, ubi eadem *ἔπη* dicantur. Sunt autem ista Theognidea carmina: quae quum in ipsam Simonidis priorem aetatis partem incidant, apparet, si haec adhuc *ἔπη* sint nominata, nullum tempus relinqui, quo nomina *ἐλεγεία* et *ἐλεγείων* originem ducere potuerint, nisi eiusdem partem posteriorem. Idem fere valet de nomine *ἔλεγος*, quod illis nominibus non multo, sed paullo tantum antiquius est existimandum. Ne quid tamen dissimulare videar, hoc ultimum video comprobandum, ac praeterea aliam quoque, eamque graviolem etiam, quam deinceps proponam, dubitationem tollendam esse, antequam liceat ad Theognidis (nam et ipse Theognis sua carmina elegiaca *ἔπη* vocavit) et reliquorum loca, quibus nititur hoc argumentum, transire.

Vehementer autem errabit, si quis dixerit, potuisse nomen *ἔλεγος* diu ante usurpari, quam carmina, quae cum *ἐλέγους* metrum commune haberent, *ἐλεγείαι* et *ἐλεγεία* nominarentur, nihilque obstaré, quo minus Theognidis carmina elegiaca ab ipso et aliis potuerint vocari *ἔπη*, etsi lugubria carmina distichis composita iam pridem coepta sint *ἔλεγος* nuncupari. Nec vereor, ne cui istud contendere vel in mentem veniat, qui reputaverit, τοὺς ἐλέγους ex Graecorum usu loquendi (soli enim Romani omnia *ἐλεγεία* vocant elegos) non efficere iustum aliquod genus poeticum, sed nihil aliud esse, quam lugubria *ἐλεγεία*, neque igitur fieri ullo modo potuisse, quin, si certa quaedam lugubria carmina distichis composita *ἔλεγος* dici coepissent, brevi haec appellatio aut prorsus in oblivionem veniret, aut ad lugubria cuiusvis metri carmina traduceretur, nisi paullo post nomen generis, appellatio τῶν ἐλεγείων, accessisset, quae sola potuit firmam stabilemque loquendi consuetudinem adducere. Quodsi Theognidis *ἐλεγεία* ab ipso et aliis *ἔπη*

vocantur, et inde iure colligi licet, nomen τῶν ἐλεγείων non ante Simonidis aetatem, in cuius priorem partem Theognidis carmina incidunt, esse inventum, idem valet de nomine ἔλεγος, eiusque origo minime potuit ab origine nominis ἐλεγείων procul esse remota.

Maioris momenti alia est dubitatio: qua relicta si Theognidis et ceterorum loca, ubi carmina eius elegiaca ἔπη dicuntur, in medium proferremus, operam perdere videremur. Quaeritur enim, annon et ea carmina hexametris non composita, sive elegiaca sive alia, quae peculiare quoddam sibi quae proprium nomen iam haberent, vocari potuerint ἔπη, ideoque hoc nomen etiam tum conveniat Theognidis carminibus elegiacis, si eius tempore nomen τῶν ἐλεγείων iam fuerit usitatum.

Concedo, non tantum elegiaca, sed alia quoque carmina, quae hexametris non constarent, ἔπη esse vocata: nego, hoc unquam nisi a quibusdam seriori aetate scriptoribus in iis carminibus factum esse, quae ad genus pertinerent, cui peculiare nomen iam tum, quum carmina conderentur, esset impositum. Perversam loquendi rationem his fere in locis reperi. Diogenes Laertius, ut ab elegiacis carminibus incipiam, I, 4, 5: ἐποίησε δὲ καὶ ἐλεγεῖα ἔπη ἑξακόσια: quae verba, ne quis forte de corruptione cogitet, eodem modo, notante Menagio, leguntur apud Suidam et Clementem Alexandrinum. De Pittaco sermo est, qui e nostra sententia origine nominis τῶν ἐλεγείων fuit antiquior. Neque tamen Diogenem retinere veterem loquendi consuetudinem voluisse dixerim. Cur enim, si hoc voluit, novam appellationem adiecit? An perspicuitatis causa? Tum vero debebat ponere solam novam appellationem, quum nulla, ut antiquam adderet, ἡρωϊκῶν ἐπῶν mentione simul facta cogeretur. Immo huic scriptori, quum versus ἔπη vocaret, cuius tandem generis essent hi versus et quo metro compositi, nihil pensi fuisse, eundemque, si occa-

sio tulisset, nimirum recentiora quoque carmina elegiaca ἔπη appellaturum fuisse fatendum est. Perinde iudicandum de Suida v. *Θέογνις*: — γνώμας δι' ἐλεγείας εἰς ἔπη βώ. Debebat dicere: εἰς στίχους βώ. Nec religiosior fuit Pausanias, ut qui Tyrtaei anapaestos aequae praeter necessitatem τὰ ἔπη τὰ ἀνάπαιστα nominaverit IV, 15. p. 317. Neque melius Galenus de Hippocrat. et Plat. Placitis, Opp. T. V. p. 118. ed. Charter. ὥσπερ γὰρ ἐξ Ὀμήρου καὶ Ἡσιόδου βραχέα παρεθέμην ὀλίγω πρόσθεν, ὧν ὁ Χρῦσιππος ἔγραψεν, οὕτω ἐξ Ὀρφέως καὶ Ἐμπεδοκλέους καὶ Τυρταίου καὶ Στησιχόρου καὶ Εὐριπίδου καὶ ἑτέρων ποιητῶν ἐπῶν μνημονεύει παμπόλλων etc. Addi etiam poterunt alia exempla: nos adiecisse satis habemus, fuisse, qui eo usque progredierentur, ut hexametros ἡρῶα mallerent quam ἔπη dicere, ne scilicet ambigua appellatio esset. Eustathius p. 1380. l. 65: "Ὅτι δὲ τὰ ἐξάμετρα οὐ πᾶν ἡξίουν ἔπη καλεῖσθαι, δηλοῖ ὁ ἐν ῥητορικῇ λεξικῇ εἰπών, ὡς ἀντίκειτο ὁ ἐποποιὸς τῷ μελοποιῷ. καὶ ἡρῶα ἔλεγον, οὐκ ἔπη, τὰ ἐξάμετρα. Ceterum in Pausaniae Lexico Rhetorico ἐποποιοὶ erant, qui verba, non qui versus, ut Eustathius putavit (quod etsi ad sensum tantundem est, differt tamen, si significationem spectas), μελοποιοὶ, qui modos faciunt. Sed hactenus de perversa posteriorum hominum loquendi consuetudine, quae quidem nullius momenti est in quaestione de origine nominis τῶν ἐλεγείων.

Falsum est, quod Eustathius, et quicumque utuntur sinistra isthac ratione dicendi, credidere, antiquos probatosque scriptores promiscue usos esse nomine τῶν ἐπῶν de quibusvis carminibus, etiam proprio generis sui nomine recentioribus. Quod quum sit docere aggressus Nunnesius in Notis ad Procli Chrestom. p. 64, ostendam, hunc virum, quod voluit, consecutum non esse, idemque verum omnino esse negabo, donec bonorum et antiquorum loca scriptorum, fuerint in medium allata,

non ubi vulgo soleant ἔπη per versus explicari, qui non sint heroici, neque etiam ante inventum proprium generis sui nomen conditi, sed ubi aliter non possint intelligi: quod ut fieri queat, magnopere vereor. Ac ne in refutando Nunnesio temere acquiescere, et hinc ad rem omnem pro arbitrio conclusionem facere videar, in tota hac quaestione ita versabor, ut, quum Nunnesius pro sua sententia bina ad Aristophanem scholia commemorarit, ubi ἔπη per iambos explicantur, et intelliguntur iambici versus, qui nomine τῶν ἱαμβέων antiquiores haberi nequeunt, ego non solum altero loco certe praeter necessitatem, altero utique falso id fieri doceam, sed alia etiam, quae praeterea sunt in promptu, eiusdem poetae loca, quae eodem modo solent intelligi, aliter interpretanda esse demonstrarem. Sunt autem in his omnibus Comici locis ἔπη non *versus*, sed partim *verba*, partim *dicta*. Quod quum docuero, hinc facile, si quis alia forte veterum loca reperiatur, ubi ἔπη itidem per versus, qui non sint heroici, recentiores autem proprii nominis sui origine, explicentur, haec ad eadem illa genera poterit revocare. Ceterum ipsa Procli verba, ad quae pertinet Nunnesii annotatio, nostram confirmare sententiam, deinde patebit. Aristotelis autem in libro de Poetica locum, ubi is omnem orationem, tam solutam quam poeticam, communi appellatione τῆς ἐποποιίας comprehendit, ab iis multum distare, ubi poemata peculiaris cuiusdam generis ab heroico diversi ἔπη vocantur, ideoque huc trahi a Nunnesio nequaquam debuisse, monere vix opus est.

Ad illa Aristophanis progrediamur, ubi ἔπη de versibus non heroicis, iisque post inventum proprium generis sui nomen conscriptis usurpari putantur, et primum quidem ad ea, ubi ex vera interpretandi ratione *verba*, deinde ad ea, ubi *dicta* ἔπη vocari existimanda sunt. Verba autem in his ἔπη dicuntur. Aristoph. Ran. v. 812. seqq.

καὶ κανόνας ἐξοίσουσι καὶ πήχεις ἐπῶν,
καὶ πλαίσια ξύμπηκτα πλινθεύσουσι γε,
καὶ διαμέτρους καὶ σφῆνας. ὁ γὰρ Εὐριπίδης
κατ' ἔπος βασανιεῖν φησὶ τὰς τραγοῦδας.

Ubi ἐπῶν et κατ' ἔπος non modo *versuum* et *singulis versibus*, ut vulgo enarrant, verum etiam *verborum* et *singulis verbis* verti posse, a Beckio iam est observatum. Praeferenda ergo posterior haec interpretatio, dum demonstratum fuerit certis exemplis, alteram illam linguae convenire. Idem valet de v. 985. (987.) seqq.

λεπτῶν τε κανόνων ἐσβολὰς ἐπῶν τε γωνιασμούς
νοεῖν, ὄρᾱν, ξυνιέναι, στρέφειν, ἐρᾶν, τεχνάζειν
καχυποτυπίσθαι, περινοεῖν ἅπαντα.

ubi ad alterum illum locum respicitur. Et hic quoque Beckius ἔπη de *verbis* recte iam est interpretatus. Post in eadem fabula, ubi chorus Musas implorat pro Aeschylō et Euripide, certamen poeticum inituris, haec leguntur v. 908. seqq.

πορίσασθε

ρήματα καὶ παραπρίσματ' ἐπῶν.
νῦν γὰρ ἀγῶν σοφίας ὅδε μέγας
χωρεῖ πρὸς ἔργον ἥδη.

Ita finitis chori precibus, ipsum Aeschylum atque Euripidem his verbis Bacchus alloquitur:

Εὐχεσθε δὴ καὶ σφῶί τε πρὶν τᾶπη λέγειν.

Kusterus neglexit omnino *ρήματα*, vertitque *παραπρίσματ' ἐπῶν* *scobem numerorum*, et πρὶν τᾶπη λέγειν *priusquam carmina dicatis*, utrobique igitur versus intellexit mox in certamine poetico a tragicis illis proferendos. Berglerus etiam nomine *versuum* usus est in interpretatione sua. Sed ante omnia videndum est de vocabulo *ρήματα*, quod corruptum et ante corrigendum puto, quam de sententia quidquam possit constitui. Scholiastes: *Τὰ μὲν ῥήματα*, inquit, *πρὸς τὸν Αἰσχύλον*· *τὰ δὲ παραπρίσματα πρὸς τὸν Εὐριπίδην λεπτολογοῦντα*. Quod si verum.

est, aperte ad *ρήματα* desideratur epitheton, quoniam nonnisi sublimia Aeschyli et magnifica verba, non verba eius simpliciter, Euripidis subtilitati opponi poterant. Neque vero aut necessaria est ista Graeci hominis interpretatio, aut etiam tolerabilis videri potest. Quid enim? Ubique poetam in hac Musarum invocatione utrique, tam Aeschylo quam Euripidi, subtilitatem tribuere, ita tamen, ni fallor, ut, dum de utroque loquitur, unum potissimum tangere velit Euripidem, nemo negabit, qui principium invocationis considerarit, v. 900. seqq.

ὦ Διὸς ἐννέα παρθένοι ἄγναι,
Μοῦσαι, λεπτολόγους
ξυνετὰς φρένας αἱ καθορᾶτε
ἀνδρῶν γνωμοτύπων, etc.

Quis credat igitur, *ρήματα* Aeschyli esse verba magnifica? Ne multa, ad subtilitatem aperte omnia hic sunt referenda. Atqui ne sic quidem *ρήματα* per se posita ferri possunt, nullo epitheto ad subtilitatem verborum indicandam adiecto. Quid ergo? An epitheton excidisse videri debet? Noli putare. Valeant potius omnino *ρήματα*, quamvis ea praeter codices omnes etiam Scholiastes agnoscat. Scribendum lenissima mutatione:

πορίσασθε

ρήματα καὶ παραπρίσματα ἐπῶν,

Dicuntur autem *ρήματα*, hoc est ἀπορήματα ἐπῶν, ut apud Platonem sub finem Hippiae maioris, κνίσματα καὶ περιτμήματα τῶν λόγων, κατὰ βραχὺ διηρημένα, quae quidem paullo post ibidem vocantur μικρολογίαί, pertinetque metaphora per totum versum ad subtilia et minuta verborum discrimina. Verborum inquam, non sermonum, quum nostro in loco dictionis, non argumentationis subtilitas significetur, illa autem in verborum, haec in sermonum et argumentorum accurata et religiosa distinctione versetur. Non aliter v. 851. lingua Euripidis

dicitur *θήματα δαλεσθαι*, verba dividere seu findere, non concidere Aeschyli verba; siquidem de specimine facultatis poeticae isto in certamine exhibendo, non de altercatione, sermo est. Nec multum, sed distant tamen Nub. v. 150, quem versum Berglerus contulit, *λόγον ἀκριβοῶν σχινδάλαμοι*. Iam etiam ultro intelligitur, quomodo accipiendus sit ultimus ille versus:

Εὔχεσθε δὴ καὶ σφώ τε πρὶν εἶπη λέγειν.

Videlicet *πρὶν εἶπη λέγειν* nihil aliud est, quam *priusquam verba illa, minuta cum diligentia secundum exigua sua discrimina delecta, in medium proferatis*. Restat locus ab ipso Nunnesio memoratus, in eadem hac Comoedia v. 975 (979):

"Ἐπειτ' ἀπὸ τῶν πρώτων ἐπῶν οὐδὲν παρήκ' ἂν ἀργόν,
cum Scholio: *Ἐπῶν δέ, τῶν ἱαμβείων. ἔπη γὰρ καὶ αὐτὰ καλοῦσιν.* At hic quoque quid obstat, quo minus *ἔπη verba* exponas? Ideone minus *ἀπὸ τῶν πρώτων ἐπῶν* erit *ab initio inde*?

Et haec fere de iis poetae locis dicere habui, ubi *verba* sunt *ἔπη*, per *versus* vulgo explicata. Reliquum est, ut pauca de iis addam, ubi eadem per *dicta* sunt interpretanda. Nempe, ut statim adiungam alterum locum a Nunnesio excitatum, idem Aristophanes Equit. v. 37. ed. Kust. ita habet:

*Οὐ χεῖρον. ἔν δ' αὐτοὺς παραιτησώμεθα,
ἐπίδηλον ἡμῖν τοῖς προσώποισιν ποιεῖν,
ἢν τοῖς ἔπεσιν χαίρωσι καὶ τοῖς πρῶμασιν.*

Schol. *"Ἐπει, τοῖς ποιήμασιν, ἢ τοῖς λεγομένοις, ἢ τοῖς ἱάμβοις. πᾶν γὰρ ἔπος μέτρον καλοῦσι,* Loquuntur Demosthenes et Nicias, Atheniensium duces, qui finguntur Cleonis servi ab hoc male habiti et aufugere cupientes. Hunc ille interrogat, velletne, rem spectatoribus proponeret? Versus, quos attuli, respondentis sunt Niciae. Pessima vero interpretatio: *ἔπει, τοῖς ποιήμασιν*, et ab homine profecta, qui vim nominis, quaecun-

que in mentem veniebat, arripuit, [de sententia parum sollicitus. Aliter Comicum intellexit antiquior, ut videtur, Scholiastes a nostro exscriptus, qui ἔπη per ἰάμβους est interpretatus, eos nimirum, quibus deinceps Demosthenes spectatoribus rem exponit. Quae inde sequuntur in Scholio, aperte ita sunt transponenda: πᾶν γὰρ μέτρον ἔπος καλοῦσι. Sed metrum omnino hic in considerationem non venit, et unice vera est tertia interpretatio: ἔπει, τοῖς λεγομένοις. Eandem tam recentiores fere, quam alius sequitur Scholiastes, cuius haec est annotatio: Δεικνύειν φησὶν ἡμῖν διὰ τῶν προσώπων, εἰ χαίρουσι τοῖς λεγομένοις. ἐκ γὰρ τοῦ προσώπου δηλοῦται ἡ τῆς ψυχῆς διάθεσις. Traducitur solennis apud Atticos oratores formula, qui saepissime λόγους et ἔργα, λέγειν et πράττειν iunctim ponere solent. Qua in formula nomine τῶν ἐπῶν utuntur poetae. Homerus Od. γ, 99:

ἢ ἔπος ἢ ἐτι ἔργον ὑποστάς ἐξετέλεσεν.

Sophocles Electr. v. 622. seq.

ὦ θρέμμι' ἀναιδές, ἢ σ' ἐγὼ καὶ τᾶμ' ἔπη
καὶ τᾶργα τὰμὰ πόλλ' ἄγαν λέγειν ποιεῖ.

Sed haec hactenus. Alio loco, Thesm. v. 419. seq.

διὰ τοῦπος τοδε·

Δίδοινα γὰρ γέροντι νυμφίῳ γυνή.

monuisse sat est nihil opus esse interpretatione *propter hunc versum*, et posse etiam verti *propter hoc dictum*.

Hoc verum est, nihil amplius, carmina non solum elegiaca, sed alia quoque hexametris non composita, communi nomine ἔπη tamdiu esse vocata, quamdiu generi, ad quod pertinerent, peculiare ac proprium nomen nondum esset impositum, eandemque appellationem de talibus carminibus nomine suo antiquioribus postea quoque interdum esse usurpatam. Exemplo utar iambicis Archilochi carminibus. Meleager Epigr. CXIX, 3. seqq. e Graefii recensione:

πολλὰ δ' ὁ πικρὸς
 αἰσχρὰ καθ' ἡμετέρης ἔβλυσε παρθενίης
 Ἀρχίλοχος, καλὴν δ' ἐπέων γάτιν οὐκ ἐπὶ καλὰ
 ἔργα, γυναικεῖον δ' ἔτραπεν εἰς πόλεμον.
 Πιερίδες, τί κόρησιν ἐφ' ὑβριστῆρας ἰάμβους
 ἐτράπετ', οὐχ ὁσίῳ φωτὶ χαριζόμεναι;

Loquentes poeta inducit Lycambis filias, et iambos, quibus laceratae ab Archilochō erant, ἔπη nominantes. Theocritus Epigr. XVIII, 5. seq.

ὥς ἐμμελής τ' ἔγεντο ἀπιδέξιος
 ἔπεά τε ποιεῖν πρὸς λύραν τ' αἰδεῖν.

Sermo est de eodem Archilochō, quem supra Theocritus dixerat τὸν πάλαι ποιητὰν τὸν τῶν ἰάμβων: ut appareat, hic quoque iambos esse Archilochi, qui ἔπη vocantur, et veram esse Liebelii interpretationem, qui in Reliq. Archil. p. XI. verba ἐπιδέξιος ἔπεά τε ποιεῖν πρὸς λύραν τ' αἰδεῖν ita expressit: *carminis solers pangendi et ad modos lyrae canendi*, falsam, quam D. Heinsius prodidit: *dexter et exactus eposque dicere ad lyramque cantum*. Adde quod vel per se πρὸς λύραν αἰδεῖν est canere ad lyram, non canere lyrica carmina, quae quidem, ne quis erret, nec sola nec semper et unice ad lyram caneantur; ne dicam, etiam concinnitatis causa verba ποιεῖν et αἰδεῖν sibi opponi putanda esse. Nec denique Archilochus omnino aut epicus poeta fuit, aut ullum omnino fecit poema epicum. Nam quod Nicephorus narrat in Schol. ad Synes. de Insomn. p. 429. ed. Prevot. Ὁ Ἀρχίλοχος οὗτος ἀρχαῖος ἦν λυρικός ποιητής, ὅς οὐ μόνον πρὸς λύραν ᾗδεν, ἀλλὰ καὶ ἐν μέτρῳ ἡρωϊκῷ τὰ καθ' αὐτὸν ἔγραψεν. huic commento nihil est tribuendum. Et sunt quidem τὰ καθ' αὐτόν, ut recte Liebelius monuit p. 45, quanquam male additis aliis coniecturis, ducta e Synesii loco perperam intellecto, de Insomn. p. 156, ubi is Archilochum tradit δεδapaνηκῆναι τὴν εὐστομίαν εἰς οἰκεῖον βίον, passim nimirum in carminibus suis, non,

ut Nicephorus credidit, in singulari quodam poemate. Sed unde istud *ἐν μέτρῳ ἡρωϊκῷ*? Ex ipso, nisi plane fallor, Theocriti dicto non melius intellecto; quod exprimere voluisse Nicephorum, manifestum est praecipue ex usu formulae *πρὸς λύραν ᾄδειν* de compositione carminum lyricorum. Collegit ex verbis Theocriti, fecisse Archilochum epicus versus, iamque, quum nullum talem Archilochi versuum alibi vestigium reperisset, huc traxit *τὰ καθ' αὐτόν*, e Synesii sui loco efficta. Hoc igitur teneamus, Archilochi iambos non minus, quam Theognidis elegias, *ἔπη* vocari. Hinc vero mea quidem sententia nihil aliud consequitur, quam quod etiam per se consentaneum est, nomen *ἰάμβος* Archilochi esse recentius, et ipsum fortasse Archilochum iambos suos *ἔπη* nominasse.

Pauca addam de Procli loco, ad quem illustrandum Nunnesius conscripsit annotationem illam, de qua ante a nobis est iudicatum. Qui locus occasionem nobis suppeditabit ad rationem huius loquendi consuetudinis explicandam. Et Proclus quidem in Chrestom. ap. Photium Bibl. p. 982, recepta, si Photio credas, vel commemorata potius, ut arbitror, eorum opinione, qui hexametros ab oraculis hoc metro compositis *ἔπη* primum appellatos, et ita hoc nomen proprium huius metri factum esse credebant, ita pergit: *οἱ δὲ φασίν, ὅτι διὰ τὴν κατασκευὴν καὶ τὴν ἄγαν ὑπεροχὴν τὴν ἐν τοῖς ἑξαμέτροις θεωρουμένην τὸ κοινὸν ὄνομα παντὸς τοῦ λόγου τὸ ἑξάμετρον ἰδιώσατο, καὶ ἐκλήθη ἔπος, καθάπερ καὶ ὁ Ὅμηρος τὸν ποιητὴν ὠκειώσατο· ἐπεὶ καὶ τὰ τρίμετρα ἔπη προσηγόρευον.* Idιώσατο scripsi pro *ἰδιώτατον*, itemque articulum addidi ante *ποιητὴν*, postulante sententia. Et utrumque exstare video in Etym. M. p. 527. seq. ubi eadem Procli prodita sunt. Postrema verba: *ἐπεὶ καὶ τὰ τρίμετρα ἔπη προσηγόρευον*, ostendunt sane, hanc opinionem altera esse tolerabilior. Sed neutra, si quid iudico, vera, et sic potius

hac de re statuendum est. In his, quae ubique nobis occurrunt apud Homerum, *ἔπεα πτερόεντα προσηύδα, τοῖσδ' ἐπέεσσιν*, et similibus, *ἔπεα* verba sunt, sed quae versibus, iisque heroicis, continentur. Hinc ad versus, in genere, praecipue ad hexametros, Homericis temporibus unice usitatos, appellatio τῶν ἐπῶν videtur esse translata. Eodem pertinet Odysseae principium, ubi simile quid iam annotatum debemus Eustathio p. 1380. l. 60: *ἐκ δὲ τοῦ ἔννεπε ἀρχὴ ἐνδέδοται τοῖς καλοῦσι τοὺς ἡρωϊκούς στίχους ἔπη, καὶ ἐποποιούς τοὺς ποιητάς*. Pergit ita: *νεωτέρων δὲ ἢ τοῦ ἔπους χοῆσις ἐπὶ τῶν ποιητικῶς μετρούντων*. "Ομηρος γάρ, ὡς δι' ὅλης τῆς αὐτοῦ ποιήσεως φαίνεται, τὸν ἀπλῶς λόγον ἔπος φησίν. Non male. Sed est tamen memorabile posterioris loquendi rationis vestigium iam apud Homerum Od. θ, 90. seqq.

*αὐτὰρ ὅτ' ἄψ' ἄρχοιτο, καὶ ὀτρύνειαν ἀείδειν
Φαιήκων οἱ ἄριστοι· ἐπεὶ τέρπον' ἐπέεσσιν·
ἄψ' Ὀδυσσεὺς etc.*

et aliud ibid. ρ, 518. seqq.

*ὡς δ' ὅτ' αἰοιδὸν ἀνὴρ ποτιδέχεται, ὅστε θεῶν ἕξ
ἀείδει δεδαῶς ἔπε' ἱμερόεντα βροτοῖσιν, etc.*

Quibus in locis manifesto poeta de universo cantu cogitavit, verba ut praecipuam eius partem commemorans. Atque haec ipsa loca ad posteriorem loquendi consuetudinem introducendam haud dubie plus etiam, quam reliqua, contulerunt. Iam igitur sua sponte nemo non videt, fieri non potuisse, quin postea hexametri semper, cetera metrorum genera eo usque ἔπη nominarentur, quoad cuique peculiare nomen suum inditum esset. Sunt, quae addi his possint: nos viam indicasse satis habemus.

Nunc demum progredi licet ad ea loca, ubi elegiaca Theognidis carmina ἔπη dicuntur. In Platonis Menone p. 95. D. ubi de Theognidea quadam sententia sermo est, quaerit Meno: *Ἐν ποιοῖς ἔπειν*; Respondet

Socrates: *Ἐν τοῖς ἐλεγείοις*. Ex quo loco Platonico Conr. Schneiderus in Stud. Heidelb. Vol. IV. p. 47. iam dixit evinci posse, ante inventionem nominis *ἐλεγος* disticha communi nomine cum hexametris *ἔπη* esse vocata. Sed sumsit, quod ostendere debebat, quodque a nobis modo est demonstratum, carmina, quae hexametris non constarent, omnino tum tantum *ἔπη* a bonis esse et antiquis scriptoribus appellata, quum essent proprio generis sui nomine antiquiora. Menonis quaestio eo pertinet, quod Theognis heroicis etiam fecerat versus, qui ipsius aetate eodem adhuc nomine cum elegiacis comprehensi, et una cum his *ἔπη* fuerant nuncupati, nunc vero, invento nomine *τῶν ἐλεγείων*, ab iisdem poterant assumpta hac nova appellatione discerni. Res declaratur Suidae loco, quem ponam corruptum, ut vulgo exhiberi solet, et mox emendabo. Suidas nimirum v. *Θεόγνις* scripsisse Theognidem ait tum elegiam, quae aliorum pertinet, tum *γνώμας δὲ ἐλεγείας εἰς ἔπη βῶι. καὶ πρὸς Κύρον, τὸν αὐτοῦ ἐρώμενον, γνωμολογίαν δὲ ἐλεγείων, καὶ ἑτέρας ὑποθήκας παραινετικάς, τὰ πάντα ἐπικῶς*. et ita pergit: *Καὶ παραινέσεις μὲν ἔγραψε Θεόγνις· ἀλλ' ἐν μέσῳ τούτων* etc. Mirum vero istud *τὰ πάντα ἐπικῶς*, ubi de latiore usu vocabuli *ἐπικῶς* cogitare ineptum foret, arctior autem repugnat antecedentibus. Optime procedent reliqua, si *τὰ πάντα* alieno loco hic posita esse credas. Atqui eadem verba in sententia, quae proxime sequitur, aperte desiderantur. Quid multa? Posterior sententiae pars sic restituenda: — *καὶ ἑτέρας ὑποθήκας παραινετικάς ἐπικῶς. Καὶ τὰ πάντα παραινέσεις μὲν ἔγραψε Θεόγνις· ἀλλ' ἐν μέσῳ τούτων* etc. Ut appareat, scripsisse Theognidem gnomas et epicas et elegiacas. Huc autem, ut dixi, referenda apud Platonem Menonis quaestio: *Ἐν ποίοις ἔπειν; ἵσνε, quae proprie hoc nomine appellantur, an elegiacis, eodem adhuc a Theognide cum illis nomine comprehensis?* Nec licet, si ita quaestionem acceperis,

mirari responsum: *Ἐν τοῖς ἐλεγείοις*. Non enim praeter necessitatem, ut Suidas loco modo allato et alii, de quorum perversa loquendi ratione ante disserui, sed coactus latiore ambitu antiquae appellationis, ita a se usurpatae, ut heroica simul et elegiaca carmina significaret, hoc igitur coactus Plato adiunxit antiquae novam appellationem. In Xenophontis fragmento apud Pseudo-plutarchum pro Nobilitate et Stobaeum, e cod. Bibl. Reg. Paris. descripto a Brunckio ad Gnom. Poet. Gr. p. 280. seq. quater eiusdem illius Theognidis elegiaca carmina simpliciter *ἔπη* dicuntur, bis item ab ipso Theognide v. 19. seqq.

*Κύρνε, σοφισζομένῳ μὲν ἐμοὶ σφρηγὶς ἐπικείσθω
τοῖςδ' ἔπεισιν· λήσει δ' οὐποτε κλεπτομένη.
οὐδέ τις ἀλλάξει κάκιον τοῦ ὀθλοῦ παρεόντος.
οἷδε δὲ πᾶς ἐρέει· Θεύγνιδός ἐστιν ἔπη,
τοῦ Μεγαρέως, etc.*

Proinde haec Theognidis carmina, quae in Simonidis priorem aetatis partem incidunt, usu nominum *ἔλεγος*, *ἐλέγεια* et *ἐλεγείων* antiquiora sunt, nec potest nominum eorum origo ante Simonidis tempora collocari. Atqui neque post aetatem Simonidis haec primum esse usurpari coepta, ante vidimus. Ergo origo eorum necessario est in ipsa Simonidis aetate quaerenda.

Quodsi non modo Simonides scripsit carmina, quae primum *ἔλεγος* dici possent, verum etiam origo nominis in ipsa Simonidis tempora incidit: nunc demum certum et exploratum est, nomen *ἔλεγος* de Simonidis Leoprepidae lugubribus elegis usurpari coepisse. Iam, quaeso, memineris, illud iam intellexisse Alexandrinos grammaticos, ab Atticis demum funebria carmina distichis condita *ἐλέγους* esse vocata, atque ex ipsis huiusmodi Alexandrinorum locis, ubi Attici generatim *οἱ παλαιοὶ* sint appellati, vulgarem Horatii iam aetate opinionem de elegia primum lugubri videri profectam. Nonne ex

his omnibus certissimum est, falsam esse opinionem istam? Atqui hanc solam obstare, quo minus aut Callinus aut Archilochus inventor non tantum possit haberi, sed etiam debeat necessario, in superioribus est demonstratum. Sed uter tandem inventor fuit? Nempe is, qui altero est antiquior. Sed hoc ipsum quaeritur, uter antiquior sit; neque aliunde veterum est profecta dissensio.

Ex ipsis veterum disputationibus de aetate Callini et Archilochi minus quidem est nobis relictum, quam si exstarent adhuc Scamonis, Theophrasti, Cydippi, Aristophanis, Aristodemi, Aristotelis, Philostephani et Stratonis libri *περὶ Εὐρημάτων*, quos e Clemente Alexandrino recenset Bentleius Resp. ad Boyleum p. 451. ed. Lips. sed tantum tamen, ut possit intelligi, Horatii temporibus re vera adhuc sub iudice litem fuisse. Strabo XIV. p. 647. (958.) seq. καὶ τὸ παλαιὸν δὲ συνέβη τοῖς Μάγνησιν ὑπὸ Τρηρῶν ἄρδην ἀναιρεθῆναι, Κιμμεριοῦ ἔθνους, εὐτυχίσαντος πολὺν χρόνον, τῷ δ' ἐξῆς ἔτει Μιλησίου κατασχεῖν τὸν τόπον. Καλλῖνος μὲν οὖν ὡς εὐευχούτων ἔτε τῶν Μάγνητων μέμνηται καὶ κατορθούντων ἐν τῷ πρὸς Ἐφεσίους πολέμῳ· Ἀρχίλοχος δὲ ἤδη φαίνεται γνωρίζων τὴν γενομένην αὐτοῖς συμφορὰν.

κλαίειν τὰ θάσσον, οὐ τὰ Μάγνητων κακά.
ἐξ οὗ καὶ τὸ νεώτερον εἶναι τοῦ Καλλίνου τεκμαίρεσθαι πάρεστιν. Ἄλλης δὲ τινος ἐφόδου τῶν Κιμμερίων μέμνηται πρεσβυτέρας ὁ Καλλῖνος, ἐπὶ ᾧ.

Νῦν δ' ἐπὶ Κιμμερίων στρατὸς ἔρχεται ὀμβριμοέργων,
ἐν ᾗ τὴν Σάρδεων ἄλωσιν δηλοῖ. Est, cui ante Archilochi versum aliquid excidisse, et mox in Callini versu scriptura ὀβριμοέργων praeferenda videatur: quorum illud ineptum, hoc falsum esse, nemo peritus ignorat. In Archilochi versu ea, quam posui, constans fere codicum lectio est, expulsa nunc apud novissimum in Germania editorem (nam quae apud exteros nuper prodie-

runt editiones, non sunt ad manum) infelici Tyrwhitti coniecturā:

κλαίειν τὰ Θασιῶν, οὐ τὰ Μαγνήτων κακά.

Paullo melius Henr. Dodwellus Exercit. II. de Aetate Pythag. p. 107. tacite correxit:

κλαίειν Θάσσον, οὐ τὰ Μαγνήτων κακά.

Qua in emendatione haud dubie verum est *Θάσσον, οὐ*. Stephanus Byzantius, et Plinius Hist. Nat. IV, 23. *Θάσσον* et *Thassum* vocant insulam geminata littera σ, ipsum, ut opinor, secuti Archilochum, qui hoc fecit metri caussa. In nummis *Θάσιοι* appellantur incolae, mōnente Harduino ad Plinium. Sed correctio ista metrum pervertit; neque τὰ simpliciter omitti debebat. Liebelii nuperos errores praetereo. Scripsit Archilochus:

κλαίοντα Θάσσον, οὐ τὰ Μαγνήτων κακά.

Et haec quidem hactenus. Clemens Alexandrinus Strom. I. p. 398: *Μέμνηται γ' οὖν (Ἀρχίλοχος) καὶ τῆς Μαγνήτων ἀπωλείας, προσφάτως γεγενημένης. Σιμωνίδης μὲν οὖν κατὰ Ἀρχίλοχον φέρεται. Καλλίνος δὲ πρεσβύτερος οὐ μακρῷ. τῶν γὰρ Μαγνήτων ὁ μὲν Ἀρχίλοχος ἀπολωλότων, ὃ δὲ εὐήμε-
ρῶντων μέμνηται.* Utrobique, tam apud Strabonem, quam apud Clementem, propterea Callino posterior perhibetur Archilochus, quod commemorarit Magnetum interitum, Callino ignotum. Et idem hoc argumentum sine dubio omnes urgebant, qui Callino inventionem elegiaci carminis assignabant.

Quomodo igitur esse poterant, qui nihilo secius inventorem elegiae Archilochum esse contenderent? Non enim satis erit, si quis dixerit, hunc esse Herculem quendam poetarum, in quem omnium fere generum poesis, atque etiam ipsius hexametri, inventio confertur. Argumento ex temporum ratione ducto aliquid opponas necesse est, si contrariam profiteri sententiam, neque peritorum te risui exponere velis. Quod nisi fecissent grammatici, qui inventionem elegiae tribuebant

Archilochus, profecto Horatius non dixisset, adhuc sub iudice esse litem. Et habebant sane, quod contra afferrent non sine specie veritatis. Athenaeus XII, 29. p. 525. C. Ἀπώλοντο δὲ καὶ Μάγνητες οἱ πρὸς τῇ Μαιάνδρῳ διὰ τὸ πλεον ἀνεθῆναι, ὥς φησι Καλλῖνος ἐν τοῖς ἐλεγείοις καὶ Ἀρχιλόχος. ἐάλωσαν γὰρ ὑπὸ Ἐφεσίων. Haec repugnare iis, quae e Strabone et Clemente modo attuli, omnes consentiunt, excepto Dodwello Exercit. II. de Aetate Pythag. p. 110, qui existimat ab Athenaeo luxus tantummodo testem laudari Callinum, cladis Archilochum, aliamque ne attigit quidem discrepantiam, quod Strabo a Treribus, gente Cimmerica, Athenaeus ab Ephesiis refert extinctos esse Magnetes. Sed vel ii, qui repugnantiam agnoscunt, Strabonis locum perverse accipiunt, neque animadvertunt, sequi Athenaeum sententiam, sed male intellectam, eorum, qui elegiam ab Archilochus inventam censebant.

Sermo est utrobique de Magnesia ad Maeandrum, cuius incolae Strabo ait a Callino commemorari ut opibus adhuc florentes, atque in bello Ephesino hostes feliciter propulsantes. *Εὐτυχοῦντων* apud Strabonem vel collocatio verborum docet per se accipiendum, non iungendum esse cum verbis ἐν τῇ πρὸς Ἐφεσίους πολέμῳ, ideoque ad opulentiam spectare, non ad bellicam fortunam. *Κατορθοῦν*, ubi vi, ut aiunt, intransitiva dicitur, proprie est *se sustinere*. Quum igitur a propria significatione praeter necessitatem recedendum non sit, Magnetes ex mente Strabonis non irruisse putandi sunt Callini temporibus in agrum Ephesinum, sed nonnisi pro re domestica decertasse. Neque hactenus a Strabone dissentire Clemens Alexandrinus debet videri. Poterant autem vinci Magnetes adeoque magna clade affici ab Ephesiis, et nihilo minus in rerum abundantia vivere, in belloque se sustinere. Neque aliter se rem habere, tum Hermippi narratiuncula de Pherecyde de-

clarat apud Diog. Laert. I, 11, 4, tum etiam ipse Strabo non dicit quidem, sed significat, quippe qui de Archilochi versu dubitanter loquatur, nec certo audeat affirmare, hunc esse ad Magnesiam deletam penitus a Cimmeriis potius, quam ad Magnetum superiorem aliquam cladem ab Ephesiis acceptam referendum. Sic enim procul dubio haec accipienda: *ἤδη φαίνεται γνωρίζων* etc. Ceterum ex his aut similibus, lectis alicubi et perperam intellectis, Clementem collegisse crediderim, quod dicit, Archilochum excidii Magnetum, quod paullo ante ipsius memoriam acciderit, *τῆς Μαγνήτων ἀπωλείας, προσφάτως γεγενημένης*, facere mentionem. Certe id ex ipso Archilochi versu efficere minime potuit. Ex illis perspicuum est, Athenaeum Straboni haud repugnaturum fuisse, si Magnetes ante dixisset in proelio ab Ephesiis esse devictos, quam funditus a Cimmeriis everteretur Magnesia, et ita Magnetes exstinguerentur, ut anno post agrum tenerent Milesii. Et ita sine dubio loquebantur ii, quos ob oculos habuit Athenaeus. Verum enimvero de Archilochi versu antiquissima fuit, si quid iudico, contentio grammaticorum, quorum altera pars, ut Strabo et Clemens, hunc versum ad Magnetes referret a Cimmeriis deletos, altera, ut Athenaeus, ad cladem, qua antea ab Ephesiis affecti essent Magnetes. Et illa quidem sententia fuit eorum, qui Callinum, haec eorum, qui Archilochum elegiae inventorem censebant.

Est sane altera illa ratio vel propterea verisimilior, quod *τὰ Μαγνήτων κατὰ* in Archilochi versu proverbii instar usurpantur, ideoque ad calamitatem spectant ingentem. Sed altera pars grammaticorum ad alia fortasse argumenta provocabat, quibus Archilochum inventorem, ideoque Callini certe aequalem fuisse doceret; et poterant esse, qui ex temporum ratione ostendere conarentur, Archilochum antiquiorem esse Callino. Atque ita, ut mox apparebit, iudicandum erit,

si Dodwello concesseris, ad Ardyis regnum referendam esse Callini aetatem. Sit tamen ita comparatus Archilochi versus, ut certum sit, non tantum probabile, pertinere eum ad Magnetum interitum Callino ignotum, non ad cladem ab hoc itidem commemoratam. Quid inde amplius colligi licebit, quam Archilochum superstitem fuisse Callino? Itaque Archilochus vel sic Callini aequalis, immo vel ante hunc natus existimari poterit, praesertim si iuvenem Callinum, et in ipso fortasse bello, seu contra Magnetes seu contra Cimmerios, mortuum esse credideris. Dicit quidem Strabo, eam Cimmeriorum, qua Sardes captae sint, incursionem, a Callino commemoratam, aliam esse et antiquiorem ea, qua diruta sit Magnesia: sed dicit hoc, non confirmat. Neque credibile est, id esse concessum ab iis, qui Archilochum elegiae inventorem ferebant. Quid? quod repugnat alter eiusdem illius caussae patronus, Clemens Alexandrinus, quum dicit: *Καλλῖνος δὲ πρεσβύτερος οὐ μάκρον. τῶν γὰρ Μαγνήτων ὁ μὲν Ἀρχίλοχος ἀπολωλότων, ὃ δὲ εὐήμεροντων μένεται.* Cur enim addidit οὐ μάκρον, nisi Magnesiam ab eadem Cimmeriorum turba deletam putavit, quae Sardes ceperat teste Callino? Neque vero haec eo exposui, ut verissimam Strabonis sententiam impugnarem, nec potius indicandis, quibus laborat, difficultatibus ad easdem tollendas viam munirem. Sed ante omnia videamus, num quid melius sit allatum recenti memoria. Nam veteres satis iam intelligitur rem ad liquidum non perduxisse, recteque dixisse Horatium: *adhuc sub iudice lis est.*

Iam si quaeris, quid cunctis commune sit nostra aetate viris eruditis, sumunt omnes, quos equidem novi, (nam G. S. Falbium, qui in Kochii Eurynome Callinum ad Croesi scilicet et Cyri tempora relegasse fertur, et G. Suendrupium, Danum, fateor me non legisse) sumunt igitur, veram et per se certam eorum esse sen-

tentiam, qui Callinum Archilocho antiquiorem esse censabant. Nemo tamen tam confidenter damnavit Athenaeum, quam nuper Liebelius ad Archil. Reliq. p. 202. seq. qui pronunciare non dubitavit, Athenaeum memoria lapsum esse, vel falsa narrare. Immo non satis accurate proposuit vel potius secutus est summorum sententiam grammaticorum, non veram quidem illam, sed tam speciosam, damnare eam ut Horatius non fuerit ausus. Haec igitur non est spernenda, sed refellenda, id quod recte fieri nonnisi firmanda contraria Strabonis sententia potest. Qam quum omnes, ut dixi, per se certam nullisque difficultatibus impeditam putarint, haud equidem mirarer, si hanc tueri nemini non supervacaneum visum esset. Fuere tamen, qui aliunde conarentur ostendere, Callinum vixisse circa initia Olympiadum, ideoque aliquanto antiquiorem fuisse Archilocho, quem constat vixisse aequalem Gygis. Callinum elegiaco metro scripsisse historiam sui temporis; cui tribuendum esse verum illum a Strabone prolatum:

νῦν δ' ἐπὶ Κιμμερίων στρατὸς ἔρχεται ὀυβριμοέργων.

Ab his Cimmericis auctore eodem Callino esse Sardes occupatas. Atqui Orosium I, 21. p. 79. ed. Havercamp. Cimmericam hanc irruptionem ad annum ante Romam conditam referre tricesimum, qui quidem in Olympiadum initia incidat. Ergo hoc tempore floruisse Callinum. Ita de aetate Callini Souchaeus disputat in Comment. Acad. Inscript. Paris. T. VII. p. 565. e Pezrono, chronologo tum celebri, nunc dudum exploso. Souchaeum sequitur Conr. Schneiderus in Stud. Heidelb. Vol. IV. p. 13, ne dicam Rohdium de Vet. Poetar. Sapient. Gnom. p. 271, adeo negligentem, ut ne inspexerit quidem ipsum Orosium. Mittam iocularem errorem de Callini historia sui temporis. Sed quantula est de re omni Orosii auctoritas! Nec docuerunt viri docti, Orosium, qui Sardes ne verbo quidem captas commemorat,

non loqui de alia quadam Cimmeriorum incursione. Nam saepe Cimmerii in Asiam invaserunt, quod vulgo ignoratum unus omnium, ni fallor, coniecit Volneius in Chronol. Herodoti p. 75. Sed coniectura non opus erat, quum ad liquidum res posset perducī e Strabone, I. p. 61 (106).

Haud paullo gravior H. Dodwelli, praestantissimi viri, sententia est, prodita in Exercit. II. de Aetate Pythag. p. 109. seq. Et is quidem huc refert Herodoti locum de Ardye, Lydorum rege, I, 15: ἐπὶ τούτου τε τυραννεύοντος Σαρδίων Κιμμέριοι ἐξ ἡθίων ὑπὸ Σκυθίων τῶν νομάδων ἐξαναστάντες ἀπικέαται εἰς τὴν Ἀσίην, καὶ Σάρδις πλὴν τῆς ἀκροπόλεως εἶλον. Quem locum cum Strabonis et Clementis sententia ita conciliare studuit, ut Archilochum aequalem faceret Simonidis Leoprepidae, provocans ad verba Clementis: Σιμωνίδης μὲν οὖν κατὰ Ἀρχιλοχον φέρεται. Sed Archilochum aliunde constat aequalem fuisse Gygis; ut appareat, ibi esse de Simonide Amorgino, iambographo, cogitandum, de quo recte Clementis verba accepit Liebelius in Comment. de Vita et Script. Archil. III. p. 10, siquidem iste Simonides circa Gygis aetatem vixisse fertur. Quodsi Callinum sub Ardye, Gygis successore, fuisse Dodwello concesseris, credendum erit, Archilochum Callino antiquiorem, ideoque inventorem esse elegiae, quippe cuius inventio alterutri sit necessario tribuenda. Sin quis dicat, floruisse quidem Archilochum Gygis temporibus, sed Ardyis attigisse aetatem, Callinum autem fortasse senem fuisse tum, quum Cimmerii Ardye regnante Sardes expugnarent: hoc saltem nemo negabit, istam Sardium occupationem post mortem Archilochi esse ponendam, quascunque de utraque rationes inieris, ideoque repugnare certe illud rationibus Dodwelli, quod Strabo et Clemens affirmant, Magnetum excidium, Callino ignotum, ab Archilochō commemorari. Neque profecto

senile est, ubi cives ad defensionem adversus Cim-
marios excitat, Callini fragmentum. Non igitur Boettiger
in Att. Mus. Vol. I. Fasc. II. p. 538. sequi debebat Dod-
welli de aetate Callini iudicium, ac nihilo secius elegiam
a Callino inventam putare. Sed deinde revertar ad
hanc Angli sententiam, quae nititur in corrupto Stra-
bonis loco, nunc quidem nova via Callini aetatem in-
dagaturus. Quaeram enim, quo pacto comparata sit
haec ad aetatem Tyrtaei, quem constat Archilochi fuisse
aequalem.

Tyrtaeo autem haud paullo antiquiorem fuisse Cal-
linum necesse est, quum ille, quem cognita habuisse
Callini carmina manifestum est, Atheniensis fuerit, ne-
que potuerit tam antiquis temporibus, ubi nulla fere in-
ter Graecos Europaeos et Asiaticos erat coniunctio, Cal-
lini carmina vivente adhuc auctore, aut etiam paullo
post mortem eius, cognoscere. Sed ipsum illud, in
quo vertitur hoc argumentum, Tyrtaeum in Attica esse
natum, negari video a Boettigero ibid. p. 336, qui nunc
putat pro comperto haberi posse, Milesium fuisse Tyr-
taeum, improbante Mansone in Sparta Vol. I. Part. II.
p. 284. seq. probante, praeter Conr. Schneiderum, Roh-
dio de Vet. Poet. Sapient. Gnom. p. 272, et Astio in li-
bro Germanice de philologia scripto p. 90. Non vacat
quaerere, quis hoc ante Boettigerum sit docere cona-
tus: dictum iam ante reperio a Koeppenio in Anthol.
Gr. T. III. p. CXXI. Hoc scio, pro ista opinione nihil
aliud posse afferri, quam Suidae locum: *Τυρταῖος — Λά-
κων ἢ Μιλήσιος* etc. auctoris profecto ibi tantum probati,
ubi sequitur probatos auctores, et locum quidem hoc
magis etiam suspectae auctoritatis, quod Lacedaemo-
nium non fuisse Tyrtaeum cuique obvium est. Ac La-
cedaemonium fecisse videtur inscitia infima aetate ho-
minis, lecto forte hoc Tzetzae loco, Chil. I, 26: *Τυρ-
ταῖος Λάκων στρατηγὸς καὶ ποιητὴς ὑπῆρχεν*, aut aliquo

simili. Et credere par est, neque graviolem fuisse causam, qua alter ille, quem Suidas sequitur, sit permotus, ut eundem putaret fuisse Milesium, quum praesertim vel hoc, quod elegias Ionica dialecto apud Lacedaemonios fecit Tyrtaeus, facile potuerit grammaticum quendam hunc in errorem inducere, ut natum in Ionia opinaretur. Sed post dicendum de dialecto. Potuit etiam is, qui Milesium fecit nostrum Tyrtaeum, hunc cum alio nescio quo perturbare: quanquam unus tantum, quod sciam, praeter hunc nostrum Tyrtaeus commemoratur, musicus Mantinensis, apud Plutarchum de Musica p. 1137. Atqui omnes consentiunt, Lacedaemonios in bello secundo Messeniaco ex Apollinis responso Tyrtaeum ab Atheniensibus ducem tulisse; et contrarium fuit hoc unum, ex quonam esset profectus Atticae loco. Quaero igitur, an credibile sit, Athenienses dedisse hospitem Lacedaemoniis ducem. Visum est ita Boettigero; et erunt fortasse, qui veteres, quum Atheniensem Tyrtaeum fuisse dicerent, rem ex hoc ipso, quod ex Attica venerit, temere conclusisse sibi persuadeant. Sunt autem veteres illi Lycurgus Orat. in Leocratem, ubi Tyrtaeum inter maiores Atheniensium refert, et hoc etiam antiquior Plato Leg. I. p. 629, ubi eundem *φύσει μὲν Ἀθηναῖον* dicit, *τῶνδε δὲ πολίτην γενόμενον*. Taceo enim Eusebii aliorumque loca, quibus addi potest scholium ad verba Platonis collect. Ruhnken. p. 219: *Τυρταῖος οὗτος Ἀθηναῖος ἐγένετο* etc. et paullo post p. 220: *πρὸς Ἀθηναῖον — τὸν Τύρταιον*, etc. Platonem vero si conclusionem tantummodo de Tyrtaei patria fecisse, nec potius veterem famam secutum esse credideris, omnino sic statuendum erit, ipsius aetate nullam omnino de patria illius famam superfuisse, neque igitur de hac quidquam posse constitui. Proinde vel sic incerto homini, quem Suidas ob oculos habuit, credi minime poterit, Milesium fuisse Tyrtaeum. Nos Plato-

nem, gravissimum sane, si quem alium, auctorem sequamur, donec Boettiger diversam hinc suam sententiam idoneis argumentis munierit, quod ut fieri queat, magnopere vereor. Iam vero si Atheniensis fuit Tyrtaeus, confido neminem fore, qui repugnet, quin iure ex hoc ipso effecerim, eundem Callino, cuius cognitas habuit elegias, aliquanto esse posteriorem, quandoquidem tam antiquis temporibus haud exiguo, ut dixi, temporis spatio opus erat, ut carminum illorum notitia ad Athenienses perveniret. Nam iter fecisse Tyrtaeum ad Ephesios, ibique ipsum forte canentem audisse Callinum, fingi omnino potest, sed nullum ne levissimum quidem talis itineris vestigium indicari.

Addam aliud argumentum etiam maioris momenti ex ipsis reliquiis utriusque poetae, quarum curiosa et subtilis existimatio Callini fragmentum Tyrtaei reliquiis multo antiquius esse docet. Sed haec comparatio priusquam certa ratione potest institui, videndum est ante omnia, ne quis de ipsarum ἀνθερία reliquiarum scrupulus relinquantur. Nam saepius est dubitatum, an genuinum non sit Callini fragmentum; nuper etiam, an Tyrtaei reliquiae.

Exstant autem, ut a Callino capiamus initium, apud Stobaeum Serm. XLIX. aliquot versus, ex bellica quadam elegia deprompti, ibique tribuuntur Callino. Eandem elegiam Ioach. Camerarius in Oratione de Bello Turcico Callimacho assignabat, non quo fragmentum Alexandrino quam antiquo Ephesio poeta dignius arbitraretur, sed sola, ni fallor, nominis similitudine deceptus, quum Callinum, ut videtur, aliunde cognitum non haberet. Neque ullam vir summus huiusce sententiae participem nactus est. Ceterum ipse de carminis virtute poetica tam honorifice sentiebat, ut hoc potissimum uteretur fragmento, quo principes Christianos ad bellum Turcicum incitaret. Alia erat de auctore huius

fragmenti sententia H. Stephani, a quo quidem insertum est Tyrtaei reliquiis, hac addita inscriptione: *Τοῦ αὐτοῦ ἢ Καλλίνου*. Qua in re nihil, ut arbitror, habebat, quod sequeretur, nisi similitudinem eius cum Tyrtaei reliquiis, idem Strabonis immemor, qui loco ante allato, XIV. p. 647. (958.) seq. Callinum et ipsum bellicum fuisse poetam significat, adeoque ex bellica eius elegia profert versum, quo versu mox utendum nobis erit ad fragmentum illud vindicandum Callino. Stephanum, ut fit, alii sunt secuti, enumerati a Klotzio ad Tyrtaeum p. 99, qui et ipse fragmentum inter Tyrtaei reliquias exhibuit. Brunckius tamen in Anal. T. I. p. 59. et iterum in Gnom. Poet. Gr. p. 58. aliique non pauci, quos nihil attinet recensere, idem Callino tribuunt ex auctoritate Stobaei. Et hoc fecit Koeppenius quoque in Anthol. Gr. T. II. p. 5, sed dubitanter; quae ratio haud contemnenda, et nescio an etiam amplectenda esset, si tota quaestio re vera a Stobaei auctoritate penderet. Sed ecce, Harlesius in Anthol. Gr. Poet. p. 40. ed. nov. a Klotzio suo discedens, de eodem fragmento: *Quisquis auctor est, inquit, imitatio Tyrtaei esse videtur*. Immo ex ipsa et Tyrtaei reliquiarum et huius fragmenti natura et ingenio demonstrari potest, hoc illis haud paullo esse antiquius. Nunc primum certam temporis notam in hoc ipso fragmento seu potius in versu indicabo, qui huic fragmento e Strabone debet restitui.

Est autem hic versus idem ille, quem ante iam attuli:

Νῦν δ' ἐπὶ Κιμμερίων στρατὸς ἔρχεται ὀμβρομοέγων,
a Strabone ex bellica Callini nostrī elegia desumptus. Quem versum si paullo attentius intuemur, apertum est, talem sententiam bellico carmini non convenire, nisi ante poeta, quoniam simplex narratio in eiusmodi carmen non cadit, desidiam civibus et ignaviam expro-

brarit, quum tamen strenua defensione cum maxime opus sit, hoc autem versu describere incipiat periculi magnitudinem, civesque monere, pugnandum esse contra Cimmerios, validum populum et ferocem. Atqui alterum fragmentum incipit hac ipsa sententia, qua nondum finita desunt nonnulla. Quamobrem iam nunc equidem nullus dubito, quin sit ita scribendum:

*Μέχρ' ἄν κατὰ κείσθῃς; κότ' ἄλκιμον ἔξετε θυμόν,
ὃ νέον; οὐδ' αἰδέϊσθ' ἀμφιπερικτιόνας,
ὥδε λίην μεθιέντες; ἐν εἰρήνῃ δὲ δοκεῖτε
ἦσθαι· ἀτὰρ πόλεμος γαῖαν ἅπασαν ἔχει.
νῦν δ' ἐπὶ Κιμμερίων στρατὸς ἔρχεται ὀμβριμοέργων*

* * * * *

καὶ τις ἀποθνήσκων ὕστατ' ἀκοντισάτω, etc.

Non sum ignarus, totum fragmentum ob omnibus, qui Callinum auctorem existimant, ad bellum contra Magnetes referri. Verum e superioribus facile intelligitur, pertinere fragmentum, siquidem sit Callini, necessario ad bellum adversus Cimmerios, etiamsi omiseris versum illum e Strabone suppletum. Nam quum Cimmerios totam fere Asiam occupasse Sardesque cepisse hoc ipso tempore, quo carmen istud Callinus composuit, ex ipso, ubi exstat versus, Strabonis loco compertum sit, tum vero Magnetes non invasisse docui in agrum Ephesium, sed aegre impetum Ephesium hactenus repressisse, ut ab iis non penitus subigerentur. Atqui in hoc nostro fragmento ad defensionem spectare omnia, praecipue e v. 4. perspicuum est:

— ἀτὰρ πόλεμος γαῖαν ἅπασαν ἔχει.

atque ex his v. 6. seqq.

*τιμὴν τε γὰρ ἐστὶ καὶ ἀγλαὸν ἀνδρὶ, μάχεσθαι
γῆς περὶ καὶ παίδων κορυδαίνης τ' ἀλόχου
δυσμενέσων* — — —

ut appareat, de bello ab Ephesiis illato Magnetibus co-

gitari nullo modo posse, ac necessario esse fragmentum ad defensionem contra Cimmericos referendum. Nam plura bella Callini temporibus non gesserunt Ephesii. De lacuna sic statuo. Inter versum e Strabone suppletum et proximum plura interciderunt, in quibus primum poeta hostium atrocitatem ac periculi magnitudinem luculentius exposuerat, Sardium quoque a Cimmericis iam expugnatarum in hoc ipso, ni fallor, sententiarum nexu facta mentione. Unde redierat ad civium animos ab inertia ad alacritatem revocandos, et inflammandos ad strenuam defensionem contra hostem acerrimum, et ita quidem, ut cresceret usque oratio, ipsaque difficultate, qua vulgus hominum a subeundis periculis absterri solet, augere poeta civium animos conaretur, sicut Horatius:

fortiaque adversis opponite pectora rebus.

Sic demum perspicui potest, qui fiat, ut, quum initio civium carpat socordiam, mox v. 6. seqq. *τιμῆν τε γὰρ ἔστι* etc. gloriam fortium virorum ignominiae opponat imbellium, qui quum fugiant armorum strepitum, mortem tamen effugere nequeant; nempe eo consilio, ne periculo cives a virtute deterreantur potius, quam excitentur. Quid multa? Apparet, versum illum e Strabone supplendum esse, ideoque de auctore carminis Stobaeo Strabonem accedere testem, carmen autem ad bellum Cimmericum pertinere, ac propter hoc ipsum, nisi forte de falsario cogitaris, quod nemini unquam in mentem venit, auctori tribuendum esse Callino.

In toto autem fragmento nihil otiosum (discedo enim ab interpolatione paullo post indicanda), nihil alieno loco, nihil denique ita positum reperio, ut Callino non esse dignissimum videatur, sive consilium poetae, sive res, sive verba spectes et formulas loquendi, sive numeros omnemve orationis colorem et habitum. Levis est enim et nullius momenti dubitatio, quam illic

iniecit Harlesius de vocabulo ἀμφιπερικτιόνες v. 2. Nimirum quum eam huc traxisset nominis significationem, qua ἀμφιπερικτιόνες Lacedaemonii dicuntur, cuiuscunque fuerint urbis Laconicae cives, praeter primariam, Spartiatarum imperio parentes, docente Valckenario ad Herodot. IX. p. 696, sic pergit: *Quae significatio propria si menti obversata est poetae, elegia haec ad alium quemcunque Alexandrinum forsan Tyrtaei imitatore potius, quam ad Callinum, Ephesios suos ad fortitudinem animumque capiendum excitaturum, referenda videtur.* Non dico, vel sic tribui posse hanc elegiam eodem iure ipsi Tyrtaeo, atque alicui eius imitatori. Sed omnino hoc est τὸ ζητούμενον συναρπάζειν. Undenam, obsecro, cognovit Harlesius, menti poetae obversatam esse peculiarem istam, quam propriam dicit, vocabuli significationem? Illud satis superque, ut opinor, demonstravi, versum, ubi Cimmerii memorantur, e Strabone esse supplendum. Fac igitur, nostrum fragmentum non esse Callini. Tum sane conditum erit e Callini, non e Tyrtaei persona; nisi forte Cimmerii in Laconicam invaserunt. Ergo, utcunque sit, ἀμφιπερικτιόνες hic nihil aliud esse possunt, quam omnino περιουκούντες. Simillimus, quem in Klotziana farragine Harlesius videre poterat, locus Homeri est Odyss. β, 65. seq.

ἄλλους τ' αἰδέσθητε περικτίονας ἀνθρώπους,
οἳ περιναετᾶν οὐσι· —

ubi scilicet sermo non est de Lacedaemoniis.

Paullo graviolem dubitationem movent ἡμίθεοι v. 19, qui quidem sunt Hesiodeae aetatis, neque videntur in Callinum cadere, siquidem is proximus fuit Homero; id quod conati sumus pluribus argumentis ostendere. Locum apposui a v. inde 16:

ἀλλ' ὃ μὲν οὐκ ἔμπης δῆμῳ φίλος οὐδὲ ποσεινός·
τὸν δ' ὀλίγος στενάχει καὶ μέγας, ἦν τι πάθῃ·

λαῶν γὰρ σύμπαντι πόθος κρατερόφρονος ἀνδρός;
 θνήσκοντος· ζῶων δ', ἄξιος ἡμιθέων.
 ὥσπερ γὰρ μιν πύργον ἐν ὀφθαλμοῖσιν ὁρῶσιν·
 ἔρδει γὰρ πολλῶν ἄξια μοῦνος ἐών.

Quibus in versibus aliam etiam affert molestiam γὰρ, ter positum duobus in distichis, quam quidem tollere Brunkius voluisse in Analectis videtur, scribens v. 18: λαῶν μὲν etc. nescio unde, ad vulgatam tamen postea reversus in Gnomicis. Et est sane caussalis particula melior saltem, quam istud ἀσύνδετον. Sed hoc levius. Maioris momenti illud est, quod haec v. 18. seq.

λαῶν γὰρ σύμπαντι πόθος κρατερόφρονος ἀνδρός;
 θνήσκοντος· — —

eadem sunt, quae versu proximo dicta iam fuerant, et exquisitius quidem, his verbis:

τὸν δ' ὀλίγος στενάχει καὶ μέγας, ἦν τι πάθῃ.
 quodque haec v. 19:

— ζῶων δ' ἄξιος ἡμιθέων.

parum respondent antecedentibus; ne multa, quod totum distichum non caussam, quam exspectare cogit caussalis particula, sed partim rem ipsam, partim novum aliquid adeoque oppositum alteri pro causa continet. Sin quis γὰρ nempe fuerit interpretatus, vel sic prior distichi pars otiosa erit, posterior aliena. Quid ergo? An propterea carmen Callino abiudicetur? Absit; non carmen, sed distichum istud:

λαῶν γὰρ σύμπαντι πόθος κρατερόφρονος ἀνδρός;
 θνήσκοντος· ζῶων δ', ἄξιος ἡμιθέων.

quod vix dubito quin sit a rhapsodo adiectum. Quippe a rhapsodis carmina esse elegiaca non minus, quam epica, antiquitus recitata, notum est ex Chamaeleonte apud Athenaeum; quanquam eius rei nemo adhuc fecit usum ullum ad emendanda carmina. De Tyrtaeo quae huc pertinent, seorsum persequar. Omisso autem, de

quo nunc agitur, disticho, nihil desiderabis. *Lugent, inquit poeta, mortuum virum fortem, propter hoc ipsum, quod venerantur viventem.* Sufficit igitur γὰρ v. 20. ad iuncturam recte faciendam. Sed interpolatori haec paullo difficilior visa est, quae caussa rhapsodo erat idonea ad distichum de suo addendum.

Venio ad Tyrtaeum, cuius disticho quodam allato, tanquam auctoris fragmentorum, quae Tyrtaeo tribuantur, haec Frid. Thierschius addidit in Specim. edit. Sympos. Platon. p. 39: *Nam Tyrtaeo ea falso tribui, alias et certissimis, puto, argumentis demonstrabo.* Nolo quaerere, quatenus haec sint argumenta, quae certissima potuerint videri Thierschio; nam ipse postea in Actis Philol. Monac. T. I. Fasc. II. p. 214. tacite cessit de sententia: quae res de argumentis illis certissimis utique movet non incertam suspicionem. Quum tamen multa sint in Tyrtaei reliquiis, quae eas non spurias quidem, sed valde tamen interpolatas variisque omnino vitiis contaminatas ostendant: de forma earum pristina seorsum disserere, ipsasque emendatas ponere visum est. Hic erit satis pauca dixisse de Ionica dialecto, qua compositum est, quidquid superest Tyrtaei; quae res iam Boettigerum male habuit in Att. Mus. Vol. I. Fasc. II. p. 537: quanquam is non ipsa fragmenta abiudicavit Tyrtaeo, sed mutatam tantum dialectum putavit. Quod quomodo fieri non in quibusdam verbis potuerit, aut etiam paucis in versibus, sed ubique per omnia fragmenta a variis allata scriptoribus, non intelligo: neque ullum, opinor, certum huiusmodi corruptionis exemplum reperitur. Certum inquam, ne quis mihi opponat Ocellum Lucanum, de quo quid sentiam, exponere longum est. Sed falsum est, Tyrtaeum apud Lacedaemonios uti non potuisse dialecto Ionica. Quid enim? Si patria usus est dialecto, haec fuit Ionica, siquidem Tyrtaeus non Milesius quidem, sed Atheniensis erat,

Athenienses autem ipsius aetate Ionice loquebantur: Notum est enim, Solonis adhuc temporibus inter Atticam et Ionicam dialectum nihil fere fuisse discriminis, imprimis ex praeclara Bentleii disputatione, Resp. ad Boyl. p. 375. seq. Verius tamen dixeris, servari debuisse a Tyrtaeo dialectum ante a Callino in eodem genere usurpatam, etiamsi haec patria ipsi non fuisset. Etenim postea quoque elegiaca carmina eadem hac dialecto Ionica semper componebantur, exceptis epigrammatis, aliisque duobus huius metri carminibus. Et epigrammata quidem primum Sappho fecit dialecto Aeolica, sibi patria, perinde ac melica carmina sua; deinde huius exemplum secutus Simonides cognata Dorica, quae ipse in lyricis carminibus utebatur, isque tum fere, quum scripsit illa Lacedaemoniis. Elegiarum altera est Euripidis illa in tragoedia *Andromacha*, quae quum arcte cohaereat cum choro, qui sequitur, in illa eandem poeta, quam in choris usurpant tragici, praetulit dialectum, Doricae similem. Altera est Callimachi *Lavacrum Palladis*, Dorice scriptum, ut recte monuit Anna Fabri, in gratiam Argivorum. Quaerant alii, num, si essent Doricae, ut non sunt, elegiarum Tyrtaei reliquiae, hoc istis defendi posset exemplis. Ego unum hoc aio, Ionicam dialectum in Tyrtaei elegis neminem debere offendere, eumque ex solenni more elegiacorum poetarum debuisse etiam uti hac dialecto. Dicat quispiam, necessitate coactum fuisse Tyrtaeum, ut Dorica uteretur, quamvis et peregrina et aliena a genere elegiaco, si vellet intelligi a Lacedaemoniis. Sed is cogitet velim, iam ante Tyrtaeum HomERICA carmina a Lycurgo ad Lacedaemonios esse translata, et conferat, si placeat, recte utentem hoc argumento Conr. Schneiderum in Stud. Heidelb. Vol. IV. p. 19. Rem enim cave credas a Lacedaemoniis fictam, ne Lycurgum suum hac parte ab Atheniensium legislatore superari paterentur.

Tale quid, ne quis erret, ab Atheniensibus expectari potest, a Lacedaemoniis non item.

Iam, puto, accedere licet ad ipsam reliquiarum Callini atque Tyrtaei certam et accuratam comparationem, ad illiusque aetatem inde non dico ad amússim describendam, quod omnino nec potest fieri, neque, si posset, ad solvendam quaestionem de origine elegiae aut necessarium esset, aut etiam utile, sed hactenus tamen constituendam, ut appareat, Callinum haud paullo antiquiorem Tyrtaeo, neque igitur inventorem elegiae Archilochum, huic aetate supparem, sed Callinum esse habendum. Quae comparatio quum recte fieri neglecta quaestione de reliquiarum *γρηγορίῃ* nullo modo potuisset, tum vero, hac praemissa, poterit certissima institui eademque facillima ratione, ac paucis absolvi. Sentio equidem, quam sit difficile, perspicere ac diiudicare poetarum ingenia ex tanta versuum paucitate: sed, ut est in proverbio, ex ungue leonem. Neque enim in comparandis utriusque *ἀοιδῶν* reliquiis rimari animus est singula verba et loquendi formulas, sed spectabimus ipsam carminum naturam et ingenium, quae scilicet non alia in Callino atque in Tyrtaeo putat elegantior, quae vult videri, natio philologorum.

Sunt sane, si a Tyrtaei *Εὐνοίας* discesseris, bellica utriusque poetae carmina: sed est summa in tractando eodem hoc argumento diversitas. In Callini fragmento ad praesens periculum relata omnia; nulla imperia, monita aut praecepta generatim proposita. Neque laudes virtutis et ignaviae exprobratio summam carminis efficiunt, sed adhibentur tantummodo, ne descriptione periculi absterreantur potius cives, quam excitentur. Nec minus in re praesente versabatur carmen, ubi Teuerorum factam mentionem Strabo invenit, deinde carmina, ubi Ephesios ad aggrediendos Magnetes excitabat poeta, opulentos illos et luxuria diffuentes, tum

Λόγος πρὸς Ἀλκ, denique carmen, ubi Lygdamin, ut mox videbimus, Trerum ducem commemorabat. Contra apud Tyrtaeum ad fortitudinem extollendam, ad celebrandum fortium virorum honorem et gloriam, ad ignominiam et quaecunque ignaviam mala sequuntur, ad turpitudinem iuvenum, qui in pugna deserant senes, ad imperia, quorum magna pars post Fragm. I. (vulgo II.) extr. excidisse videtur, et si qua similia sunt, omnia diriguntur; nisi quod semel et breviter afflictos Lacedaemoniorum animos recordatione stirpis ortae ab Hercule, et fiducia in praesidio Iovis invicti, Heraclidarum patroni, ponenda reficere poeta atque erigere conatur, quodque alibi imitandam Lacedaemoniis proponit maiorum suorum bellandi pervicaciam, qua subegerint vicesimo tandem anno Messenios, ab iisque ipsorum pertinaciae sumserint ultionem. Nae talia si multa exstitissent apud Tyrtaeum, hunc potius, quam Rhianum, in descriptione belli ducem praecipuum sibi sumsisset Pausanias, tam diligens ille in consulendis Tyrtaei carminibus, ut ne istum quidem locum de priorre bello neglexerit; ne dicam, eundem locum a Strabone etiam solum esse allatum. *Damnorum solatia*, quae Iustinus commemorat III, 5. in Tyrtaei reliquiis hodie nulla reperiuntur; et haec, si qua ab eorum, quae ad nos pervenerunt, natura ad deperdita valet conclusio, non tam in re praesente, quam in fortunae vicissitudine, in praedicanda constantia animi, in spe melioris fortunae, in ipsa virtutis commendatione, in iis denique argumentis versabantur, quae ad gnomicum genus prope accedunt. Certorum hominum fortitudinem vix unquam, certe non ita crediderim celebratam a Tyrtaeo esse, ut certis singulos laudibus persequeretur, quae essent cuiusque factis accommodatae, sed generatim saltem, ut versu fortasse, qui septimum nostra in editione locum obtinet:

αἰθωνος δὲ λέοντος ἔχων ἔν στήθεσι θυμόν,
 qui tamēn versus nescio an omnino exhortationi potius,
 quam encomio sit tribuendus. Cui sententiae minime
 adversatur Platonis illud, Leg. I. p. 629. B. C: ὦ Τυρ-
 ταιε, ποιητὰ θεϊότατε· δοκεῖς γὰρ δὴ σοφὸς ἡμῖν εἶναι καὶ
 ἀγαθός, ὅτι τοὺς μὲν ἐν τῷ πολέμῳ διαφέροντας διαφερόντως
 ἔγκεκομίσκας. Nam ibi, ne quis erret, omnis sententia-
 rum nexus declarat, non de certis singulorum, sed de
 laudibus fortium virorum in genere loqui philosophum.
 In Eunomia, quantum ex paucis huius poesis frustulis
 iudicari licet, civile istud argumentum minus universe
 (fateor enim) videtur fuisse tractatum. Sed hoc ipsum
 argumentum, Soloni simile, mirifice confirmat ea, quae
 modo dixi de bellicis Tyrtaei carminibus. Omnino ele-
 giae Tyrtaei, tam bellicae quam civiles, opportunita-
 tem dedere ad gnomicum elegiarum genus colendum
 eadem ratione, qua carminum gnomiorum omnium in
 Hesiodo semina latent.

Iam vero gnomicam ac didascalicam poesin consen-
 taneum est ad philosophiam fecisse transitum, et anti-
 qua carmina, ut ad gnomicum genus proxime accede-
 bant, ita aetate proxime a Solonis et reliquorum, qui
 septem sapientes vocantur, temporibus afuisse. Ergo
 Tyrtaeus multo posterior fuit Callino. Archilochus au-
 tem quum Tyrtaeo suppar aetate fuerit, apparet, non
 huic, sed longe antiquiori Callino, inventionem esse
 carminis elegiaci tribuendam.

Hoc genus argumentorum perinde atque alterum
 illud poterit etiam ad constituendam Hesiodi aetatem
 transferri, siquidem is HomERICA carmina Ascræ non
 potuit nisi diu post Homerum cognita habere, Hesiodi
 autem Opera et Dies indole sua gnomicae simili magis
 etiam ab Odyssea, quam haec ab Hiade, discrepant.
 Veterum iudicia de aetate Hesiodi non plus quam nostrā
 valere, monuisse sat est. Medius fuit, nisi omnia fal-

Iunt, inter Callinum et Tyrtaeum, cuius carmina illum gnosticum colorem duxisse videntur ex ipso Hesiodo. Cuiusmodi argumenta omnino sunt omnium certissima. Quum tamen haud paucos esse sciam, qui talium rationum vim minus sentiant, nunc, ut hos quoque vel invitos traham in sententiam meam, addam nonnulla de Sardibus a Cimмериis occupatis deque Magnetum excidio, quibus Callinum Archilocho longe antiquiorem esse ita ostendam, ut dirimatur ipsa veterum controversia; nemoque sanus illa de re amplius dubitare queat.

Callinum ante vidimus Sardes memorasse ipsius aetate a Cimмериis expugnatas, eoque a Dodwello vocatum esse locum Herodoti, ubi is Ardye Lydorum rege Sardes narrat a Cimмериis esse captas. Quam ad sententiam confirmandam Callisthenis praeterea locum affert apud Strabonem, Alexandri aetate historiarum scriptoris, qui praeter alios libros *Τρωϊκά* scripserat, quae nollem Heynius, vir summus, Excurs. I. ad Virg. Aen. II. p. 500. tert. ed. particulam existimasset Graecae Historiae, illoque in libro videtur de rebus Lydiacis data opera exposuisse: hoc enim fieri solitum esse ab antiquis historicis propter coniunctionem rerum Troicarum et Lydiacarum, bene monuit Creuzerus, vir clarissimus, ad Hist. Gr. Antiq. Fragm. p. 196. Et Strabo quidem XIII. p. 627 (930): *αἰσὶ δὲ Καλλισθένης, αἰῶνας τὰς Σάρδεις ὑπὸ Κιμμερίων πρῶτον, εἰθ' ὑπὸ Τρῳέων καὶ Λυκίων, ὕπερ καὶ Καλλῖνον δηλοῦν, τὸν τῆς ἐλεγκτίας ποιητὴν· ὅσιατα δὲ τὴν ἐπὶ Κύρου καὶ Κροίσου γενέσθαι ἄλωσιν.* Qui locus (quis neget?), si integer esset, Dodwelli sententiam satis firmaret. Est enim una eademque Sardium expugnatio, quam Herodotus Cimмериis, Callisthenes Treribus Lyciisque tribuit, ultima ante Cyrum et Croesum. Neque cum Herodoto pugnat Callisthenes, quandoquidem Treres gens erat Cimmerica, ut auctor est idem Strabo XIV. p. 647 (958), his verbis: *ὑπὸ Τρῳέων*

— *Κιμμερικῶν ἔθνη*, etc. Eodem pertinet eiusdem Strabonis locus corruptus, I. p. 61 (106): *οἱ τε Κιμμέριοι, οὓς καὶ Τρηήρωνας ὀνομάζουσιν, ἣ ἐκείνων τὶ ἔθνος, πολλάκις ἐπέδραμον τὰ δεξιὰ μέρη* etc. Ubi ante omnia *Τρηήρας* e codicibus reponendum pro *Τρηήρωνας*. Quae corruptio sic nata videtur. Ad *ἐκείνων* quidam adscripsit *Τρηήρων*, unde primum in Strabonis verba illatum est *Τρηήρων*, deinde *Τρηήρωνας*. Sed gravior hic latet eaque antiquior depravatio. Treres enim, quippe Cimmerica gens, generali Cimmericorum nomine appellari omnino poterant: non contra Cimmerici Trerum nomine; neque usquam hoc factum reperias. Scribendum: *οἱ τε Κιμμέριοι, οὓς καί, ἣ ἐκείνων τὶ ἔθνος, Τρηήρας ὀνομάζουσιν, πολλάκις ἐπέδραμον τὰ δεξιὰ μέρη* etc. Est haec correctio, et ἣ explicandum *vel potius*. Eadem diligentia Strabo Cimmericos et Treres semper distinguit, nec tantum eadem hac pagina: *Πολλάκις δέ, inquit, καὶ οἱ Κιμμέριοι καὶ οἱ Τρηήρες ἐποίησαντο τὰς τοιαύτας ἐφόδους*: verum etiam ibidem Treres refert a Madye, Cimmericorum rege, fugatos. Herodotum vero magis generatim loqui solere, ut nos quoque passim fecimus, ubi illa diligentia opus non erat, hoc igitur vel ex eo cernitur, quod regem Scytharum dicit eundem Madyem, quoniam Scythica gens erant Cimmerici, eumque Cimmericos tradit, hoc est Treres, gentem Cimmericam, ex Europa esse per Asiam persecutum. Non mirum igitur, unam eandemque Sardium occupationem, sub Ardye factam, ab Herodoto Cimmericis, a Callisthene apud Strabonem Tretribus tribui, quos hic a Cimmericis ponit diversos.

Quaeret quispiam, annon his omnibus confirmari potius, quam infringi possit loci illius integritas, quaeque ab hac pendet, Dodwelli sententia, eandem istam Sardium expugnationem putantis a Callino esse significatam. Quae res sane habet aliquam speciem. Nam ipse Callinus Trerum iniecit mentionem in hemistichio

apud Steph. Byzant. v. *Τρήρος*, ubi contra codices, quorum unus *Καλλίνω*, ceteri per compendium scripturae *νω* exhibent, e Salmasii coniectura perperam est *Καλλιμάχοι* editum:

— *Τρήρας ἄνδρας ἄγων.*

receptum eodem errore inter Callimachi Fragmenta n. CCCXIV. collect. Bentl. Sed alium iam ante attuli versum eiusdem Callini, ubi pariter atque Herodotus *Tre-res* generatim vocat *Cimmerios*:

νῦν δ' ἐπὶ Κιμμερίων στρατὸς ἔρχεται ὀμβρομοέγων.

quod tantum abest, ut in poeta mirabile videri possit, ut contra historica Callisthenis diligentia, qua *Treres* a *Cimmeriis* semper discernit, in Callinum ne cadere quidem videatur. Quodsi semel tantum aut rarissime *Trerum*, plerumque *Cimmeriorum* nomine fuerit usus, facile intelligitur, quomodo eam *Sardium* expugnationem, cuius ipse fecerat mentionem, *ἦτορ Callisthenes*, memoriter haud dubie eum secutus, *Cimmeriis* potuerit assignare. Quodsi hoc loco urgere vellem argumenta, quibus Callinum iam nunc demonstravi *Archilochō*, *Gygis* aequali, multo esse antiquiorem, non dubitarem propter haec ipsa sic transponere locum *Strabonis*: *μη-σὶ δὲ Καλλισθένης, ἀλῶναι τὰς Σάρδεας ὑπὸ Κιμμερίων πρῶτον, ὅπερ καὶ Καλλίνον δηλοῦν, τὸν τῆς ἐλεγείας ποιητὴν, εἶθ' ὑπὸ Τρήρων καὶ Λυκίων· ὕστατα δὲ τὴν ἐπὶ Κύρου καὶ Κροίσου γενέσθαι ἄλωσιν.* Sed eandem correctionem omnia, quae hinc sequuntur ad finem usque totius disputationis nostrae, utique necessariam esse docent.

Redeamus autem ad hemistichium Callini e *Stephano Byzantio* modo prolatum:

— *Τρήρας ἄνδρας ἄγων.*

Ubi qui *Trerum* dux commemoratur, quis dubitet, quin sit idem *Lygdamis* ille, quem *Cimmeriorum* ducem vocat *Callimachus Hymn. in Dian. v. 251. seqq.* templumque refert *Dianae Ephesiae* diripere minatum, sed deae

auxilio propulsatum esse et necatum? Sunt, qui credant, templum re vera a Lygdami esse combustum: sed recte Albertius ad Hesych. v. *Λύγδαμις* verbum ἔκασεν de conatu accepit. Neque alium auctorem, quam ipsum Callinum, Callimachus ob oculos habuisse putandus est. Eundem Lygdamin Sardes cepisse accepimus a Strabone I. p. 61 (106): *Λύγδαμις δὲ τοὺς αὐτοῦ ἄγων μέχρι Ἀσδίας καὶ Ἰωνίας ἤλασε, καὶ Σάρδεϊς εἶλεν· ἐν Κίλικίᾳ δὲ διαφθάρη.* Qui locus aperte declarat, Lygdamin cum manu sua non esse ex Asia exactum, sed in Cilicia extinctum; nisi forte verbum *διαφθάρη* intelligas nonnisi de ducis interitu, et reliquam turbam non confectam, sed fugatam ex Asia. Atqui eam Cimmericorum seu potius Trerum turbam, quae sub Ardye Sardes cepit, ex Herodoto constat ab Alyatte ex Asia esse expulsam. Itaque Lygdamis, a Callino haud dubie memoratus, non huius, sed primae illius magnae Cimmericorum incursionis dux fuisse existimandus est.

Hanc vero primam Cimmericorum magnam invasionem fama ponebat circa Homeri tempora. Strabo I. p. 6 (12): (*Ὅμηρος*) τοὺς Κιμμερίους εἰδώς, — οἱ κατ' αὐτὸν ἢ μικρὸν πρὸ αὐτοῦ μέχρις Ἰωνίας ἐπέδραμον τὴν γῆν τὴν ἐκ Βοσπόρου πᾶσαν. et III. p. 149 (222): καὶ γὰρ κατ' Ὅμηρον ἢ πρὸ αὐτοῦ μικρὸν λέγουσι τὴν τῶν Κιμμερίων ἔφοδον γενέσθαι τῶν μέχρι τῆς Αἰολίδος καὶ τῆς Ἰωνίας. Mitto Homerum, qui Callino antiquior simul et recentior esse potuit, siquidem collectivum est nomen Homeri. Sin vero antiquissima quaeque apud Homerum spectamus, haec nemo negabit aetatem referre Calliniana aliquanto antiquiorem. Sed hoc iam nunc nemo amplius negabit, Callinum Archilocho, Gygis aequali, multo esse superiorem, et hactenus omnino proximum Homero, quatenus propior nemo fuit. Ceterum nolo virorum doctorum de Cimmericis errata commemorare. Dixisse sufficiat, Cimmericos maiores fortasse inter philologos, quam

in ipsa Asia, turbas excitasse; unumque potissimum errorem notasse Larcheri, optimi illius Herodoti interpretis, qui commemoratam binis his apud Strabonem locis Cimmericorum incursionem distinxit quidem ille ab ea, cuius facta apud Herodotum mentio, sed ipso bello Troiano antiquiorem putavit, idque propter figmentum Euripideum de captivitate mulierum Graecarum, quas in Taurica Iphigeniae comites dederat, Iphig. Taur. v. 1076. (1106.) seqq. Quam ille sententiam prodidit ad Herodot. T. I. p. 183. seq. ed. nov. et hactenus etiam Volneiium, adversarium suum, habuit assentientem, quatenus hic quoque ad veram ab Euripide Cimmericorum invasionem, quanquam aliam, respici sibi persuasit, Chronol. Herodot. p. 75.

Sed veniamus ad Magnetum excidium. Contentio erat, ut ante vidimus, apud veteres, essetne mentio magnae Magnetum calamitatis ab Archilocho facta ad interitum eorum Callino ignotum, an ad superiorem aliquam cladem referenda. Sunt autem Magnetes ab Ephesiis clade affecti, extincti a Cimmericis vel potius Treribus, Cimmerica gente. Nec postea vetus urbs instaurata, ut vulgo putant, sed tamen nova condita, ibi autem, ubi fuerat olim Magnesia, relictum oppidulum, cui nomen *Παλαιμαγνησία*. Qua de re satis exposuit Prideausius ad Marm. Oxon. p. 44. seq. qui tamen non cogitasse videtur de Magnesia a Treribus deleta. Quod si fides habenda esset Nicolao Damasceno Excerpt. Vales. p. 451, Magnesiam narranti a Gyge captam, quique integrum recepit, monente Kustero et Orellio, Nicolai locum, Suidae v. *Μάγνης*, *ἀνὴρ Σμυρναῖος*, vel hinc minime consequeretur, postea demum a Treribus Magnesiam esse eversam; non quin iniuria dubitasse videatur Creuzerus ad Hist. Gr. Antiq. Fragm. p. 202, sitne Magnesia ad Maeandrum, an ad Sipylum, intelligenda (ostendit enim Ruhnkenius ad Velleium p. 14,

de illa cogitandum esse, ubicunque Magnesia sine cognomine commemoretur), sed quia nova urbs iam tum poterat esse exstructa. Sed ne vera quidem est ista Nicolai fabula, quamvis ducta fortasse, ut opinatur Creuzerus *ibid.* p. 200. seqq. e Xanthi Lydiacis; nisi forte minus esttribuendum Herodoto, qui nulla dicit a Gyge bella nisi contra Milesios, Smyrnaeos et Colophonios gesta, hoc ipso nomine inertiam eius vituperans, I, 14. extr. Incertam censuit illam Sevintus in *Comment. Acad. Inscript. Paris. T. V. p. 264*, fide dignam Heynius in *Comment. Antiquar. Germanice scriptis Vol. I. p. 114.* et iterum in *Opusc. Acad. T. V. p. 349*: profecto vanam iudicare debebant. Quod quum ita sit, hoc minus etiam quidquam poterit ex isto commento concludi de tempore, quo a Treribus deleta Magnesia sit.

Sumit Burettus *ibid.* p. 254, hoc esse sub Ardye factum, ignorans, quod plerique omnes ignorant, saepe Cimimerios ac Treres in Asiam invasisse, idemque fidem temere derogat Plinio, cuius bina loca mox afferenda certissime demonstrant, dirutam a Treribus Magnesiam esse circa initium imperii Candaulis. Neque feliciter Buretti cum Plinio conciliatio cessit Heynio *Opusc. Acad. l. m. ubi Magnetes*, siquidem mentem viri satissum assecutus, extinctos vult esse a Treribus regnante Ardye, apud Plinium autem intelligit aliquam cladem priorem. Nam plura, ait, cum Lydis bella commemorari; quāenam, non addidit, nisi quod captam a Gyge urbem pronunciat, Nicolaum sectatus: ego nulum novi nisi contra Ephesios gestum. Ab his autem nulla sunt tanta clade affecti Magnetes, ut desinerent κατορθοῦν (verbis utor Strabonis ante explicatis) ἐν τῷ πρὸς Ἐφεσίων πολέμῳ. Atqui Plinius loquitur de Magnetum excidio, quod propter hoc ipsum non potest nisi ad funestam illam Trerum incursionem referri, quamvis

ab eodem Plinio alibi *proelium* dicatur. Est enim Magnetum excidium non urbis quidem eversio, sed civium tanta strages, nullae ut defensionis copiae remanerent, ea igitur caedes, quam subsequeretur ipsius urbis excidium. Eodem redit alia lectio: *pictura Magnetum exitii*, quam praeter necessitatem praetulit Boettiger Archaeol. Pict. T. I. p. 107, ignorans, excidium et hominum esse et urbium. Sunt autem Plinii loca haec, Hist. Nat. VII. s. 29: *Candaules rex Bularchi picturam Magnetum excidii mediocris spatii pari rependit auro.* et ibid. XXXV. s. 34: *Quid? quod in confesso perinde est, Bularchi pictoris tabulam, in qua erat Magnetum proelium, a Candaule, rege Lydiae Heraclidarum novissimo, repensam esse auro.* Quodsi Magnetum excidium ad Ardyis aetatem retuleris, neque tamen Burretii mentem induere velis, talem Bularchi tabulam ullam omnino fuisse negantis, ut fecit Meiners in Hist. Discipl. Gr. et Rom. Germanice scripta Vol. I. p. 40. seq. in eo saltem erroris argui Plinium oportebit, quod de excidio Magnetum, Treribus tribuendo, loquatur, quum sit de antiquiore proelio adversus Ephesios cogitandum. Sed causam non video, cur tandem excidium illud Magnetum ad Ardyis potissimum aetatem sit referendum, neque aliam, cur huc a Burette relatam, quam ipsam eius de crebris Cimmericorum invasionibus ignorantiam. Quid? quod Magnesia ab ea Cimmericorum vel, si mavis, Trerum turba, quae Herodoto auctore sub Ardye Asiam occupavit, ne potuit quidem everti. Memineris enim, post deletam Magnesiam, ut e Strabone ante vidimus, proximo anno agrum esse a Milesiis occupatum. Hos vero ex Herodoto constat, Cimmericis nondum fugatis, per sex annos a Sadyatte, et deinceps per proximos quinque ab Alyatte, qui expulit istam Cimmericorum turbam, esse vexatos. Atqui nequaquam est verisimile, cepisse eos, neglecta contra

Lydos defensione, agrum Magnetum, vixdum a Cim-
meriis relictum, quum praesertim, narrante eodem He-
rodoto, omni Ionum carerent auxilio, Chiis tantum,
quibus antea ipsi tulerant opem, exceptis. Contra circa
initium imperii Candaulis copias habebant Milesii, qui-
bus tenerent agrum, et otium, ut colerent a Cimmeriis
devastatum. Quodsi nihil obstat Pliniana sententiae,
alteram autem opinionem non modo nihil tuetur, sed
etiam evertit haec Strabonis narratio de agro Magnetum
postero anno a Milesiis occupato: necessario credendum
est, quod in confesso esse Plinius dicit, in illa Bularchi
tabula, a Candauile repensa auro, excidium expressum
fuisse Magnetum. Rem vero a Bularcho pictam credi-
bile est tum esse recens gestam, ideoque ad initium fer-
me Candaulis imperii revocandam.

Archilochum iam ante monui propterea, quod re-
spexerit insignem Magnetum calamitatem, videri exci-
dium eorum potius, quam superiorem aliquam cladem,
significasse. Nunc vero idem non amplius probabile
tantum, sed certum est, quoniam Gyges, cuius aequa-
lis erat Archilochus, successor fuit Candaulis, Magnesias
autem circa principium deleta Candaulis est. Ceterum
noli quaerere, num conciliari possit cum his rationibus
Clementis illud: *Μέμνηται γ' οὖν (Ἀρχιλόχος) καὶ τῆς
Μαγνήτων ἀπολείας, προσφάτως γεγενημένης*. Quid enim
inest versui Archilochio, quod de nupera Magnetum ca-
lamitate cogitare cogat? Callinum autem eodem Magne-
tum interitu antiquiorem fuisse, adeo consentiunt om-
nes, hoc ut vel ii concesserint, qui Archilochum elegiae
inventorem ferebant. Quare ex his etiam apparet, pri-
mam esse, quam Sardium expugnationem Callinus com-
memoravit, non secundam, excidio Magnetum ali-
quanto posteriorem.

Sed ulterius etiam licet procedere. Quaeritur enim
illud, utrum ab eadem, quae Sardes ceperat aetate Cal-

lini, Cimmericorum turba diruta Magnesia sit, quae erat Clementis sententia, an potius, ut Strabo existimabat, turba ea, quae Sardes cepit Callini memoria, alia fuerit et antiquior altera, ideoque Callinus Magnetum excidio non paullo, sed multo superior. Recte Strabo, ut illud ipsum declarat, quod aetas Callini in eam incidit incursionem, qua primum ad Sardes usque Cimmerici penetrabant. Hanc enim fama ponebat, ut ex ipso Strabone ante docui, circa Homeri aetatem, unde summam eius antiquitatem mihi videor non iniuriâ effecisse.

Quae quum ita sint, non patria Tyrtaei longumque spatium temporis, quo ad carmina Calliniana, Tyrtaeo Atheniensi cognita, ex Ionia in Atticam transferenda his tam antiquis temporibus opus erat, neque etiam elegiarum utriusque poetae natura et indoles, diversa pro dispari auctorum aetate, neutra igitur ex his rationibus sola ostendit, Archilochum, Tyrtaeo aetate supparem, longe posteriorem fuisse Callino: sed ipsa veterum, qui sic iudicabant, sumta ex Sardium Magnesiaequae historia argumentatio iam ita est corroborata, non modo ut anceps ea esse desierit, sed ut rem non minus demonstret certo, quam reliqua argumenta.

Quodsi est exploratum, esse Callinum Archilocho longe antiquiorem, videor mihi, quod intenderam, consecutus esse. Nam alterutrum elegiaci carminis inventorem habendum, vanamque opinionem esse eorum, qui prorsus obscuram pronunciant eius originem, iam antè docueram. Ostendi igitur, carmen elegiacum esse a Callino inventum; neque, ut spero, diutius de eius origine sub indice lis erit.

A P P E N D I X.

Promisi me exploraturum Boettigeri, clarissimi viri, de origine elegiae ex cantu ad impares tibias repetenda sententiam, proditam in Att. Museo Vol. I. Fasc. 2. p. 293. seqq. et 335. seqq. ab aliis probatam illam, ab aliis reiectam, ab uno etiam aperte contemtam, sed a nemine dum, quod erat primo loco faciendum, satis examinatam. Solvam nomen, et ad rem statim veniam.

Verisimile videtur Boettigero, quod ipsi, quae eius sententia est de aetate Callini, falsum videri debebat, re vera tamen, ut nos demonstravimus, certissimum est, Callinum Ephesium, bellicum poetam, inventorem esse carminis elegiaci. Atqui Herodotus I, 17. de Alyatte, Lydorum rege: *ἑστρατεύετο δέ, inquit, ὑπὸ συρίγγων τε καὶ πηκτίδων καὶ αὐλοῦ γυναικῆϊον τε καὶ ἀνδρηῆϊον*, ubi αὐλὸν ἀνδρηῆϊον τε καὶ γυναικῆϊον recte Larcherus et Boettiger p. 334. seq. de tibia dextra et sinistra accipiunt. Hinc Boettiger colligit, Callini elegos, Ionicos ac bellicos, ad impares tibias, Lydiacas et itidem bellicas, cantatos esse videri, hexametrum ad αὐλὸν ἀνδρηῆϊον, quem vocat Herodotus, pentametrum ad γυναικῆϊον, et refert illuc ingeniosum Herderi dictum, in Callini bellicis carminibus pentametrum quandam quasi viraginem esse, ad heroicum versum tanquam ad maritum deductam. Nec tantum metrum elegiacum cantu geminarum tibiarum artissime coniunctum, sed ex hoc ipso enatum existimat, sive quod idem est, usu tibiae dextrae et sinistrae occasionem datam ad inveniendum metrum elegiacum, huius

tibiae cantui maxime consentaneum; et illud utrumque eo corroborare conatur, quod tibiam eandem putat postea quoque generis elegiaci propriam mansisse. At enim ultro patet, nihili esse qualemcunque illam similitudinem Herodoteae appellationis tibiae istius, ad sonum eius gravem et acutum ab ipso Boettigero recte relatae, cum Herderi dicto prope poetico de hexametro et pentametro in bellicis elegiis. Eodem iure provocare poterat vir eximius ad similitudinem nominis *imparium tibi-
biarum* cum appellatione *imparium numerorum*. Sed his, quae, si iterum Boettiger in eandem hanc quaestionem incideret, haud dubie ipse esset retractaturus, iniquum est diutius immorari. Quod autem ad summam Boettigeranae sententiae attinet, verissimum est, quod monuit Comr. Schneiderus in Stud. Heidelb. Vol. IV. p. 13, cantum carminibus, non cantui poemata, accommodari, neque igitur novum aliquod genus poesis potuisse ab organo quodam musico et rhythmico huic praecipue congruo originem ducere. Eos enim non curo, qui semper clamant, cavendum esse, ne ea, quae propria sint nostrae aetatis, ad veteres transferas. Isti nimirum haec, quae propria sunt nostrorum hominum, cum iis, quae sita sunt in ipsa hominum natura, haud raro solent confundere. Male tamen Schneiderus addidit, e contrario forsitan usum tibiae dextrae et sinistrae ex elegia repeti posse. Nolo contra afferre, huius inventionem tibiae a Plinio Hist. Nat. VII, 57. Marsyae tribui; unde fateor nihil aliud quam summam eius, neque tamen maiorem, quam elegiaci carminis, incertam denique antiquitatem effici posse. Hoc dico, tibiam istam non solum ab origine carminis elegiaci, sed etiam a cantu elegiarum esse utique alienam. Quod si docuero, perspicuum erit, neutrius rei originem ex altera repeti posse. Sed referenda argumentatio nostra ad Boettigeri sententiam; qua penitus eversa Schneideri

error simul concidat necesse est. Ac primum si quaeris, cur magis ad geminas illas tibias, quam ad reliqua organa, simul ab Herodoto commemorata, Callini carmina elegiaca cantata esse putanda sint (haec autem aperte debet prima esse et praecipua quaestio): habet sane Boettiger, quod respondeat. Quis enim unquam dubitavit, quin tibia omnino propria sit elegiae? Et hoc est ipsum illud, quod postremo commemoravimus, argumentum a Boettigero pro sententia sua allatum. Quod etsi nequaquam sufficit ad rem probandam, quum praesertim aliud sit tibia in universum, aliud tibia dextra et sinistra, quam primus Boettiger et sine ulla causa (nam de Ovidii loco quae sit suspicio mea, mox aperiam) elegiae propriam fecit: videtur tamen operae pretium esse, hoc quoque paullo diligentius examinare. Quid? quod contra, si isthaec opinio de tibia omnino elegiae propria, omnium illa communis, nihilo secius falsa est existimanda, hoc non modo scire per se est utilissimum, verum etiam Boettigeri sententiam magis fortasse, quam ulla alia ratio, convellit. Docebo autem, tibiam nec semper, neque etiam initio propriam fuisse carminis elegiaci, ideoque tantum abesse, ut huius origo possit ex usu tibiae dextrae et sinistrae repeti, ut ne illud quidem probabiliter affirmari queat, inventoris elegos omnino ad tibiam, nedum ad impares tibias, esse cantatos. Aliam quaestionem consulto adhuc praeterii, locusne Herodoti omnino huc trahi possit: id quod a Boettigero minime demonstratum, immo sine dubio negandum esse, posthac videbimus.

Quaeri potest, an per se credibile sit, totum aliquod genus poesis, praesertim elegiacum, tam varium illud et multiplex, unum aliquod organum sibi proprium habuisse, nedum elegos eodem semper modo, eoque ob perpetuam, qualem Boettiger sibi finxit, gravis et acutae tibiae alternationem satis languido, esse

cantatos. Sed historicam opinionem historicis argumentis refellere par est; quod facturum sum ita, ut hac de re exstare ostendam nullum antiqui scriptoris testimonium fide dignum.

Incipiam a Plutarchi loco, tam ab aliis, quam a Boettigero laudato p. 539, de Musica p. 1152. C. οἱ δὲ νόμοι οἱ κατὰ τούτους, ἀγαθὲ Ὀνησίκρατες, ἀνλωδικοὶ ἦσαν ἀπόθετος, ἔλεγος, κωμάρχιος, σχοινίων, κηπίων, Τενεδέϊος (ex Amioti emend. pro τε καὶ δεῖος) καὶ τριμελὴς. Quo in loco ut sana sint omnia atque integra, vel sic cogitari poterit nonnisi de lugubri elegia, quam solam ἔλεγον Graeci vocant. Quanquam ne haec quidem, ut mox docebo, tibiam sibi propriam habuit. Sed est sane corruptus locus, et ita quidem, ut emendatus nullam omnino de cantu elegiarum conclusionem admittat. De nomis musicis praeter doctos interpretes Marmorum Oxoniensium, Seldenum et H. Aldrichium, qui hic Prideausii, musices imperiti, partes suscepit, expositum est a Ios. Scaligero, Salmasio, Ez. Spanhemio, Dorvillio, Burette, Ilgeno et aliis, nec tamen ita, ut nova de iis disceptatio non sit optanda. Nobis pro instituto nostro ne ea quidem licet omnia persequi, quae ad nostrum Plutarchi locum penitus enucleandum et ad singula nomorum genera, quae ibi enumerantur, explicanda pertinent. Hoc scire velim, quomodo ἔλεγος, etiamsi appellatio ista omnia ἐλεγεία complectatur, et nonnisi ad tibiam haec sint cantata, quomodo igitur ἔλεγος dici omnino possint νόμοι ἀνλωδικοί. Nam convenit, ut opinor, in omni hoc loco musicam, non poesin, spectari (quanquam poemata quoque vix alia, quam hymni, νόμοι vocari possunt), et νόμους hic esse modorum genera quaedam; id quod vel ipsum vocabulum τριμελὴς luculenter declarat. Quae res magis etiam perspicua fit verbis haud procul ante positis: καὶ γὰρ τὸν Τέρπονανδρον ἔφη, κισθαρωδικῶν ποιητὴν ὄντα νόμων, κατὰ νόμον

ἕκαστον τοῖς ἔπει τοῖς ἑαυτοῦ καὶ τοῖς Ὀμήρου μέλη περιτιθέντα, etc. ubi nemo non videt varia genera τῶν μελῶν, hoc est modorum, νόμους vocari. Neque de hac re, quantum nunc memini, quisquam dubitat. Atqui nomen ἔλεγος ad poesin pertinet, non ad musicam; nec dubito, si elegi uno semper eodemque fuissent modorum genere sive nomo ad tibiam cantati, quin alio potius nomi huiusmodi elegiaci, quam ipso essent elegorum nomine appellati. Nullum enim praeterea nomorum genus nomen gerit e re poetica translatus. Quid? quod ex alio eiusdem Plutarchi loco, ibid. p. 1133. seq. perspicuum est, fuisse quidem νόμον αὐλωδικὸν a Plutarcho elegis assignatum, sed huic nomen fuisse non ἔλέγω, sed Κραδίᾳ. Eodem paullo post nobis redeundum erit. Praeterea facile est intellectu, nomen ἔλεγος vel propter pluralem numerum nostro in loco ferri non posse. Quid ergo? Noli dubitare, quin ab inepto librario inculcatum sit nomen. Nempe in antecedentibus sermo fuerat de Terpandro, Clona et Polymnesto, nomorum poetis, quos obiter Plutarchus elegiacorum quoque et epicorum carminum auctores fuisse narrabat. Huius autem rei obiter tantum factam esse mentionem, oscitantem librum facile potuit praeterire, et ita fieri, ut elegos nomorum generibus, quae hic recensentur, annumerandos, et inculcando nomine ἔλεγος supplendam scilicet Plutarchi sententiam esse putaret, praesertim quum vulgaris, ut post apparebit, iam apud veteres posteriore aetate esset opinio, lugubres elegos ad tibiam esse cantatos: ex quo illud etiam intelligitur, cur elegos tantum, non etiam ἔπη, nomis a Plutarcho enumeratis addiderit, itemque, cur ἔλεγους potius, quam ἔλεγεία, a Plutarcho ante commemorata. Quae quum ita sint, deletio nomine ἔλεγος ita scribendum: οἱ δὲ νόμοι οἱ κατὰ τούτους, ἀγαθὲ Ὀνησίκρατες, αὐλωδικοὶ ἦσαν ἀπόθετος, κωμάρχιος, σχοινίων, κηπίων, Τενεδεῖος καὶ τριμελής. Proinde verum.

est, quod ante dixi, ex hoc loco de cantu elegiarum nihil omnino posse concludi.

Alium locum, ubi affirmetur, carmina elegiaca unice esse ad tibiam, aut adeo ad tibiam dextram et sinistram cani solita, nullum reperiās. Nam quod Boettiger dicit p. 296, etiam tum, quum poesis iam dudum a musica esset seiuncta, impares tibias generi elegiaco assignari, ubi Musae instar Elegia Romani poetae animo obversetur, hoc paullo obscurius dictum quale sit, fateor me non intelligere. Suspicio autem, si dicam, quod sentio, virum eximium memoriter respexisse ad versum Ovidii Amor. III, 1, 57:

Imparibus tamen es numeris dignata moveri,
ac memoriae lapsu de imparibus cogitasse non numeris, sed tibiis.

Provocat ibidem vir doctissimus ad locum Pausaniae de tibia lugubrium elegorum propria, ibi intelligens tibiam dextram et sinistram. At porro videbimus, veteres, qui lugubri elegiae tibiam tribuebant, de tibia non dextra et sinistra, sed de obliqua cogitasse. Fac tamen, lugubres elegias ad impares tibias semper esse cantatas. Num inde aut ad omnia, aut ad bellica, de quibus cum maxime quaestio est, inventoris carmina ulla valebit conclusio? Sed vel hoc mittamus. Falsum est illud ipsum, propriam fuisse tibiam lugubrium elegorum.

Pausaniae locus exstat lib. X. cap. 7. p. 814: *Λευτέρᾳ δὲ Πυθιάδι οὐκ ἐπὶ ἄθλοις ἐκάλεσαν* (coniecit Facius sine ulla caussa *ἐσεκάλεσαν*) *ἐτι ἀγωνίζεσθαι, στεφανίτην δὲ τὸν ἀγῶνα ἀπὸ τούτου κατεστήσαντο· καὶ αὐλωδίαν τε κατέλυσαν, καταγρόντες οὐκ εἶναι τὸ ἄκουσμα εὐφημον. ἡ γὰρ αὐλωδία μελέτη τε ἦν αὐλῶν τὰ σκυθρωπότατα, καὶ ἐλεγεία καὶ θρῆνοι προσεδόμενα τοῖς αὐλοῖς. μαρτυρεῖ δέ μοι καὶ τοῦ Ἑχεμβρότου τὸ ἀνάθημα, τρεῖς χαλκοῦς ἀνατεθεὶς τῷ Ἡρακλεῖ τῷ ἐν Θήβαις. ἐπίγραμμα δὲ ὁ τρεῖς εἶχεν· Ἑχεμβρότος· Ἀρκὰς ἔθηκε Ἡρακλεῖ νικήσας τόδ' ἄγαλμ' Ἀμφικτυόνων*

ἐν ἄθλοις, "Ἐλλῆσι δ' αἰείδων μέλεια καὶ ἐλέγους. κατὰ τοῦτο μὲν τῆς αὐλῳδίας ἐπαύσθη τὸ ἀγώνισμα. Haec est illa inscriptio, quam spuriam esse, et ipse Boettiger docuit, et confirmat omnis nostra disputatio de nomine ἐλέγος Simonideis demum temporibus usurpari coepto. Neque vero Pausanias hanc solam ob oculos habuit inscriptionem, sed alios quoque auctores consuluit; quod quidem addito καὶ declarat, quum dicit: μαρτυρεῖ δέ μοι καὶ τοῦ Ἑγεμβρότου τὸ ἀνάθημα, etc. Sed quoscunque Pausanias est auctores secutus, hos manifestum est nominibus ἐλέγος et ἐλεγείων per prolepsin, ut aiunt, usos esse; id quod de auctore inscriptionis illius iam a Boettigero est animadversum. Iam si quaeris, quatenus istis sit fides habenda, non ausim negare, hoc verum esse, tam tædula ad tibiam et incondita carmina esse cantata, ut propterea αὐλῳδία repudiaretur, seu epicedia, quae alias inter ipsa funera canebantur, aliquamdiu esse in ludis Pythicis audita, sed altera iam Pythiade tanquam ab hoc loco aliena a certaminibus remota, et ad funera ac venales mulierum eiulantium fletus relegata. At enimvero istud οὐκ εὐφημον ἄκουσμα esse ad lugubria carmina distichis composita referendum, neque per se credibile est, neque etiam scire poterant illi, quos Pausanias ob oculos habuit, nisi lectis carminibus, quae fuerant ibi cantata: quae si exstitissent, ad haec procul dubio Pausanias potissimum fuisset provocaturus. Nempe in hac re ne aequalium quidem testimonia quidquam valebant, quum, quo metrum elegiacum ita significaretur, ut distingui posset ab heroico, adhuc deesset nomen.

Neque profecto aliunde constat, lugubres elegos ad tibiam, nedum ad impares tibias, semper esse cantatos. Plutarchi locum, a quo processit omnis haec disputatio, hic praetereo. Eustathius Caricis carminibus, quae omnium maxime flebilia erant, atque a Caricis mulieribus mercede conductis, barbaris ac praeficarum apud

Romanos similibus, ad tibiam canebantur, opponit τοὺς ἑλέγους ut Ἑλληνικούς, hosque non minus, quam illa, ad tibiam cantatos esse contendit. Dicit autem p. 1372. l. 27: — καὶ τὰ λεγόμενα μέλη Καρικὰ καὶ οἱ Ἑλληνικοὶ δὲ ἑλεγοὶ (ὅ ἐστι θρηνοὶ), οἳ μετ' αὐλοῦ, φασίν, ᾗδοντο. πένθιμος γὰρ ἦν τὸ πρῶτον, φασίν, ὁ αὐλός. Μίδαο δὲ ὁ Γορδίου παραβώμιον αὐτὸν ἐποίησεν, ἀποθεῶσαι τὴν μητέρα βουληθεὶς. De Caricis carminibus tum alii exposuerunt, quos maximam partem Hesychii laudant interpretes, tum Spanhemius ad Aristoph. Ran. v. 1329. Obiter licet monere, quod Schleusnerus ad Photium notare debebat, Photii locum in Lex. v. Καρικῇ Μούσῃ, quem ad eundem Aristophanis versum Beckius memorat, glossam esse Platoniam, et iisdem plane verbis exstare in Schol. Platon. collect. Ruhnken. p. 229. De Eustathio perspicuum est, hunc quidem accepisse ab aliis, lugubres elegos ad tibiam esse cantatos, verum istos non esse veterum testimonia, sed sua ratiocinia secutos; addit enim: πένθιμος γὰρ ἦν τὸ πρῶτον, φασίν, ὁ αὐλός. Non aliter Suidas: Ἑλεγος, θρηνος· ἀπὸ γὰρ τοῦ ἑ λέγειν. ἢ οἱ πρὸς αὐλὸν ἀδόμενοι θρηνοὶ· τὸν γὰρ αὐλὸν πένθιμον ὑπελήφθαι. ἢ ὅτι πρὸς αὐλὸν ᾗδοντο οἱ θρηνοὶ, τοῦτέστιν οἱ ἑλεγοὶ. Τὸν δὲ αὐλὸν ὕστερον ἐπικήδειον Μίδαο φασὶ τὸν Γορδίου βασιλεύοντα περιβώμιον ποιῆσαι, βουλόμενον τὴν αὐτοῦ μητέρα ἀποθεῶσαι τελευτήσασαν. Latet hic ista argumentandi ratio: Tibiam lugubre organum ferunt, sive ad tibiam lugubria carmina canebantur; ἑλεγοὶ carmina erant lugubria: ergo ἑλεγοὶ canebantur ad tibiam. Quae conclusio recte haberet, si lugubria carmina omnia essent ad tibiam cantata. Sed hoc de iis tantum valet carminibus, quae in ipsis funeribus canebantur, non omnino de iis, quae de mortuis querimoniam continebant. Quod quidem vel ipse Suidas luculenter indicat, quum tibiam ἐπικήδειον dicit. Male enim, ne quis erret, Ovidii elegia in mortem Tibulli, Statii epitaphium Pileti

Ursi et similia carmina, epicedia vocari solent. Proclus in Chrestom. apud Photium Bibl. p. 987: Διαφέρει δὲ τοῦ ἐπικηδείου ὁ θρήνος, ὅτι τὸ μὲν ἐπικηδεῖον παρ' αὐτὸ τὸ κῆδος, ἔτι τοῦ σώματος κειμένου, λέγεται, ὁ δὲ θρήνος οὐ περιγράφεται χρόνῳ. Proclum descripsit Etym. M. v. θρήνος, quod miror ad neutrum a Sylburgio annotatum. Servius ad Virg. Eclog. V, 20: *Epicedion est, quod dicitur cadavere nondum sepulto: epitaphion post completam sepulturam dicitur.* Haec loca vel e Lexicis nota sunt, sed vulgo neglecta. Atqui non minus iusta esset conclusio, si lugubres elegi fuissent epicedia seu carmina in ipsis cantata funeribus: quam sententiam Etym. M. v. Ἐλεγος prodidit his verbis: εἴρηται δὲ παρὰ τὸ ἔ ἐ λέγειν ἐν τοῖς τάφοις. et iterum v. Ἐλεγεία (sic enim scribendum esse vidimus pro Ἐλεγεία) hoc modo: ἡ παρὰ τὸ λέγεσθαι ἐπὶ τῶν θανόντων· εἰς ἐπικηδεῖαν γὰρ ἐλόντο. Et hoc ipsum est, quod Suidas vel potius is, quem et ipse et Eustathius ob oculos habuere, credidisse existimandus est. Θρήνον dicit, ἐπικηδεῖον intelligit, sicut tibiam generatim πένθιμον vocat, idque deinde per ἐπικηδεῖον ipse interpretatur. Potuit autem θρήνος de epicediis pariter atque epitaphiis omnibusque omnino carminibus usurpari, quae de mortuis querimoniam continebant. Aristocles Rhodius apud Ammon. p. 54: τινὲς μὲν οὖν κοινῶς πάντα εἶπον θρήνους. Proclus loco modo allato: ὁ δὲ θρήνος οὐ περιγράφεται χρόνῳ. Grammaticus Bibl. Coisl. p. 254: Ἰάλεμος, εἶδος θρήνου. Apollodorus apud Schol. Theocrit. ad Idyll. X, 41: καθάπερ ἐν μὲν θρήνοις ἰάλεμοι, etc. Nec minus recte dixeris: Ἐπικηδεῖον, εἶδος θρήνου. Iam si quaeris, quidni concedi possit, lugubres elegos in ipsis funeribus, ideoque ad tibiam esse cantatos, nemo nescit, tam absona et futilia fuisse carmina funerum, ut apud Graecos pariter ac Romanos in proverbium abirent. Quare, quum ii, qui elegiam principio fuisse lugubrem opinabantur, persuadere sibi po-

tuerint, fuisse eam initio tam rudem adhuc atque inconditam, ut inter funera caneretur, tum vero nobis, qui primum lugubris elegiae auctorem Simonidem Leoprepiden fuisse scimus, eiusque praeclara hoc genus fragmenta cognita habemus, ne cogitare quidem licet de lugubribus elegis in ipso funere cantatis. Omnino autem Eustathius et Suidas de tibia non dextra et sinistra, sed de obliqua loquuntur. Nam primum, ut est notissimum, haec ἐπικήδειος erat; deinde inventio eius eidem Midas, qui Eustathio et Suida auctoribus tibiam posthac ἐπικήδειον primum in matris consecratione arae admovisse ferebatur, tribui solebat. Plinius Hist. Nat. VII, 57: *obliquam tibiam Midas (invenit) in Phrygia; geminas tibias Marsyas in eadem gente etc.* Ceterum obliquam tibiam eandem esse, quam πλαγίαυλον Graeci vocant, ut recte Harduinus monuit ad Plinii locum, facile contra Bartholinum comprobarem, si mihi de tibiis veterum disputandum esset. Nunc satis est intellexisse, ex Eustathio et Suida doceri minime posse, ad tibiam, multo minus ad impares tibias, cantatas esse lugubres elegias.

Sed mittamus lugubrem elegiam, quae omnino huc trahi a Boettigero non debebat. Restat Plutarchi locus, ad quem ante omnia vir praestantissimus provocare poterat, de elegia non semper quidem, sed initio ad tibiam cantata. Qui locus si ad rem comprobandam esset idoneus, non possent sane Herodoti verba, a quibus procedit omnis Boettigero disputatio, aliter referri ad cantum carminum Callini elegiacorum, quam ut haec unice ad αὐλόν, quem vocat Herodotus, γυναικῆϊον τε καὶ ἀνδρῆϊον, non etiam ad organa praeterea memorata ab Herodoto, cantata putares. Sed videamus, quantum vel potius quantulum hac in re Plutarcho sit tribuendum. Dicit autem de Musica p. 1153. seq. καὶ ἄλλος δ' ἐστὶν ἀρχαῖος νόμος, καλούμενος Κραδίας, ὃν φησὶν

Ἰππώναξ Μίμνερμον ἀνλῆσαι. ἐν ἀρχῇ γὰρ ἐλεγεία μεμελοποιημένα οἱ ἀνλφοδοὶ ᾗδον. τοῦτο δὲ δηλοῖ ἡ τῶν Παναθηναίων γραφή ἢ περὶ τοῦ μουσικοῦ ἀγῶνος. Hipponactis male a Plutarcho intellectam esse sententiam, mox docebo, sed ita, ut omnem disputationem referam ad eam sententiam, de qua provocat auctor ad τὴν τῶν Παναθηναίων γραφὴν τὴν περὶ τοῦ μουσικοῦ ἀγῶνος. Videlicet de fide huius monumenti dubitari nullo modo potest: sed nihilo secius nego, hunc unum Plutarchi locum sufficere ad rem non confirmandam aliunde cognitam, sed sine ullo aliorum adiumento locorum comprobendam. Quid enim? Sufficeret, si aequae certa esset Plutarchi fides, atque ipsius ἀναγραφῆς. Sed magnopere vereor, ne Plutarchus pariter atque auctor inscriptionis illius apud Pausaniam, de qua supra disserui, et ipse Pausanias, carmina illa ab aulodis cantata elegiaca fecerit, quum essent querula tantum atque funebria. Simili errore etiam Suidam Olympo videri elegos tribuisse, in disputatione, quae summa est huius libelli, suo loco a nobis est animadversum. At maior fortasse, quam illis, Plutarcho fides habenda. Credat per me, qui volet: me vestigia terrent. Nam primum hanc ipsam sententiam, de qua provocat ad monumentum illud, quam parum Plutarchus religiose reddiderit, adiectum ab ipso ἐν ἀρχῇ declarat, et res temere omnino ad Mimnermiana et antiquissima tempora translata, quae certe nonnisi de Periclea aetate aut etiam seriore valebat. Quippe certamen illud musicum esse a Pericle demum institutum, tum aliunde, tum etiam ex ipso Plutarcho constat in Vita Periclis. Quid? quod vel hoc ipsum est impedimento, quo minus ulla possit a nostro Plutarchi loco ad cantum antiquissimarum Callini elegiarum conclusio fieri, quamvis ceteroqui de Plutarchi fide ne levissima quidem suspicio sit. Sed hoc mittamus, tametsi haud scio an id omnium sit gravissimum. Hoc dico, de re

omni fidem Plutarchi eadem illa observatione vel maxime elevari. Deinde alius etiam latet error hoc ipso in loco, ex male intellecta Hipponactis sententia profectus. Quem priusquam notare licet, ante omnia videndum est, ne ipsam Plutarchi sententiam male intelligas, eamque ex Hesychio illustrare velis, quod semper adhuc factum esse miror. Hesychius: *Κραδῆς νόμος. νόμον τινὰ ἐπαναλῶσι τοῖς ἐκπεμπομένοις φαρμακοῖς, κράδαις καὶ θρίοις* (ex emend. Scalig. et Salmas. pro *θηρίοις*) *ἐπιραβδιζομένοις*. Hunc locum rectius Sopingio et Is. Vossio Meursius accepit Gr. Fer. p. 147. et Att. Lect. p. 224. eumque secutus Burettus in Comment. Acad. Inscript. Paris. T. X. p. 291. seq. Putavit Hesychius, *Κραδίην* fuisse canticum, quod tibia accineretur piaculis, quum in Thargeliis ramis ac foliis ficī caederentur et expellerentur. At nemo non videt, istiusmodi canticum quam alienum sit a Mimnermo, quem tibia cecinisse *Κραδίαν*, Hipponax testatur apud Plutarchum. Quid quaeris? Constat, *Κραδίαν* esse nomenclus aulectici appellationem antiquam: sed nihil amplius, nisi me omnia fallunt, traditum erat. In eiusmodi autem glossis accuratius explicandis ad etymologiam grammatici confugere solebant. Et *Κραδῆς* quidem grammatico, quem Hesychius sequitur, videbatur a *κράδη* posse deduci, idque satis esse putabat ad excogitandam omnem interpretationem istam: ut haec novo sit et magno documento, quam verissimum sit Ciceronis illud, notationem nominum consuetudinem esse periculosam. Ab his vero nugis Plutarchus abstinuit. Is enim, ut omnis eius oratio aperte declarat, *Κραδίαν* nomen putavit auloedicum, Mimnermum autem auloedum fuisse, qui caneret ad tibiam elegos suos. Addidit enim: *ἐν ἀρχῇ γὰρ ἐλεγεία μεμελοποιημένα οἱ αὐλοδοὶ ᾄδον*. Quod ut minus ineptum sit, est tamen aequè falsum. Nam Hipponactis aliam mentem fuisse, satis perspicue verbum

CALLINUS.

I

αὐλῆσαι indicat, quod quidem ad αὐλητὴν pertinet, non ad αὐλωδόν. Unde consequitur, Κραδίαν νόμον fuisse non αὐλωδικόν, sed αὐλητικόν. Cuius rei in ipso etiam Hesychii commento vestigium est verbum ἐπαυλοῦσι. Neque Mimnermus αὐλωδός erat, qui elegos suos ad tibiam caneret, sed, ut Strabo auctor est XIV. p. 643. (952.), αὐλητῆς ἅμα καὶ ποιητῆς ἑλεγείας. Auloedicos nomos cum auleticis iterum Plutarchus perturbavit in eodem libro de Musica p. 1133. D. ubi: ἐπεὶ δέ, inquit, τοὺς αὐλωδικούς νόμους καὶ κithαρωδικούς ὁμοῦ τοὺς ἀρχαίους ἐμπεφάνικαμεν, μεταβησόμεθα ἐπὶ μόνους τοὺς αὐλωδικούς. λέγεται γάρ, τὸν προειρημένον Ὀλυμπον, αὐλητὴν ὄντα τῶν ἐκ Φρυγίας, ποιῆσαι νόμον αὐλητικόν εἰς Ἀπόλλωνα. Apparet, νόμον αὐλητικόν dici pro νόμον αὐλωδικόν. Nempe αὐλωδὸν differre ab αὐλητῇ, ut κithαρωδὸν a κithαρίστῃ, et illum quidem ad tibiam, hunc tibia canere, vel analogia abunde declarat. Et αὐλητοῦ apud Lucianum in Harmonid. cap. 1. descriptionem habemus, quae hanc distinctionem τῆς αὐλωδίας ab arte αὐλητικῇ mirifice confirmat. Idem discrimen, quod ignorant alii lexicographi, video tum a Gesnero in Thesauro, tum praecipue a Schneidero in Lexico recte statui, et hunc praeter analogiam ad locum provocare Pausaniae X, 7. p. 813, ex parte supra allatum, quo quidem in loco Echembrotus Arcas αὐλωδός opponitur Sacadae Argivo, qui in certamine vicisse dicitur ἐπὶ τοῖς αὐλοῖς. Plutarchum perturbate loqui, non licet mirari. Erat enim haud dubie non minus, quam grammatici fere omnes, quibus non plus tribuendum est, ubi de musica, quam ubi de metris scribunt, musicae imperitus, ideoque saepissime, quos auctores in rebus musicis sequebatur, male intelligebat. Nec sane operam perderet, si quis in toto hoc Plutarchi libro similem iudicii severitatem exercere, perpetuamque eius censuram agere vellet. Quanquam perspicuum est, non posse ubique pari successu errores Plutarchi et

fontes eorum investigari. Nunc satis habemus intellexisse, quam parum in re, de qua nunc agitur, Plutarcho sit tribuendum, non plus scilicet, quam illis, quos ante docui querula omnino et lugubria carmina ad tibiam cantata pro arbitrio elegiaca fecisse.

Quae quum ita sint, apparet, doceri minime posse, ad tibiam aut semper, aut etiam initio cantata esse elegiaca carmina. Quodsi a verbis Herodoti de Alyattis, Lydorum regis, musica militari ad cantum elegiacorum Callini carminum ulla omnino valet conclusio, nulla certe ratio est, quare carmina illa debeant magis videri cantata ad impares tibias, quam ad reliqua organa, simul ab Herodoto memorata.

Sed nunc ad novam disceptationis nostrae partem est transeundum, qua tamen paucis, puto, defungi licebit. Nego enim, de cantu elegiarum Callini quidquam omnino ex Herodoti verbis posse concludi. Nam ut taceam, multo maius, quam visum est Boettigero, inter Callinum, elegiaci carminis inventorem, et Alyattem, de cuius musica militari Herodotus loquitur, temporis spatium intercessisse, repugnat etiam analogia elegiarum Tyrtaei. Mirum videbitur, si dicam, ad eandem analogiam Boettigerum provocare pro sua sententia. Sed ita est. Nam quum sermo sit apud Herodotum de musica militari in ipsis proeliis usurpata, Boettiger p. 356. seq. Tyrtaei *ἐμβατήρια* sive *ἐνόπλια*, quae et ipsa initio pugnae canebantur, non dubitavit huc referre. Quae tametsi norat anapaestica fuisse, vel sic tamen statuit diversa non fuisse ab elegiis Tyrtaei. Neque id fecit incogitanter, ut alii, qui vel ante vel post ipsum tacite haec eadem commutarunt; Klotzium dico in Dissert. de Tyrtaeo p. 160. seq. et Astium in libro germanice de philologia scripto p. 90., quibus nescio an etiam plures addi possint. Quin potius huc traxit morem ita metiendi pentametri, ut duobus anapaestis terminare-

tur, quam perantiquam esse ac legitimam rationem pronunciat. De mensura pentametri tacere, et rem aurium iudicio relinquere libet, dum alias fortasse contigerit de fundamento doctrinae totius metricae sententiam explicare. Repetenda est enim res altius, quam quae sola per se satis declarari posse videatur. Nec sane iam egemus quaestione ista. Fac enim, veram hanc esse et antiquissimam metiendi rationem: ideone anapaestica dici poterunt carmina elegiaca? Quid? quod elegias Tyrtaei ab eiusdem anapaestis diserte distinguit Pausanias IV, 15. p. 317, quum de Tyrtaeo: ὁ δέ, inquit, ἀφικόμενος ἰδίᾳ τε τοῖς ἐν τέλει καὶ συνάγων ὁπόσους τύχη, καὶ ἐλεγεία καὶ τὰ ἔπη σφίσι τὰ ἀνάπαιστα ἤδεν. Atque etiam ex ipsis Tyrtaei ἐμβατηρίοις aureum fragmentum servatum est a Dione Chrysostomo, et Tzetzta, a nobis postremo in collectione reliquiarum Tyrtaei loco receptum. Quorum nisi immemor fuisset Boettiger, profecto elegias Tyrtaei cum embateriis non perturbasset. Pausaniae locum adversus Boettigerum clarissimus Manso iam excitavit in Sparta Vol. I. Part. II. p. 171, Tyrtaei fragmentum Conr. Schneiderus in Stud. Heidelb. Vol. IV. p. 18. Quod praeterea Manso affert, rhythmum elegiacum vel per se haudquaquam idoneum videri, ad quem in pugnam procedant milites, hoc argumenti multis vereor ut satisficiat. Erunt enim, qui ad hunc rhythmum incedere sibi posse videantur. Quae-ritur etiam, quomodo rhythmus musicus ad metrum fuerit comparatus: quam quaestionem nuperrime Hermannus attigit in dissertatione de metrorum quorundam mensura rhythmica: nisi forte sumi potest, cum metris dactylicis magis convenisse numeros musicorum, quam cum aliis. Quanquam si verum est, quod Ilgenus ostendere studuit in Disquisit. de Scol. Poesi p. LXXVIII. seqq. antiquissimis temporibus carmina recitari magis, quam cantari solita esse, non modo super-

sedere illa quaestione licebit, verum etiam ex hoc ipso, etiamsi totum illud Mansonis in medio relinquant, Boetigeri opinionem de cantu elegiarum Callini atque Tyrtaei ad impares tibias confutare. Sed rem ad liquidum perducere longum est. Illud, in quo omnia hic vertuntur, Tyrtaei elegos differre ab embateriis, pluribus etiam locis veterum, quae tanti non est hic recensere, a Mansone est confirmatum. Hoc addamus, ex uno eorum male colligi, embateria eodem semper anapaestorum genere fuisse composita. Locus est Marii Victorini, Art. Grammat. II. p. 2522, ubi loquitur de trimetro in syllaba catalectico, quod anapaestis praecedentibus et spondeis sequentibus habeat factas coniugationes et postremam syllabam brevem, hoc modo:

Superat montes pater Ideos (immo Idaeos), nemorumque,

quod metrum Messeniaceum appelletur, id est, ut recte, ni fallor, accepit Manso, in bello Messeniaceo a Lacedaemoniis usurpatum. Addit: *Idem et embaterium dicitur, quod est (vulgo et) proprium carmen Lacedaemoniorum.* Quippe grammaticus non satis accurate loqui putandus est. Dicere tantum debebat, hoc metrum esse in embateriis usurpatum. Neque enim aliena fuisse ab embateriis alia anapaestorum genera, ipsum illud Tyrtaei fragmentum declarat, quod paroemiaceis constat. Res ipsa, ut illuc redeat, unde deflexit, oratio, embateria diversa esse ab elegis, confirmatur aperte hoc etiam loco. Sed licet progredi ultra. Etenim aliunde constat, elegias Tyrtaei non esse, ut embateria, initio proelii, sed ante pugnam ad regis tentorium ex lege cantata. Notissima res e Lycurgi Orat. in Leocrat. p. 212. Reisk. Neque repugnat Pausaniae locus supra allatus, ubi Tyrtaeus congregasse narratur et principum coetus et hominum de plebe, quoscunque offenderet, iisque tam embateria quam elegos cecinisse. Nempe hoc

primum fecit; deinde elegias in concione militum ante pugnam, embateria proelio ineunte cantavit. Quomodo postea cantata carmina sint, patebit in prooemio ad Tyrtaeum. Concedo equidem, peculiarem illam Lacedaemoniorum legem, ex qua Tyrtaei carmina elegiaca ad regis tentorium canebantur, non esse continuo ad Ephesios Callini tempore transferendam. Immo vero ne hoc quidem pro certo affirmarim, legem istam apud Lacedaemonios Tyrtaei iam tempore obtinuisse. Sed hoc, puto, manifestum est, omnino elegos bellicos, sive Callini sive Tyrtaei, carmina fuisse, quibus milites, non quum ad ipsam pugnam progredierentur, sed ante pugnam in concione, ad fortitudinem incitarentur. Alioquin enim apud Lacedaemonios eiusmodi lex, nisi me omnia fallunt, recipi non potuisset. Itaque Herodoti dictum illud de musica militari apud Lydos Alyattis aetate in pugnis usitata, in quo nititur omnis Boettigeri opinio de bellicis Callini elegis ad tibiam dextram et sinistram cantatis, omnino ab horum carminum cantu alienissimum est.

Iam pedem contuli, ut Quintiliani verbis utar, cum singulis Boettigeri argumentis. Restat, ut candide fatear, nullam plane mihi causam fuisse, cur magis voverim virum, laude nostra et reprehensione longe superiorem, quam opiniones eius impugnare, interdum nimis leves.

TYRTAEI RELIQUIAE.

CUM

PROOEMIO ET CRITICA ANNOTATIONE.

PROOEMIUM.

Quum in disceptatione de origine carminis elegiaci ad constituendam Callini aetatem fragmentum huius poetae esset cum Tyrtaei reliquiis comparandum, attigi ἀθροισμὸν omnium, quae prae se ferunt Tyrtaei nomen, propositam non ita pridem a Thierschio, sed ab eodem nunc tacite retractatam. De quo iudicio satis, ut opinor, in genere a nobis dictum ibidem est. Nunc placet sic emendare Tyrtaei reliquias, ut, si cui forte inhaereat adhuc istiusmodi suspicio quaedam, haec penitus eximatur illi necesse sit. Quanquam hanc unam ob causam in sanandis omnibus Tyrtaei reliquiis diligentius versari vix operae pretium existimassem, ac maluissem paucis remove suspicionem istam, nisi fas esset sperare, etiam per se non ingratum fore, si in integrum, quantum fieri posse videretur, praestantissima haec restituerem veteris ἀειδοῦν monumenta ingenii, non uno modo misero deformata.

Qui optime sunt de Tyrtaeo post Brunckium meriti, Thierschius in Actis Philol. Monac. T. I. Fasc. II. p. 214. seqq. et summus Hermannus in Append. ad Vigerum p. 932. seqq. nonnisi ea vitia tollere studuerunt, quae communia sunt Tyrtaeo cum alio quovis poeta; quo de genere a nobis ad singula Tyrtaei loca est disputatum. Sed novam emendandi viam iam ante hos Everinus Wassenberghius erat ingressus in Dissert. Philol. Crit. de Transposit. p. 5. seqq. primus omnium, quod sciam, esse ratus in Tyrtaeo, quae sint transpositione sananda. Quo

magis doleo, me rarissimam hanc dissertationem ne ex locupletissima quidem Göttingensi bibliotheca accipere potuisse. Quanquam, ne quid rectius isto quidem in genere ab hoc viro, quam a nobis, expositum sit, vix erit verendum, si vere Harlesius retulit ad Fabric. Bibl. Gr. T. I. p. 740. substituisse eum in transponendis versibus a Lycurgo servatis. In his enim una tantum, meo quidem iudicio, admitti transpositio potest. Neque omnino locum habet in Tyrtaeo id genus traiectionis, quod solis potest librariis imputari. Immo iunctis iis, quae dispersa iacent apud varios scriptores, distractis, quae sunt apud singulos male consociata, colligenda sunt *dissiecti membra poetae*. Neque tamen mala coniunctio versuum ipsis debetur, a quibus afferuntur versus, scriptoribus, sed partim sciolis, a quibus suppleti olim in margine versus videri debent, partim librariis, a quibus inserti loco alieno. Singula persequar suis locis, nunc statim transiturus ad primarium correctionis genus, quod in Tyrtaeo nemini adhuc usurpare in mentem venit, positum illud in notandis interpolationibus rhapsodorum.

Nimirum quum in Homeri carminibus a Wolfio inde, viro summo, sanior iam sit inita ratio, nemo sane, nisi aut prorsus experts litterarum Graecarum, aut vulgaris superstitionis tenacissimus, dubitabit, quin antiquissima quaeque carmina sint diu ante in ore Graecorum versata, quam litteris mandarentur. Hoc igitur monuisse sat est, ut de Callini, ita etiam de Tyrtaei nostri carminibus aequè valere, ac de Homericis et Hesiodicis.

Quamdiu tamen a solis Lacedaemoniis canebantur, vacua fuisse Tyrtaei carmina ab omni fere interpolatione videntur. Namque in Laconica vix recitabantur a rhapsodis, qui multa saepe, quoniam et ipsi erant poetae, de industria immutare et addere solebant, quo ma-

gis placerent carmina auditoribus, sed a militibus viri-
tim inter convivia canebantur. Auctor est Philochorus
apud Athen. XIV. p. 630. F: *Φιλόχορος δέ φησι, κρατή-
σαντας Λακεδαιμονίους Μεσσηνίων διὰ τὴν Τυρταίου στρα-
τηλίαν ἐν ταῖς στρατείαις ἔθος ποιήσασθαι, ἂν δειπνοποιή-
σωνται καὶ παιανίσωσιν, ᾗδεν καθ' ἓνα Τυρταίου, etc.*
Erant autem Lacedaemonii hoc nomine imprimis con-
spicui, quod antiqua carmina multa et accurate tene-
bant, ut idem scribit Athenaeus ibid. p. 632. seq. his
verbis: *τηροῦσι γὰρ καὶ νῦν (Λακεδαιμόνιοι) τὰς ἀρχαίας ᾠδὰς
ἐπιμελῶς, πολυμαθεῖς δὲ εἰς ταῦτας εἰσὶ καὶ ἀκριβεῖς*, quo
loco potissimum uti debebat Manso in Sparta Vol. I.
Part. II. p. 166. Fac tamen, rhapsodos quoque interdum
Tyrtaei carmina Lacedaemoniis recitasse. Nonne vel sic
ipsum illud institutum hos debuit prohibere, quo mi-
nus pro arbitrio carmina illa interpolarent, nedum pro-
pagarent interpolationes suas? Neque etiam de pluribus
cogitari posse poetis, qui communi sint Tyrtaei nomine
appellati, monendum putamus, ne quis ad Tyrtaeum
temere transferat, quidquid didicerit de Homero. Nul-
lum enim huius rei vestigium est in ipsis Tyrtaei reli-
quiis, quae magnam partem ne possunt quidem referri
ad alium, quam ad Tyrtaeum, nisi forte de homine co-
gitaveris, qui sit huius nomen mentitus. Sed hoc mit-
tamus. Illud bene tenendum, carmina, de quibus lo-
quimur, donec a solis Lacedaemoniis canebantur, nihil
aut certe non multum a genuina forma sua et habitu
recessisse.

Athenas haec carmina videntur circa Solonis tem-
pora pervenisse, qui vix dubito quin cognitos habuerit
civiles Tyrtaei elegos, eiusque hoc in genere sit exem-
plum secutus. Et ibi quidem procul dubio a rhapsodis
omnia recitabantur, tam bellica quam civilia, illa, quae
collectionem in unum corpus non admittebant, seorsum,
haec, quae mox patebit in unam poesin esse redacta,

ἐξ ὑπολήψεως. Quippe iam ante, in quaestione de origine elegiae, e Chamaeleonte vidimus apud Athen. XIV. p. 620. C. etiam elegiaca a rhapsodis esse solita recitari.

Sed ne tum quidem magnopere interpolari poterant, et minus etiam bellica, quam civilia. Sunt enim sine dubio statim litteris consignata Pisistratidarum aetate, id quod in omnibus esse antiquissimorum poetarum carminibus eodem hoc tempore fieri coeptum, praeclare Wolfius animadvertit in Prolegomenis ad Homer. p. CLVI. Eodem fama pertinet de prima bibliotheca a Pisistrato condita apud A. Gellium Noct. Att. VI, 17. de qua idem Wolfius disseruit ibid. p. CXLV. Est autem illud sic factum, ut ea nostri poetae carmina, quae non essent bellica, sed circa exitum belli ad sedandam seditionem Lacedaemoniosque ad legum obedientiam revocandos composita, haec igitur ut in unum corpus redacta communi nomine *Εὐνομίας* seu *Πολιτείας* continerentur. Sed de hac quidem poesi explicatius deinde dicendum. Nunc velim hoc unum in animum inducas, nullam adhuc Tyrtaei carmina aut perexiguam labem traxisse, quum litteris primum perscriberentur.

Postea vero eadem tum alibi, tum etiam Athenis recitabantur ad fastidium usque, et mirum quantum a rhapsodis immutabantur. Qua de re Platonis est memorabilis locus, Leg. I. p. 629. B. ubi hospes Atheniensis Cliniam Cretensem his verbis alloquitur: *Ἀεὶ ταῦτα γὰρ ἀκήκοάς ποτε καὶ σὺ τὰ (Τυρταίου) ποιήματα. ὅδε μὲν γάρ, οἷμάς, διακροῆς αὐτῶν ἐστὶ.* Sic distinguendum, postulante sententia, conferendus autem, praeter alios, de collocatione particulae *γάρ*, Schaeferus, vir celeberrimus, Melet. Crit. p. 76. *Credibile est*, inquit hospes, *te perinde atque hunc Lacedaemonium, Megillum, satiatum esse Tyrtaei carminibus audiendis.* Quod equidem non video qui potuisset coniecere, nisi ab Athe-

niensibus, popularibus suis, ad omnes Graecos fecisset conclusionem. Respondet, qui designatur in fine, Megillus Lacedaemonius: Πάνυ μὲν οὖν. Et is quidem a militibus audierat carmina, vix etiam a rhapsodis. Tum Clinias: Καὶ μὴν καὶ παρ' ἡμᾶς ἐλήλυθε κομισθέντα ἐκ Ἀκαδαίμονος. Hic vero aperte loquitur de rhapsodis, a quibus carmina sint in Cretam etiam transportata. Quamquam minoris hoc est momenti in emendandis Tyrtaei reliquiis. Nullorum enim, opinor, nisi Atticorum, hodie exstant in his rhapsodorum interpolationes. Sed eodem Cliniae responso illud etiam confirmatur, carmina ista ab Atticis quoque rhapsodis esse identidem decantata. Cave enim haec verba tali modo accipias: *Nec sane apud Lacedaemonios manserunt carmina, sed inde ad nos etiam sunt translata.* Nae illud non ignorabat Atheniensis hospes, omnino haec extra Laconicam pervenisse. Quippe Athenas erant iam circa Solonis memoriam traducta, ne dicam, ipsum Platonem, qui loquentes hos omnes inducit, in numerato haec carmina habuisse. Immo hoc dicit Clinias: *Recte coniecis, me non minus, quam hunc Lacedaemonium, ad fastidium usque audisse carmina; neque profecto ad vos tantum Athenienses, sed etiam ad nos perlata, a rhapsodis tam in Creta, quam Athenis, identidem decantantur.* Atqui carmina, ut alibi, ita etiam Athenis, a rhapsodis toties repetita, fieri sane non potuit quin adeo interpolarentur, ut sui vix essent similia. Quid? quod vel ipsum Platonem, cui addas licet Theognidem et Lycurgum, doceri potest interpolata habuisse Tyrtaei poemata. Sed hoc differamus paullisper, dum fuerit ad singula interpolationis interna vestigia perventum. Ad singula inquam; de universis enim iam nunc tempus est disputare.

Ac primum sciendum est, de interpolationibus in Tyrtaeo, quarum minima haud dubie, nec tamen exi-

gua pars ad nos pervenit, non posse nisi ex longiorum reliquiarum praesente conditione ferri iudicium, neque in brevioribus ullum amplius interpolationis factae vestigium reperiri. Quare de his nunc quidem hoc fere unum quaeritur, quorsum pertineant, et quo ordine sint collocandae. Deinde quod ad maiorum hodiernam conditionem attinet, est haec ab Hymnorum Homericorum, Hesiodi et Batrachomyomachiae statu hactenus nihil diversa, quatenus hic quoque antiqui poetae verba cum rhapsodorum vel additamentis, vel mutationibus habemus coniuncta.

Quo de genere divina Hermanni, viri primarii, in Epistola ad Ilgenum est disputatio, obiter illa ad Hesiodi quoque Opera et Dies translata a Twesteno meo in Commentatione Hesioidea p. 54. seq. Neque tamen assentior, si libere sententiam dicere fas est, summo Hermanno in iudicio de discrimine huius generis ab Iliade et Odyssea. Putat enim, in hoc genere varias carminum recensiones, quas vocat, a librariis collatas esse atque coniunctas, quum Ilias et Odyssea, in quibus plerumque prorsus expulsa sunt antiquissimi poetae verba a mutationibus rhapsodorum, sic interpolatae ad nos pervenerint, ut alterius generis carmina haberemus, si nusquam vel potius rarissime antiquissimi versus, perinde ac mutationes et interpolationes alienae ab una recensione, cum hac essent conflati. Simile quid sicubi factum est etiam in Iliade et Odyssea, hoc diasceuastis Hermannus tribuit, de quibus aliter statuendum esse, aliquando docebit Heinrichius, qui utinam, quae habet in promptu de hoc argumento, ne diutius celare velit amatores Musae Homericæ. Quod autem ad reliqua attinet, primum aliud est recensio carminis, aliud exemplum ex unius rhapsodi ore exceptum, de quo tamen in Hymnis Homericis unice et cogitavit Hermannus, et debuit cogitare. Deinde ne hoc quidem credibile videtur, omnino Graecos in

exemplaribus carminum conficiendis ita esse versatos, nec potius scripta exemplaria descripsisse. Constat praeterea ex ipsa historia carminum Homericorum, Iliadem et Odysseam longe aliter ad nos esse perlatas, ac si ita, ut nunc exstant, ex ore unius cuiusdam rhapsodi essent exceptae. Quanquam hoc profecto non ignoravit Hermannus. Error ex eo manavit, quod longe alia res est, quam in Hymnis Homericis recensioem dicit Hermannus, alia Iliadis aut Odysseae recensio, sed utriusque eadem appellatio. Quod autem vir summus in iis, de quibus nunc agitur, *ἀοιδῶν* carminibus varias recensioes, quas vocat, a librariis censet collatas atque confusas, magnopere vereor, ut tanta a librariis expectari diligentia possit. Nam si tale quid factum est in Apollonio Rhodio et Maximo Tyrio, quorum exemplis Hermannus utitur (alia etiam suppeditabit Boeckhius de Trag. p. 324.), ne hoc quidem, ut arbitror, solis librariis est tribuendum. Quid enim? Ex quo nova libri prodierat *ἑξῆς*, prioris possessores consentaneum est hac non amplius fuisse contentos. Sed longe paucissimi, si quid video, opera illa de integro describenda curabant: plerique satis habebant correctiones auctorum ac supplementa in margine annotasse, ut taceam varias lectiones in scholiis servatas. Sic postea utrumque editionum lectiones in singulis exemplis ante oculos habebant librarii, ac sine operosa complurium collatione confundere poterant et coagmentare.

At, inquit, quomodo tandem ex vero de discrimine illo est iudicandum? Res ita se habet. Graeci antiquiores, qui scripta carminum veterrimorum exemplaria habebant, si quid mutatum passim a rhapsodis et additum audissent, quod magis placeret, haud dubie id in exempli sui marginem referebant, ut hic quoque librarii, qui postea miscebant haec omnia, minime opus habuerint collatione plurium exemplorum. Ac probe re-

putandum est, primum, de librariis cogitandum esse Alexandrinorum aetate superioribus, qui *διαγωνίᾳ* rhapsodorum tam inter se componere, quam cum ipsis conciliare studebant carminibus, ceteroquin haec describentes, quemadmodum fuerant a Pisistratidarum inde temporibus litteris propagata; deinde, eandem conditionem, in qua hodie versantur Hymni Homerici ceteraque hoc genus carmina, in his etiam Tyrtaei reliquiae, antiquitus omnium communem fuisse carminum vetustissimorum. Neque alia sors esset Iliadis et Odysseae, nisi liturae veterum criticorum effecissent, ut in his perpauca tantum confusionis istius vestigia etiamnum reperiantur. Reliqua *ᾠδαὶν* monumenta aut omnino studia criticorum non sunt experta, ut ipsa, de quibus cum maxime sermo est, Tyrtaei carmina, aut multo minus, quam Ilias et Odyssea. Ne multa, non omni quidem ex parte, sed hactenus redeundum est ad Wolfii, viri summi, iudicium, propositum in Proleg. ad Hom. p. CVI, ut utriusque generis discrimen ad ipsam criticorum limam referamus.

Nostrum non est quaerere, haecine differentia cogat criticum, qui emendandam suscipiat Iliadem et Odysseam, in eo consistere, ut, quantum eius fieri possit, indicia eruat partium singularum. Hoc addere non abs re erit, me non assequi, quomodo nuper Hermannii iudicium, quod huc pertinet, potuerit etiam de eo genere carminum intelligi, cui Tyrtaei reliquiae sunt vindicandae. Videlicet nec dixit Hermannus, hoc in genere temerarium fore ulterius progredi, neque etiam potuit dicere, ut qui suo ipsius praeclaro exemplo ostenderit, quousque procedere liceat in Hymnis Homericis. Est autem Tyrtaei certior etiam emendatio, siquidem verum est, haec nostra carmina et ab uno poeta primum esse profecta, nec nisi postea, quam essent mandata litteris, valde interpolata.

Et haec fere de variis corruptionum, quibus affectae sunt Tyrtaei reliquiae, generibus habui dicere. Iam, age, ipsam reliquiarum pristinam formam non tanquam e longinquo designare, sed certis lineis describere aggrediamur. Erunt autem diversa illa depravationum genera dehinc spectanda promiscue, prout occurrunt in poetae nostri reliquiis, nisi quod librariorum peccata ad annotationem sunt releganda. Quum vero novus sit, vel transpositione, vel aptius disponendis minoribus Tyrtaei fragmentis, ordo nobis constituendus, hoc ea ratione fieri oportebit, ut repetamus omnia a vulgato ordine, sensimque perveniamus ad meliorem nostrum, ita tamen, ut hunc ab initio statim in animo ac veluti in conspectu habeamus.

Vereor equidem, ne quibusdam iocari videar, si dicam, Tyrtaei, praeter breviora illa, unum tantummodo fragmentum unamque integram elegiam exstare. Sed ita est. Incipiam a fragmento, quod quidem partim est in Strabonis margine, partim a Stobaeo, partim denique apud Lycurgum memoriae proditum. Qui versus vulgo disiunctim ponuntur, et ita quidem, ut principem locum obtineant, quos Lycurgo, proximum, quos Stobaeo debemus. Nobis separanda erunt male connexa, copulanda male dissociata, ut ante oculos quasi nobis maius illud fragmentum, cuius partes haec omnia sunt habenda, prodire et conformari videamus. Cum hac vero quaestione illa de interpolationibus arctissime cohaerebit.

Primum distichum e Strabone est arcessendum, ubi insertum legitur loco alieno, VIII. p. 362 (556. seq.):
ἡνίκα φησὶν αὐτὸς στρατηγῆσαι τὸν πόλεμον τοῖς Λακεδαιμονίοις· καὶ γὰρ εἶναι φησιν ἐκείθεν ἐν τῇ ποιήσει ἐλεγεία, ἣν ἐπιγράφουσιν Εὐνομίαν·

CALLINUS.

K

Αὐτὸς γὰρ Κρονίων, καλλιστεφάνου πόσις Ἥρης,

Ζεὺς Ἡρακλείδαις τήνδε δέδωκε πόλιν.

οἷσιν ἅμα προλιπόντες Ἑρινεὸν ἠνεμόεντα,

εὐρεῖαν Πέλοπος νῆσον ἀφικόμεθα.

ὥστε ἢ ταῦτα ἠκύρωται ὄντα ἐλεγεία, ἢ Φιλοχόρου ἀπιστη-
τέον καὶ Καλλισθένει καὶ ἄλλοις πλείοσιν, εἰποῦσιν, ἐξ
Ἀθηνῶν καὶ Ἀφιδνῶν ἀφικέσθαι, δεηθέντων Λακεδαιμο-
νίων κατὰ χρησμάτων, ὅς ἐπέταττε παρ' Ἀθηναίων λαβεῖν
ἠγεμόνα. Loquor autem de priore disticho: de quo ta-
men tum demum cum fructu poterit disputari, ubi con-
stiterit de reliqua Strabonis sententia, impedita illa le-
ctionis perversitate. Ac primum ante καὶ γὰρ recte Ca-
saubonus iudicat intercidisae talia quaedam: ἐλθὼν ἐξ
Ἑρινεοῦ. Neque incertam reddunt hanc correctionem
dissona codicum testimonia, quae mens est novissimi in
Germania editoris. Quippe in uno codice desunt omnia
ad finem usque versuum: ceteri a vulgata lectione dis-
crepantes nil nisi librariorum supplementa continent,
concinna ad quaedam antiquae lectionis vestigia non-
dum penitus obscurata; qua de re plura dicere non est
huius loci. Deinde pro soloeco ἐν τῇ ποιήσει ἐλεγεία mi-
ror neminem vidisse reponendum esse ἐν τῇ ποιήσει τῇ
ἐλεγεία, aut etiam transponendum ἐν τῇ ἐλεγεία ποιήσει.
Deest ποιήσει duobus in libris, sed minime tamen solli-
citandum est, quippe exquisita significatione dictum de
volumine poematum. In iis, quae Tyrtaei versus exci-
piunt, magna est, sed nullius frugis, lectionis varietas.
Hoc unum notatu dignum, verba, quae in cod. Veneto
post ἐλεγεία leguntur: λέγει δὲ τὰ Τυρταίου, ὧν τινὰ παρέ-
θετο, pro scholio esse habenda, et hoc scholium in cod.
Parisino una cum ipsius Strabonis verbis esse corruptum.
Τὰ ἐλεγεία pro ὄντα ἐλεγεία quum primum in Aldina re-
periatur, vix dubito quin sit correctio Aldi Manutii.
Sed nimirum, sive sententiam seu litterarum vestigia
spectes, facile patet scribendum esse: ὥστε ἢ ταῦτα ἀκν-

ρωτέον τὰ ἐλεγεία, ἢ Φιλοχόρῳ ἀπιστητέον etc. Aphidnas convenit, puto, intelligi Atticam urbem, non Laconicam. Dicit Strabo, aut elegiae ipsius Tyrtaei, ex qua versus istos attulerat, fidem esse derogandam, aut Tyrtaeum, quum Lacedaemonii ex oraculi responso ab Atheniensibus ducem peterent, quod factum esse minime negat, non ex ipsa urbe Athenis, neque ex Aphidnis ad Lacedaemonios venisse, sed ex Erineo, qui et ipse, ut monet Tzschuckius, Atticae locus fuit prope Cephissum fluvium.

Iam quaero, prius Tyrtaei distichum quid sibi velit. Sensit hanc difficultatem Brunckius Lection. ad Anal. T. III. p. 8, eamque sic voluit expedire, ut graviter errasse Strabonem, neque suo Tyrtaeum, sed Spartanorum nomine loqui putaret, assentiente Mansone in Sparta Vol. I. Part. II. p. 284. *Dedit Iupiter, sic Manso interpretatur, Iram (τὴνδε πόλιν) Heraclidis, quibuscum nos Dores, relicto Erineo ventoso* (sede nostra antiqua ad Pindum, flumen Thessalicum) *in Peloponnesum venimus.* At enim Laconica pariter ac Messenia Doriensium ope ab Heraclidis fuerat occupata. Haud equidem ignoro Strabonis locum, ibid. p. 365 (561): *Κατὰ δὲ τὴν τῶν Ἡρακλειδῶν κάθοδον, Φιλονόμου προδόντος τὴν (Λακωνικὴν) χώραν τοῖς Δωριεῦσι*, etc. et talia. Sed novi etiam similia loca de Messenia, quae afferre nihil attinet, novi eiusdem locum Strabonis ibid. p. 364. (560.), iam ab ipso Mansone collatum Vol. I. Part. I. p. 59., ubi Ephoro auctore Heraclidis prodita narratur Laconica, et quae praeterea huc pertinent; novi denique in his ipsius Tyrtaei versum mox proferendum:

ἀλλ', Ἡρακλῆος γὰρ ἀνικῆτου γένος ἐστέ.

Nimirum tam arcta erat Dorum et Heraclidarum societas atque coniunctio, ut utrique, unius populi instar

habiti, modo illo modo hoc nomine promiscue appellarentur. Quod quum vel ipse Manso passim se intellexisse declararit, atque etiam diserte monuerit p. 45, hoc magis mirabile debet videri, potuisse eum affingere Tyrtæo sententiam, ex qua Dores dicerentur Laconicam, Heraclidæ ab his diversi Messeniam cepisse. Et quæ tandem hæc est sententia? An potuit vel per se poeta in tali sententia maiores Lacedæmoniorum diversos ponere ab iis, a quibus olim sit urbs expugnata? Nonne, spem potius Lacedæmoniis iniecisce putandus est, fore, ut idem ipsis prospere cedat Iovis auxilio, quod eiusdem dei beneficio olim maioribus suis, Heraclidis seu Doribus, contigerit, qui quidem occupaverint Iram? Hoc autem nullo artificio extorseris e versibus istis. Sed misso nunc quidem Tyrtæo ad Strabonem nos convertamus, quem illi putant sic intellexisse Tyrtæum, quasi diceret, se ipsum una cum Heraclidis in Peloponnesum venisse. Quid? Adeone socordem aut stupidum fuisse Strabonem, ut a Tyrtæi mente tantopere potuerit aberrare? Erravit sane, ut ad ipsum Tyrtæi locum ostendam, sed leviter. Illud profecto a Tyrtæo vel expectare, hominis est, qui cerebrum non habet, non Strabonis, in quem tam turpe peccatum minus etiam cadit propterea, quod totam potuit inspicere elegiam. Quid? quod Strabo, ut fuit omnino diligentissimus, ita a tali lapsu tum maxime sibi cavisse putandus est, quum vellet Philochorum, Callisthenem aliosque clarissimos historiæ scriptores falsi arguere. Vides, quot quantis difficultatibus laborent omnia, nisi prius distichum aliorum credideris pertinere. Adscriptum puto ad verba Strabonis, quæ attigi paullo ante, VIII. p. 364. (560.) paucis igitur paginis interiectis: *φησὶ δ' Ἐφορος καὶ* (servandum *καὶ*, et omissio nominis statuenda alius cuiusdam historici) - - - *τοὺς κατασχόντας τὴν Λακωνικὴν Ἡρακλείδης*, etc. et adscriptum quidem ab homine, qui

τήνδε πόλιν apud Tyrtaeum de Sparta acceperit. Nimis enim remota videntur, quae ante leguntur p. 359 (350) * καὶ δὴ κατὰ τὴν τῶν Ἑρακλειδῶν κάθοδον καὶ τὸν τότε γενηθέντα μερισμὸν τῆς χώρας, ἣν Μέλανθος βασιλεὺς τῶν Μεσσηνίων, etc. Utcunque sit, illud certissimum est, distichum, ubi nunc habetur, ferri non posse, ac per se potius esse spectandum. Ceterum de auctore si quis dubitarit, quin sit Tyrtaeus (iam enim, seiuncto hoc disticho a proximis versibus, concidit hac de re Strabonis testimonium), in hac dubitatione non vereor ne persistat, quum docuero, quo pertineat distichum.

Memineris autem, nos disputationem de maiore quodam Tyrtaei fragmento, e pluribus componendo, ab hoc disticho inchoasse. Repetamus distichum:

Αὐτὸς γὰρ Κρονίων, καλλιστεράνου πόσις Ἥρης,
Ζεὺς Ἑρακλείδαις τήνδε δέδωκε πόλιν.

Proxima pars fragmenti, secundo hucusque collectionis loco posita, exstat apud Stobaeum Serm. XLVIII. ubi sic pergit Tyrtaeus:

ἀλλ', Ἑρακλῆος γὰρ ἀνικῆτου γένος ἐστέ,
Θαρσεῖτ', οὐπω Ζεὺς αὐχένα λοξὸν ἔχει.

Qua re quum nil esse evidentius possit, statim ad reliqua transeo.

Ibidem exhortatio ad fortitudinem necessario expectatur ante v. 11.

οἱ μὲν γὰρ τολμῶσι, παρ' ἀλλήλοισι μένοντες;
εἷς τ' αὐτοσχεδίην καὶ προμάχους ἰέναι,
παυρότεροι θνήσκουσι, etc.

nisi vero placuerit Koeppenii ratio, interpretantis, quasi adversativa haec esset, nec potius caussalis sententia. Est quidem cohortatio ad virtutem v. 3. usque ad 6. sed hanc subsequuntur hi versus, 7. seqq.

ἴσate γάρ, ὡς Ἀρεως πολυδακρύτου ἔργ' αἰδήλα,
 εὖ δ' ὀργὴν ἰδάητ' ἀργαλέου πολέμου·
 καὶ πρὸς φευγόντων τε διωκόντων τ' ἐγένεσθε,
 ὦ νέοι, ἀμφοτέρων δ' εἰς κόρον ἡλύσατε.

Qui versus non modo divellunt sententiam illam ab ista cohortatione, sed hoc ipso efficiunt, ut ad eandem recte referri nequeat. Cave enim ipsos interpolatos putes, quod quidem summae temeritatis esset in versibus tum per se Tyrtaeo dignissimis, tum optime vel cum iis, quae antecedunt, vel inter se cohaerentibus, siquidem posterius distichum prioris est ἐπεξηγήσεις. Neque ulla est caussa, qua permoveri rhapsodus potuerit, ut hos versus adiiceret. Itaque nihil restat, nisi ut lacunam statuas inter versum 10 et 11.

Atqui in eo fragmento, quod est apud Lycurgum Orat. in Leocrat. p. 212. seqq. ed. Reisk. et principem vulgo locum occupat, haec habentur v. 15. usque ad 18.

Θυμῷ γῆς πέρι τῆσδε μαχώμεθα, καὶ περὶ παίδων
 θνήσκωμεν, ψυχῶν μηκέτι φειδόμενοι,
 ὦ νέοι· ἀλλὰ μάχεσθε παρ' ἀλλήλοισι μένοντες,
 μηδὲ φυγῆς αἰσχρᾶς ἄρχετε, μηδὲ φόβου.
 ἀλλὰ μέγαν ποιεῖσθε καὶ ἄλκιμον ἐν φρεσὶ θυμὸν,
 μηδὲ φιλοψυχεῖτ' ἀνδράσι μαρνάμενοι.

Et haec est, nisi magnopere fallor, exhortatio illa, quae excidit ante v. 11. alterius fragmenti. Quod si cui pro arbitrio statuere videar, is, quaeso, finem exspectet argumentationis nostrae. Affirmo autem, his in versibus non nisi postremos binos esse Tyrtaei, antecedentes quatuor ita additos a rhapsodo, ut omitteret antiqui poetae distichum, coniunctum hodie cum rhapsodi mutatione. Nam primum quis ferat molestum istud ἀλλὰ — μηδὲ, his deinceps positum duobus in distichis? Deinde si quaeris, utrum ex utro expressum sit; nonne perspicue elucet, totum distichum:

θυμῷ γῆς πέρι τῆσδε μαχόμεθα, καὶ περὶ παίδων
θνήσκωμεν, ψυχῶν μηκέτι φειδόμενοι,

adumbratum esse e verbis Tyrtaei aliquanto gravioribus:
μηδὲ φιλοψυχεῖτε? nisi quod simul auctoris memoriae in-
haesisse videntur verba Callini v. 6. seq.

— μάχεσθαι

γῆς πέρι καὶ παίδων — — .

Iam dico, Tyrtaeum sic cecinisse:

I, 17. ἀλλὰ μέγαν ποιεῖσθε καὶ ἄλκιμον ἐν φρεσὶ θυμόν,
μηδὲ φιλοψυχεῖτ' ἀνδράσι μαρνάμενοι.

II, 11. οἳ μὲν γὰρ τολμῶσι, παρ' ἀλλήλοισι μένοντες,
εἰς αὐτοσχεδίην καὶ προμάχους ἵέναι,
παυρότεροι θνήσκουσι, etc.

rhapsodum ita:

I, 13. θυμῷ γῆς πέρι τῆσδε μαχόμεθα, καὶ περὶ παίδων
θνήσκωμεν, ψυχῶν μηκέτι φειδόμενοι,
ὦ νέοι· ἀλλὰ μάχεσθε παρ' ἀλλήλοισι μένοντες,
μηδὲ φυγῆς αἰσχροῦς ἄρχετε, μηδὲ φόβου.

II, 11. οἳ μὲν γὰρ τολμῶσι, παρ' ἀλλήλοισι μένοντες,
εἰς τ' αὐτοσχεδίην καὶ προμάχους ἵέναι,
παυρότεροι θνήσκουσι, etc.

Quis est, quin videat, rhapsodum emendare voluisse
Tyrtaeum, addito παρ' ἀλλήλοισι μένοντες, quo magis
scilicet sequentibus responderet sententia? Ceterum Iso-
crate antiquior est interpolatio, siquidem is, ut Hein-
richius me admonuit, verba ψυχῶν μηκέτι φειδόμενοι ma-
nifesta imitatione expressit in Archidamo p. 135. ed. Co-
raii, ubi: Αἱ γάρ, inquit, ἐπιφάνειαι καὶ λαμπρότητες οὐκ
ἐκ τῆς ἡσυχίας, ἀλλ' ἐκ τῶν ἀγώνων γίνεσθαι φιλοῦσιν. Ὡν
ἡμᾶς ὀρέγεσθαι πρόσκει, μήτε τῶν σωμάτων, μήτε τῆς ψυ-
χῆς, μήτε τῶν ἄλλων, ὧν ἔχομεν, μηδενὸς φειδομένους.

Iam quaeritur, sitne sola exhortatio ista hic inse-
renda, an omnia ab initio inde fragmenti, quod est

apud Lycurgum. Illud per se non inepte fieri poterit : sed non continuo verum est, si quid non est ineptum. Nempe si nihil praeterea huc retuleris, dicere non habebis, quomodo versus isti potuerint ad Lycurgum transferri. Nam si dixeris, ibi in margine olim fuisse adscriptos, locum, ubi potuerint adscribi, in toto, quod apud Lycurgum exstat, fragmento vix invenias. Quid? quod ita, ut non possint melius, cum iis cohaerent, quae apud Lycurgum proxime antecedunt, neque igitur ab his temere debent divelli.

Sed ne sic quidem lacuna prorsus expleta videri potest. Iam enim, ut nemo non videt, desiderantur quaedam inter alterius fragmenti, a Stobaeo proditi, versum 10.

— ἀμφοτέρων δ' εἰς κόρον ἡλάσατε.

et huius, quod Lycurgo debemus, initium:

τεθνάμεναι γὰρ καλὸν ἐνὶ προμάχοισι πεισύντα
ἀνδρ' ἀγαθόν, etc.

Et quid fiet postremis apud Lycurgum versibus, a v. inde 19? Utraque quaestio simul solvenda, et ita quidem, ut lacuna, quae remanet, his ipsis versibus expleatur. Quod quum feceris, ab initio sententiae hoc modo sese excipient:

II, 9. καὶ πρὸς φευγόντων τε διωκόντων τ' ἐγένεσθε,
ὧ νῆοι, ἀμφοτέρων δ' εἰς κόρον ἡλάσατε.

I, 19. τοὺς δὲ παλαιότερους, ὧν οὐκ ἐτι γούνατ' ἐλαφρά,
μὴ καταλείποντες φεύγετε τοὺς γεραίους.

Utramque, inquit Tyrtaeus, *in bello fortunam estis experti, tam fugae, iuvenes, quam persecutionis ad satietatem usque participes. Sed fugere nolite vel senum causa, quos inopes deserere turpe est.* Posterior haec nova sane sententia est, non pars antecedentis, sed cum hac tamen coniuncta aptissime. Ac de fugae quidem turpitudine ne potuit quidem hoc loco tacere poe-

ta nisi hanc vim habere voluit provocationem illam ad ipsorum iuvenum experientiam de belli atrocitate, ut demitterent magis, quam reciperent animum.

In fine non modo nihil offensionis habet iunctura, sed haec esse necessario debet:

- I, 28, ὅρα' ἄρα τίς χ' ἤβης ἀγλαὸν ἄνθος ἔχη,
 ἀνδράσι μὲν θνητὸς ἰδεῖν, ἐρατὸς τε γυναιξίν,
 ζωὸς ἰὼν, καλὸς δ' ἐν προμάχοισι πέσων.
 I, τεθνάμεναι γὰρ καλὸν ἐνὶ προμάχοισι πέσόντα
 ἄνδρ' ἀγαθόν, περὶ ἧ πατρίδι μαρνόμενον.
 ἦν δ' αὐτοῦ προλιπόντα πόλιν etc.

Qua observatione non vereor ne quis ita velit abuti,* ut versu, qui est ante ultimum, reponat ἄνδρα νέον, idque a Lycurgo mutatum putet, ne antecedentia (nam haec dein patebit ab ipso oratore omnino non esse allata) nimis desiderarentur. Immo hoc dicit poeta, decorum esse iuveni, cominus pugnantem occumbere; nam ita pro patria mortem oppetere, viro forti summum esse decus, et quasi virtutis praemium, quum contra profugorum miseria et infamia nihil fingi possit intolerabilius. Ceterum omisi ultimum apud Lycurgum distichum:

- ἀλλὰ τίς, εὖ διαβάς, μενέτω ποσὶν ἀμφοτέροισιν
 στηριχθεὶς ἐπὶ γῆς, χεῖλος ὁδοῦσι δακνών.

quod quia rursus, et rectius quidem, apud Stobaeum v. 21. seq. reperitur, hoc loco iam a Brunckio in novissima est recensione deletum. Adscriptum videtur in margine ad verba μὴ φεύγετε v. 20; nam alibi vix potuit librarius hanc sibi sententiam annotare.

Ipse Lycurgus, meo quidem iudicio, nil nisi versum 1. usque ad 18. attulerat, omissis versibus 19. usque ad 18. attulerat, omissis versibus 19. usque ad 50, qui in Tyrtaei carmine antecedeabant, utpote a proposito, ut quisque videt, alienis. Quos quum alius nescio

quis in margine suppleret, factum est, ut mox non in principio, ubi debebant, sed in fine collocarentur. Atque hoc accidisse crediderim iam ante Stobaeum, praeterquam quod is in suo Lycurgi codice supplementum istud suo loco videtur habuisse adiectum. Cur enim ea ipsa omisit, et omnia nec plura, quae hodie apud Lycurgum habemus? Non aliam, opinor, ob causam, quam quod haec e Leocratea oratione, multum istis temporibus lectitata, cuivis erant notissima. Quocirca haec erunt apud Lycurgum non transponenda, sed posterior pars versuum resecanda, apud Stobaeum autem non explenda lacuna, sed signis notanda, quemadmodum etiam neutro loco, quae rhapsodis debentur, unicis sunt includenda, quum neque Lycurgus neque Stobaeus sine interpolationibus rhapsodorum attulisse putandi sint loca Tyrtaei.

Lacunam, iam expletam a nobis ex Lycurgo, continuo haec excipiunt apud Stobaeum v. 11. seqq.

οἱ μὲν γὰρ τολμῶσι, παρ' ἀλλήλοισι μένοντες,
 εἷς τ' αὐτοσχιδίην καὶ προμάχους ἶναι,
 πανρώτεροι θνήσκουσι, σάουσι δὲ λαὸν ὀπίσσω·
 τρεσσάντων δ' ἀνδρῶν πᾶς' ἀπόλωλ' ἀρετῇ.
 οὐδεὶς ἄν ποτε ταῦτα λέγων ἀνύσειεν ἕκαστα,
 ὅσ', ἣν αἰσχρὰ πάθη, γίγνεται ἀνδρὶ κακά.
 ἀργαλέον γὰρ ὀπίσθε μεταφρενὸν ἔστι δαΐζειν
 ἀνδρὸς φεύγοντος δηῖον ἐν πολέμῳ.
 αἰσχρὸν δ' ἔστι νέκυσ κατακείμενος ἐν κονίῃσιν,
 νῶτον ὀπίσθ' αἰχμῇ δουρὸς ἐληλαμένος.

Ubi interpolatorem facile agnoscas in frigidis his et ieiunis versiculis:

οὐδεὶς ἄν ποτε ταῦτα λέγων ἀνύσειεν ἕκαστα,
 ὅσ', ἣν αἰσχρὰ πάθη, γίγνεται ἀνδρὶ κακά.

quos qui addidit, omisisset, credo, nisi sua cuique, ut

aiunt, placeret Helena. Neque ullus erit relictis his versibus ordo sententiarum, quem quidem iam alii hic desiderarunt. Dicit autem Tyrtaeus, pauciores cadere, qui denso agmine in primam aciem progredi audeant, neque ignobile periculum adire, sed suo cum periculo servare ordines posteriores. Contra trepidantium virorum perditam esse omnem praestantiam. Nam sive a tergo saucii excedant pugna, tale vulnus molestum esse et ignominiosum, sive caesi in pulvere iaceant vulnerati in tergo, etiam hoc esse turpissimum. Non enim *πᾶσ' ἀρετῇ* v. 14. *omnis bellica virtus*, sed *omnis praestantia* est, ut saepe, postulante antithesi, quae ita demum admitteret alteram illam interpretationem, si ante dixisset poeta, audacium augeri animos, quum iunctis viribus in hostem irruant. Iam, quaeso, paullo diligentius inspicias distichum a nobis damnatum, quod nectere cum antecedentibus ita voluerunt H. Stephanus et alii, ut scriberent: *Οὐδ' εἰς δ' ἄν ποτε* etc. Frustra; nam sane levissimum vitium est *ἀσύνδετον* istud. Gravius illud, quod otiosa est tota sententia. Sed hoc quoque per me feras. Quid? innumerabilia dicit mala accidere illi, qui ignominiam sibi fuga contraxerit, iamque, cur ignominiam istam tot mala sequantur, hanc ipsam ignominiam pro ratione affert? Est autem *αἰσχρὰ παθεῖν* non *fugere* simpliciter, sed, ut modo exposui, *ignominiam sibi fuga contrahere*. Neque audiendus est, qui verba *ἣν αἰσχρὰ πάθῃ* enarravit *si turpiter se gesserit*; quae ratio loquendi, ne quis erret, ab epicorum et elegiacorum usu abhorret. Additum distichum a rhapsodo, qui nomen *ἀρετῇ* v. 14. ita accepit, ut omnes, quod sciam, ad hunc usque diem, nominatim Koeppenius, de fortitudine, iamque non potuit non desiderare iustum sententiarum ordinem: quem ordinem sustulit ille, dum restituere conatur.

Quae deinceps sequuntur apud Stobaeum, non unam mihi dubitationem iniiciunt. Sunt autem haec, v. 21. seqq.

ἀλλὰ τις, εὖ διαβάς, μενέτω ποσὶν ἀμφοτέροισιν
 στησιχθεὶς ἐπὶ γῆς, χεῖλος ὁδοῦσι δακῶν,
 μηρούς τε κνήμας τε κάτω καὶ στήθνα καὶ ὤμους,
 ἀσπίδος εὐρείης γαστρὶ καλυψάμενος·
 δεξιτερῇ δ' ἐν χειρὶ τινασσέτω ὄμβριμον ἔγχος,
 κινέτω δὲ λόφον θεινὸν ὑπὲρ κεφαλῆς.
 ἔρδων δ' ὄμβριμα ἔργα διδασκέσθω πολεμίζειν;
 μηδ' ἐκτὸς βελέων ἐστάτω ἀσπίδ' ἔχων.
 ἀλλὰ τις ἐγγὺς ἰών, αὐτοσχεδὸν ἐγγχεῖ μακροῦ
 ἢ ξίφει οὐτάζων, δῆϊον ἄνδρ' ἐλέτω·
 καὶ πόδα παρ' ποδὶ θείς, καὶ ἐπ' ἀσπίδος ἀσπίδ' ἐρείσας,
 ἐν δὲ λόφον τε λόφῳ, καὶ κυνέην κυνέῃ,
 καὶ στήθον στήθῳ, πεπλημένος ἄνδρὶ μαχέσθω,
 ἢ ξίφεος κώπην ἢ δόρυ μακρὸν ἐλών.
 ὑμεῖς δ', ὦ γυμνήτες, etc.

Ac primum aut vehementer fallor, aut repetitum v. 29. ἀλλὰ τις e v. 21. ne a rhapsodo quidem exspectari potest, Sed fecit tamen rhapsodus, si quid video, hos versus:

ἀλλὰ τις ἐγγὺς ἰών, αὐτοσχεδὸν ἐγγχεῖ μακροῦ
 ἢ ξίφει οὐτάζων, δῆϊον ἄνδρ' ἐλέτω·

neque vero retinuit Tyrtaei distichum:

ἀλλὰ τις, εὖ διαβάς, μενέτω ποσὶν ἀμφοτέροισιν
 στησιχθεὶς ἐπὶ γῆς, χεῖλος ὁδοῦσι δακῶν,

sed suos versus huic substituit. Ceterum haud contemnendus poeta fuit interpolator, quanquam Tyrtaeo longe inferior. Qui interpolata illa excipiunt, quatuor versus:

καὶ πόδα παρ' ποδὶ θείς, καὶ ἐπ' ἀσπίδ' ἐρείσας,
 ἐν δὲ λόφον τε λόφῳ, καὶ κυνέην κυνέῃ,

καὶ στέρνον στέρνῳ, πεπλημένους ἀνδρὶ μαχίσθῳ,
ἢ ξίφους κώπην ἢ δόρυ μακρὸν ἐλών.

hi igitur versus lusum continent a simplicitate antiqui poetae quam maxime abhorrentem. Erunt fortasse, quibus e contrario hi versus omnium maxime placeant. Sed hi diffidant velim sensui suo, et conferant simillimam, quae est apud Homerum. interpolationem. Nimirum haec leguntur in Odyssea η, 120. seq.

ὄγχρη ἐπ' ὄγχρη γηράσκει, μῆλον δ' ἐπὶ μῆλῳ,
αὐτὰρ ἐπὶ σταφυλῇ σταφυλῇ, σῦκον δ' ἐπὶ σύκῳ.

Quos versus propter eandem istam ludicram elegantiam sine ulla haesitatione Homero abiudicarem, etiamsi non alia quoque accederet difficultas, quam sensit Schützius in Observationibus Criticis in aliquot Odysseae loca, editis a. 1793. m. Aug. sed ad miram quandam ac prorsus inauditam interpretationem confugit. *Hic, inquit, interpretes vocabulum σταφυλῇ de uvis proprie sic dictis accipiunt. Sed hoc incommodum est propterea, quod nec antea in arborum enumeratione vitis erat nominata, et statim diserta sequitur vineae descriptio. Quaerendum igitur, an σταφυλῇ forte Homeri aetate de baccis olivarum usurpatum fuerit, quemadmodum στέμφυλα aequae olivarum fraces atque uvarum in torculari expressarum retributa notat. Acquiescat, qui volet, in hoc perfugio: nos interpolatori relinquamus uvas suas. Nec dubitamus in his, quae habentur Iliad. v. 130. seqq.*

φράξαντες δόρυ δουρί, σάκος σακεῖ προθελύνῃ·
ἀσπίς ἄρ' ἀσπίδ' ἔρειδε, κόρυς κόρυν, ἀνέρα δ' ἀνὴρ·
ψαῦον δ' ἱππόκομοι κόρυθες etc.

medium versum interpolatori tribuere, praesertim quum nihil aliud sit κόρυς κόρυν ἔρειδε, quam ψαῦον κόρυθες versu proximo, ubi aperte consulto variata oratio. Haecine vero an nostra antiquior sit interpolatio

(apparet autem, alterutram ex altera esse ductam) viderint alii. Sed apud Tyrtaeum prius distichum non est quidni eidem rhapsodo tribuas, cui mutationem illam deberi vidimus: posterius nullus dubito quin sit a recentiore quodam homine adiectum. Diversum enim huius auctorem haec produnt:

πεπλημένος ἀνδρὶ μαχέσθω;

ἢ ξίφεος κώπην ἢ δόρυ μακρὸν ἐλών.

quae quidem haud dubie omissurus fuisset rhapsodus ille, qui ante iam dixerat:

αὐτοσχεδὸν ἔγχεῖ μακρῷ

ἢ ξίφει οὐτάζων, δῆϊόν ἄνδρ' ἐλέτω.

alius autem ex his ipsis exprimere potuit, quo scilicet ope rhapsodi illius feliciter ad finem perduceret distichum, inceptum invita Minerva. Neque vero alius quidam rhapsodus posterius distichum istud fecisse existimandus est, sed is, qui illius rhapsodi versus e margine transtulit in verba Tyrtaei. Quid enim? Rhapsodus ille mea quidem coniectura, quae specie, ut sequentia declarabunt, quam re audacior est, sic cecinit:

29. ἀλλὰ τις ἔγγυς ἰών, αὐτοσχεδὸν ἔγχεῖ μακρῷ

ἢ ξίφει οὐτάζων, δῆϊόν ἄνδρ' ἐλέτω,

25. μηρούς τε κνήμας τε κάτω καὶ στήρνα καὶ ὦμους

ἀσπίδος εὐρείης γαστρὶ καλυπνόμενος,

31. καὶ πόδα παρ' ποδὶ θείεις, καὶ ἐπ' ἀσπίδος ἀσπίδ' ἐρείσας,

ἐν δὲ λόφον τε λόφῳ, καὶ κυνέην κυνέῃ.

25. δεξιτερῇ δ' ἐν χειρὶ τινασσέτω ὄμβριμον ἔγχος,

κινείτω δὲ λόφον δεινὸν ὑπὲρ κεφαλῆς.

ἔρδων δ' ὄμβριμα ἔργα διδασκέσθω πολεμίζειν,

μηδ' ἐκτὸς βελέων ἐστάτω ἀσπίδ' ἔχων.

35. ὑμεῖς δ', ὦ γυμνήτες, etc.

Primum quod posui, distichum, rhapsodi esse mutationem docui versuum 21. et 22; secundum porro, illorum, quibus primum illud a rhapsodo est substitutum,

proximum erat apud Tyrtaeum, neque omissum a rhapsodo vel per se potest videri, quum ratio, cur omittet, fuerit nulla; tertium denique, additum a rhapsodo, nusquam alibi habet locum, siquidem separari debet a versibus, de quibus nunc potissimum agitur, 33. seq.

καὶ στέρνον στέρνω, πεπλημένος ἀνδρὶ μαχέσθω,
ἢ ξίφεος κώπην ἢ δόρυ μακρὸν ἐλών.

alienis, ut modo videmus, tam a rhapsodo nostro, quam a Tyrtaeo. Atqui parum credibile est, medium illud Tyrtaei distichum, *μηρούς τε κνήμας τε* etc. positum semel inter antiqui poetae versus, ab eo, qui *διαγωνίαν* sibi in margine annotabat, ibi iterum esse scriptum. Immo satis habuit et mutationem rhapsodi et additamentum deinceps adscribere, sicut hodie habetur v. 29. usque ad 52.

ἀλλὰ τις ἐγγὺς ἰών, αὐτοσχεδὸν ἐγχεῖ μακρῷ
ἢ ξίφει οὐτάζων, δῆϊον ἄνδρ' ἐλέτω.
καὶ πόδα παρ ποδὶ θείς, καὶ ἐπ' ἀσπίδος ἀσπίδ' ἐρείσας,
ἐν δὲ λόφον τε λόφῳ, καὶ κυνέην κυνέη.

Quae quoniam ita deinceps posita mutilam in fine praebent sententiam, hanc necessario, si quis versus istos ibi, ubi nunc leguntur; eodem modo inserere voluit, supplere debebat de suo; id quod factum videmus adiecto disticho illo, quod rhapsodo non minus, quam Tyrtaeo, esse docui abiudicandum. Tyrtaeo nonnisi haec debentur:

21. ἀλλὰ τις, εἴ διαβάς, μενέτω ποσὶν ἀμφοτέροισιν
στηριχθεὶς ἐπὶ γῆς, χεῖλος ὁδοῦσι δακνών,
μήρους τε κνήμας τε κάτω καὶ στέρνα καὶ ὤμους
ἀσπίδος εὐρείης γαστρὶ καλυψάμενος.
δεξιτερῇ δ' ἐν χειρὶ τινασσέτω ὄμβριμον ἔγχος,
κινεῖτω δὲ λόφον θεινὸν ὑπὲρ κεφαλῆς.

ἔρδων δ' ὄμβρομα ἔργα διδασκείσθω πολέμειζεν,
μηδ' ἐκτὸς βελίων ἐστάτω ἀσπίδ' ἔχων.

35. ἡμεῖς δ', ὦ γυμνήτες, etc,

Accessit postea et mutatio et additamentum rhapsodi, iunctim inserta loco alieno, aucta etiam novo disticho ad integritatem truncatae hoc modo sententiae utcunque restituendam.

Quae quum ita sint, totum fragmentum, ut olim est a Tyrtaeo profectum, praeter distichum, initio statim e Strabonis margine supplendum, hos versus complectebatur: II, 1 — 10. I, 19 — 30. 1 — 12. 17. 18. II, 11 — 14. 17 — 28. 35 — 38. ita vero, ut a rhapsodo mutatum, hos versus: II, 1 — 10. I, 12 — 30. 1 — 16. II, 11 — 20. 29. 30. 23. 24. 31. 32. 25 — 28. 35 — 58. quibus adde distichum, interpolationis cum Tyrtaeo coagmentandae caussa compositum, II, 33 et 34. Nobis igitur totum fragmentum sic fuit constituendum, ut post distichum illud e Strabone assumptum haec sequerentur: II, 1 — 10. I, 19 — 30. 1 — 18. II, 11 — 38. et uncis includerentur hi versus: I, 13 — 16. II, 15. 16. 29 — 34.

Integra est, ut dein patebit, elegia, quae vulgo ordine tertia est, prodita a Stobaeo Serm. XLIX. a pluribus illa rhapsodis interpolata. Et huius quidem hoc est initium:

Οὐτ' ἂν μνησαίμην, οὐτ' ἐν λόγῳ ἄνδρα τιθείμην,

οὔτε ποδῶν ἀρετῆς, οὔτε παλαισμοσύνης,

οὐδ' εἰ Κυκλώπῳ μὲν ἔχοι μέγεθός τε βίην τε,

νικῶν δὲ θεῶν Θρηϊκίῳ Βορέην·

οὐδ' εἰ Τιθωνοῖο φυὴν χαριέστερος εἴη,

πλουτοίῃ δὲ Μίδεω καὶ Κινύρῳ βάθιον·

οὐδ' εἰ Τανταλίδεω Πέλοπος βασιλεύτερος εἴη,

γλῶσσαν δ' Ἀδρήστου μελιχόγηρον ἔχοι·

οὐδ' εἰ πᾶσαν ἔχοι δόξαν, πλὴν θουρίδος ἀλκῆς.

οὐ γὰρ ἀνὴρ ἀγαθὸς γίγνεται ἐν πολέμῳ,

εἰ μὴ τετλαίῃ μὲν ὀρώων φόνον αἱματόεντα, etc.

In quibus plus quam suspectos habeo versum 9 et 10.

οὐδ' εἰ πᾶσαν ἔχοι δόξαν, πλὴν θούριδος ἀλκῆς.

οὐ γὰρ ἀνὴρ ἀγαθὸς γίγνεται ἐν πολέμῳ,

qui versus vel propterea, quod optimi et antiquissimi poetae elegiaci aegre sententiam hexametro terminant, possunt esse suspecti. Ac sane verba οὐδ' εἰ πᾶσαν ἔχοι δόξαν hominis sunt intempestive verentis, ne quid omissum desideretur; haec autem: πλὴν θούριδος ἀλκῆς, quamvis per se gravissima, et HomERICA, notante Koepenio, praebent tamen hoc loco bellicae virtutis oppositionem multo minus concinam, quam quae efficitur omissio hoc disticho; pentameter denique languidus est et ieiunus. Quid? quod Platoni, cui aliam antiquiorem interpolationem, hoc ipso disticho rursus interpolatam, cognitam fuisse paullo post patebit, hoc distichum fuit ignotum. Nam Plato Leg. I. p. 629. A: προστησώμεθα γοῦν, inquit, Τύρταιον, τὸν φύσει μὲν Ἀθηναῖον, τῶνδε δὲ πολίτην γενόμενον, ὃς δὴ μάλιστα ἀνθρώπων περὶ ταῦτα ἐσπούδακεν, εἰπὼν, ὅτι

οὐτ' ἂν μνησαίμην, οὐτ' ἐν λόγῳ ἄνδρα τιθείμην,

οὐτ' εἴ τις πλουσιώτατος ἀνθρώπων εἴη, φησὶν, οὐτ' εἰ πολλὰ ἀγαθὰ κεκτημένος (εἰπὼν σχεδὸν ἅπαντα), ὃς μὴ περὶ τὸν πόλεμον ἄριστος γίγνοιτο. ubi vulgo γίγνοιτ' cum apostopho scriptum habemus, assumpta vocula αἰέ, quam ad proximam pertinere sententiam iam ante monui. Apparet, in versibus, quos memoriter Plato respexit, hanc fuisse syntaxin: οὐτ' ἂν μνησαίμην ἄνδρα — εἰ μὴ τετλαίη etc. afuisse igitur distichum illud, quod hanc turbat constructionem. Idem confirmant verba Platonis εἰπὼν σχεδὸν ἅπαντα, quae nil nisi versum 5. usque ad 8. significant. Ceterum quum Platone recentius distichum sit, de quo loquimur, est tamen aut antiquius alio, de quo mox dicendum, aut eiusdem auctoris. Sed

CALLINUS.

L

ne omissis quidem versibus istis, Platoni ignotis, antiquissimi poetae verba sine rhapsodi cuiusdam amplificatione mihi legere videor. Quid enim? Nonne rhetoricam elegantiam sapit negatio toties repetita? nonne magis etiam ab antiqui poetae simplicitate distat omnis sententia v. 5. usque ad 8? nonne et ipse Tyrtaeus v. 2.

οὔτε ποδῶν ἀρετῆς, οὔτε καλαιοσυμένης,

perspicue indicat, se de venustate, divitiis, imperio et facundia minime cogitasse? Nempe hoc unum dicit Tyrtaeus, dotes, quibus excellere miles possit, celeritatem et luctandi dexteritatem (non dotes eximias qualescunque) nihili esse, neque si tantae sint, ut excedere videantur modum humanum, nisi coniunctas cum fortitudine. Quapropter non dubito, quin haec sola sint a Tyrtaeo profecta:

1. Οὐτ' ἂν μνησαίμην, οὐτ' ἐν λόγῳ ἄνδρα τιθείμην,
οὔτε ποδῶν ἀρετῆς, οὔτε παλαιοσυμένης,
οὐδ' εἰ Κυκλώπων μὲν ἔχοι μέγεθος τε βίην τε,
νικῶν δὲ θεῶν Θρηϊκίον Βορέην,
11. εἰ μὴ τετλαίη μὲν ὄρῳν φόνον αἵματόεντα, etc.

Cyclopes ad παλαιοσυμένην spectant, Boreas ad ποδῶν ἀρετήν.

Haud procul post nemo non videt aequabilitatis gratia adiectos esse versum 19 et 20.

Θαρσύνη δὲ πεσεῖν τὸν πλησίον ἄνδρα παρεστῶς.
οὗτος ἀνὴρ ἀγαθὸς γίγνεται ἐν πολέμῳ.

aut ab eodem rhapsodo, qui fecit v. 9 et 10.

οὐδ' εἰ πᾶσαν ἔχοι δόξαν, πλὴν θούριδος αἰκῆς.
οὐ γὰρ ἀνὴρ ἀγαθὸς γίγνεται ἐν πολέμῳ,

aut ab alio postea. Laborat enim illud distichum iisdem vitiis, hexametri claudentis sententiam, languidique pentametri, ne quid dicam de usu articuli non satis

Homerico. Respondet autem hexameter versui, qui illic subsequitur:

εἰ μὴ τετλαίῃ μὲν ὄρων φόνον αἱματόεντα.

Sed verbo hæc attigisse sufficiet. Non enim vereor, ne cui mox v. 21. durior forte videatur assumptio pronominis οὗτος ad verbum ἔτρεψε, similis illa assumptioni pronominis τοιοῦτος ad μετέσσεται I, 7 (51.). Ita nimirum procedunt Tyrtæi versus:

15. ξυνὸν δ' ἐσθλὸν τοῦτο πόλῃ τε παντί τε δῆμῳ;
ὅς τις ἀνὴρ διαβὰς ἐν προμάχοισι μὲν
νωλεμέως, αἰσχροῦς δὲ φυχῆς ἐπὶ πάγχυ λάθεται,
ψυχὴν καὶ θυμὸν τλήμονα παρθέμενος.

21. αἶψα δὲ δυσμενέων ἀνδρῶν ἔτρεψε φάλαγγας etc.

Eundem militem, rapide irruentem in hostes, eosque in fugam impetu suo convertentem, cadentem ponit v. 23. neque aliter deinde pergit v. 27.

τὸν δ' ὀλοφύρονται μὲν ὁμῶς νέοι ἡδὲ γέροντες,
ἀργαλὲω τε πόθῳ πᾶσα κέκηδε πόλις.
καὶ θυμβος καὶ παῖδες ἐν ἀνθρώποις ἀρίσημοι
καὶ παίδων παῖδες καὶ γένος ἐξοπίσω.
οὐδέ ποτε κλέος ἐσθλὸν ἀπόλλυται, οὐδ' ὄνομ' αὐτοῦ.
ἀλλ' ὑπὸ γῆς περ ἐὼν γίγνεται ἀθάνατος.

Hinc vero, ut nouae interpolationis notationem statim subiungam, continuo sequuntur otiosi plane hi versus:

ὅν τιν' ἀριστεύοντα μένοντά γε; μάρνάμενόν τε
γῆς πέρι καὶ παίδων, θοῦρος Ἄρης ὀλέση.

quibus immane quantum enervatur oratio, ne quidem dicam de homoeoteleutis.

Finis elegiae hodie ita se habet a v. inde 55.

εἰ δὲ φύγη μὲν κῆρα τανηλεγέος θανάτοιο,
νικήσας δ' αἰχμῆς ἀγλαὸν εὖχος ἔλη,

L 2

πάντες μιν τιμῶσιν, ὁμῶς νέοι ἢ δὲ παλαιοί;
πολλὰ δὲ τερπνὰ παθὼν ἔρχεται εἰς Ἀἶδην.
γηράσκων δ' ἀστοῖσι μεταπρέπει, οὐδέ τις αὐτὸν
βλάπτειν οὔτ' αἰδοῦς οὔτε δίκης ἐθέλει.
πάντες δ' ἐν θώκοισιν, ὁμῶς νέοι οἳ τε καὶ αὐτόν,
εἴκουσιν χῶρης, οἳ τε παλαιότεροι.
ταύτης νῦν τις ἀνὴρ ἀρετῆς εἰς ἄκρον ἰκέσθαι
πειράσθω θυμῷ, μὴ μεθείης πολέμου.

Sed confido, si quis hactenus totum carmen, quemadmodum olim erat ab ipso Tyrtaeo factum, attente perlegerit, neque sit ingenio tam obtuso, ut mediocre poetam a Tyrtaeo discernere nequeat, hunc semel monitum facile intellecturum, antiquitus finitum fuisse carmen v. 38.

πολλὰ δὲ τερπνὰ παθὼν ἔρχεται εἰς Ἀἶδην.

Adeo dehinc remissa sunt omnia, deficiunt ab antecedentium gravitate. Nec bene cohaerent sententiae. An est credibile, Tyrtaeum, quum dixerit, victorem ex bello reducem ab omnibus honorari, iuuenibus aequae ac senibus, eandem sententiam denuo fuisse, uno versu interiecto, novae instar sententiae copiosius et tamen ex parte tantum propositurum? Ex parte inquam, quum mox ad senem duntaxat referatur, quod prius fuerat universe dictum. Ceteroquin autem eandem esse sententiam, licet diversam exspectes, manifestum est. Quid enim aliud est v. 37. πάντες μιν τιμῶσιν, quam v. 39. ἀστοῖσι μεταπρέπει, et quae praeterea hic reverentiae signa commemorantur? Fac tamen, posteriorem sententiam uberiores posse prioris expositionem haberi legitimam. Qui tandem poeta, si priorem voluit pluribus persequi, inserere versum potuit illum, quem nos postremum olim fuisse censemus? qui quidem versus talem expositionem mortis facta mentione excludit. Sunt etiam alia interpolationis indicia, sed ea quidem

eiusmodi, ut ostendant, ne a rhapsodo quidem ita, ut nunc habetur, constitutum fuisse exitum elegiae. Nam si paullo diligentius inquiras in v. 41. seq.

πάντες δ' ἐν θώκοισιν, ὁμῶς νέοι οἳ τε κατ' αὐτόν,
εἴκουσιν χώρης; οἳ τε παλαιότεροι.

facile apparebit, ex mente auctoris nullum ibi nisi iuvenum, virorum et senum, minime vero quorundam in ipsa senectute annorum discrimen in censum venire, neque παλαιότερους sene scilicet intelligi seniores. Et tamen ineptam hanc interpretationem postulat distichum antecedens. Hoc igitur ab eo, qui primus composuit versus illos, omissum fuisse necesse est. Idem statuere cogit comparatio versus 57.

πάντες μιν τιμῶσιν, ὁμῶς νέοι ἢ δὲ παλαιοί.

Quis enim est, quin videat, rhapsodum non tam simpliciter amplificare, quam amplificando corrigere voluisse Tyrtaei sententiam, additis nimirum, quos male neglectos putabat, τοῖς κατ' αὐτόν? Quod quam parum prospere cesserit homini, exponere nihil opus est. Praestat statim aperire, quid igitur in his versibus rhapsodo acceptum referamus. Cēcinit ita, nisi me omnia fallunt:

55. εἰ δὲ φύγη μὲν κῆρα ταπηλεγέος θανάτοιο,
νικήσας δ' αἰχμῆς ἀγλαὸν εὖχος ἔλη,

57. 41. πάντες μιν τιμῶσιν· ὁμῶς νέοι οἳ τε κατ' αὐτόν.
εἴκουσιν χώρης, οἳ τε παλαιότεροι.
ταύτης νῦν τις ἀνὴρ ἀρετῆς εἰς ἄκρον ἰκέσθαι
πειράσθω θυμῷ, μὴ μεθείης πολέμου.

Atque ita medium in his distichum recepit Theognis v. 929 (915.). seqq.

παύροις ἀνθρώπων ἀρετὴ καὶ πλοῦτος ὀπηδεῖ.

ὄλβιος, ὃς τούτων ἀμφοτέρων ἔλαχεν.

πάντες μιν τιμῶσιν· ὁμῶς νέοι οἳ τε κατ' αὐτόν
εἴκουσιν χώρης, οἳ τε παλαιότεροι.

nempe audito, quemadmodum in rhapsodorum ore versabatur, non lecto carmine. Unde in transitu discas, caute versandum esse in delendis apud Theognidem versibus alienis; id quod alio etiam exemplo patebit ad huius Eleg. v. 13. Epiphonema rhapsodi eundem spectat versum 13. et seq.

ἡ δ' ἀρετή, τό τ' ἄριστον ἐν ἀνθρώποισιν ἀέθλον,
κάλιστόν τε φέρειν γίγνεται ἀνδρὶ νέφ.

unde luculenter apparet, quod dixi principio, integram hanc esse elegiam. Sed rhetoricum quiddam sapit clausula ista, aptiorque videtur ad restinguendum ardorem animi, quam ad incendendum. Divinitus carmen fuerat a Tyrtaeo finitum, quem emendasse scilicet sibi visus est interpolator. Quum tamen iudicium de hoc disticho unice ad sensum redeat, de quo disputare lubricum est, satius putavi, in hoc quidem postremo disticho uncas omittere. Tyrtaei et rhapsodi versus, qui mox conglutinavit, sua quaedam inculcare coactus est. Inseruit igitur haec, v. 39. seqq.

γηράσκων δ' ἀστούδι μεταπρέπει, οὐδὲ τις αὐτόν
βλάπτειν οὔτ' αἰδοῦς οὔτε δίκης ἐθέλει.
πάντες δ' ἐν θώκοισιν,

ubi nostrum non est, de memorabili usu genitivi disserere. Ceterum binos in his versus integros per errorem venisse in Theognidea v. 1251. seq. superiorum editionum, monuisse sat est: unde, et quonam errore, quaerant alii; indicandum Brunckio fuisset, qui tacite versus omisit. Haec scripseram, antequam copia mihi facta erat editionis Bekkeri, viri celeberrimi, quem esse suis codicibus nimis hic obsecutum, in revocandis autem versibus alienis, ut ubique, sic etiam hoc loco modum excisisse non minus, quam Brunckium saepe in omit-tendis, facile est intellectu, siquidem ille hoc modo locum constituit, v. 935. seqq.

*Παύροις ἀνθρώπων ἀρετὴ καὶ κάλλος ὅπηδεῖ·
 ὄλβιος ὃς τούτων ἀμφοτέρων ἔλαχεν.
 πάντες μιν τιμῶσιν· ὁμῶς νέοι, οἳ τε κατ' αὐτὸν
 χώρης εἴκουσιν, τοὶ τε παλαιότεροι.
 γηράσκων δ' ἄστοῖσι μεταπρέπει, οὐδέ τις αὐτὸν
 βλάπτειν οὔτ' αἰδοῦς οὔτε δίκης ἐθέλει.*

Nam primum, quod in cod. Mut. verba *εἴκουσιν χώρης* (de lectione *κάλλος* enim nostrum non est Brunckii firmare iudicium) transposita leguntur ita: *χώρης εἴκουσιν*, quodque inde corrupta exstat in cod. Vat. lectio *χώροις εἴκουσιν*, hanc librarii esse traiectionem, vel relictum in posteriore hoc codice οἳ declarat, mutatum in τοὶ ex altero illo ab editore; modo assumseris argumentum praecipuum, quod duci potest pro vulgato ordine ex loco Tyrtaei. Habes enim apud Theognidem seriam Tyrtaei seu potius rhapsodi illius versuum parodiam; in hac autem servata fuisse, quantum fieri posset, ipsa illius verba, consentaneum est. Sin quis in Tyrtaeo factam credat transpositionem ab eo, qui primus ibi scripserit *ἐκ χώρης* pro *χώρης*, et hinc etiam in Theognidea translata, haec ratio probabilitate carebit propterea, quod *ἐκ* non comparet apud Theognidem. Deinde quod attinet ad accessionem distichi: *γηράσκων δ' ἄστοῖσι* etc. hoc distichum ne ipse quidem novissimus editor videtur adiectum credidisse ab ipso Theognide.

Collectis his omnibus efficitur, Tyrtaei esse hos versus: 1 — 4. 11 — 18. 21 — 32. 35 — 38, qui integrum aliquod fortitudinis encomium efficiunt Tyrtaeo saepe dignissimum omnibusque numeris absolutum, fortasse etiam 43 et 44, hos autem rhapsodis deberi: 5 — 10. (et versum quidem 9 et 10. posteriori rhapsodo) 19. 20. (qui versus eiusdem sunt aut tertii alicuius) 33. 34. et quae sequuntur a dimidio inde versu 41, subiuncto illo ab interpolatore priori hemistichio versus 38, usque

ad v. 42 aut 44, hos denique versus homini, qui Tyrtaeum voluit cum rhapsodo conciliare: 39. usque ad priorem partem versus 41.

Breviora Tyrtaei fragmenta vulgo sparsa magis et diffusa, quam consilio disposita atque digesta. Quam si tollere volumus perturbationem, ante omnia considerandum est, duplex fuisse genus elegiarum Tyrtaei, bellicum et civile; qua de re mox dicam uberius. Maiiores igitur illae reliquiae quum fuerint bellicae, his consentaneum est subiungi minores eiusdem generis. Sunt autem praeter binos singulos versus tria tantum huius generis fragmenta minora, eaque unius eiusdemque elegiae, unius igitur laceri fragmenti instar habenda. Quorum primum, quod vulgo quartum est omnium, exstat apud Strabonem VI. p. 279. (428.), et disiunctim apud Pausaniam IV. p. 315. et 312., secundum et tertium, vulgo sextum (coniunxit enim utrumque iam Brunckius), ibidem p. 313. Haec igitur omnia in nostra recensione iunctim posita sunt tertio loco hunc in modum:

ἀμφ' αὐτὴν δ' ἐμάχοντ' ἑννεακαίδεκα ἔτη
 πωλεμέως, αἰεὶ ταλασίφρονα θυμὸν ἔχοντες,
 αἰχμηταὶ πατέρων ἡμετέρων πατέρες.
 εἰκοστοῦ δ' οἳ μὲν κατὰ πτόνα ἔργα λιπόντες
 φεῖγον Ἰθωμαίων ἐκ μεγάλων ὀρέων.

* * * * *

ὥσπερ ὄνοι μεγάλοις ἄχθισι τειρόμενοι,
 δεσποσύνουσι φέροντες ἀναγκαίης ὑπο λυγρῆς
 ἡμῖς πάν, ὅσον καρπὸν ἄρουρα φέρει.

* * * * *

* * * * *

δεσπότης οἰμώζοντες, ὁμῶς ἄλοχοί τε καὶ αὐτοί,
 εὐτέ τιν' οὐλομένη μοῖρα κίχοι θανάτου.

Abiecerant animum Lacedaemonii, quum adveniret Tyrtaeus, adversam belli fortunam eo usque experti, nullam ut spem victoriae sibi relictam putarent. Verum Tyrtaeus hoc carmine in memoriam iis revocavit maiores, de eadem Messenia per integros undeviginti annos frustra certantes, sed impigros, tandemque anno vicesimo victoriam reportantes tanquam praemium patientiae suae. Quippe hanc esse sententiam priorum versuum, perspicuum est, imprimis e verbis αἰεὶ ταλασίφρονα θυμὸν ἔχοντες, quae verba quis dubitet quin addita sint ad similem perseverantiam etiam praesente in bello militibus commendandam? In binis posterioribus frustulis subiicit poeta, quam acerba hostium castigatione iisdem compensatae tot annorum aerumnae sint, spem deinceps Lacedaemoniis iniecturus sumendi ab hoste similem ultionem, fortasse etiam demonstraturus, quam turpe sit vinci ab iis, quos maiores redegerint in servitutem. Certe non video, quonam alio consilio Tyrtaeus potuerit miseram illam Messeniorum conditionem describere. Utcunque sit, hoc saltem apertum est, omnia illa continuae narrationis fragmenta esse habenda, eamque ad bellicum carmen pertinuisse. Poterant quidem commemorari Messenii a maioribus domiti et subacti, adeoque re vera commemorabantur etiam in civili elegia, sed obiter, et ita, ut ad auctorem Theopompum regem victoria referretur, nempe ad obedientiam legi conciliandam, qua coercita plebs erat ab illo rege eiusque collega imperii Polydoro; quod quid sit, paullo post clarius apparebit. Non audiendus igitur, qui versus, de quibus nunc sermo est, traxit ad Eunomiam. Restat pentameter et hexameter, alter a Plutarcho de Stoic. Repugn. p. 1036. E. alter a Gale-
no de Hippocrat. et Plat. Placitis, Opp. T. V. p. 118. ed. Charter. memoriae proditus, vulgo positi loco decimo et undecimo, nobis quarto et quinto.

Nunc vero tempus est indicare, de Eunomia, saepius nobis iam memorata, quid sit statuendum. Qua in quaestione silentio fere praetermittam varios de hac poesi errores, quos si cui operae pretium videtur cognoscere, Harlesium consulat ad Fabric. Bibl. Gr. T. I. p. 740. addito, si placebit, scriptoribus ibi laudatis Mansone in Sparta Vol. I. Part. II. p. 69. et 285. Fuit autem Eunomia civilium Tyrtaei omnium elegorum sic facta collectio quaedam, ut unam poesin efficerent universi. Eos intelligo, quibus turbas poeta composuit, a Lacedaemoniis motas partim durante adhuc, partim confecto bello; id quod fecisse Tyrtaeum notum est e Pausania IV. p. 525. ὥστε καὶ ἐποίησαντο οἱ Λακεδαιμόνιοι δόγμα, ἅτε τοῖς ἐν τῇ Εἴρᾳ μᾶλλον ἢ σπῆσιν αὐτοῖς γεωργοῦν-
τες, τὴν Μεσσηνίαν καὶ τῆς Λακωνικῆς τὴν προσεχῆ, ἕως ἂν πολεμῶσιν, ἔξιν ἄσπορον. Καὶ ἀπὸ τούτου σιτοδεία ἐγένετο ἐν Σπάρτῃ, καὶ ὁμοῦ τῇ σιτοδείᾳ (suspecta verba ἐγένετο ἐν Σπάρτῃ hic iterata) στάσις. οὐ γὰρ ἠνείχοντο οἱ ταύτῃ τὰ κτήματα ἔχοντες, τὰ σφέτερα ἀργὰ εἶναι. Καὶ τοῦτοις μὲν τὰ διάφορα διέλυε Τυρταῖος. item ex Aristotele Polit. V. 7., ubi varios seditionum fontes enumerans, nonnunquam eas inde oriri dicit, quod in bellis maxime alii egestate premantur, alii divitiis abundant, et ita pergit: συνέβη δὲ καὶ τοῦτο ἐν Λακεδαίμονι ὑπὸ τὸν Μεσσηνιακὸν πόλεμον (sub bellum Messeniacum, hoc est bello ad finem vergente et post continuo). ὁῦλον δὲ καὶ τοῦτο (hoc est τοῦτο καί: conf. Schacferi Ind. ad Corpus Poet. Gr. Sophocli adiunctus v. καί) ἐκ τῆς Τυρταίου ποιήσεως τῆς καλουμένης Εὐνομίας. θλιβόμενοι γάρ τινες διὰ τὸν πόλεμον ἠξίουσαν ἀνάδαστον ποιεῖν τὴν χώραν. Qui locus ad pacificum Tyrtaeum, prae bellico fere neglectum, viris eruditis in memoriam revocandum occasionem dedit (Schlossero Annot. ad versionem Germanicam libri Aristotelici T. II. p. 195., quem alii postea sunt secuti. Iam vero Eunomiam ποιήσιν vocat Aristoteles, neque aliter Strabo loco ante emendato, VIII. p. 562. (556.): ἐν τῇ ἐλεγεῖᾳ

ποιήσαι, ἣν ἐπιγράουσιν *Εὐνομίαν*. Est autem ποιήσεις non poema, sed poematum continua series, volumen poematum, quae unum aliquod corpus efficiunt, veluti Ilias vocatur ποιήσεις, singulae eius rhapsodiae ποιήματα. Quod quum discere viri docti potuerint vel ex Thesauris Stephani et Gesneri, tum etiam Aphthonio et Varro, quorum de hoc usu loquendi observationes ibi allatae reperiuntur, accedunt Marius Victorinus Art. Grammat. I. p. 2500. et Diomedes III. p. 469., quae loca corruptissima emendet, cui tanti videbitur. Ac ne quis vanam hanc esse credat grammaticorum distinctionem, quae Gesneri mens fuisse videtur, potest quidem quodvis opus poeticum in genere poesis dici, potest etiam, quidquid poeta aliquis fecit poematum, tota eius poesis vocari: certum quoddam poema poesis appellari minime potest. Ubicunque igitur de certa quadam poesi sermo est, intelligendum corpus poematum. Loca grammaticorum ita loquentium infinitum est recensere. Unum de multis ponam, Eustathii p. 5.: ὅτι ἐν μὲν τι σῶμα συνεχὲς διόλου καὶ εὐάρμοστον ἢ τῆς Ἰλιάδος ποιήσεις· οἱ δὲ συνθέμενοι ταύτην, κατ' ἐπιταγήν, ὡς φασί, Πεισιστράτου etc. Atque hanc veram esse et antiquissimam rationem loquendi, vel ipsa declarant nomina Ἰλιάς et Ὀδυσσεΐα, ubi supplendum esse ποιήσεις, nemo ignorat: quanquam grammaticos interdum immemores huius supplementi fuisse, vel ipsum illud Eustathii ostendit. Quam late patuerit Eunomiae argumentum, et haec significat inscriptio carminis, et alia, cuius notitiam Suidae debemus v. Τυρταῖος: ἔγραψε Πολιτείαν Λακεδαιμονίοις. Nempe ab anarchia Tyrtaeus reduxit Lacedaemonios ad legum obedientiam et ad iustum reipublicae statum. Et ipse quidem Tyrtaeus hoc ita fecit, ut postea Solon, canendis singulis elegiis: coniunctio facta, quum litteris mandarentur carmina, circa Pisistratidarum tempora; quomodo, vix licuerit divinare, quum prorsus fuerit singularis ista collectio civilium elegorum. Quo maior

est Eunomiae iactura, utpote nulla nobis simili poesi compensata.

Iam si quaeris, quae tandem fragmenta pertineant ad Eunomiam, nullum est, quod testis cuiusdam fide ad hanc referatur, praeter unicum illud distichum e Strabone iam ante allatum, nostra in editione sextum, vulgo V, 3. et 4. Nec sane Strabonis testimonio si destituti essemus, huic disticho locum suum per coniecturam assignare liceret, quum, quos comites in Laconicam secum Tyrtaeus attulerat, eorum illo in disticho fiat mentio, haec vero fieri variis modis potuerit in quovis etiam bellico carmine.

Enimvero aliud est Eunomiae fragmentum, in quo facile caremus simili testimonio, septimum et octavum in superioribus, septimum in nostra recensione, servatum priore ex parte a Pausania IV, 6. p. 294., nisi quod initio accessit Polydori nomen, in fine integer versus, quem ex Schol. Platon. ad Alcibiad. I. p. 122. e. hic esse addendum, vidit Buttmannus, vir celeberrimus, in tert. edit. Platonis Dialogorum Biesteri pag. 151., ita:

Πολυδώρῳ,

ἡμετέρῳ βασιλῆϊ, θεοῖς τε φίλῳ Θεοπόμπῳ,

ὃν δία Μεσσήνην εἵλομεν εὐρύχορον,

Μεσσήνην ἀγαθὴν μὲν ἀροῦν, ἀγαθὴν δὲ φυτεύειν.

Haec enim quin fuerint pars Eunomiae, dubitare non sinit argumentum, siquidem non poterant Polydorus ac Theopompus, veteres Lacedaemoniorum reges, tali modo a Tyrtaeo commemorari, nisi ut meritis eorum excitarentur cives ad memoriam eorum sancte colendam, iisque obedientiam praestandam etiam mortuis. Res perspicua ex Plutarchi Lycurgo cap. 6. alioque, quod ibi exstat, nostri poetae fragmento de iisdem regibus:

Φοίβου ἀκούσαντες Πυθωνόθεν οἰκάδ' ἔνεικαν
 μαντείας τε θεοῦ καὶ τελέεντ' ἔπεα·
 ἄρχειν μὲν βουλῆς θεοτιμήτους βασιλῆας,
 οἷσι μέλει Σπάρτας ἱμερόεσσα πόλις,
 πρεσβύτας τε γέροντας, ἔπειτα δὲ δημότας ἄνδρας;
 εὐθείαις γνώμας ἀνταπαμειβομένους.

quod nullus dubito ad eandem trahere elegiam. Nam quum in rhetra constitutum a Lycurgo esset, congregata populi concione nemini, nisi regibus et senatoribus, licere rogationem ferre, plebi vero iudicandi tantum de illorum rogationibus potestatem concedi, quumque postea plerique addendo ac detrahendo rogationes detorquerent eo, quo ipsis placeret: reges illi tale supplementum inseruerunt rhetrae: si populus rogationem elegerit a mente auctoris deflexam, eam a senatoribus regibusque non confirmari, sed concionem dissolvi; idque se ex responso fecisse Apollinis, persuaserunt civitati. Iam ubi seditio erat circa finem alterius belli exorta, quam componere per carmina sua Tyrtaeus sustinuit, consentaneum est, hunc id etiam egisse, ut saluberrimam rhetram, tam sapienter ab illis regibus emendatam, in usum legitimum revocaret. Quem in finem primum commonefecit Lacedaemonios, quantum deberent Polydoro et Theopompo, deinde obsoletae legis memoriam renovavit. Poterat etiam aliter ordinem instituere: sed mentio regum in priore fragmento eiusmodi est, ut ibi primum eos commemoratos fuisse appareat. Quae quum ita sint, videor mihi posterius fragmentum non iniuria tanquam partem subiunxisse priori, insertis, quibus lacuna significaretur, asteriscis. Ceterum altera haec pars fragmenti iam ante nos fuerat ad Eunomiam relata.

Versus ab Aristide Orat. I. Platon. pro Rhet. T. III. p. 55. ed. Steph. allatus e poeta nescio quo Laconico, quem vocat τὸν τῶν παρθένων ἐπαινέτην τε καὶ σύμβουλον,

tantum abest, ut iure ab Harlesio referatur ad Eunomiam, ut ne Tyrtaeo quidem sit tribuendus, qui quidem nec nominatur ab Aristide nec tali modo significari potuit. Τί δέ, inquit Aristides, ὁ τῶν παρθένων ἐπαινέτης τε καὶ σύμβουλος λέγει, ὁ Λακεδαιμόνιος ποιητής;

πολλὰ λέγων ὄνυμ' ἀνδρί· γυναικὶ δὲ πᾶσιν χάρηα.
πολλὰ φησιν ὁ ἀνὴρ λεγέτω· γυνὴ δὲ οἷς ἂν ἀκούσῃ χαίρειω.

Corruptum, ut erat, apposui versum, ita quidem restituendum:

πολλὰ λέγειν ὄνυμ' ἀνδρί, γυναικὶ δὲ πᾶσι χαρῆναι.
multa loqui, nomen seu laus est viro etc.

Ad finem relegavimus paroemiacos, ex ἐμβατηρίοις prolatos a Dione Chrysostomo Orat. II. de Regno p. 92. ed. Reisk. et Tzetza Chil. 1, 26. quo de genere dictum in Callini Appendice.

T Y P T A I O Y

Λ Ε Ι Ψ Α Ν Α.

I.

ΕΚ ΤΩΝ ΠΟΛΕΜΙΚΩΝ ΕΛΕΓΓΕΙΩΝ.

Αὐτὸς γὰρ Κρονίων, καλλιστεφάνου πόσις Ἥρης, V, 1.

Ζεύς, Ἡρακλείδαις τήνδε δέδωκε πόλιν.

ἀλλ', Ἡρακλῆος γὰρ ἀνικῆτου γένος ἐστέ, II, 1.

V. 3. Brunckius cum aliis ita distinxerat:

ἀλλ' Ἡρακλῆος γὰρ ἀνικῆτου γένος ἐστέ.

θαρσεῖτ', etc.

Comma post *ἐστέ* Schaeferus revocavit Melet. Crit. p. 76, multisque eiusdem structurae exemplis allatis. Et haec est observatio illa, qua usus Thierschius occasionem arripuit ad carmina nostra auctori suo abiudicanda. Sed post *ἀλλ'* eadem est ponenda distinctio. Jungendum enim: *ἀλλὰ θαρσεῖτ'*, et perinde in reliquis locis; ut constructio sit eiusdem generis, atque Homericum illud Od. κ, 174. seqq.

ὦ φίλοι, οὐ γὰρ πῶς καταδυσόμεθ', ἀχνύμενοι περ,

εἰς Ἀΐδαο δόμους, πρὶν μύροιμον ἡμᾶρ ἐπέλθῃ,

ἀλλ' ἄγετ', etc.

et similia, veluti post paullo v. 190. seqq.

ὦ φίλοι, οὐ γὰρ τ' ἴδμεν, ὅπῃ ζόφος, οὐδ' ὅπῃ Ἥως,

οὐδ' ὅπῃ ἥελιος φασγίμβροτος εἶδ' ὑπὸ γαῖαν,

οὐδ' ὅπῃ ἀννέϊται, ἀλλὰ φραζώμεθα θάσσον, etc.

Nam ita interpungendum, ut appareat, hic quoque caussalem sententiam non simpliciter esse praemissam, sed quasi ἐν παρεν-
δύσει positam; quae ratio etiam latius patet in utraque lingua. Recte et nostrum et similia loca accepit Aug. Matthiae Misc. Philol. II, 1. p. 15. seq. et Grammat. Gr. p. 906. qui tamen signa pa-

Θαρσεῖτ', οὐπω Ζεὺς ἀνχένα λοξὸν ἔχει.

5. μηδ' ἀνδρῶν πληθὺν δειμαίνετε, μηδὲ φοβεῖσθε

ἰθὺς δ' εἰς προμάχους ἀσπίδ' ἀνὴρ ἔχέτω,

ἔχθρὰν μὲν ψυχὴν θέμενος, θανάτου δὲ μελαίνας 5.

κῆρας ὑπ' ἀνγαῖσιν γ' ἡέλιιο φίλας.

renthesis, quam commata, ponere maluit, recedens hac quidem in re a Valckenario, quem laudat, ad Herodot. p. 685, 97. Est autem verissimum, quod ad priorem Homeri locum in lectionibus suis Heinrichium monere memini, particulam γάρ in talibus intensivam pariter atque causalem esse, ut nostrum, ja, illumque ordinem, quo caussa prius commemoratur, quam res ipsa, ex affectu loquentis esse repetendam: cui observationi nova plura vir praestantissimus de propria vi istius particulae adiunxit, quae referre tanto minus hic est necesse, quum nuper tenebrio nescio quis fuci instar involarit in eius dictata, propediem fortasse haec quoque HomERICA compilaturus. Illud ad nostrum etiam versum pertinere, nemo non videt. Ceterum H. Stephanus et antiquiores alii ἀνίκητον exhibent, ex margine sumtum Stobaei.

V. 6. Stephanus alique ἔς pro εἰς: nescio unde. Idem tamen haud scio an in Parisino Stobaei codice invenerit Brunckius. Reposuit enim in Gnomicis, quum εἰς scripsisset in Analectis. Verum aut vehementer fallor, aut ἔς ubique apud epicis quidem et elegiacos scribendum est, ubi longa, ἔς, ubi brevis syllaba.

V. 8. Ante Grotium vulgo vitiose legebatur:

κῆρας ἀνγαῖσιν ἡέλιιο φίλας,

isque vocabulo ἀνγαῖσιν substituit ὁμῶς ἀνγαῖς, ex ingenio. Quae mutatio quum iusto maior recte videretur Brunckio, recepit correctionem viri docti in Misc. Observat. T. I. Vol. 1. p. 128. ἴσ' ἀνγαῖσιν, metro, ut Thierschius ostendit, repugnante. Et Thierschius quidem in Grotiana emendatione, qua nihil certius esse dicit, acquiescendum putavit. Atqui Brunckius in scripto Stobaeo reperit ἐπ' ἀνγαῖσιν. Cuius scripturae vestigiis inhaerens, facillima hac ratione Hermannus locum sanavit:

ἔχθρὰν μὲν ψυχὴν θέμενος, θανάτου δὲ μελαίνας

κῆρας ὑπ' ἀνγαῖσιν γ' ἡέλιιο φίλας.

Ita, inquit, pugnare hortabitur, vitam spernentes, mortem autem, sub luce quidem solis, id est honestam, ut in pugna, expe-

10. ἴστε γάρ, ὡς Ἀρεως πολυδακρύτου ἔργ' αἰδήλα,
εὖ δ' ὄργην ἐδάητ' ἀργαλίου πολέμου.

tentes, quoniam illa parum gloriosa mors est, qua quis domi suae morbo vel senio exstinguitur. Quam in rem opportune attulit Calliniani fragmenti versum 14. seqq.

πολλάκι θεϊότητα φυχὼν καὶ δοῦπον ἀκόντων

ἔρχεται, ἐν δ' οἴκῳ μοῖρα κίχεν θανάτον.

ἀλλ' ὁ μὲν οὐκ ἔμπης δῆμῳ φίλος, οὐδὲ ποσειδῶν·

τὸν δ' etc.

neque in re tam obvia plura conquirere opus est. Minus etiam verendum, ne quem fugiat, quod vel e Lexico illo Homericō disci potest, ὑπ' ἀνγαΐων vel ὑπ' αἰγᾶς ἡέλιου idem esse, quod ὑπ' ἡλίῳ vel ὑπ' ἡλίον, sub sole, hoc est sub dio, in aëre; modo ne eodem referatur dubiae auctoritatis vocabulum ὑπανγος. Neque vero fortuita est coniunctio atrae mortis ac lucis: illa dicitur viro forti in pugna a solis radiis illustrari quasi atque iucunda reddi, quum contra, si domi vita excesseris, istiusmodi mors obscura, id est ignobilis, etiam atrior sit, id est atrocior.

V. 9. Vulgo legitur:

ἴστε γάρ, ὡς Ἀρεως πολυδακρύτου ἔργ' αἰδήλα,

nisi quod Brunckius in secunda recensione ex margine Stobaei iam revocavit Homericum πολυδακρύτου, quod etiam Stephanus, Hertelius et Wintertonius receperant. Harlesium vero, in Anthologia sua poetica retinentem istud ante vulgatum πολυδακρύτου, nihil moramur, Sed hoc levius. Maioris momenti illud est, totamque pervertit sententiam, quod omnes, quotquot viderim, editiones occupavit, αἰδήλα. Quid enim? Causa erat afferenda, non omnino cur fortiter sit pugnandum, sed cur spernenda vita, gloriosaque mors diligenda. Haec vero non potest alia esse, quam quod mors expectanda sit iis, qui acriter hostem invadant, neque igitur amor vitae in pugna queat cum virtute conciliari. Atque huc spectat Ἀρης πολυδάκρυτος, et versus proximus:

εὖ δ' ὄργην ἐδάητ' ἀργαλίου πολέμου.

Quapropter non dubitavi in verba poetae admittere certissimam Heynii correctionem, propositam in Goettingensium eruditorum Iudiciis litterariis Voll. II. p. 954.:

ἴστε γάρ, ὡς Ἀρεως πολυδακρύτου ἔργ' αἰδήλα,

praesertim quum idem illud αἰδήλα in Stobaei margine reperiatur.

CALLINUS.

M

- καὶ πρὸς φευγόντων τε διωκόντων τ' ἐγίνεσθε;
 ὦ νῆες, ἀμφοτέρων δ' εἰς κόρον ἤλάσατε. 10.
 τοὺς δὲ καλαισιότερους, ὧν οὐκέτι γούνατ' ἔλαφρά, I, 19.
 μὴ καταλείποντες φεύγετε τοὺς γεραίους. 20.
 15. αἰσχρὸν γὰρ δὴ τοῦτο, μετὰ προμάχοισι πεσόντα
 κείσθαι πρὸςθε νῆων ἄνδρα παλαιότερον,
 ἤδη λευκὸν ἔχοντα κόρη πολίων τε γένειον,
 θυμὸν ἀποπνέοντ' ἄλκιμον ἐν κονίῃ,
 αἵματόεντ' αἰδοῖα φίλαις ἐν χερσὶν ἔχοντα,
 20. αἰσχρὰ τὰ γ' ὀφθαλμοῖς, καὶ νυμφοῦντων ἰδεῖν,

Et inde recipiendam esse hanc lectionem, vidit etiam praeter Heynium vir doctus in Bibliotheca veterum litterarum et artium. Partic. I. p. 177. seq.

V. 11. Exquisitius est, quod e codice Brunckius restituit, πρὸς φευγόντων, quam quod antea ferebatur, μετὰ φευγόντων. Est autem πρὸς τις, a partibus alicuius, ut alibi, ita iam apud Herodotum I, 52. ubi eodem modo dicitur γεγόμενοι πρὸς οἷο: quo de usu quum plures disputarunt, tum etiam aptissime ad hunc versum editores Gregorii Cor. p. 104. seqq. ed. Schaefer. Firmatur πρὸς lectione παρὰ, quae est in margine; nam saepe confusas inter se particulas πρὸς et παρὰ, post alios notat Schaeferus ad Dionys. Halic. de Compos. Verb. p. 16. Erunt, quibus postrema haec lectio genuina videatur, quia praepositio παρὰ interdum iungatur genitivo, ubi dativum expectes, docente Abreschio ad Cattieri Gazophylac. p. 85. et Schaefero ad eundem illum Dionysii librum p. 119., iterumque ad Soph. Antig. v. 1123. (1120.) Sed vix dici potest γενέσθαι παρὰ τις, neque adeo sententiae satis convenit, quandoquidem fugientibus et persequentibus interfuerant milites, non tantum affuerant; id quod bene intellexit, qui scripsit μετὰ, et repertum suo in codice παρὰ in margine posuit; sic enim rem accidisse manifestum est.

V. 13. Brunckius in novissima recensione οὐκ ἔτι disiunctim: sed μηκέτι adversatur, ut notum hodie vel ex Inman. Bekkeri crisi erudita Iliadis Wolfianae.

V. 20. Hunc versum praeter necessitatem plerique omnes un-
 cis includunt, quasi τὰ γ' exponi deberet ταῦτα γε, nec potius.

καὶ χροῶα γυμνοῦντά. νέουσι δὲ πάντ' ἐπέοικεν·

ἃ γε. Ingeniose Reiskius reponendum putat *νεμεσῆτ' ἐνιδεῖν*, ob antecedens *αἰσχρὰ τὰ γε*, modo *ἐνιδεῖν* docuisset omnino usitatum fuisse, praesertim Tyrtæi temporibus. Facilius *ἐσιδεῖν* ferri posset, quamvis correctum quibusdam in locis Homericis ab Hermannō ad Hom. Hymn. in Apoll. v. 255, adeoque saltem in Tyrtæo, ubi vix licet de digamma Aeolico cogitare, legitimum videretur. Sed hoc quidem nimium quantum recedit a lectione vulgata. Quodsi quidquam omnino mutandum esset, scribendum videretur *νεμεσητὰ ἰδεῖν*, hiatus Homericō, Tyrtæi memoria non amplius a digamma, sed ab Homeri imitatione repetendo. Sed nulla profecto mutatione opus est, dum commate nobiscum distinxeris post *ὀφθαλμοῖς*, ut hæc sit constructio: ἃ γ' ἐστὶν αἰσχρὰ ὀφθαλμοῖς, καὶ ἃ ἰδεῖν νεμεσητὸν ἐστὶν. Melius est enim in talibus relativum pronomen alio casu assumere, quam cum assumptione mutatam talem in modum constructionem putare: ἃ γ' ἐστὶν αἰσχρὰ ὀφθαλμοῖς, καὶ νεμεσητὸν ἰδεῖν αὐτά: quæ quidem assumptio non sufficit ad explicandum similem usum nominativi. Ambigua res visa Buttmanno Grammat. Gr. p. 579. sextae edit. quum antea alteram sententiam, quam nostram fecimus, proposuisset Ruhnkenius ad Hom. Hymn. in Cer. v. 151, alteram Hermannus, qui in eadem nuper etiam perstitit ad Viger. p. 707. seq. ed. nov. Exempla tamen unius verbi finiti in utroque orationis membro aut positi in hac syntaxi, aut, quod eodem redit, intelligendi, ut hoc loco *ἐστὶν*, fateor me adhuc desiderare.

V. 21. Thierschius restituendum putavit *νέω δὲ τε πάντ' ἐπέοικεν*, sicut Homerus Iliad. χ, 71.

*νέω δὲ τε πάντ' ἐπέοικεν
ἀρηκταμένω, δεδαῖγμένω ὅξυ χαλκῷ
κτεῖσθαι·*

quod idem iam ante eum reponi voluerat vir doctus in Bibl. Germ. univ. Vol. XII. Sect. I. p. 149. Sed neuter tamen huius correctionis idoneam attulit rationem. Nam primum sola Homericæ versus comparatio nihil comprobat. Deinde quod Thierschius addidit, soloecam esse subitam numeri mutationem omisso *τίς*, et falsum est sic universe dictum, docente Hermannō, neque huc pertinet, ut statim apparebit.

ὄφρ' ἄρα τίς χ' ἥβης ἀγλαὸν ἄνθος ἔχη,

V. 22. Legebatur:

ὄφρ' ἄρα τῆς ἥβης ἀγλαὸν ἄνθος ἔχη,

quod fortasse ferri posset, quatenus τίς deest, si versus commate interiecto copulandus esset cum antecedente: quanquam vel sic epicorum aut elegiacorum exempla desiderares. Sed Brunchianam distinctionem, quam nos secuti hunc versum μέσῃ σιγῇ disiunximus ab antecedente, non solum coniunctio sententiarum, verum etiam particula ἄρα requirit, quae quidem in hac interpunctione haudquaquam est otiosa, sed scilicet explicanda, ut in Hom. Hymn. in Ven. v. 53. ubi conf. Hermannus. Nec vereor, ne quem exempla ab Hemsterhusio ad Luciani Nigrin. cap. 24. Erfurdio in Horreo Regiom. a. 1812. sect. 3. p. 460. aliisque allata adducant, ut pronomen τίς ubivis omitti posse sibi persuadeat. Hermannus certe vix defensurus fuisset pronomen omissum, nisi nostrum versum iungi voluisset cum antecedente hexametro. In quo quum assentiri nequeam viro summo, nec possum probare correctionem eius:

ὄφρ' ἐρατῆς ἥβης ἀγλαὸν ἄνθος ἔχη,

quantumvis dignam viri acumine, praetereaue Valckenarii auctoritate commendatam, eodem modo iam ante Hermannum corrigentis in Diatrib. Eurip. p. 293. Multo minus tamen probabile Thierschianum istud:

ὄφρ' ἂν τῆς ἥβης ἀγλαὸν ἄνθος ἔχη,

iunctum cum illa hexametri praecedentis corruptione: νέψ δέ τε πάντ' ἐπέοικεν. Quibus admissis nostro in versu νέος assumendum esset, repugnantē sententia. Adde quod articulus τῆς, ut Hermannus iam animadvertit: ne in prosa quidem oratione, nedum in poeta, tolerari posset. Nam in illo Mimnermi, 1, 4.

ἄνθεα τῆς ἥβης γίγνεται ἀρπαλλὰ,

sic emendandum:

ἄνθε', ἃ τῇλ' ἥβης γίγνεται ἀρπαλλὰ,

arcteque versum cum antecedentibus iungendum putó. Ut tamen in aliis ferri possit articulus sic positus, saltem a Tyrtaeo abhorret, qui articulo utitur more plane Homérico, siquidem discesseris ab huius fragmenti versu 27. ubi usque adhuc legebatur τῇν δ' αὐτοῦ προλιπόντα πόλιν. Quid multa? Versu, de quo nunc agitur, scribendum lenissima mutatione:

η

ἀνδράσι μὲν θνητὸς ἰδεῖν, ἑρατὸς τε γυναιξίν,
ζωὸς ἑὼν, καλὸς δ' ἐν προμάχοισι πεσών.

30.

25. τεθνάμεναι γὰρ καλὸν ἐνὶ προμάχοισι πεσόντα

1.

ὅφρ' ἄρα τίς χ' ἦβης ἀγλαὸν ἄνθος ἔχη, etc.

Theognis v. 1001. (981. ed. Brunck.) seq.

ὅφρα τις ἦβης

ἀγλαὸν ἄνθος ἔχων καὶ φρεσὶν θεθλα νοῆ,

qui locus e nostro ductus, ut noster ex Homericō Iliad. v. 484.

καὶ δ' ἔχει ἦβης ἄνθος, ὃ τε κράτος ἐστὶ μέγιστον.

Utrumque locum iam ab aliis collatum reperies: de priore vide etiam nos ad II, 13 et 14. Ceterum corruptionem peperit recentior pronuntiatio.

V. 23. Libri ἀνδράσι μὲν θνητοῖσιν, quod omnino intelligi nequit. Scaliger ἀνδράσιν ἐν θνητοῖσιν, nihilo melius. Propius ad verum accessit vir doctus in Bibl. Germ. univ. Vol. XII. p. 149. cui reponendum videbatur ἀνδρείσιν μὲν ἀγῆτος. Sed acu rem tetigit Reiskius, hoc quidem in loco non sane infelicissimus coniectator, scribendo:

ἀνδράσι μὲν θνητὸς ἰδεῖν, ἑρατὸς δὲ γυναιξίν,

nisi quod una cum reliquis editoribus litteram ν paragogicam omisit in fine versus, a nobis ubique additam ex norma Hermannii, quem vide de Emend. Rat. Gr. Gr. p. 22. et praefat. ad Orph. p. IX.

V. 24. De disticho post hunc versum omisso vide prooemium. p. 153.

V. 25. Vulgo ἐπὶ προμάχοισι, quam lectionem cave defendas ex eo, quod Homerus, ut hoc utar, modo dicit ἐνὶ, modo ἐπὶ προθύροισιν. Nam illud est in ianua, hoc ad ianuam exteriorē, ut notum. Similiter apud Dionysium Halic. Antiq. Rom. IV, 16. extr. οἱ ἐφεστωῖτες τοῖς προμάχοις ἢ vocantur, quorum statio est non iuter, sed prope principes. Nec vereor, ne quis provocet ad Sophocleum illud Trachin. v. 371. seqq.

καὶ ταῦτα πολλοὶ πρὸς μίση Τραχινίῳ

ἀγορᾷ ξυνεξήκονον ὡσαύτως ἑμαί,

ὥστ' ἐξελέγειν etc.

quum deinde dicatur v. 423. seq.

ἀνδρ' ἀγαθόν, περὶ ἣ πατρίδι μαρναμένον.
 ἦν δ' αὐτοῦ προλιπόντα πόλιν καὶ πiónας ἀγροῦς
 πτωχεύειν πάντων ἔστ' ἀνιηρότατον,
 πλαζόμενον σὺν μητρὶ φίλῃ καὶ πατρὶ γέροντι, 5.
 30. παισὶ τε σὺν μικροῖς κουριδίῃ τ' ἀλόχῳ.
 ἐχθρὸς μὲν γὰρ τοῖσι μετέσσεται, οὗς κεν ἴκηται,

ἐν μέσῃ Τραχινίῳν
 ἀγορᾷ πολὺς σου ταῦτά γ' εἰσῆκοντο ὄχλος, 20
 et similia, de quibus exposuit Schaeferus in Glossar. Liv. p. 57.
 Nam primum, quod valet de praepositione πρὸς, non debet con-
 tinuo transferri ad ἐπὶ. Deinde ne illud quidem ubique sic usur-
 patur. Quare videor mihi non iniuria dedisse:

τεθνάμεναι γὰρ καλὸν ἐν προμάχοισι πεσόντα etc.
 praesertim quum haec verba manifesto respondeant iis, quae pro-
 xime nostra quidem in recensione antecedunt:

καλὸς δ' ἐν προμάχοισι πεσών.

V. 27. Hunc versum, sic vitiatum:

τὴν δ' αὐτοῦ προλιπόντα πόλιν καὶ πiónας ἀγροῦς,
 adhuc intactum critici reliquerunt, excepto Hermannō, quem
 video tacite αὐτοῦ scripsisse pro αὐτοῦ. Sed praeterea, si quid
 iudico, τὴν mutandum, adeoque legendum ἦν δ' αὐτοῦ etc. ut
 apud Homerum Iliad. κ, 204. seq. ἐπ' αὐτοῦ θυμῷ. Nec secus
 corrigendum ibid. ι, 341. seq.

ἐπεὶ, ὅστις ἀνὴρ ἀγαθὸς καὶ ἐχέφρων,
 τὴν αὐτοῦ φιλέει καὶ κήδεται etc.
 ubi recte editum αὐτοῦ, de quo conf. Hermannus in Actis Soc.
 Philol. Lips. Vol. I. p. 54. sed ἦν scribendum est postulante Ho-
 merico usu articuli. Est autem ἦν αὐτοῦ idem, quod Atticis τὴν
 αὐτοῦ.

V. 31. Mutilum hoc modo versum:

ἐχθρὸς γὰρ τοῖσι μετέσσεται, οὗς κεν ἴκηται,
 alii aliter explorare conati sunt. Et Brunckii quidem ratio, δὴ post
 γὰρ inserentis, a Melanthonē, Hermannii autem, scribentis μὲν
 γὰρ, ab H. Stephano, Hertelio, Wintertone et Taylōro iam pri-
 dem fuerat occupata. Reliqua emendandi pericula nihil attinet
 recensere. Litē componet hoc, quo mihi uti licet, testimo-

χρημοσύνη τ' εἶκων καὶ στεγερῇ πένει,
 αἰσχροῦ τε γένος, κατὰ δ' ἀγλαὸν εἶδος ἐλέγχει,
 πᾶσα δ' ἀθυμίη καὶ κακότης ἔπεται.

10.

35. εἰ δ' οὕτως ἀνδρός τινι ἀλωμένου οὐδεμι' ὦρη

nium Heinrichii de auctoritate duorum codicum: *Duo contuli codices MSS. Orationis Lycurgi, Germanicum unum et alterum Italicum, κειμήλια perrara, ac testor, in utroque clare scriptum esse: ἔχθρος μὲν γὰρ τοῖσι κ. τ. λ.* Unum hoc addo, frustra pronunciari a Thierschio, copulationem pronominum τοῖσι—οὗς ab epicorum et elegiacorum more prorsus abhorrere. Conferat mihi igitur Hom. Iliad. α, 272.

τῶν, οἳ νῦν βροτοὶ εἰσιν ἐπιχθόνιοι, etc.

ibid. ξ, 416.

τὸν δ' οὐ περ ἔχει θράσος, ὅς κε ἰδῆται

et quae sunt horum similia permulta.

V. 34. Vulgata hodie lectio est ἀτιμία: sed haec Klotzio debetur, qui minus saltem prodidisset ἀκρισίαν suam, si ἀτιμίην scripsisset. Antiquiores ad unum omnes aut ἀθυμίην, quae Scaligeri est scriptura, aut, quod hinc depravatum, ἀθυμία et ἀτιμία: neque ulla auctoritate firmatur Klotziana mutatio, reiecta iam dudum idoneis rationibus a viro erudito in Bibl. Germ. univ. Vol. XII. p. 147. seq. sed nihilo minus adscita in editiones posteriores, a Brunckio inde, qui silentio suo Heynium et Thierschium induxit, ut Klotzianum istud ἀτιμία codicum lectionem putarent, iamque corrigerent, alter Indic. Goetting. Voll. II. p. 954. ἀτιμία οἱ, alter ἀτιμίην, quum potius revocandum esset, ut ille fecit anonymus, Scaligerianum ἀθυμίην. Nimirum desperatio animi non modo cadit in mendicantem, de quo sermo est, optimeque iungitur cum eiusdem miseria, sed magis etiam sententiae convenit, quam ignominia, quippe quae fuerit semel iam commemorata his verbis: αἰσχροῦ τε γένος.

V. 35. In hoc versu offenderam ego iam ante Thierschium. Sed hunc quidem, quam fieri potuit, optime refutavit Hermannus. Meam suspicionem auxit certissima Heinrichii observatio, quam ille per colloquium prodidit alia occasione, εἶτα nusquam neque apud Homerum neque apud Hesiodum reperiri. Insuper male me habuit ἀσύνδετον v. 37.

γίγνεται· οὐτ' αἰδῶς εἰσοπίσω τελέθει·

[Θυμῷ γῆς πέρι τῆσδε μαχώμεθα, καὶ περὶ παίδων
θνήσκωμεν, ψυχῶν μηκέτι φειδόμενοι,

ὣ νέοι· ἀλλὰ μάχεσθε παρ' ἀλλήλοισι μένοντες, 15.

40. μηδὲ φυγῆς αἰσχρᾶς ἄρχετε, μηδὲ φόβου.]

ἀλλὰ μέγαν παεῖσθε καὶ ἄλκιμον ἐν φρεσὶ θυμόν,

Θυμῷ γῆς πέρι τῆσδε μαχώμεθα, etc.

quod quidem vel in rhapsodo aegre admisserim. Quare videoor mihi non temere dedisse:

εἰ δ' οὕτως ἀνδρός τοι ἀλομένον οὐδεμὶ ὄρη
γίγνεται, οὐτ' αἰδῶς εἰσοπίσω τελέται·

ut iam sit apodosis apud rhapsodum:

Θυμῷ γῆς πέρι τῆσδε μαχώμεθα, etc.

in Tyrtaeo autem:

ἀλλὰ μέγαν ποιεῖσθε καὶ ἄλκιμον ἐν φρεσὶ θυμόν,
μηδὲ φιλοψυχεῖτ' etc.

Homerus Iliad. π, 36. seqq.

εἰ δέ τινα φρεσὶ σῆσι θεοπροπίην ἀλεείνεις,
καὶ τινά τοι παρ' Ἰητῆος ἐπέφραδε πότνια μήτηρ·
ἀλλ' ἐμὲ περ πρόες ὄχ', etc.

Ceterum quidam olim separatim οὐδὲ μὲν ὄρη: male, quum sit simpliciter nulla, minime vero ne una quidem. Scripturam γίγνεται et talia in quibusdam editionibus non solco commemorare: sed lepida est hanc defendentis Klotzii annotatio.

V. 40. Melanthon μὴ δὲ φυγῆς, neque aliter duobus abhinc versibus μὴ δὲ φιλοψυχεῖτ': quae ratio quum multis placuit, tum etiam Schaefero Append. ad Bastii Epist. Crit. p. 29. seq. sed vide Hermannum Observat. ad Bucolicos ante Sophoclem Schaeferi p. XIII. seq.

V. 41. In libris est ποιεῖτε. At vero θυμόν ποιεῖν est facere animum, θυμόν ποιεῖσθαι, sibi facere seu capere animum. Quam ob causam Reiskius restitui voluit πνοιεῖτε, quod monstrum verbi prorsus est inauditum, tametsi ipsa locutio θυμόν πνέειν, de qua mireris provocare eum ad v. 18.

θυμόν ἀποπνέοντ' ἄλκιμον ἐν κονίῃ.

defendi potest ex Hom. Iliad. β, 536.

μηδὲ φιλοψυχεῖτ' ἀνδράσι μαρνάμενοι·

οἳ μὲν γὰρ τολμῶσι, παρ' ἀλλήλοισι μένοντες, II, 11.

εἰς τ' αὐτοσχεδὴν καὶ προμάχους ἵεναι,

45. πανρώτεροι θνήσκουσι, σάουσι δὲ λαὸν ὀπίσσω·

τρεσσάντων δ' ἀνδρῶν πᾶς ἀπόλωλ' ἀρετή.

[οὐδεὶς ἂν ποτε ταῦτα λέγων ἀνύσειεν ἕκαστα, 15.

Οἱ δ' Εὐβοίαν ἔχον, μέγα πνείοντες Ἀβαντες,

et talibus. Attamen laudandus ille eo nomine, quod sensit difficultatem, neglectam a reliquis. Haud equidem sum ignarus, activum non raro poni, ubi exspectes medium. At hoc, ne quis erreret, non fit nisi in certis quibusdam verbis, *παύειν*, *καλύπτειν* et aliis, ut *αἶρειν*, de quo vide Lobeckium ad Sophoclis Aiac. v. 129. commemorantem tum plura, tum ex Eurip. Iphig. Aul. v. 1598. et Musaeo v. 243. *θάρσος αἶρειν*, quod est apud Quintum Calabr. VII, 347. *θυμὸν αἶρεσθαι*. Unde erunt, qui nostro in versu vulgatam tueri velint, non illi quidem sine aliqua specie: sed nusquam tamen activum reperies in formula *θυμὸν ποιῆσθαι* et similibus, *ὀργήν*, *λήθην ποιῆσθαι* et sic porro, non magis, quam in gemina locutione *θυμὸν θίσθαι* apud Homerum, ut saepe, ita Iliad. I, 624. seq.

αὐτὰρ Ἀχιλλεύς

ἄγριον ἐν στήθεσσι θέτο μεγάλητορα θυμὸν,

et alibi. Quam rationem loquendi, praeclaramque Valckenarii, quae huc spectat, disputationem, ad Herodot. III. p. 206. quum cognitam habuerint interpretes, hoc magis mirum, neminem praeter Reiskium de corruptione vel cogitasse. Nobis dubium non videtur, quin versus a Tyrtaeo sit ita profectus:

ἀλλὰ μέγα ποιῆσθε καὶ ἄλκιμον ἐν φρεσὶ θυμὸν,

nata autem corruptio ex activo *φιλοψυχεῖτε* versu proximo. In qua emendatione mihi cum Heinrichio convenire, laetus cognovi. Is enim eandem sibi notarat in margine exempli sui.

V. 44. Brunckius in Gnomiis *εἰς* pro *ἐς*, e scripto, ni fallor, Stobaeo. Recte, si vera sunt, quae dixi ad v. 6.

V. 47. Stephanus et alii *οὐδ' εἰς δ' ἄν*. At certe scribendum erat *οὐδ' εἰς ἄν*, aut etiam *οὐδεὶς δ' ἄν*. Et illud quidem vix dubitasset recipere, quo tolleretur ingratum *ἀσύνδετον*, et responderet sibi *εἰς-ἕκαστα*, nisi prior lectio in hac quidem interpolatoris sententiola praeferenda videretur.

ὅσος, ἣν αἰσχροὶ πάθη, γίνεται ἀνδρὶ κακά.]

ἀργαλέον γὰρ ὅπισθε μετάρθενόν ἐστι δαΐζειν

50. ἀνδρὸς φεύγοντος δῆϊον ἐν πολέμῳ.

V. 48. Olim ἄν, contra metrum; Brunckius ἔάν, quod proprium Atticis. Nos edendum curavimus, ἣν, iam ante Thierschium reposuerat iudex ille Klotzianae, editionis saepius memoratus.

V. 49. et 50. Hoc distichum ubique sic scriptum fuit:

ἀργαλέον γὰρ ὅπισθε μετάρθενόν ἐστι δαΐζειν

ἀνδρὸς φεύγοντος δῆϊον ἐν πολέμῳ,

quod unus omnium Koeppenius in Anthologia sua explanare aggressus est, reliqui autem interpretes per se satis perspicuum existimasse videntur. Ille vero locum sic voluit expedire: ἀργαλέον ἐστὶ δαΐζειν (τινα) ὅπισθε μετάρθενον etc. addens, ex vulgari loquendi consuetudine dicendum fuisse: ἀργαλέον ἐστὶ δαΐζεσθαι, eamque interpretationem tueri conatur Euripidis illo, Med. v. 322. ἀνὴρ ῥῶον φιλάσσειν, et similibus, quae ratio loquendi, praeter Dorvillium, quem ille commemorat, etiam ab Hemsterhusio et Brunckio illustrata, neminique ignota, quam nihil faciat ad hunc locum, monuisse sat est. Alienior etiam locutio ἐπέλευσε φιλάττειν. Sed omnium minime defendendae explanationi Koeppeniae idoneus est, quem in Addendis supplendum putavit, versus Hesiodi Theog. 369.

τῶν ὀνομ' ἀργαλέον πάντων βρωτὸν ἄνδρα ἐτίσπειν.

quem obiter hiatu liberes inserendo γ' post ἄνδρα. Etenim ibi adest, qui nostro in loco desideratur, accusativus. Quid plura? Ad ipsam Hesiodei versus similitudinem reponas:

ἀργαλέον γὰρ ὅπισθε μετάρθενόν ἐστι δαΐζειν

ἀνδρὸς φεύγοντος δῆϊον ἐν πολέμῳ.

Δῆϊος substantivi instar usurpatur, ut saepius iam apud Homerum, veluti Iliad. 2, 190. et 205.

μάρασθαι δῆϊοισι κατὰ κρατερὴν ὑσμίνην.

Atque ita Tyrtaeus ipse II, 12.

καὶ δῆϊον ὀρέχουτ', ἐγγύθεν ἰστάμενος.

Aliter auctor versus 62. nostri fragmenti:

ἣ εἴρει οὐτάζων, δῆϊον ἄνδρ' ἐλέτω.

usu itidem Homericō. Illud monendum putavi, quamvis notis-

- αἰσχρὸν δ' ἐστὶ νῦν κατακείμενος ἐν κινήσει,
 νῶτον ὅπισθ' αἰχμῇ δουρὸς ἐληλαμένος. 20.
- ἀλλὰ τις, εὖ διαβάς, μενέτω ποσὶν ἀμφοτέροισιν
 στηριχθεὶς ἐπὶ γῆς, χεῖλος ὁδοῦσι δακῶν,
55. μηρούς τε κνήμας τε κάτω καὶ στέρνα καὶ ὦμους
 ἀσπίδος εὐρείης γαστρὶ καλυψόμενος·
 δεξιτερῇ δ' ἐν χειρὶ τινασσέτω ὄμβριμον ἔγχος, 25.
 κινεῖτω δὲ λόφον δεινὸν ὑπὲρ κεφαλῆς.
 ἔρδων δ' ὄμβριμα ἔργα διδασκέσθω πολέμιζεν,
 60. μὴδ' ἐκτὸς βελέων ἐστάτω ἀσπίδ' ἔχων.
 [ἀλλὰ τις ἔγγυς ἰὼν, αὐτοσχεδὸν ἔρχεῖ μακρῇ
 ἢ ξίφει οὐτάζων, δῆϊον ἄνδρ' ἐλέτω 30.
 καὶ πόδα παρ ποδὶ θείς, καὶ ἐπ' ἀσπίδος ἀσιγῶν
 ἐρείσας,
 ἐν δὲ λόφον τε λόφῳ, καὶ κνήμην κνήμῃ,
 65. καὶ στέρον τε στέρω, πεπλημένος ἄνδρ' μαχέσθω,
 ἢ ξίφεος κώπην ἢ δόρυ μακρὸν ἐλὼν.]
 ὑμεῖς δ', ὦ γυμνήτες, ὑπ' ἀσπίδος ἄλλοθεν ἄλλος 35.
 πτώσσετε, μεγάλους σφάλλετε χειρμαδίους,
 δούρασί τε ξεστοῖσιν ἀκοντίζοντες ἐς ἄκρους,

simum, quia Schneiderus in Lexico neglexit vim nominis substantivam.

V. 51. Bene Brunckius, quum vulgo circumferretur αἰσχρός, exquisitius αἰσχρὸν reposuit, ex margine Stobaei iam olim a Grotio receptum.

V. 65. Ante Brunckium legebatur πεπλημένος, quod nihili est.

V. 68. Stephanus, Wehelius et Hertelius βάλλετε. Fuit, cui σφάλλετε obscurum videretur, licet comparatum legisset cum Hom. Odyss. ε, 465.

οὐδ' ἄρα μὲν σφῆλιν βέλος Ἀντινόοιο.

Hunc igitur latuit propria verbi significatio, quae est delicere, prosternere.

V. 69. Libri ἀκοντίζοντες ἐς αὐτοὺς. In quos vero? Nempe

70. τοῖσι πανοπλίταις πλησίον ἰστάμενοι.

in hostes. Audio: sed doceri velim, hostes κατ' ἐξαγὴν dici posse αὐτοῖς. Nam antea facta non erat hostium ulla mentio, ad quam αὐτοῖς possit referri. Corrigo:

δοῦρασι τε ξυστοῖσιν ἀκοντίζοντες ἐς ἄκρας,

in principes, in duces. Ita Euripides Phoeniss. v. 440. ed. Porson.

πολλοὶ δὲ Δαναῶν καὶ Μυκηναίων ἄκροι

πάρισι, etc.

Quod autem ad rem attinet, satis erit apposuisse versus Homericos de Teucro sagittario, Iliad. 9, 271. seqq.

αὐτὰρ ὃ αὖτις ἰὼν, παῖς ὥς ὑπὰ μητέρα, δῖσκεν

εἰς Αἴανθ'· ὃ δὲ μιν σάκεϊ κρύπτασκε φαιινῷ·

ἔνθα τίνα πρῶτον Τρώων ἔλε Τεῦκρος ἀμύμων;

Ὅρεσίλοχον μὲν πρῶτα, καὶ Ὀρμενον ἧδ' Ὀφελίστην,

Δαίτορά τε Χρόμιόν τε, καὶ ἀντίθεον Λυκοφόντην,

καὶ Πολυαιμονίδην Ἀμοπάνον, καὶ Μελέαντρον,

πάντας ἐπασσυντέλους πέλασεν χθονὶ πούλυβοδείῳ.

Qui quidem omnes viri principes erant. Quin etiam paullo post idem ille in ipsum Hectora ter arcum intendit, primum v. 300. seqq.

Ἡ ῥα, καὶ ἄλλον οἷσδ' ἀπὸ νευρῆφιν ἵαλλεν

Ἐκτορος ἀντικρὺ, βαλῆεν δὲ ἐ' ἔτε θυμός·

καὶ τοῦ μὲν ῥ' ἀφάμαρθ'.

deinde v. 309. seqq. postremo v. 323. seqq.

V. 70. Pro τοῖσι πανοπλίταις, quod nihil est, Stephanus aliiue edidit τοῖσι πανοπλίταις, abstractum, ut aiunt, pro concreto, quod tamen in hoc nomine usurpatum alibi frustra quæratur. Immo ne ὅπλα quidem ante tragicos de armatis me legere memini. Et cur tandem poetam ita locutum esse credemus, quum nihil fuerit impedimento, quo minus diceret τοῖσι πανοπλίταις? Atque ita ex margine Stobaei iam olim Grævius, ex codice Parisino denuo Brunckius scripserunt optime, obloquente frustra viro docto in Bibliotheca veterum litterarum et artium Partic. I. p. 178. Neque vero eidem Brunckio in eo assentior, quod indidem recepit ἐγγύθεν ἰστάμενοι, quod erat ante, ut nos restituimus, πλησίον ἰστάμενοι. Nam illud huc transferri potuit e v. 12. secundi carminis, quod quidem et ipsum exstat apud Stobaeum:

II. (III.)

ΕΚ ΤΩΝ ΑΤΤΩΝ.

Οὐτ' ἂν μνησαίμην, οὐτ' ἐν λόγῳ ἄνδρα τιθείμην,
οὔτε ποδῶν ἀρετῆς, οὔτε παλαιμοσύνης,
οὐδ' εἰ Κυκλώπων μὲν ἔχοι μίγεθός τε βίην τε,
νικῶν δὲ θεῶν Θρηϊκιον Βορέην·

5. [οὐδ' εἰ Τιθωνοῖο φυὴν χαριέστερος εἴη,
πλουτοίη δὲ Μίδεω καὶ Κινύρεω βάθιον·
οὐδ' εἰ Τανταλίδεω Πέλοπος βασιλεύτερος εἴη;
γλῶσσαν δ' Ἀδρήστου μελιχόγηρυν ἔχοι·
οὐδ' εἰ πᾶσαν ἔχοι δόξαν, πλὴν Θούριδος ἀλκῆς.
10. οὐ γὰρ ἀνὴρ ἀγαθὸς γίγνεται ἐν πολέμῳ,]
εἰ μὴ τετλαῖν μὲν ὕρῳ φόνον αἱματόεντα,
καὶ δηῖων ὀρέγοιτ', ἐγγύθεν ἰστάμενός.

καὶ δηῖων ὀρέγοιτ', ἐγγύθεν ἰστάμενος.

Neque ista tam solennis formula est, ut altera sit planè insolita.
Homerus Iliad. δ, 329.

αὐτὰρ πλησίον εἰστήμει πολέμητις Ὀδυσσεύς,

ubi obiter correptionis ante mutam cum liquida evitandae caussa
ante πλησίον delevis articulum.

V. 1. Libri *τιθείην*: sed Platonis auctoritate nititur *τιθεί-*
μην, quod primus inde recepit Stephanus, postea Tyrtaeo vindicavit Valckenarius ad Herodot. II. p. 172. iamque Brunckius eiusque successores in ipsa poetae verba merito receperunt.

V. 6. Versum pessime corruptum restituit Joach. Camera-
rius, paullulum immutata lectione *Κινύρεωβάθιον*, repudiatis au-
tem interpretamentis *μᾶλλον* et *πλίον*, nominisque forma *Κινυ-*
ρείοιο, et Stephanica *Κινύραο*.

V. 12. Comma posui post *ὀρέγοιτ'*, improbans Koeppenii et
nescio an editorum omnium interpretationem. Ille nimirum iun-
gendum putat *ὀρέγοιτ' ἰστάμενος*, idque exponit *cuperet stare*,
ἰστάμενος pro *ἰστάναι*: quod ut refellam, non erit necesse. Im-
mo ordo est *δηῖων ὀρέγοιτ'*, *se hostes versus extenderet*, iamque
additum absolute *ἐγγύθεν ἰστάμενος*, quomodo etiam acceptum

ἡ δ' ἀρετὴ, τὸ τ' αἰθλον ἐν ἀνθρώποισιν ἄριστον,
κάλλιστόν τε φέρειν γίγνεται ἀνδρὶ νέῳ.

video ab Aug. Matthiae Grammat. Gr. p. 449. Alio sensu, sed eadem significatione ὀρέγεσθαι cum casu gignendi construitur iam apud Homerum Iliad. ζ, 466. οὐ παιδὸς ὀρέξατο Ἔκτωρ, *filium versus Hector se extendebat.*

V. 13. et 14. Ante Brunckium ex edito Stobaeo legebatur ἡ δ' ἀρετὴ τὸδ' αἰθλον etc. Quod quum aperte sit vitiosum, nec tamen melius est, quod e scripto Stobaeo restituit Brunckius:

ἡ δ' ἀρετὴ, τὸ γ' ἄριστον ἐν ἀνθρώποισιν αἰθλον,
κάλλιστόν τε φέρειν γίγνεται ἀνδρὶ νέῳ.

Videlicet non potest ferri particula γέ, nisi mutilam in fine sententiam credas, hoc modo: *Haec autem virtus, quae quidem optimum inter homines praemium est, quaque nihil praestantius iuvenis consequi potest, — —.* Propius ad verum accedit altera lectio, quae eadem exstat apud Theognidem v. 997. ed. Wintert. ubi et hoc et sequens distichum ita legitur:

ἡ δ' ἀρετὴ τὸδ' αἰθλον ἐν ἀνθρώποισιν ἄριστον,
κάλλιστόν τε φέρειν γίγνεται ἀνδρὶ σοφῷ.
Ξενὸν δ' ἐσθλὸν τοῦτο πόλῃ τε παντί τε δήμῳ,
ὅς τις ἀνὴρ διαβάς ἐν προμάχοισι μένοι.

unde pro varia lectione affertur σοφῷ. Male: νέῳ Tyrtaei est, σοφῷ Theognidis, in quo nonnisi posterius distichum a Brunckio deleri debebat. Quippe discerptus ac laceratus misere Theognidis locus e v. 965. (949.) seq. 997. seq. et 1001. (981.) seqq. ita est restituendus:

τίς δ' ἀρετὴ πίνοντ' ἐπιόινον αἰθλον ἐλέσθαι;
πολλάκι τοι νικᾷ καὶ κακὸς ἄνδρ' ἀγαθόν.
ἡ δ' ἀρετὴ, τὸ τ' ἄριστον ἐν ἀνθρώποισιν αἰθλον,
κάλλιστόν τε φέρειν γίγνεται ἀνδρὶ σοφῷ
(Ξενὸν δ' ἀνθρώποις ὑποθήσσομαι), ὅφρα τις ἥβης
ἀγλαὸν ἄνθος ἔχων καὶ φρεσὶν ἐσθλὰ νοή.
τῶν αὐτοῦ κτεάνων εὖ πασχέμεν. οὐ γὰρ ἀνῆβαν
δὲς πέλεται πρὸς θεῶν, οὐδὲ λῦσις θανάτου
θνητοῖς ἀνθρώποισι· κακὸν δ' ἐπὶ γῆρας ἐπείγει
οὐλόμενον, κεφαλῇ δ' ἄπτεται ἀκροτάτης.

Quam ego versuum dispositionem ambitiose tueri nolo, sed spero per se placituram. Utitur autem Theognis Tyrtaei verbis in

15. ξυρόν δ' ἐσθλόν τοῦτο πόλῃ τε παντί τε δήμῳ,
ὅς τις ἀνὴρ διαβάς ἐν προμάχοισι μὲν
βουλευόμενος, αἰσχυρῶς δὲ θυγῆς ἐπὶ πάγχυ λάθῃται,
ψυχὴν καὶ θυμὸν τλήμονα παρθέμενος,
[θαρσύνῃ δὲ πεσεῖν τὸν πλησίον ἄνδρα παρεστῶς:
20. οὗτος ἀνὴρ ἀγαθὸς γίγνεται ἐν πολέμῳ.]
αἷψα δὲ δυσμενέων ἀνδρῶν ἔτρεψε φάλαγγας

re longe diversa, plane ut alio loco, de quo dictum in prooemio p. 166. Et nostro quidem disticho: ἡ δ' ἀρετὴ etc. iisdem paene verbis recepto, subiungit haec: ξυρόν δ' ἀνθρώποις ὑποθήσομαι, quae nemo non videt spectare proximum in Tyrtaeo distichum: ξυρόν δ' ἐσθλόν τοῦτο etc. Quae res permovit librarium, ut hoc quoque isti Theognidis loco inculcaret. Sequentia: ὄφρα τις ἦβης ἀγλαὸν ἄνθος ἔχων, iam ante vidimus et ipsa esse e Tyrtaeo expressa, cuius eadem fere verba sunt I, 22. Ceterum revocavi codicum lectionem ἔχων, quam sollicitare non opus est, dummodo καὶ etiam exponas. Reliquit etiam tacite, ut video, hanc lectionem Bekkerus, cui praeterea τῶν αὐτοῦ scribenti versu proximo non assentior, satius esse ratus, in Theognide quidem nihil mutare. Ex Homérico sermonis usu dicendum fuisse ὦν αὐτοῦ, ex iis patet, quae dicta sunt ad I, 27. Probitatem animi conditionem ponit poeta, ut Epicurus, sine qua iuvenis bonis suis frui cum voluptate nequeat. Dicitur autem ipsum illud εἰ πάσχειν latiore significatione ἀρετῇ. Similiter v. 653. (661.) seq.

Εὐδαίμων εἶην καὶ θεοῖς φίλος ἀθανάτοισιν,
Κέρν' ἀρετῆς δ' ἄλλης οὐδεμιῆς ἔραμαι.

Eo in disticho, de quo quum maxime agitur, nihil aliud quam τὸ εἶναι ἄριστον scripsi pro inepto τὸδ' ἄριστον, ut sit sententia: Sed ea virtus, quae et optimum inter homines praemium est, et pulcherrimum, quod consequi possit vir sapiens, haec est, bene frui opibus suis, donec etc. Eodem modo correxi apud Tyrtaeum: sed ibi alia est sententia. Dixerat enim Tyrtaeus, ne mentione quidem dignum esse virum, nisi caedem cruentam adspicere cominusque pugnare audeat, iamque sic pergit: Haec vero est ea virtus, quae et optimum inter homines praemium est, et pulcherrimum, quod iuvenis possit contingere.

V. 16. Ὅς τις divisim, ὅτις iunctim esse scribendum, utriusque pronominis flexio declarat.

- τρηχέας, σπουδῇ τ' ἔσχεθε κῆμα μύχης.
 αὐτὸς δ' ἐν προμάχοισι πεσὼν φίλον ὤλεσε θυμόν,
 ἄστυ τε καὶ λαοὺς καὶ πατέρ' εὐκλείδους,
25. πολλὰ διὰ στέρνοιο καὶ ἀσπίδος ὀμφαλοῖσσι,
 καὶ διὰ θώρηκος πρόσθεν ἐληλαμένους.
 τὸν δ' ὀλοφύρονται μὲν ὁμῶς νέοι ἠδὲ γέροντες,
 ἀργαλέον τε πόθῳ πᾶσα κέκηδε πόλις·
 καὶ τύμβος καὶ παῖδες ἐν ἀνθρώποις ἀρίστημοι
30. καὶ παίδων παῖδες καὶ γένος ἐξοπίσω.
 οὐδὲ ποτε κλέος ἐσθλὸν ἀπόλλυται, οὐδ' ὕνομ'
 αὐτοῦ·
 ἀλλ' ὑπὸ γῆς περ ἐὼν γίγνεται ἀθάνατος,
 [ὃν τιν' ἀριστεύοντα μένοντά τε, μαρναμένον τε
 γῆς πέρι καὶ παίδων, Θούρος Ἄρης ὀλέσῃ.]
35. εἰ δὲ φύγῃ μὲν κῆρα ταηλεγέους θανάτοιο,
 νικήσας δ' αἰχμῆς ἀγλαὸν εὖχος ἔλῃ,
 πάντες μιν τιμῶσιν, ὁμῶς νέοι ἠδὲ παλαιοί,
 πολλὰ δὲ τερπνὰ παθὼν ἔρχεται εἰς Ἀῖδην.
 [γῆραςκων δ' ἀστοῖσι μετατρέπει, οὐδὲ τις αὐτόν
40. βλάπτειν οὔτ' αἰδοῦς οὔτε δίκης ἐθέλει·
 πάντες δ' ἐν θώκοισιν, ὁμῶς νέοι οἳ τε κατ' αὐτόν,
 εἴκουσιν χώρης, οἳ τε παλαιότεροι.]
 ταύτης νῦν τις ἀνὴρ ἀρετῆς εἰς ἄκρον ἰκέσθαι
 πειράσθω θυμῷ, μὴ μεθιείς πολέμου.

V. 35. Restitui, quod codices exhibent, εἰ δὲ φύγῃ: quam Brunckius soloecam [esse constructionem pronunciat. Sed vide Hermannum ad Viger. p. 831. ed. nov.

V. 39. Dudum correctam, quae fuit apud Stobaeum, libri. rii aberratio, μετατρέπει.

V. 42. Recte Brunckius ex Theognide εἴκουσι χώρης, pro eo, quod habent libri, εἴκουσ' ἐκ χώρης: modo ne omittendam censuisset litteram ν paragogicam. Qua de re melius hodie edocui sumus a Wolfio et Hermann.

V. 44. Vulgo πόλεμον. Correxī ex margine Stobaei, ut unus

III.

ΕΚ ΤΩΝ ΑΤΤΩΝ.

1. ἄμφ' αὐτὴν δ' ἐμάχοντ' ἐννεακαίδεξ' ἔτη IV, 1.
 νωλεμέως, αἰεὶ ταλασίφρονα θυμόν ἔχοντες,
 αἰχμηταὶ πατέρων ἡμετέρων πατέρες.
 εἰκοστῷ δ' οἳ μὲν κατὰ πλοῖνα ἔργα λιπόντες
5. φεῦγον Ἰθωμαίων ἐκ μεγάλων ὀρέων. 5.
 * * * * *
 ὥσπερ ὄνοι μεγάλοις ἄχθεσι τειρόμενοι, VI, 1.
 δεσποσύνοισι φέροντες ἀναγκαίης ὑπο λυγρῆς
 ἡμισυ πᾶν, ὅσσον καρπὸν ἄρουρα φέρει.
 * * * * *
 * * * * *

et alter antiquiorum editorum iam ante me fecerat, perperam tamen illi praeterea θυμόν scribentes. Unice Homericum est μεθιέναι πολέμον, vulgatum atque adeo relictum a Brunckio et posterioribus μεθιέναι πόλεμον ne Graecum quidem.

V. 1. Strabonis codices ἄμφω τοῖδ'. Sed veram lectionem, receptam Brunckio, servavit Pausanias.

V. 8. Pausaniae codices ἡμισυ πᾶνδ' ὅσσον καρπὸν. Brunckius ἡμισυ πᾶν καρπῶν, οὐσπερ, quod longius etiam a scriptura librorum distat, quam Klotzianum ἡμισυ πᾶν καρπῶν, ὅσσον. Verissima Kuhnii emendatio ἡμισυ πᾶν, ὅσσον. Est autem ἡμισυ πᾶν tota pars dimidia, nihil minus, ut πάντα ἡμίσηα apud ipsum Pausaniam. Syntaxis, quae eadem est, ac si Latine dixeris partem dimidiam, quotquot fruges, hoc est partem dimidiam frugum, quascunque terra gignit, non vereor ne cui defensione egere videatur. Nemo enim ignorat, omnino relativum pronomen centies nomen adsciscere in utraque lingua. Quanquam sunt, quae de hac structura etiam nova dici et corrigi possint. Ne tamen nihil plane dixisse videar, apponam unum saltem Homeri locum, Iliad. α, 566.

μή νύ τοι οὐ χρεΐσσωσιν, ὅσοι θεοὶ εἰς ἐν Ὀλύμπῳ,
 ubi secundum vulgarem loquendi usum θεοὶ in priorē orationis membro ponendum erat.

CALLINUS.

N

- δεσπότης οἰμῶζοντες, ὁμῶς ἄλοχοί τε καὶ αὐτοί,
 10. εὐτέ τιν' οὐλομένη μοῖρα κίχοι θανάτου. 5.

IV. (X.)

E K T Ω N A T T Ω N.

πρὶν γ' ἀρετῆς πελάσαι τέρασιν ἢ θανάτου.

V. (XI.)

E K T Ω N A T T Ω N.

κίθωνος δὲ λέοντος ἔχων ἐν στήθεσι θυμὸν.

VI.

E K T H Σ E T N O M I A Σ.

1. οἷσιν ἅμα προλιπόντες ἐρινεὸν ἡνεμόεντα V, 2.
 εὐρεῖαν Πέλοπος νῆσον ἀφικόμεθα.

Fragm. IV. Post *πρὶν* inserui γέ, Brunckium secutus, idemque apud Homerum addendum puto, ubicunque *πρὶν* ante vocabula, quae digamma non habebant, productum reperitur, sive in arsi, sive in thesi. Similis Hermannii suspicio est de Actate Script. Argonaut. p. 700. Ceterum a nemine observatum miror, in verbis Plutarchi μὴ excidisse ante hunc versum.

VI, 1. Ἐρινεὸν littera initiali maiuscula recte scribitur apud Strabonem; is enim de loco Atticae cogitavit. Sed ipse Tyrtaeus haud dubie caprificum intellexit, imitatus Homerum Iliad. χ, 145.

οἱ δὲ παρὰ σκοπιῇν καὶ ἐρινεὸν ἡνεμόεντα etc.

quibus de verbis vlde Spohnium in Porsoni Adversariorum Corollario p. 18. seq. Convenerant igitur Tyrtaei comites in Attica ad caprificum quandam, atque inde fuerant in Peloponnesum profecti.

VII.

ΕΚ ΤΗΣ ΑΤΤΗΣ.

1.

Πολυδώρῳ;

ἡμετέρῳ βασιλῆϊ, θεοῖς τε φίλῳ Θεοπόμπῳ, VII, 1.

VII, 1. et 2. Pausaniae codices, omisso Polydori nomine:

ἡμετέρῳ βασιλῆϊ, θεοῖσι φίλῳ Θεοπόμπῳ,

quī versus metrica difficultate laborat. Nam quum caesuram trochaicam in pede quarto interdum indulserint sibi Homerus atque Hesiodus, magnam tamen offensionem habent ii versus, in quibus vocabulum, quod istam facit caesuram, amphibrachus est, ut hoc loco *θεοῖσι*, praeterquam ubi vox monosyllaba antecedit, quae proxime iungatur cum illo vocabulo. Quod qui praeclare animadvertit, Hermannus de Aetate Script. Argonaut. p. 693, non tamen ausus est tentare loca, in quibus offenderat. Quo magis mihi verendum est, ne temeritatis arguar, si neque usquam apud Homerum et Hesiodum, neque in hoc Tyrtaei versu ferendum dixerō amphibrachum istum, quum praesertim piaculum haberi soleat, in Homero quidquam omnino ex ingenio mutasse. Sed spero tamen, me ipsius Hermanni et similium virorum (nam imperitos non curo) assensionem impetraturum. Paucis igitur, quae ex Homero et Hesiodo ab Hermanno allata huc pertinent, pertractabo. Homerus Iliad. ε, 394.

Πηλεὺς θῆν μοι ἔπειτα γυναῖκα γαμήσεται αὐτός.

Sed hic versus, si quis alius, interpolatori debetur. Nam primum *γαμήσθαι* nusquam praeterea, certe apud Homerum, sic usurpatur, ut sit dare uxorem. Deinde superfluous est versus ille, sive orationis tenorem spectes, qui sine eo procedit optime, sive consideres, eandem rem paullo post dici his verbis v. 398. seqq.

ἔνθα δέ μοι μάλα πολλὸν ἐπίσαντο θυμὸς ἀγῆνωρ,
γῆμαντι μνηστὴν ἄλοχον, εἰκῆϊαν ἄκοιτιν,
κτῆμασι τέρεσθαι, τὰ γέρων ἐκτῆσατο Πηλεὺς.

Nam illic non potest aliud esse uxorem dare, quam facere uxorem eam, quam ipse Achilles sibi elegerit, id est instituere nuptias et dotem praebere. Alioqui repugnabit v. 397.

τάων ἣν κ' ἐθέλωμι, φίλην ποιήσομ' ἄκοιτιν.

Idem ibid. λ, 685.

ὃν δὲα Μεσσήνην εἵλομεν εὐρύχορον,

τοὺς ἴμεν, οἷσιν χρεῖος ὀφείλετ' ἐν Ἡλίδι διη;

et mox v. 697.

καὶ γὰρ τῷ χρεῖος μέγ' ὀφείλετ' ἐν Ἡλίδι διη.

Quos versus ne mireris ab Hermanno commemoratos, quum taccite omiserit tales, qualis hic est Iliad. δ, 162.

ὅν σφῆσι κεφαλῆσι, γυναιξὶ τε καὶ τεκέεσσιν.

cuiusmodi genuinos et incorruptos quatuor vel in Tyrtæo, plurimos apud Homerum Hesiodumque versus reperies. Nimirum illic caesura est ante, hic post vocem, quae insequitur, monosyllabam. Sed quis tulerit medium ὀφείλετο? Utrobique scribendum, si vacuus ab interpolatione locus:

ἐν Ἡλίδι διη ὀφείλετ.

Post, ψ, 587.

ἄνσχεο νῦν, πολλὸν γὰρ ἔγωγς νεώτερός εἰμι,

disiunctum, ut semper, scribendum ἔγω γε. Ibid. v. 760.

ἄγχι μάλ', ὥς ὅτε τίς τε γυναικὸς ἐνζώνοιο

στήθεός ἐστι κανὼν, ὃν τ' εὖ μάλα χερσὶ τανύσσει,

πηνίον ἐξέλκονσα παρὲκ μίτον, ἀγχόθι δ' ἴσχει

στήθεος· ὥς Ὀδυσσεὺς θένει ἐγγύθεν.

vitari facillime potuisset metricum illud incommodum, dicendo βαθυζώνοιο γυναικός. Sed praeterea perplexa oratio, quae ne intelligi quidem potest, nisi durissimam admiseris assumptionem voculae ἄγχι ad στήθεος, ne quid dicam de duplici genitivo γυναικός στήθεος, nec minus repetitum deinde ἀγχόθι δ' ἴσχει στήθεος interpolatorem prodit certissime. Homerum sic cecinisse crediderim;

ἄγχι μάλ', ὥστε κανὼν, ὃν τ' εὖ μάλα χερσὶ τανύσσει

πηνίον ἐξέλκονσα παρὲκ μίτον, ἀγχόθι δ' ἴσχει

στήθεος· ὥς Ὀδυσσεὺς θένει ἐγγύθεν.

Ἐξέλκονσα est ἐξέλκονσά τις, ut βοήσας Odyss. 1. 473.

ἀλλ' ὅτε τόσσον ἀπῆν, ὅσσον τε γέγωνε βοήσας,

quae rarior loquendi ratio interpolationem peperisse videtur. Odyss. η, 192.

μνησόμεθ', ὥς κ' ὀξείνος ἀνευθε πόνου καὶ ἀνίης etc.

restituas levi manu;

μνησόμεθ', ὥς ξείνος κ' ἀπάνευθε πόνου καὶ ἀνίης.

Hesiodus denique Theog. v. 319. seq.

ἥ δὲ Χίμαιραν ἔτικτε, πνέουσαν ἀμαιμάκετον πῦρ,
δεινὴν τε etc.

Sed locum vix dubito ita constituere a v. inde 313.

τὸ τρίτον Ἰδρην αὖτις ἐγείνατο λόγῳ εἰδυῖαν,
Λερναίην, ἣν θρέψε θεὰ λευκώλενος Ἥρη,
ἄπλητον κοτέουσα βίῃ Ἡρακλεῖν,
καὶ τήν (hoc est ἣν) μὲν Διὸς υἱὸς ἐνήρατο νηλεῖ χαλκῷ
Ἀμφιτρονιάδης, σὺν ἀρηϊφίλῳ Ἰολάῳ,
Ἡρακλῆς, βουλῇσιν Ἀθηναίης ἀγελαιῆς,
ἥ δὲ Χίμαιραν, ἀποπνέουσαν τ' αἰθόμενον πῦρ,
δεινὴν τε etc.

Nam primum hanc distinctionem et correctionem ἥ δὲ pro ἣ δὲ res ipsa flagitat. Deinde verbum ἔτικτε delendum vel propterea erat, quod sequebatur muta cum liquida, quae syllabam antecedentem more Atticorum corripere aegerime patitur. Assumendum ἐγείνατο e v. 313. Insolens porro, ne dicam insulsum, ignis epitheton est ἀμαιμάκετον. Tota denique versus correctio:

ἥ δὲ Χίμαιραν, ἀποπνέουσαν τ' αἰθόμενον πῦρ,
δεινὴν τε etc.

mirifice confirmatur versu Homérico de eadem Chimaera, Iliad. ζ, 132.

δεινὸν ἀποπνέουσα πυρὸς μένος αἰθόμενοιο.

Qui versus una cum praecedente insertus habetur ab a liena manu, ut bene iam pridem Heynius animadvertit, his ipsis versibus Hesiodeis de Chimaera, v. 323. seq. loco quidem satis inepto, nempe continuo post aliam monstri Hesiodeam descriptionem, quae cum Homérica in concordiam redigi nullo modo potest. Indidem repetenda origo lectionis ἀμαιμάκετον. Nam ibi Homerus ipsam Chimaeram vocat ἀμαιμακτέην, v. 179.

πρῶτον μὲν ἔα Χίμαιραν ἀμαιμακτέην ἐκίλευσεν
πεφνέμεν.

perinde ac π, 328. seq.

ὅς ἔα Χίμαιραν

θρέψεν ἀμαιμακτέην, πόλιν κακὸν ἀθρόοισιν.

Unde quum apud Hesiodum ad Χίμαιραν adscripsisset nescio quis in margine Homericum istud monstri epitheton, factum est, ut hoc postea ad ignem relatum expelleret genuinum ignis epitheton αἰθόμενον. Quodsi nullum e paucissimis his, quae sunt apud

*Μεσσήνην ἀγαθὴν μὲν ἀροῦν, ἀγαθὴν δὲ φυ-
τεύειν.*

* * * * *

Homerum et Hesiodum ab Hermanno observata, metricae illius licentiae exemplis sincerum tuto haberi potest: haud facile erit, qui mihi succenseat, si eandem nostro etiam Tyrtaei in versu tolerabilem esse negem. Non enim vereor, ne quis idem a Tyrtaeo expectari posse arbitretur, quod a Theognide, cuius hic versus est, 877. (861.)

οὔρεος ἐν βήσσει θεοῖσι φίλος θεότιμος,
quem fateor nostri esse simillimum. Ac sane nonnihil dubito, annon vel huic restituenda sit paronomasia:

οὔρεος ἐν βήσσει (vel potius βήσσει) θεοτίμητος θεότιμος.
Sed solum tamen amphibrachum, non etiam ipsam caesuram illam trochaicam, necessario tollendum puto apud Tyrtaeum, non aliter atque in Odysseae versu, a nobis sic emendato:

μνησόμεθ', ὥς ξείνος κ' ἀπάνευθε πόρον καὶ ἀνίης,
siquidem caesura ista per se, ut raro omnino, ita tum minime idoneam mutandi causam praebet, quum statim sequitur caesura in prima syllaba quinti pedis; quae quidem Hermanni verissima est observatio. Amphibrachum vero quo facillime expungeremus, adiungendum Theopompo putavimus collegam imperii Polydorum, adeoque ita scribendum:

*Πολυδώρῳ,
ἡμετέρῳ βασιλεῖ, θεοῖς τε φίλῳ Θεοπόμπῳ.*

Omisit Polydori nomen alterumque versum paullulum immutavit ipse fortasse Pausanias, qui quidem de solo loquitur Theopompo, neque omnino affert Tyrtaei versus, nisi ut hunc regem bello Messeniaco priori finem imposuisse ostendat. Sed Tyrtaeus, si voluit Lacedaemonios ad obedientiam regibus illis praestandam impellere, ne potuit quidem, si quid video, alterum sine altero commemorare.

V. 4. Codex *ἀγαθὸν μὲν ἀροῦν, ἀγαθὸν δὲ φυτεύειν*, quod esset absurdum, etiamsi alibi legeretur versus. Correxit Buttmannus, qui hunc illi locum assignavit.

5. Φοῖβου ἀκούσαντες Πυθωνόθεν οἰκάδ' ἔνεικαν VIII, 1.
μαντείας τε θεοῦ καὶ τελέεντ' ἔπειτα·
ἄρχειν μὲν βουλῆς θεοτιμῆτους βασιλῆας,
οἷσι μέλει Σπάρτας ἡμερόεσσα πόλις,
πρεσβύτας τε γέροντας, ἔπειτα δὲ δημότας ἄνδρας, 5.
10. εὐθείαις γνώμας ἀνταπαμειβομένους.

V. 5. Legebatur olim Πυθωνόθεν, οἱ τὰς νικᾷν. Emendavit Bryanus ex codice.

V. 8. Doricam formam Σπάρτας mutare non ausus sum in poeta apud Lacedaemonios degente.

V. 10. Libri εὐθείαις ῥήτραις. Quae si vera lectio esset, rogationes ad populum ῥήτραι appellarentur, nisi forte placuerit explicatio viri doctissimi, qui mutuam coniunctionem civilem senatus et populi ῥήτρας hic nominari, sibi persuasissimum habet. Illum vero nominis usum non diffiteor equidem per se fortasse defendi posse e plebiscito apud Demosthenem pro Cor. p. 235. l. 21. ed. Reisk. ἐκ τᾶς βουλᾶς λαβὼν ῥήτραν· data sibi a senatu auctoritate, rogationis ad populum ferendae. Sed satis constat, ut apud Homerum unica vis nominis est pactio per verba, ita apud Lacedaemonios solas *Lycurgi leges ῥήτρας* esse vocatas. Correctionem suppeditabunt verba Plutarchi, quae praecedunt: ὕστερον μέντοι τῶν πολλῶν ἀφαιρέσει καὶ προσθήσει τὰς γνώμας διαστρεφόντων καὶ παραβιάζομένων, Πολύδωρος καὶ Θεόπομπος οἱ βασιλεῖς τὰς τῇ ῥήτρᾳ παρενέγραψαν· Αἱ δὲ σχολιάς ὁ δᾶμος ἔλοιτο, τοὺς πρεσβυγενέας καὶ ἀρχαγετας ἀποστατήρας εἶμεν, τοῦτ' ἐστὶ μὴ κρυοῦν, ἀλλ' ὅλως ἀφίστασθαι καὶ διαλύειν τὸν δῆμον, ὡς ἐκτρέποντα καὶ μεταποιοῦντα τὴν γνώμην παρὰ τὸ βέλτιστον. Ubi quis est, quin videat, in legis fragmento ad σχολιάς intelligendum esse γνώμαν? Itaque Tyrtaeo etiam reddendum:

εὐθείαις γνώμας ἀνταπαμειβομένους,

hoc est respondentes rogationibus, seu potius, ut Latine loquamur, iudicia ferentes de rogationibus regum et senatorum non detortis, vel corruptis. Atqui facillime potuit aliquis illic ad σχολιάς assumere ῥήτραν, ex iis, quae apud Plutarchum proxima sunt: τῇ ῥήτρᾳ παρενέγραψαν· quod si quis fecit, non mirum, si idem sibi visus est emendasse Tyrtaeum, quum scriberet εὐθείαις ῥήτραις.

VIII. (IX.)

ΕΚ ΤΩΝ ΕΜΒΑΤΗΡΙΩΝ.

1. "Αγετ', ὦ Σπάρτας εὐάνδρου,
 κοῦροι πατέρων, πολιῆται,
 λαιᾶ μὲν ἴτον προβαλέσθε,
 δόρυ δ' εὐτόλμως πάλλοντες,
 5. μὴ φειδόμενοι τᾶς ζωᾶς.
 οὐ γὰρ πάτριον τᾶς Σπάρτας

V. 1. et 2. Pro inepto πρῶτον, vel πρότερον, veram lectionem πατέρων restituit Theod. Canterus Var. Lect. I, 10. qui primus totum fragmentum ad paroemiacos revocavit. Et exstat lectio illa in codice. Thierschius mutavit πολιῆται in πολιᾶται, et εὐάνδρου in εὐάνδρων, ordinemque verborum ita invertit:

"Αγετ', ὦ Σπάρτας πολιᾶται,
 κοῦροι πατέρων εὐάνδρων:

frustra, ut Hermannus ostendit, cui vera versuum debetur distinctio, et verborum κοῦροι πατέρων recta interpretatio: digni patribus filii.

V. 3. Deletum a Cantero τοι post μὲν deest in Tzetzta, ubi ceteroqui corruptius fere, quam apud Dionem, exstat fragmentum. Melius autem antiquum προβάλεσθε, praegresso ἄγετε, ut verissime monuit Hermannus, quam Thierschiannum προβαλέσθαι.

V. 4. Quam inserendam post δόρυ iure censet Hermannus particulam δέ, ea apud Dionem et Tzetzam re vera exstat. Omitti coepit a Morellio inde. In fine versus πάλλοντες pro βάλλοντες Thierschio debetur.

V. 6. Recepi post Brunckium correctionem Canteri, quae nititur in lectionibus οὐ γὰρ πρὶν τὰς Σπάρτα, et οὐ γὰρ πατρὶ τᾶς Σπάρτας, apud Dionem, et οὐ γὰρ πάτριον τῇ Σπάρτα, apud Tzetzam.

ADDENDA ET CORRIGENDA.

P. 41. l. 12. a fine adde: Novi equidem unum Graeci scriptoris locum, ubi carmina elegiaca non lugubria *Ἠλεος* appellantur, Erycii Epigr. XI, 4.: sed iste poeta, si sana lectio, Romanam potuit loquendi licentiam adoptare.

p. 43. l. 14. post *Prometheo* adde: et passim omnino apud Tragicos.

ibid. l. ult. addantur haec: Aliis argumentis Epistolae illius *γνησιότητα* impugnare alienum. Ne cui tamen, quid velim, obscurum sit, dicendum puto, neutiquam hoc me negare, quod alibi ipse testatur, scriptam ab Ovidio esse Sapphus ad Phaonem Epistolam. Illud nego, eam, quae hodie exstat, esse Ovidii. Genuina quidem huius poetae Epistola illa, quum in collectionem Heroidum, ut nuper ostendit Werferus, ab ipso non sit recepta, tanto facilius potuit interire, ac postea nova illi ab aliquo Ovidii imitatore substitui. Omiserat autem, ut arbitror, suam Ovidius hanc ob causam, quod exspectabat a Sabino suo Phaonis responsum, ut colligi licet ex Amor. II, 18, 34.

det votam Phoebo Lesbis amata lyram,

ubi *det* exponendum iniquo amatoris responso cogatur dare. Quem ad versum satis callide respexit Sapphicæ illius auctor Epistolæ v. 181 seqq.

Inde chelyn Phoebo, communia munera, ponam,

et sub ea versus unus et alter erit:

Grata lyram posui tibi, Phoebe, poetria Sappho;

convenit illa mihi, convenit illa tibi.

Repertam esse a recentissimo demum librario quodam germanam Ovidii Epistolam, antiquioribus, quorum codicibus adhuc usi sunt editores, ad unum omnibus ignotam, parum vel per se verisimile videretur, etiamsi nullum esset in ista omnium praestantissima, quam ferunt, Ovidiana Epistola internum fraudis vestigium.

p. 56. l. 13 et 14. del. verba: apud Plutarchum et alibi.

p. 57. l. ult. post *pronunciassse satis habeo* addatur per parentheses: abiudicatam esse Soloni etiam a Porsono, et assignatam poetae Judaeo vel Christiano, ex Thomae Gaisfordi Poetis

minoribus Graecis, quos nondum vidi, relatum reperio in Ephern. litter. Lips. a. 1816. m. Jan. p. 220.

p. 62. l. 2. a fine post *vere* addendum: sed nimis dubitanter, nullaue Tyrwhitti facta mentione.

p. 74. l. 12. adde: In locis Virgilii, Ovidii, Statii, ista pro opinione afferri solitis, fallere facillime possunt ea, ubi ter vocari dicuntur manes etiam ad inane sepulcrum. Quanquam enim nostro quidem in naufrago id fieri non potuit, si nomen eius fuit ignotum, hoc tamen haud sine specie veritatis inde efficitur, cenotaphia ex veterum opinione ad manes placandos aliquam vim habuisse. Atqui manarunt haec loca, ut ultro apparet, et luculentius etiam mox patebit, ex male intellectis Homeri versibus, Odyss. 4, 64 seqq.

οὐδ' ἄρα μοι προτέρω νῆες νίον ἀμφίλισσαι,
πρὶν τινα τῶν δειλῶν ἐτάρων τρις ἑκάστον αὔσαι,
οἱ δ' ἄνον ἐν πεδίῳ Κικόνων ὑπὸ δῆϊωθ' ἔντες.

ubi propterea nominatim ter invocantur Ulyssis comites, ne quis vivus remaneat, minime vero, mortuorum manes ad inanem tumulum, cuius saltem aliqua mentio, si haec mens esset poetae, facienda fuisset. Fac igitur, quod quatenus concedi queat, viderint alii, his versibus Virgilium ac posteriores quosdam poetas fuisse adductos, ut quondam religiosa fuisse cenotaphia existimarent. Re vera non fuisse ea ne apud Romanos quidem religiosa, vel notissima illa hac de re Iurisconsultorum controversia declarat, quorum altera pars ad Virgilium, altera ad Divos Fratres provocabat. Addas licet Propertium, I, 17, (18,) 11 seq. ubi versari se fingit in littore deserto, ibique Cynthiam alloqui his verbis:

*An poteris siccis mea fata reponere ocellis,
ossaque nulla tuo nostra tenere sinu?*

Ubi qui *mea fata* ex Graeco usu nominis *μῦθος* de cadavere, *reponere* autem de re funebri sic usurpatum ex Euripideo *θάψας χενὼ τάφῳ* egregie explanavit, vir doctus in Ephern. litter. Jen. a. 1806. m. Jul. p. 92. versum minorem aequae ac Paseratius referens eo, quod ossilegium nullum erat, quum absenti cenotaphium condebatur, idem tamen amplexus est opinionem vulgarem de cenotaphiis constitui solitis ad placandas umbras errantes. Qua una in re dissentendum est nobis a viro doctissimo, quoniam necessario haec debet esse sententia: *An sustinere sine lacrimis poteris, ita te mortuo mihi supremum honorem praestare, ut ossilegium mihi facere, iustaque sepultura manes placare nequeas?* Perspicua res et per se, et magis etiam e v. 15 seqq. ubi secum poeta reputat, quanto fuisset tolerabilius Romae manere, duosque puellae mores pervincere patientia, aut saltem, si quo mortis genere ibi sepulti et finiti dolores essent, praesenti sibi iusta persolvi a Cynthia. Quae cogitatio terminatur v. 24. isque ita se habet ex verissima Paseratii emendatione, quam tueretur etiam Broukhadius, nuperque recipere debebat Lachmannus:

Tum mihi non ullo pondere terra foret.

Quod secus erit ex mente poetae, si fuerit deserto in littore extinctus, quamvis cenotaphium ab amica sibi condatur. Sed largiamur, legendum esse:

*Ille meum extremo clamasset pulvere nomen,
ut mihi non ullo pondere terra foret.*

Quid tum? Nonne vel sic eodem redibit sententia? Quid? quod prior versus certissime prodit, fictum a Virgilio ex illis Homeri versibus esse morem, vocandi manes etiam ad cenotaphia, re vera nonnisi ad sepulcra esse vocatos. Quodsi religiosa ne apud Romanos quidem cenotaphia erant: quid dicemus de Graecis? quos quominus credamus umbras placari cenotaphiis existimasse, impediunt omnia.

p. 76. l. 9. et 10. a fine pro *soli enim Romani* scrib. *antiquiorum certe, qui minime, ut Romani, etc.*

p. 88. l. 12. adde: e recensione Imman. Bekkeri:

ibid. l. 14. leg. *κλεπτομένα* pro *κλεπτομένη*.

ibid. l. 15. et 16. scrib. *τοῦ ἐσθλοῦ* et *Θεόγνιδος* per synizesin.

p. 107. l. 2. a fine mea culpa *septimum* legitur pro *quintum*.

p. 147. l. 1. adde: Eandem in correctionem video incidisse Porsonum in Adv. p. 39. ed. Angl. Sed is quidem Casauboni putat mutationem esse *τὰ ἐλεγεία*.

p. 161. l. 3. a fine adde: An defendi possit in iis, quae excipiunt apud Platonem Tyrtaei versum, duplex *οὔτε*, quaerere non est nostrum. Sed haud negligendus in confirmando iudicio nostro de interpolatione distichi illius alter Platonis locus, ibid. II. p. 660. E. ubi eodem respiciens: *Οὐτ' ἄν*, inquit, *μνησαίμην, φησὶν ἑμὴν ὁ ποιητής*, — — *οὔτ' ἐν λόγῳ ἄνδρα τιθεῖμην, ὃς μὴ* — — *δρῶν — — ὀρέγοιτο, ἐγγύθεν ἰστάμενος*. Accedit etiam ad Platonem Euripides in Med. v. 547. (542.) seqq.

*εἴη δ' ἔμοιγε μήτε χροσὸς ἐν δόμοις,
μήτ' Ὀρφῶς κάλλιον ὑμῆσαι μέλος,
εἰ μὴ πῖσημος ἡ τύχη γένοιτό μοι,*

si verum est, quod putat Porsonus, formam orationis ibi esse e nostro apud Tyrtaeum loco adumbratam. Uterque locus, certe Platonicus, (nam de Euripide non diffiteor, ambiguum posse haberi, isne omnino huc respexerit, necne,) eandem, ac primus ille Platonis, constructionem tam aperte Tyrtaeo vindicat, ut iure mireris, distichum illud usque adhuc potuisse interpolationis notam effugere.

p. 174. l. 5. a fine addendum: Ubi quod ego dedi ex coniectura, *γυναικὶ δὲ πᾶσι χαρῆναί*, in fine editionis, qua utor, Stephanicae inter varias lectiones notatum reperio, e codice, ni fallor: nam si correctio esset Gulielmi Canteri, is etiam *λέγειν* videratur scripturus fuisse.

p. 186. l. 17. pro 322. leg. 323. (320.) seqq.

ibid. l. extr. et deinceps pro verbis: *Illud monendum putavi* — — *substantivam*, reponatur: *Sed haec notissima*. Immerito enim omissae significationis accusavi Schneiderum, qui attigit eam v. *δαῖος*, ut casu quodam felici, dum Lexicum eius evolvo, mature satis animadverti.

OPERARUM VITIA.

Quum a me ipso propter absentiam corrigi non potuerint plagulae huius libri prelo exeuntes, benevole excusabunt lectores, quae fugerunt eruditi correctoris aciem, typothetae errata, in quibus indicandis missam feci, quam raro quidem, sed animadverti tamen, orthographiae inconstantiam, cuius exemplum est in ipso praefationis principio nominis mei scriptura, et mox tibi, tua et sic porro littera initiali modo maiuscula modo minuscula, quam ubique ego posueram, excusum, neque etiam curiose recensenda putavi vocabula quaedam non recte divisa aut vitia interpunctionis, veluti puncta (ut hic quoque, quod primum in oculos incurrit, exemplum afferam) in prima statim linea libri posita, nata illa, nisi me fallit memoria, e scripturae compendio, quod postea expleram relictis fortasse punctis, et similia leviora quaedam. Paulo diligentius commemoranda duxi commissa in accentuum notatione peccata, e quibus pauca tantum, quae minima essent, omisi. Singula tamen, etiam levissima, quae in textu Tyrtaei animadverteram, vitia religiose enumeravi. Quod pauca omnino turbant sententiam, mecum lectores debent correctoris doctissimi diligentiae.

P. VII. l. 8. a fine leg. *voluisti* pro *volnisti*. p. 4. l. 5. a fine et *somnia* pro *a somniis*. p. 24. l. 11. et p. 27. l. 11. Graecum Philetae nomen ter expressum littera initiali minuscula. ibid. l. 2. a fine scribe. *δ'* pro *δ*. p. 33. l. 4. et 9. male collocata sunt hexametrorum initia. ibid. l. 4. a fine leg. *ἀποδέδοται* pro *ἀποδέτοται*. p. 34. l. 3. Sic mutandum in *Pro*. p. 39. l. ult. pro *antiquitas* leg. *antiquitus*. p. 42. l. 18. *apud* pro *aqud*. p. 44. l. 2. *ἔλεγον* pro *ἐλεγον*. p. 56. l. 5. a fine omissa est, quam apposueram ad significandum primi pedis defectum, transversa lineola, neque etiam recte positum hexametri fragmentum. p. 59. l. 2. leg. *ἐλεγμοποιηται* pro *ἐλεγμοποιηται*. p. 62. l. 15. *ἐλελιζομένη* pro *ἐλελιζομένη*. ibid. l. 8. a fine *ὀδυρεσθαι* pro *ὀδυρεσθαι*. p. 85. l. 8. a fine *ἐκλήθη* pro *ἐκλήθη*. p. 89. l. 11. a fine *ἐξ* pro *ἐξ*. p. 94. l. 11. *Quam* pro *Qam*. p. 95. l. 12. *ἀπνέτατο* pro *ἀπνέτατα*. p. 100. l. 16. *ab*
ων
pro *ob*. p. 110. l. 7. *Τεῖρας* (sic) pro *Τεῖρων*. p. 116. l. 22. post principium deest *regni*. p. 121. l. 8. a fine lege *νόμοι* pro

μύμοι. p. 123. l. 9. et 10. δευτέρα pro δευτέρα. p. 130. l. 11.
 a fine αὐλωδός pro αὐλωδός. p. 147. l. 17. πόλιν pro πόλιν.
 ibid. l. 11. a fine Λακωνικήν pro Λακωνικήν. p. 148. l. 10.
 sententiam pervertit comma post Nonne positum. p. 151. l. 4.
 a fine leg. προσήκει pro πρόσκει. p. 153. l. 6. — 8. turbata est
 versuum collocatio. p. 154. l. 10. a fine pro αἰσχρά leg. αἰσχρά.
 ibid. l. 8. a fine θήϊον pro θήϊον. p. 156. l. 5. στηρικθῆς pro
 στηρικθῆς. ibid. l. 6. στήρνα pro στήρνα. ibid. l. 12. pro
 αὐτοσχεδόν ἔγχεῖ scribe αὐτοσχεδόν ἔγχεῖ, quod recte expressum in
 ipsis Tyrtaei Reliquiis, sed in prooemio quater etiam praeterea
 depravatum, ibid. l. 11. a fine, p. 158. l. 11. et 21. postremo
 p. 159. l. 17. eadem errandi pertinacia, qua bis etiam Voll. II.
 pro Vol. II. expressum video, primum p. 177. l. 3. a fine,
 deinde p. 183. l. 13. a fine, et bis adeo repetitum p. 181. tam
 in ipsis poetae verbis, quam in annotatione, θνητὸς pro θνητὸς,
 quod contra recte excusum in prooemio p. 153. l. 7. Sed
 pergamus ordine. — p. 156. l. 2. a fine excidit ἀσπίδος ante
 ἀσπίδ. p. 157. l. 9. a fine leg. Iliad. v. 130. pro Iliad. v. 130.
 p. 158. l. 12. scribe οὐτάζων pro οὐτάζων. ibid. l. 7. a fine pro
 δεινόν leg. δεινόν. p. 159. l. 9. vidimus pro videmus. ibid. l. 11.
 pro commate positum semicolon. p. 160. init. perturbata
 versuum collocatio. p. 161. l. 11. leg. concinnam pro concinam.
 p. 162. l. 7. παλαιμοσύνης pro καλαιμοσύνης. p. 163. l. 13.
 a fine τύμβος pro θυμβος. ibid. l. 5. a fine ne quid pro ne
 quidem. p. 164. l. 16. deest adeo ante deficient. p. 165. l. 4.
 leg. οἴ τε pro οἱ τε et αὐτόν in fine versus pro αὐτόν. ibid. l. 10.
 a fine punctum in comma mutandum. p. 166. l. 7. scribe.
 ἀέθλον pro ἀέθλον et l. 15. a fine οὐδέ τις pro οὐδέ τις.
 ibid. l. 3. a fine corrig. excessisse pro excessisse. p. 170. l. 15.
 τῆς pro τῆς. p. 171. l. 6. et 7. Varroni pro Varrone.
 p. 172. l. 11. a fine pro ὄν scribe ὄν. p. 173. l. 5. pro γέροντας
 leg. γέροντας. p. 174. l. 7. et 8. oratoris verba versus speciem
 prae se ferunt. ibid. l. 11. scribe γυναικί pro γυναικί.
 p. 175. l. 5. pro γάρ scribe γάρ. ibid. l. 12. a fine Ω pro Ω et
 γάρ πως pro γάρ πως. Omnino in accentus inclinatione saepe
 peccatum, omninoque gravis pro acuto et contra positus, cuius
 generis plura deinceps nonnisi e textu Tyrtaei enotabo.
 ibid. l. 6. a fine scribe. ὅπη pro ὅπη. p. 176. l. 2. pro μηδέ
 leg. μηδέ, et comma ponendum in fine versus. ibid. l. extr.
 pro honestam leg. honestam. p. 177. l. 13. leg. ὑφ' pro ὑφ'.
 ibid. l. 20. ἴστε pro ἴστι. p. 178. l. 13. a fine iungatur pro
 iungatur. p. 179. l. 14. et iterum p. 180. l. 7. a fine α pro α.
 ibid. l. 3. a fine τὴν pro τὴν. p. 181. praeter molestum erro-
 rem, quo in textu pariter atque in annotatione θνητὸς posuit
 hypotheta pro θνητὸς, etiam l. 7. ἄνθος exstat pro ἄνθος, et
 l. 9. a fine προθύροισιν pro προθύροισιν. p. 182. l. 2. leg.
 πίνωνας pro πίνωνας. ibid. l. 6. οὐς κεν ἴκηται pro οὐς κεν ἴκηται.
 ibid. l. 3. a fine Wintertono pro Wintertone. p. 184. l. 1.
 punctum in comma mutandum. ibid. l. 11. scribe γίγνεται
 pro γίγνεται et εἰσπίσω τελέθει pro εἰσπίσω τελέθει. p. 185. l. 4.
 δὲ pro δε. ibid. l. 2. a fine peior pro prior. p. 186. l. 5. post
 Nos inserendum quod. ibid. l. 14. leg. τινά pro τινά et με-
 τὰφρενον pro μετὰφρενον. ibid. l. 4. a fine θηϊών pro θηϊών.
 p. 187. l. 3. διαβάς pro διαβάς. ibid. l. 10. a fine receptum pro
 receptum. ibid. l. 4. a fine μιν pro μιν. p. 188. l. 11. ὃ pro ὃ.
 ibid. l. 13. ἔλε pro ἔλε, ut omittam l. 23. μὲν ῥ' positum non

inclinato accentu. p. 189. l. 9. a fine divisim scrib. *Κινύριον*
βάθρον. p. 190. l. 10. leg. *ἀνθρώποισιν* pro *ἀνθρώποισιν*.
 ibid. l. 12. a fine *ἐπιόινιον* pro *ἐπιόινιον*. ibid. l. 8. a fine
ὑποθήσομαι pro *ὑποθήσομαι*. p. 191. l. 1. pro *ἐσθλόν* leg.
ἐσθλόν. ibid. l. 2. a fine scrib. *Ὅς τις* pro *Ὅς τις*. p. 192. l. 14.
εἰ pro *εἴ*. ibid. l. 7. a fine *correcta* pro *correctam*. ibid. l. 5.
 a fine *εἰκονοι* pro *εἰκονοι*. p. 193. l. 4. et 6. *θυμὸν* et *οἱ βαρυ-*
τόνως. p. 194. l. 17. a fine in marg. leg. 3. pro 2. ibid. l. 4.
 a fine *vide* pro *vide*. p. 195. (male excusum 295. et deinceps
 296. et 297.) l. 10. *quod* pro *qued*. p. 196. l. 7. *σφῆσιν* addita
 littera *ν* paragoga. ibid. l. 17. et p. 198. l. 19. *ὥς* pro *ὥς*.
 p. 196. l. 13. a fine *deinde* pro *deindo*. ibid. l. 10. a fine *ἄγχι*
 accentu caret et *τανύσση* iota subscripto. ibid. l. 3. a fine dis-
 iunctim scrib. *ὁ ξῆνος*, et *καὶ* pro *καὶ*. p. 197. l. 16. a fine
 scrib. *aliena* pro *a liena*. ibid. l. 5. a fine *ἀνθρώποισιν* pro
ἀθρώποισιν. ibid. l. 3. a fine *monstri* pro *montri*. p. 198. l. 15.
θεότιμος pro *θεότιμος*. p. 199. l. 3. *μὲν* pro *μὲν*. ibid. l. 5.
ἔπειτα pro *ἔπειτα*. ibid. l. 13. a fine *ἀρχαγέτας* pro *ἀρχαγέτας*.

**ORDO VERSUUM BRUNCKIANUS CUM NOSTRO
COLLATUS.**

I, 1—18.	—	—	—	I, 25—42.
I, 19—30.	—	—	—	I, 13—24.
II, 1—10.	—	—	—	I, 3—12.
II, 11—38.	—	—	—	I, 43—70.
III. — —	—	—	—	II. — —
IV. — —	—	—	—	III, 1—5.
V, 1 et 2.	—	—	—	I, 1 et 2.
V, 3 et 4.	—	—	—	VI. — —
VI. — —	—	—	—	III, 6—10.
VII. — —	—	—	—	VII, 2 et 3.
VIII. — —	—	—	—	VII, 5—10.
IX. — —	—	—	—	VIII. — —
X. — —	—	—	—	IV. — —
XI. — —	—	—	—	V. — —

1889

Princeton University Library



32101 056169145

This Book is Due

JUN 15 2007

P.U.L. Form 2

Princeton University Library



32101 056169145